



This is a digital copy of a book that was preserved for generations on library shelves before it was carefully scanned by Google as part of a project to make the world's books discoverable online.

It has survived long enough for the copyright to expire and the book to enter the public domain. A public domain book is one that was never subject to copyright or whose legal copyright term has expired. Whether a book is in the public domain may vary country to country. Public domain books are our gateways to the past, representing a wealth of history, culture and knowledge that's often difficult to discover.

Marks, notations and other marginalia present in the original volume will appear in this file - a reminder of this book's long journey from the publisher to a library and finally to you.

Usage guidelines


Google is proud to partner with libraries to digitize public domain materials and make them widely accessible. Public domain books belong to the public and we are merely their custodians. Nevertheless, this work is expensive, so in order to keep providing this resource, we have taken steps to prevent abuse by commercial parties, including placing technical restrictions on automated querying.

We also ask that you:

- + *Make non-commercial use of the files* We designed Google Book Search for use by individuals, and we request that you use these files for personal, non-commercial purposes.
- + *Refrain from automated querying* Do not send automated queries of any sort to Google's system: If you are conducting research on machine translation, optical character recognition or other areas where access to a large amount of text is helpful, please contact us. We encourage the use of public domain materials for these purposes and may be able to help.
- + *Maintain attribution* The Google "watermark" you see on each file is essential for informing people about this project and helping them find additional materials through Google Book Search. Please do not remove it.
- + *Keep it legal* Whatever your use, remember that you are responsible for ensuring that what you are doing is legal. Do not assume that just because we believe a book is in the public domain for users in the United States, that the work is also in the public domain for users in other countries. Whether a book is still in copyright varies from country to country, and we can't offer guidance on whether any specific use of any specific book is allowed. Please do not assume that a book's appearance in Google Book Search means it can be used in any manner anywhere in the world. Copyright infringement liability can be quite severe.

About Google Book Search


Google's mission is to organize the world's information and to make it universally accessible and useful. Google Book Search helps readers discover the world's books while helping authors and publishers reach new audiences. You can search through the full text of this book on the web at <http://books.google.com/>






600022992U







600022992U





NAHUMI

DE NINO VATICINIUM



EXPLICAVIT

EX ASSYRIIS MONUMENTIS ILLUSTRAVIT

OTTO STRAUSS.

A. MDCCCLIII.

PROSTAT BEROLINI APUD WILHELMUM HERTZ

LIBR. BESSER.

LONDINI APUD WILLIAMS ET NORGATE.

221. a. 115.

221. 2. 112.

CONSPECTUS LIBRI.

PROLEGOMENA.

CAPUT I. DE NAHUMO VATE.

§. 1. De nomine Nahumi.	I
§. 2. De origine Nahumi.	IV
§. 3. De aetate Nahumi	XIII

CAPUT II. DE RERUM IUDAICARUM ET ASSYRIARUM STATU, QUEM SPECTAT VATICINIUM.

§. 4. De conditione Iudaeorum	XIX
§. 5. De rebus Assyriorum	XXX

CAPUT III. DE VATICINIO NAHUMI.

§. 6. Brevis argumenti propositio	LXV
§. 7. De indole vaticinii	LXVI
§. 8. De eventu vaticinii	LXXIII
§. 9. Interpretum conspectus	LXXVII

COMMENTARIUS.

CAPUT PRIMUM	1
CAPUT ALTERUM	45
CAPUT TERTIUM	87

Addenda	131
Index	135

PROLEGOMENA.

CAPUT I.

DE NAHUMO VATE.

§. 1. DE NOMINE NAHUMI.

Nahumi vaticinium de Nino editum priusquam deinceps enarremus, primum disputandum nobis de vate est. Nec multa sunt, quae hac in quaestione licet indagare. Nomen eius et origo in titulo notata reperiuntur; dein, quo tempore et quonam loco fuerit vaticinatus, concludendo elici atque definiri potest; praeterea nihil statuere pro certo valemus. Age igitur in nominis inquiremus significationem.

Nomen נחום repetendum est a. v. נחם; habetur autem in eorum vv. numero, quae altera radicali l. reduplicata et producta eius vocali formantur, cfr. EWALDI ausführl. Lehrb. 1844, §. 155 b; quo in genere pronuntiatio נ ad passivam et intransitivam pertinet notionem, cfr. Ew. ibid., d; §. 149, d; cfr. נחום, שכר, חכר, חכר, אלו; significatur igitur is, qui plenus est eo, quod indicatur verbo. Iam vero נחם, quod in f. Kal non legitur, in reliquis speciebus plerumque notat consolari; cfr. GESENIJ thes. a. v.; ulciscendi enim potestas paucis tantummodo locis invenitur, v. c. Niph. Ies. I, 24; Ez. IV, 13. XXXI, 16. XXXII, 31; Hithp. Gen. XXVII, 42. Possit ergo duplex sensus verbo subiectus esse: aut eius, qui solatio affectus, solatio plenus est, aut eius, qui ulciscitur, qui non sine ultione offenditur. Ac si verbi respicimus usum, priorem illum praeferemus, praesertim cum nomina omnia

ab hoc verbo derivata non ad ultionis, sed solatii notionem pertineant, v. c. חַסְדִּים misericordia Hos. XIII, 14¹, חַסְדִּים, חַסְדִּים Hos. XI, 8; Ies. LVII, 18; Sach. I, 13; Ies. LXVI, 11; Iob. XV, 11 all.; neque vero nomina propria, quae huc cadunt, alterum flagitant sensum, נַחֵם 1 Paral. IV, 19. נַחֵם, Neh. I, 1, נַחֵם Neh. 7, נַחֵם 2 Reg. XV, 17 ss., נַחֵם 2 Reg. XXV, 23. Recte igitur significationem nominis reddidit CARPZOVIVS²: qui solatio affectus est; sensum potius expresserunt HIERONYMUS, LUTHERUS, ABARBANEL, cum interpretarentur: consolator; nam si quis magno ipse solatio affectus est, alios quoque probe valet consolari.

Haec autem nominis potestas vaticinii indolem uberius paullo post explicandam adeo perfecta comprehendit specie, vix ut temere quis videatur opinari, non personae nomen, sed appellationem officii illius, quod deus vati iniunxerit, expressam in titulo indigiti, quemadmodum Malachiae nomen a gravissimis quibusdam interpretibus expositum est³. Quod quominus admittamus, monemur primum eo, quod adiecto eius oppidi nomine, unde Nahum fuerit oriundus, certa quaedam vatis persona innuitur; tum vero quod Nahumi nomen apud Iudaeos haud ita raro reperitur⁴; v. c. inter Iesu etiam maiores in tabula genealogica a S. Luca exarata nono a Iosepho loco commemoratur *Ναοῦμ*⁵ *τοῦ Ἐσλὶ* (III, 25). Iam vero vix est, quod notemus, cum antiquis omnino temporibus, tum apud Israelitas nominum tam origines quam significationes in amplissimo loco fuisse constitutas; pleni enim sunt II. ss. exemplis eorum, quorum nomina, vel parentum spe et desiderio nuncupata, vel inspirante deo imposita, ingenii indolem et vitae rerumque gestarum rationem expressa fere atque praeclara referant imagine; quo in genere magna praesertim prophetarum pars est afferenda, Elias, Iesaias, Sacharjah all. Potest autem ea natura, quam Nahumi nomine descriptam vidimus, aut ad deum referri, aut ad prophetam; ubi illud sta-

1) Cfr. SIMSONII Comm. in Hoseam p. 329.

2) CARPZOVII Introd. III, p. 384.

3) Cfr. VITRINGA obs. II, p. 367. HENGSTENBERGH Christol. III, p. 372 ss.

4) Cfr. Mischna Baba batra V, 2. Schabb. II, 1. Nazir V, 4. cfr. HITZIGII proll. in Nah. WINERI Realwörterb. a. v. GESenio auctore (thes. a. v.) in Phoeniciis quoque marmoribus exhibetur.

5) Sic enim LXX reddiderunt nomen.

tuimus, CASPARI¹ verbis ratio rei optime illustratur: „Zu allen Zeiten gab es in Israel zahllose Personen, die in ihren Namen für sich selbst und ihre Volksgenossen eine immerwährende umherwandelnde Predigt waren von dem herrlichen Wesen und den grossen Thaten Jehovah's, ihres Gottes, so wie davon, wie das Herz zu ihm stehen und was man von ihm erbeten und erwarten sollte.“ Quod ubi ad nostrum nomen transfertur, licet satis praeclarum praebeat sensum, negari tamen nequit, de iis potius nominibus valere, quae cum v. יֵהוּה composita sunt, atque adeo aptius adhiberi in explicando v. נַחֲמִי, quam simplici v. נַחֲרִם. Quare, si ad hominis potius atque vatis referendum naturam videtur — nisi forte nomen puero a parentibus temere nec ulla sensus ratione habita impositum esse putandum est, quo in genere affirmari nihil potest — existimabimus Nahumi forsan parentes Israëlitae², cum regnum Ephraimiticum gravibus plagis ad internecionem usque concuteretur, constituto infantis recens nati nomine similia nuncupasse vota, qualia fecit Lamech, cum nasceretur Noach, Gen. V, 29. Utcunque est, praesagium nominis egregie evenit. Nahumo enim contigit, ut potentissimi hostis funditus evertendi species per visionem divinitus excitatam ei offerretur, unde summo ipse affectus solatio Iudaeos simul Manasse rege suo privatos, perniciem atque exitium ab Assyriis metuentes, consolaretur; nec eos solum, verum omnes omnino regni divini cives, qui seculari potestate unquam forent oppressi atque persumdati. Ac licet ad notionem nominis hunc in modum explicandam, ubi initium praesertim libri spectamus, magis idonea esse cogitatio ultoris videatur: altera tamen illa et praeclarior est et cumulator; „hostium enim deletio,“ ut I. H. MICHAELIS utar verbis, „ecclesiae est consolatio.“

1) Ueber Micha den Morasthiten p. 19.

2) Cfr. §. 2.

3) Cfr. CASPARI ibid. not. 20: „Bald fixirten fromme Eltern Lebenserfahrungen, die sie überhaupt oder grade eben gemacht hatten, oder ihnen wichtige Wahrheiten für sich und ihre Kinder durch die Namen, die sie ihnen gaben, ... bald legten sie Wünsche, Gebete, Glaubenshoffnungen für dieselben in ihrem Namen nieder, die der Herr oft glänzend erfüllte und dadurch in Weissagungen verwandelte, et.“

§. 2. DE ORIGINE NAHUMI.

Quoniam de nomine diximus, quod vaticinio praefixum reperitur, iam de origine agendum est ibidem declarata v. נַחֻם; quo secundum amplissimam exemplorum similitudinem docemur, Nahumum natum fuisse in oppido s. vico Elkosch. Deprehenditur enim consuetudo in Il. ss., ut eorum prophetarum qui nec nobili quodam genere orti nec eximiam ipsi celebritatem nacti fuissent, patriam una cum nomine inscriberent in titulis, qua ab aliis eiusdem nominis viris distinguerentur. Sic Ahia declaratur Silonita 1 Reg. XI, 29, Micha Morasthita Micha I, 1, Ieremias Anathothensis Ierem. XXIX, 1.

Antequam autem de situ huius oppidi quaeramus, absolvenda eorum opinio est, qui patrem prophetae v. נַחֻם indicari existimaverint. Quae non exorta recens est; Hieron. in prooemio asseverat: „quidam putant Helcesaeum patrem esse Nahum, et secundum hebraeam traditionem etiam ipsum prophetam fuisse;“ nec ignota Cyrillo erat, cum diceret: „ἐκληψόμεθα γὰρ, οὐχ ὡς ἐκ πατρὸς, ἀλλ’ ὡς ἐκ τόπου μᾶλλον τοῦ Ἑλκεσαίου· καὶ τοῦτο φαμεν ἐξ ἀναγινωσκόντων ἔχοντες τὴν παράδοσιν.“ et apud EPIPHANIAM de vitis proph. c. XVII, ubi de origine Nahumi dixerit, adscriptum est in margine: υἱὸς Ἑλκεσαίου ἀπὸ Ἰεσβεΐ. Putant etiam nonnulli vv. dd. IONATHANI targum huc referendum esse; at verba eius מְבִירָא קְשִׁי in utramque partem possunt torqueri, GROTII autem et DRUSII sententia, qui scribae mendum arguunt pro מְבִירָא קְשִׁי, coniecturae vix superat dignitatem. Secutus est hanc omnino opinionem VATABLUS, cum suspensi inter utramque et inopes consilii haerent ABEN-ESRA, KIMCHI, VITRINGA typ. doctr. proph.; grammatica quidem ratio utramque admittit sententiam¹; at vero 1) longe saepius, ne quid confunderetur, prophetarum maiores notantur v. בִּן, cfr. Ies. I, 1; Ier. I, 1; Hos. I, 1; Joel I, 1; Iona I, 1; Zeph. I, 1; Sach. I, 1; 2) de patre Nahumi nihil omnino traditum memoriae est, cum de vico Elkosch sat multa acceperimus. Quare eorum quoque nugis praetermissis, qui symbolicam aliquam notionem e nomine elicuerint pluviae serotinae (v. מְלָקֶשׁ), quia post Ionam cecinit

1) Cfr. Gesehni Lehrgebäude §. 122, 2.

(ABARB.), vel etiam a tarditate vindictae (all.) — longe plurimorum tam nostratium quam veterum vv. dd. sublevati consensu (e quibus v. c. afferimus R. SALOMONEM IARCHI, qui affirmavit: (אֵלְכֵסִי הָיָה שָׁם עִירָא), confestim ad gravissimam quaestionem de situ Elcesi instituendam transeamus.

Nostra memoria in duas omnino partes abierunt interpretes. Alii iique et longe plurimi et vetustissimis adiuti testimoniis locum in terra sacra quaerendum existimant, alii in Assyria, haud procul ab ipsa Nino; ab hac parte constiterunt EICHHORNIUS Introd. §. 335, I. D. MICHAELIS, GRIMMIUS, HETZEL Bibelwerk VII, p. 175, EWALDUS, RITTER Erdkunde vol. IX, p. 742 ss., TUCHIUS comm. de Nino urbe, LAYARD Nineveh p. 125 ss. Age utriusque fundamenta et argumenta examinemus diligentius.

I. Elkosch fuisse in Palaestina situm 1) primo loco ex antiquitate testimoniorum patet. Tradidit enim HIERONYMUS in prooem: „.... cum Helcesaei (all. Helcesei, Elcesi) usque hodie in Galilaea viculus *ḥit*, parvus quidem et vix ruinis veterum aedificiorum indicans vestigia, sed tamen notus Iudaeis et mihi quoque a circumducente monstratus“¹. Quod testimonium eius viri, qui in ipsa terra sacra vivebat, CYRILLI ALEX. confirmatur verbis, qui eodem fere tempore de v. *Ἐλκεσέ* docuit: „*καὶ μὴ δὲ αὐτὴ πάντως πον τῆς Ἰουδαίων χώρας*.“ Quo addendus etiam videtur EUSEBIUS, qui in Onomastico S. S. nihil quidem habet praeter hacc: „*Ἐλκεσέ, ὅθεν καὶ Ναοῦμ ὁ Ἐλκεσαῖος*“, tamen, si vicus non fuisset in Palaestina, sed in Assyria situs, nescio an notasset.

Eodem fere ab aliis ducimur auctoribus, etiamsi minor eorum videatur gravitas esse. PSEUDO-DOROTHEUS de prophh. „Hic

1) Cuius testimonii vim infringere sibi videbatur GASENIUS, cum thes. a. v. asseveraret: „Crederem homini, si vicum Elkos monstrasset, sed viculum ELKESI (ut tunc legere solebant *עֲלֵסִי* defective scriptum) monstranti non magis credo, quam mystagogo nostratium, qui peregrino homini germanice non admodum docto de oppido Hallische, Hallenser sciscitanti, ne quid ignorasse videretur, confestim vicum oppidumve proximum quodque ostenderet. Minime certam de ea re extitisse traditionem, vel ex diversitate eius apparet.“ At minus temere iudicasset v. d., modo diversis nominis pronuntiandi modis atque traditis a veteribus de situ eius opinionibus quidnam subiectum esset commune, diligenter reputavisset; ut omittam Hieronymum, qui maximam vitae partem in Palaestina degit, vix peregrino alicui Halas praetervolanti fuisse comparandum.

Nahum erat ab Elltesi (Elcesi) trans Bethabaram, de tribu Simeon; "et EPIPHANIUS¹ de vitis prophh. c. XVII: „*οὗτος ἦν ἀπὸ Ἑλκεσεί, πέραν τοῦ Ἰορδάνου εἰς Βηγαβάρ ἐκ φυλῆς Συμεών*." Hinc alii apparent hausisse: HESYCHIUS presb. de vitis prophh. (cfr. CARPZOVII introd.): „*ἀπὸ Ἑλκεσεῖν, πέραν τοῦ Τηνβαρεῖν, ἐκ φυλῆς Συμεών*;" postremo ISIDOR. HISPALENSIS lib. quaestt. c. XLVII: „Nahum de tribu Simeon in Helcesi trans Betharim natus ibique mortuus iacet in tumulto." — Iam ut ab EPIPHANIO proficiscamur, *Βηγαβάρ* frustra in omnibus terrae sacrae partibus quaeritur; neque enim confundi debet cum *Βηγαβρί*, uti scripsit THEOPHYLACTUS, et quod IOSEPHO teste (b. Iud. V, 26) non trans Iordanem, sed in Idumaea situm erat; imo sequenda nobis HUETII² et RELANDI³ erit sententia, qui *Βηγαβάρ* ex DOROTHEI Bethabara censuerunt corrigendum⁴, quo et aliorum etiamsi corrupta tendunt nomina Betharim, *Τηνβαρεῖν*, all. Licet autem Bethabara magnopere regione differat a Galilaea⁵, et testium illorum in minutis rebus dubia maxime fides sit: hoc saltem ex hisce etiam patet nominibus: secundum traditam deinceps Iudaeorum et patrum sententiam Elkosch s. Elcesi fuisse in Palaestina situm.

2) Quo accedit, quod aliunde etiam haec sententia confirmatur. Fertur enim Ebioniticae haereseos Elcesaitarum⁶, alias Sam-

1) De utriusque fide et auctoritate cfr. DELITZSCH diatriben de Pseudo-Dorotheo et Pseudo-Epiphania, commentationi de Habakuki proph. vita ct. adiunctam. Lips. 1842.

2) Demonstratio evangel. propos. IV, p. 439.

3) Palaestina p. 621.

4) *Βηγαβάρ* facile oritur e *Βηθαβαρά*, בית עבר, omisso ו; ac forsitan *Βηγαβρί* Iosephi illud Epiphaniae animo fuerit obversatum.

5) Cfr. RITTERI Erdkunde XV, p. 536 ss.

6) Cfr. EUSEBI hist. eccl. VI, 38. EPIPHAN. haeres. XIX. XXX. LIII. THEODORETI haerett. fabull. l. II, c. 7. *Κατὰ πασῶν αἰρέσεων* (Origenis philosophumena ed. MÜLLER Oxonii 1851) l. IX, 4. 13. 15. 17. X, 29. — SIEDEL von der Sekte der Elcesaiten Helmst. 1749. WALCHII Historie der Ketzereyen I, p. 587 ss. FUHRMANN W. B. der Kirchengesch. I, a. v. DELITZSCH in: Zeitschrift für luth. Theol. ed. RUDELS. et GUERICKE, 1841, I, p. 42. 43. GFRÖRER Philo II, p. 375—401. BUNSEN Hippolytus und seine Zeit I, p. 88. 171. 176. — Io. CONR. SCHWARZII comm. de Elcesaitis et eorum erroribus (monimm. ingeniorum tom. III) in usum meum convertere non licuit.

psaeorum appellatae¹, quae Traiano imperatore exorta Origenis etiam et vel Constantii tempore² commemoratur, auctor fuisse vir quidam Elxai, cuius nomen satis diversa a patribus scriptura exhibetur; „ab Epiphano enim varie nominatur *Ἠλξαι*, *Ἠλξαῖος* et *Ἠλκσσαῖος*, a THEODORETO *Ἠλκσαῖ* aut *Ἠλκασαῖ*, a METHODIO in convivio *Ἠλκασαῖος* vel *Ἠλκσσαῖος*“³, ab AUGUSTINO Elci, a IOANNE DAMASCENO *Ἠλκῆς*⁴, denique in (HIP-

1) Cfr. EPIPH. haer. LIII.

2) EPIPHANIUS luculentissimis verbis (haeres. XIX, edit. PETAVIUS v. I, p. 39 ss.) „Traiani tempore Elxai pseudopropheta ad Ossensorum s. Essensorum sectam, cuius asseclae in Nabataea, Ituraea, Moabitide, Areilitide incolebant, accessisse tradit atque opiniones eorum et amplificasse et immutavisse; horum autem dementia ad suam usque durare memoriam, cum Constantio imperatore sorores duae ex Elxai genere ortae divino honore efferrentur, Marthus, nuper mortua illa, et Marthana, quae etiam tum viveret.“ Quocum pugnare videtur, quod EUSEBIUS l. l. post sexagesimum Origenis annum (cfr. VI, 36) hanc haeresin exstistisse docet (*κατάρχεται*), ἥ καὶ ἄμα τῷ ἄρξασθαι ἀπέσβη. At ipsa ORIGENIS verba, quae laudat et unde suam de illis notitiam delibasse videtur, non docent tum demum eos exortos esse, sed ea tempestate (c. 247 p. Ch.) ecclesiam Palaestinensem infestavisse (*Ἐλήλυθέ τις ἐπὶ τοῦ παρόντος μέγα φρονῶν ἐπὶ τοῦ δύνασθαι πρᾶξαι γνῶμης ἀθέου καὶ ἀσεβείας καλουμένης Ἠλκσσαῖων, νικασίᾳ ἀνισταμένης ταῖς ἐκκλησίαις· ἐκείνη ἡ γνῶμη οἷα λέγει κακὰ καὶ*). Neque vero ideo quod in libro *κατὰ πασ. αἵρεσ.* (quem alii Origeni tribuunt; IACOBI (Deutsche Zeitschr. 1851. Iun.) et BUNSEN l. l. Hippolyto vindicaverunt), ultimo loco Elcesaitae commemorantur, cum haereses chronologico ordine ibi recenseantur, novissime tunc exortos fuisse credamus (cfr. BUNSEN l. l. p. 171. 176); imo nihil inde patet, quam quod medio sec. tertio magnam denuo celebritatem fuerint nacti. Nam quae EPIPHANIUS, cuius hac in re amplior quaedam auctoritas est, quoniam mirificum Elxai librum, quo opiniones eius expositae erant, probe videtur novisse (cfr. GROEGER. l. l. p. 375. 392 all.) — quae igitur de rebus Elcesaitarum et dogmatis tradidit, ea HIPPOLYTI libro magnopere omnino comprobantur (cfr. locos supra citatos); in quo notandum maxime est, quod novam peccatorum remissionem tertio Traiani anno futuram ab Elchasai enuntiatam affirmat (cfr. Orig. philosoph. ed. MILLER p. 292). Haec ad diiudicandam EUSEBII sententiam de origine eorum prolatam. Nec secus alia illa verba erunt explicanda: ἥ καὶ ἄμα τῷ ἄρξασθαι ἀπέσβη, quibus adstipulavit NICEPHORUS hist. eccles. V, 24, cum ab ORIGENE haeresin illam confestim extinctam esse traderet (cfr. SEMEL l. l. p. 19); quae referenda videntur eo, quod turbare ecclesias desierunt nec magnopere postea innotuerunt.

3) Cfr. COTLEMAN monum. eccl. Graecae I, p. 775.

4) Cfr. WALCH. l. l. p. 590.

POLYTI) libro *κατὰ πασῶν αἰρέσεων* nuper reperto illo Ἑλχασαῖ; quibus omnibus exarandi modis unam subiectam esse formam אלקשי, vix poterit negari¹; et si Elcesaitae ipso Epiphanio auctore ducis nomen interpretabantur: אל כסרי, vis abscondita², ita nostram conformabimus sententiam, ut nomen eius proprie notasse Elcesaitam s. Elcoschitam putemus, tum vero translatam esse a sectatoribus eius ad secretam illam potestatem, quam ingenio eius contineri crederent; id quod fieri eo facilius potuit, cum Galilaei ל. פ non aliter pronuntiare solerent quam כ³. Quare licet non certo inde probetur, veri tamen similis redditur, quod in Palaestina vicus quidam situs erat Elkosch.

3) Temere autem HITZIGIUS et KNOBELIUS⁴ Hieronymi testimonium augere sibi videntur eo, quod celeberrimum oppidum Capernaum Καπερναοῦμ s. Κεφαρναοῦμ) aliqua cum nostro Nahumo contineri ratione existimant. Probe quidem nomen illud non interpretantur „oppidum solatii“, uti placuit nonnullis, sed „vicus Nahumi“⁵; hoc tamen ad aliquem omnino Nahumum referendum est; nostrae quaestioni lux inde afferri nulla poterit. Nam Elcesi antiquum forte oppidi Capernaum fuisse nomen, in V. T. non commemorati, cogitari omnino nequit, cum Hieronymum tale quid fugere non debuisset; probe igitur Hirtz. hanc opinionem in I^{ma} comm. edit. declaratam in altera destituit; at ne hoc quidem conici potest, Nahumum Elcesi natum Capernai degisse; nam cum sub Manasse et Assarrhaddone esset vaticinatus, regio autem illa a. 722 a Salmanassare esset evacuata, fieri non potuit ut diu ibi commoraretur, ne dicam posteras gentes oppido inde imposuisse nomen.

4) Iam vero si cum eo, quod hucusque elaboravimus, Nahumi comparamus vaticinium, egregie utrumque videmus concinere. Omnino enim a) Israelitarum, decem tribuum dico, nullam habet rationem, inter quos vixisset, si in Assyria situm esset Elkosch; quorum certe commemorasset periculum, in quo aggredientibus Assyriorum hostibus in vicinia Nini versabantur; nam ישראל

1) Cfr. DELITZSCH l. l. p. 43. HAEVERNICK. Einl. II, b, 377.

2) Non moramur aliorum interpretandi conatus, qui sermonis neglexerunt leges; cfr. DELITZSCH. l. l. SEIDEL l. l. p. 16. 21. GUERICKE K. G. I, 143.

3) Cfr. DELITZSCH. l. l. p. 44.

4) Prophetismus der Hebräer II, p. 210.

5) Cfr. RITTERI Erdkunde XV, p. 335 ss. WINERI R. W. a. v.

II, 3 alio sensu accipiendum esse, infra probavimus p. 55; b) deinde imaginibus utitur e terra sacra petitis, cfr. I, 4, p. 18; c) denique omnis eius oratio aperte spectat Iudaeos, tum nominatim appellatos II, 1. 3, tum aliis indiciis sine dubio indigitatos, I, 9. II, 1.

II. Pergamus autem ad alterius sententiae examinandam rationem. Est vicus quidam, duobus itineribus a Mossula distans¹ (ubi sita olim Ninus erat), القوش, Alkosch s. Elkosch, in cuius vicinitate celebre quoddam monasterium reperitur Sti. Antonii²; ibi Nahumi prophetae ostenditur sepulcrum, Iudaeis aequae ac Christianis sacrum, et creberrime a peregrinis adorandi causa petitum³. 1) Primam eius memoriam tradidit ASSEMANI⁴, quo auctore Marcus, monachus illius coenobii quidam, s. XVI med., in literis ad Busbekum datis, huius viculi et Nahumi sepulcri fecit mentionem. Sepulcrum ipsum nulla omnino permagnae antiquitatis fert vestigia⁵. — Quantopere igitur ipsa testimoniorum antiquitate haec sententia alterâ illâ superatur!

2) Accedit, quod illustrium virorum sepulcra passim in oriente innumera exhibentur, omni plerumque auctoritate carentia; atque in ipsa illa Nini regione non solum a Ionae tumulo vicus et ruinarum acervus nomen accepit Nebbi Yunus⁶, verum Obadiae etiam et Iephthae⁷ aliorumque monumenta et sepulcra a credulis ostentantur incolis.

3) Porro cum eas reputarent regiones, in quas decem tribus abducti ab Assyriis viderentur, alii huic sententiae patrocinati sunt, alii extiterunt adversarii. Monuerunt enim HITZIGIUS et KNOBELIUS, non in illas propriae Assyriae plagas transportatos esse Israelitas, sed in Mesopotamiam, Babyloniam, Mediam, Gozan all.; contra WICHELHAUS⁸ in ipsa Adiabenes, quae postea

1) Cfr. RITTER. Erdk. IX, p. 746.

2) Cfr. ibidem p. 743.

3) Cfr. NIEBUHR Reisebeschreibung nach Arab. et. II, p. 352. RICH. narrative II, p. 99. M. LAYARD. l. l. p. 125 ss. RITTER l. l. IX, p. 743 ss.

4) Biblioth. orient. I, 525. III, 1, p. 352.

5) Cfr. LAYARD. l. l. p. 116.

6) Cfr. LAYARD. l. l. p. 250. 261.

7) Cfr. NIEBUHR l. l. II, p. 357. RITTER XI, p. 202.

8) WICHELHAUS das Exil der zehn Stämme Israels, Zeitschrift d. deutschen morgenl. Gesellsch. V, 1851, p. 367—482.

dicebatur, regione sedes eorum distributas fuisse, comprobare conatus est, atque adeo veri etiam similis videri, ut Nahumi patria fuerit Alkosch illud apud Tigridem situm. At vero omnis haec de exsilio decem tribuum quaestio in tam lubrico atque instabili versatur loco, vix ut quidquam inde concludi atque elici posse videatur.

4) Tum vero nemo usquam traditur propheta in decem tribuum exsilio fuisse versatus; Nahumi igitur unicum et singulare esset exemplar; quod quoniam universo reprobationis statui, in quo Israelitae fuerunt constituti, vix possit adaptari, si nihilominus esset accipiendum, sat validis atque efficacibus argumentis commendaretur oportet. At si Nahumi perlustramus vaticinium, mirari statim subit, quod nullo tangitur verbo, ipsi vati non minus, quam omnibus illis, qui in illa Nini vicinitate viverent, summum instare periculum ab hostibus, qui a septentrione et oriente accedere debebant. cfr. supra ad I, 4.

5) Cui argumento non multum tribueremus, si ipsis Nahumi verbis aliter doceremur. Contendunt enim huius sententiae patroni, subtilem locorum cognitionem a vate probari, et singularem reipublicae Assyriorum et rerum gestarum morumque insuper satis accuratam peritiam. Quae cuiusmodi sint, examine-mus. Laudavit TUCHIUS l. l. p. 67 campos circa urbem late patentes commemoratos II, v. 5 (בְּחֶרְצוֹר יְרֵד); quo tamen verbo non campos apertos, sed plateas suburbii indicari probavimus in comm. p. 62; deinde „propugnacula III, 12 et turres II, 2“ haud secus ad interpretationem non probe institutam referenda sunt, uti a. hh. ll. ostendetur; aedificiorum materia III, 14 non peculiarem esse Assyriis videbimus; tum vero portis ad fluvium situs II, 7 potentissimi regni caput munitum esse, aut audivisse ab ipsis Assyriis potuit Nahum, qui toties Palaestinam peragraverant, aut concludendo etiam valuit conicere, cum ad Tigridem positum esse constaret. Porro quod TUCHIUS delicatos civium mores affert reprehensos II, 6. III, 13, nullius esse momenti concedet, qui diligenter hos locos excusserit. Postremo quam rerum ab Assyriis gestarum asseverat cognitionem conspici I, 11, ea vel tenuissimam cuiuscunque Iudaei memoriam vix poterant effugere; nec minus futile est, quod ex perfidia gentis III, 4 et mercatorum multitudine III, 16 reipublicae statum accuratius perspectum coniecit. — At verendum mihi videtur, ne e mirifico

consensu, quo Nahumi verba cum monumentis contineri praesertim in re militari describenda saepissime ostendimus, sententiae illius patroni longe validiora eliciant argumenta. Quod ne admississe videremur, singulis fere locis monuimus, satis diu Assyriorum exercitus in Palaestina versatos fuisse, nec semel ante ipsas Hierosolymorum portas constitisse. — Haec igitur omnia vix ampliorem probant Assyriarum rerum cognitionem, quam quae de celeberrima et potentissima urbe inter omnes illo tempore debebat constare¹. Ac si multa tam vivide apparent descripta atque ante oculos legentium posita, quasi ipse vates coram vidisset omnia (EWALDUS): recolamus oportet, eas referri species, quae per visionem animo eius extrinsecus hausto fuerunt oblatae.

Neque vero in hisce argumentis, quae iamiam refutavimus, acquievit EWALDUS, sed ipsum sermonem quoque habere existimavit, quae Assyriam indolem olerent. Quo in genere affert tres voculas, quae sine dubio Assyriae essent: מְנוּרִים II, 8, מְסָרִים III, 17; at duas priores probe ex Hebraeo sermone notari posse infra videbimus (cfr. a. hh. ll.), et unum quod restat מְסָרִים (cfr. ibidem) ad caussas supra expositas referendum erit; deinde singularis suffixi species מְלֻאכָּה a poetico sermone repetenda est (cfr. ad II, 14). „Tum vero assequi non valemus quid hisce sibi verbis v. dd. voluerit: „aus der Fassung der Worte II, 1 vergl. Ies. LII, 7 folgt noch bestimmter, dass er sehr weit von Jerusalem und Juda redete. Wie dagegen ein Prophet in Jerusalem etwa um dieselbe Zeit (vel potius L annis post) von Ninive reden würde, sehen wir aus der sehr verschiedenen Haltung der Worte Ssef. II, 13–15;“ quae verba nec adeo diversa sunt (cfr. ad III, 19) et si quid differunt, ad temporis et scopi rationem satis diversam erit referendum. cfr. infra p. 47. — Postremo, quod tam copiose notat vatem de sola Nino facere verba, quam nemo e prophetis prioribus, vix est quod refutemus, cum in conditione populi, paullo post uberius explicanda, positum fuerit.

6) Quare cum nihil omnino esse intelligamus, quo vaticinium in Assyria editum esse comprobetur, accedit insuper, quod dudum monuit EICHHORNIIUS, §. 385: „das Band, welches ihn an die anderen Dichter und die früheren Propheten knüpft, ist viel

Cfr. HITZIGII proll. p. 227. HAEVERNICKII Einl. II, b. p. 376.

zu fest zusammengezogen, als es der Fall sein könnte, wenn er von ihnen ganz unabhängig, ohne sie gelesen zu haben, geschrieben hätte.“ Nam Iesaiæ non primæ solum partis, quæ dicitur, verum posterioris etiam loci aperte interdum a Nahumo recitantur (cfr. infra §. 3); at, si a parentibus sub Tiglath Pileare vel Salmanassare in Assyriam deportatis in vico Alkosch prope Ninum sito natus fuisset, quomodo, quaeso, Iesaiæ cc. LI et LII, diu post Salmanassaris tempestatem in remota longe Iudæa conscripta illa in suum convertere usum potuisset?

Quæ cum ita sint, fieri omnino non posse apparet, ut Nahum in Assyria natum ibique vaticinatum esse existimemus, sed in Galilæa vel ubivis in sacra terra oriundum, Ephraimitico regno destructo in Iudæam commigrasse et, quod verisimile est, Hierosolymis gravissimo reipublicæ tempore vaticinium edidisse.

III. Fuerunt autem, qui utrumque ita coniungi posse existimarent, ut Alkosch ab exsilibus in memoriam patrii oppidi Elkosch conditum videretur, quemadmodum nostris temporibus persaepe in America factum est ab iis, qui hinc eo transmigraverunt; sepulcro autem postea Nahumi nomen impositum esse; cfr. BERTHOLDT Einl. p. 1649. 52, HENDERSON Minor Prophets p. 270 ss; BLACKBURN Nineveh p. 182. Quæ sententia habet quidem, quo in animum sese insinuare valeat, siquidem possit probari, Israelitas in illas regiones revera fuisse transportatos; quod donec coniciatur tantum, tutius agemus, si nomen Alkosch aliunde repetendum, et Nahumi sepulcrum propter similitudinem nominum ab aliquo Iudæo vel Christiano postea excogitatum putemus.

Praeterea de Nahumi vita nihil certi traditum est. Si EPIPHANIO habenda fides est, e tribu Simeonitica ortus erat¹; quæ au-

1) Cfr. l. l.: *ἐκ φυλῆς Συμεών*. Quæ verba, cum excipiant nomen *Βηγαβάρ*, ad nostram memoriam usque plerique retulerunt ad oppidi regionem; unus e veteribus, qui EPIPHANII et DOROTHEI verba secuti sunt, LIDORUS HISPALENSIS probe scripsit: „Nahum de tribu Simeon in Helcesi trans Betharim natus est.“ At Simeonitarum sedes non continuis finibus circumscriptæ erant, sed passim per mediam Iudæorum portionem dissipatæ iacebant, cfr. Genes. XLIX, 7; Ios. XIX, 1. BACHMANN Erdbe-schr. I, 2, §. 408.

tem de miraculis eius et morte ille narravit, ea apertae videntur fabulae esse. Οὗτος μετὰ τὸν Ἰωνᾶν τέρας ἔδωκεν ἐπὶ τῇ Νινευί, ὅτι ὑπὸ ὑδάτων γλυκέων καὶ πυρὸς ἐπιγείου ἀποτελεῖται· ὃ καὶ γέγονεν· ἡ γὰρ περιέχουσα αὐτὴν λίμνη κατέκλυσεν αὐτὴν ἐν σεισμῳ, καὶ πῦρ ἐκ τῆς ἐρήμου ἐπέληθόν πάντα ὑψηλότερα αὐτῆς ἐνέπρησεν μέρη. Ἀπέθανεν δὲ Ναοῦμ ἐν εἰρήνῃ, καὶ ἐτάφη ἐν τῇ γῇ αὐτοῦ Βηγαβάρ. cfr. HUETII demonstr. evangel. IV, §. 5. CARPZOVII Introd. p. 387. In Martyrologio Romano Bethabarae mortuus atque sepultus esse traditur, et calendae Dezembres memoriae eius consecrantur¹.

§. 3. DE AETATE NAHUMI.

Iam vero aetatem Nahumi accuratius indagandam aggredientibus ingens statim vv. dd. occurrit discrepantia. Accidit enim Nahumo, quod alii quoque prophetae passi sunt, ex. gr. Obadia, ut per omne fere tempus, ex quo sacra vatum oracula scripto mandata ad posterios pervenerunt, diversis interpretum sententiis hic illic suis ei locus assignaretur. Quid? quod fuerunt etiam, qui vetustissimum omnium prophetarum (quorum quidem vaticinia perscripta sunt) Nahumum esse censerent (cfr. MARCKII comm. in XII proph.), cum IEHU et IOACHASI regum aetate vaticinatum esse asseverarent. Eorum autem, qui cum ratione potius et deliberatione disputaverunt, agmen ducit IOSEPHUS, qui Arch. IX, 11 Iothamo rege, CL annis ante Ninum eversam, Nahumum Ioniae vestigia pressisse tradidit. Deinde ab USSERIO (anal.), qui temere ad expugnationem Nini ab Arbace factam respexit, quippe de qua narraverit Diodorus, Achasi regno adscriptus est. Tum vero maxima interpretum pars eo convenerunt, quod Hiskiae aetatem maxime idoneam opinarentur, quo vatem cecinisse putarent, HIERONYMUS, THEODORETUS, THEOPHYLACTUS, CORNELIUS A LAPIDE, CALOVIVS, JAEGERUS all.; neque vero in tempore distinctius definiendo consentiunt; alii enim Salmanas-

1) Sequentibus diebus Habakuki et Zephaniae memoria, qui iudicii imminantis praedicatione cum Nahumo continentur (cfr. HAEVERNICK. Vorl. über Theol. des A. T. p. 160) satis ingeniose assignata est; quod quomodo a temporis ecclesiastici ratione repetendum sit, ostendit F. STRAUSS das evangelische Kirchenjahr p. 87. 89.

saris expeditione praeteracta ante Sanheribi cladem, si non totum oraculum, primum tamen caput editum esse existimarunt, HUE-TIUS, MARCKIUS, DRUSIUS, SAL. VON TIL, LIGHTFOOT (Chronicon); alii omne vaticinium eo retulerunt, quo illi c. II et III, nempe ad eos annos, qui Sanheribi cladem et receptum exceperunt, VITRINGA (typ. doctr. proph.), CALMET, CARPZOVIVS, BERTHOLDT, DE WETTIUS, GRAMBERG, KNOBELIUS, UMBREITIVS, KOESTERUS, HAEVERNICKIVS. — Porro luculentissimis argumentis Manassis aetatem indicari, probe ut nobis quidem persuasum est, plerique intellexerunt Iudaeorum magistri, secuti sententiam in l. Seder Olam expressam (p. 55. 105 ed. MAYER), v. c. IARCHI, ABARBANEL, GANZ (Zemach David ed. VORSTIVS); quorum partibus accesserunt L. CAPELLUS, VATABLUS, IAHNIUS, GRIMMIUS, nec non KALINSKIUS, qui definitis verbis declaravit: „quando iam in captivitate abductus fuit Manasses.“ — Iam ut continuetur sententiarum conspectus, propius ad eventum vaticinii descenderunt EWALDUS et HITZIGIVS, cum ille Phraortis aggressum, hic oppugnationem Nini priorem a Cyaxare institutam tanquam ansam vaticinii suspiciendam esse opinaretur. Sequuntur TREMELLIUS et IUNIUS, qui Iosiae aetatem sibi delegerunt; longius etiam abiit COCCEIVS, cui Ioia kimo rege vaticinium videbatur conscriptum; et CLEMENTEM ALEXANDRINUM, qui eo excessit ut (Στρομ. 1, 392) Zedekiae tempestatem doceret, superavit etiam BOCHARTUS, cui vel immensa, quam comparaverat, doctrina non profuit, quin (Phaleg. p. 6) Ieremiam et Ezechielem prius praedicasse quam Nahumum opinaretur, et quae illi de Aegyptiis nuntiavissent, ea a Nahumo esse confirmata (cfr. ad III, 8 ss. pag. 101).

In tanto tamque singulari vv. dd. dissensu, quippe quorum opiniones plus trecentis differant annis, mirum vix poterit videri, quod EICHHORNIVS de aetate vatis diligentius definienda desperavit; nihil enim pro certo affirmare ausus est, quam quod post Iesaiam vixerit; reliqua omnia arbitrariis opinionibus et commentis adscribenda esse. Nos vero interpretum discrepantia illa non prohibemur, quin nihilominus pro certo affirmari et demonstrari posse, quo tempore vaticinatus fuerit, existimemus. Neque vero oleum et operam eo perdemus, quod singulas deinceps interpretum sententias et argumenta examinemus, ea praesertim, quae ab interpretatione non recte, ut nobis videtur, instituta repetenda sint; sed, quae ad indigitandam vatis aetatem videantur

pertinere, ea ordine suo proponemus, aliorum autem placita gravissima, sua cuiusque oblata occasione, recensebimus. Quo facto speramus fore ut appareat, Manasse rege ab Assyriis Babylonem abducto, Nahumi vaticinium editum esse.

1) Ac primum quidem recolamus oportet, duodecim prophetarum librum ab iis, qui canónem V. Ti. ordine suo concinnaverunt, secundum temporis rationes dispositum esse¹. Unde docemur, Nahumi aetatem post Michaeam et ante Habakukum esse definiendam, i. e. intra nonaginta fere annos, qui inter primos Hiskiae² et primos Iosiae³ annos interiecti sunt.

2) Quem locum probe Nahumo assignatum esse, confirmatur iis vaticinii verbis, quibus aliorum prophetarum particulae aperte recitantur vel omnino respiciuntur, sicuti singulis deinceps locis brevi perstrinximus. Quo in genere ut omittamus singulare illud dicendi genus פארר כבצר פארר כלם פני II, 11, a Io ële mutuatum II, 6, Ionaë oraculum sine dubio referunt verba I, 3 ר'ארף אפים ונר, uti ostendimus infra p. 10. Ad Michaeae similitudinem nihil ita expressum est, ut certa inter utrumque ratio intercedere videatur; nam חשב רעה על ונר Mich. II, 3, Nah. I, 11 verbis tantummodo simile est, sententia longe utroque loco differt. At vero luculentissima vestigia Iesaiæ librum indigitant. Apparebit enim Ies. X, 27 recitari a Nah. I, 13; XIII, 16 N. III, 10; XXIV, 1 N. II, 1; XLVII, 2. 3 N. III, 5; LI, 19 N. III, 7; postremo LII, 1. 7 N. II, 1, et LII, 8 N. II, 3. Ac si quæ forte levius tantum videantur tangi, tamen, si una omnia comprehendamus cogitatione, gravissimum suppeditant argumentum. Primum enim, modo consideremus utriusque verba quonam sententiarum nexu enuntiata sint, fieri non poterit, quin Iesaiam intelligamus fontem esse, unde Nahumus illa derivaverit; unde sequitur, Nahumi vaticinium esse editum, cum omnis Iesaiæ liber literis esset mandatus, i. e. post extremos Hiskiae regis annos. Tum vero, quoniam Nahumi aetas ex aliis quoque iisque sat validis constet argumentis, novum habemus documentum ad refu-

1) De chronologico XII prophetarum ordine cfr. HENGSTB. Christol. III, p. 137 ss. DELITZSCH. Zeitschr. für luth. Theol. ed. RUDELB. et GÜER. 1842, I, p. 15 ss. CASPARI Obadi. p. 37 ss. HÆVERN. Einl. II, b, p. 275. JÄGER de ordine proph. min. chronologico, Tüb. Zeitschr. 1828, II.

2) Cfr. CASPARI über Micha p. 100.

3) DELITZSCH Hab. p. IV ss.

tandam eorum opinionem, qui alteram Iesaiani libri partem ad exilii tempora reiecerunt. — Deinde, ne altius descendamus quam ad Ieremiae aetatem, vetamur eo, quod in eius nonnullis locis Nahumi memoria resonat; cfr. Ierem. X, 19 c. Nah. III, 19; XIII, 22–26 c. N. III, 5; XXX, 8 c. N. I, 13; L, 37 c. N. III, 13; LI, 12 et N. III, 19; LI, 30 et N. III, 13; LI, 27 c. N. III, 17.

3) Quibus argumentis cum eius loci comprobetur ratio, quo Nahumi liber in dodekapropheto habetur, et eorum reiiciantur opiniones, qui prius eum vel serius vixisse, quam quo temporis spatio supra indicavimus: addendum est, sermonis quoque indolem Iesaianam aetatem olere; v. c. שָׁחָה I, 8 et מְצֹרָה II, 2 a Iesiae demum tempore reperiuntur usitata.

4) Alia autem indicia ipsa vaticinii verba suppeditant, ubi recte explicantur, atque adeo id, quod iam elicuimus, partim confirmant, partim distinctioribus finibus describendum suadent. Quae ut ordine temporis proponamus, primum Sanheribi non expeditio solum et, qua Iudaeos affecerit, angustia apparet praeteracta I, v. 9. 12, verum ad necem eius etiam, quemadmodum a Iesaja descripta constat XXXVII, 38 haud dubie respicitur I, 14; neque negari potest insolentium Rabsakis verborum memoriam deprehendi II, 14. cfr. pag. 86; nec male HAEVERNICKIUS eam rationem, qua de Iudaeis dicitur I, 7: „bonus Dominus, et munimento est die angustiae“ ct., Hiskiae tempestatem indigitare contendit; nos autem non hoc ei assentimur nomine, quod praesentis conditionis inde quaeramus indicium verum omnino Domini naturam describi existimamus, cuius praeclarum illud exemplum in recenti omnium memoria haereret; cfr. p. 24.

5) Tum vero Assyriorum potentia, cum ederetur oraculum, integra erat; cfr. I, 12: „licet integri et ita multi sint“ ct., cfr. II, 12. 13. III, v. 15–17; id quod satis magni momenti est. Temere enim HAEVERN. asseveravit: „schon bald nach Sanherib kann dies nicht mehr gesagt werden. Charhaddon's Regierung bezeichnet schon die letzten Versuche und Anstrengungen, den alten Glanz wieder herzustellen;“ at ea ratio potius invertenda est: nam post ignominiosum illum Sanheribi receptum auctoritatem et potentiam regni plane fuisse fractam, paullo post ostendemus; Assarhaddon autem, filius eius, veterem imperii gloriam non solum conatus est recuperare, verum revera restituit; ergo hoc demum regnante potentia eorum integra potuit appellari.

6) Porro ad eiusdem Assarhaddonis regnum pertinet, quod Iudaeis videmus periculum ab Assyriis imminere II, 1 „celebra Iuda festa tua, exsolve vota tua“ cfr. pag. 49; quid? quod iugo eorum et dominationi subiecti sunt, cfr. I, v. 11. 13. II, 1. Haec autem conditio illi tempori, quod Sanheribi cladem subsequutum est, nullo modo adaptari potest. Nam qui KNOBELII sequuntur sententiam, qui Iudaeis existimat timendum fuisse, ne Sanherib rex integris copiis collectis iterum peteret Iudaeam, ut acceptam cladem repararet, ii in idem incidunt vitium, quod modo notavimus. At vero Assarhaddon cum novos colonos in Ephraimiticam terram deduceret, qui evacuatos incolerent agros, copiae eius crebro Iudaeorum etiam fines vexaverunt, et vel regem eorum Manassem, occasione oblata, captum vinctumque Babylonem asportaverunt.

7) Iam vero non omittendum est, quod nusquam Nahum peccata populi arguit, nec atrocem defectum a Domino, quem admiserant, exprobrat, sed solam liberationem et salutem praedicat. Tale quid autem, ne forte in falsorum prophetarum numero haberetur, omittere omnino non poterat, nisi ea populi erat conditio, ut poenis peccata subsequutis satis superque videretur oppressus atque pessumdatus, atque adeo, quantum fieri posset, salutis promissae solatio a desperatione revocaretur. Quaerendum ergo aliquod tempus est, quo Iudaei, Manasse regnante, graviter afflicti summas calamitates et vel exitium atque perniciem reipublicae pertimuerint. Cuiusmodi tempestas unica reperitur illa, qua Manasse rege in captivitatem abducto ipsi verebantur, ne, quemadmodum Ephraimitico regno, ita Iudaico quoque interitus ab Assyriis propediem pararetur. cfr. §. 4.

8) Cui sententiae documentum praebent Nahuini verba I, 13 declarata „et vincula tua rumpam;“ quae ubi accurate comparantur cum Ies. X, 27, haud obscure ad regem vinctum captumque respicere videntur. cfr. p. 40.

Quae cum ita sint, totius libri ratione videmus tempus illud, quo Manasse vinctus Babylone tenebatur, non commendari solum verum flagitari. Quod insuper suadet eo, quod nulli praeter Assyrios commemorantur hostes, nisi forte Aegyptii; non multo post enim a Chaldaeis etiam timendum erat Iudaeis.

9) Quo accedit, quod vindictae de Assyriis sumendae instrumenta nullo modo nec nominantur neque aliquo indignantur indicio; hoc solum videtur moneri, non ab Aegyptiis¹ Ninum fore eveream. Et cum ea fere consuetudine omnes deinceps prophetae contineantur, ut quo propius absint ab eventibus vaticiniorum, eo distinctius atque expressius, sicuti omnia, ita instrumenta quoque divinae voluntatis describant, non temere concludemus, Nahumi oraculum satis diu esse enuntiatum antequam eveniret. Hanc autem rationem satis gravem plane neglexerunt EWALDUS et HITZIGIUS, qui, quantum posset fieri proxime ab eventu constiterunt; quorum sententiam ideo quoque prorsus improbandam censemus, quod humanae vatis menti atque deliberationi nimium tribuunt; id quod expressis EWALDI verbis illis comprobatur, quibus disputationem suam inchoavit: „die Weissagung muss durch den Kriegszug mächtiger Feinde gegen Ninive veranlasst sein;“ ac licet addiderit: „die Schilderungen von Eroberung und Plünderung Nineve's sind zwar, so wie sie hier entworfen werden, aus rein prophetischer Anschauung geflossen“ — tamen id, quod proprie dici debet propheticum, funditus sustulit, cum asseveraret: „allein soviel zeigt die ganze Haltung der Weissagung, dass ein drohender Kriegszug gegen Ninive bereits in voller Thätigkeit war, dass die Grenzfestungen schon fielen, ct. ct., und nur die Art, wie diese sichtbare Gefahr im Verhältniss zu den ewigen Wahrheiten aufgefasst wird, ist das eigentlich Prophetische.“ Ergo Nahumi vaticinium non videtur a visione repetendum divinitus excitata atque moderata (cfr. I, 1 ספר חזון), sed nihil est quam — carmen didacticum! —

Iam vero temporis notatio illa, quam modo indagavimus, quantopere cum universa vaticinii indole concinat, confestim apparebit, ubi rerum Iudaicarum statum atque conditionem diligentius descripserimus.

1) Thebarum expugnatio, III, v. 8—10 commemorata, ad indagandam Nahumi aetatem nihil pertinere potest; missa enim interpretum longe plurimorum opinione, non praeteractam aliquam afferri cladem, sed praedici futuram existimamus; id quod luculentis argumentis comprobasse nobis videmur p. 98—102.

CAPUT II.

DE RERUM JUDAICARUM ET ASSYRIARUM STATU, QUEM SPECTAT VATICINIUM.

§. 4. DE CONDITIOE IUDAEORUM.

Sacros Israelitarum prophetas constat non temere nec nulla provocatos occasione et necessitate fuisse vaticinatos, verum summis deinceps temporibus, cum respublica in periculo et discrimine versaretur, et humani ingenii atque consilii impotentia divina luce et auxilio egeret. Hoc enim munus sacris Domini vatibus iniunctum erat, ut divino spiritu instincti atque illuminati, rerum a deo gestarum explicata ratione et futurarum specie proposita, praesenti cuique populi statui ita moderarentur, ut ad amplectendam salutem, si non universa gens, electa tamen eius rudera conformarentur. Cuiusvis igitur vaticinii causa et ratio e temporis sui conditione eruenda est.

Iam vero, priusquam civitatis divinae statum, qualis Nahumi aetate erat, tristissimum ac paene desperatum enarremus, memoria paullo altius redeamus oportet.

Ubi Israelitarum historiam inde a primo templo absoluto ad alterum usque cogitando complectimur, medio fere inter utrumque loco interiectam videmus Ussiae regis mortem (a. Ch. 758). Exactis enim laetissimis Salomonis diebus, confestim pestis illa, sub superficie diu grassata atque interdum palam deprehensa, summa cum violentia erupit: invidia decem tribuum erga Iudaeos diu cohibita potentissimam rempublicam in duas laceravit particulas, et defectus a Domino, cui Salomo primum conniverat, postea sese ipsum aperte dederat, ita auctus est, ut in regno Ephraimitico idololatria rite instituta fere ad eversionem usque semper durâret, Iudaei autem inter Domini et idolorum cultum suspensi modo hos modo illum sequerentur; et cum decem tribus statim destinaretur interitus atque internecio, Iudaeis tem-

pus quoddam et optio facta est, num forte poenis peccata sua gravioribus deinceps subsecutis in poenitentiam acti, ad iustum clementemque Dominum suum integris animis reverterentur. Quare ad exsequendam punitionem Aegyptii primum Sisako rege ceperunt Hierosolyma; deinde ad Ussiae regis aetatem, quo magis dei praecepta neglexerunt et suis confiderunt viribus, a vicinis gentibus minoribus vexabantur. Nihilominus victoriam etiam et felicitatem largitus est Dominus, ut benignitate converterentur ad poenitentiam, atque adeo Ussiae tempore summam prosperitatem utrique regno conciliavit, subactis omnibus gentibus ab Ezeon Geber ad Thapsacum¹ — at eo magis in luxuriam et superbiam et aliarum religionum cupiditatem inciderunt, quas summa morum depravatio et atrocissima quaeque facinora sequebantur. Quare cum statutum conversionis tempus sprevisset et idolorum Canaanensium cultu inde a Ioaso rege magis magisque inquinarentur, Dominus mortifero Ussiae anno per Iesaiam prophetam diram dixit sententiam (Ies. VI), ut iam obstinatae contumaciae atque pernicipi traderentur, nec amplius etiamsi audirent verbum, redire et servari ab interitu possent.

Ita factum est, ut Iudaei statim funestissimo bello a Syris et Ephraemitis illato a summo gloriae fastigio in extremam delicerentur miseriam², et, cum pessimus rex Achas Assyriorum implorasset auxilium, arbitrio eorum ac paene dominationi subigerentur; atque adeo, cum plus ducentis quinquaginta annis cum minoribus tantummodo gentibus conflictandum fuisset³, iam ab ingenti regno mundano non vexari solum, verum pessumdari et contundi coepti sunt. Nihilominus quadraginta fere annis praeteractis Dominus celeberrimo exemplo ostendit, quid etiam tum valerent Iudaei, si non a gentibus deo infestis peterent auxilium, sed suam implorarent gratiam et omnipotentiam; Assyrios enim ad summum potentiae culmen evectos ante Hierosolymorum por-

1) Cfr. KEIL Commentar über die Bb. der Könige, ad 2 Reg. XV, 16, p. 459.

2) Cfr. CASPARI der syrisch-ephraimitische Krieg p. 8 ss., qui copiose et egregie de huius belli ratione et pondere disputavit.

3) Praeter ceteros Syri Damasceni, qui singulari quadam ratione cum utroque regno continebantur, continui fere irritamenti simul et flagelli munere fungebantur; quorum vices iam longe gravius agendas susceperunt Assyrii. cfr. CASPARI l. l. p. 19—21.

tas adeo perculit, ut tarde demum ab horrenda clade respirarent. — At ipse etiam Hiskias prosperum fortunae flatum se ferre non posse probavit; nam cum vix mirifice esset expertus, non in hominibus sed in solo deo confidendum esse, tamen cum Babylonii amicitiam et societatem ei offerrent, blanditiis eorum pellectus, ut foedere sese dignum commonstraret, omnes iis opes et munimenta iactando ostendit. Tum vero Iesaias¹ „ecce,“ inquit, „venient dies, et auferuntur omnia, quae in domo tua sunt et quae congesserunt patres tui usque ad hunc diem, Babylonem; non retardabitur hoc verbum, dicit Dominus; et ex filiis tuis, qui a te exiverunt, quos gignes, sumuntur et sunt ministri in palatio regis Babyloniae!“ — Haec autem vox haud ita multo post partim evenit; nam, a quibus tam splendide et gloriose erat vindicatus, ab iisdem Assyriis Manasse filius Babylonem in captivitatem abductus est.

Tertio anno posteaquam a mortifero morbo Hiskias fuit servatus², natus est Manasse³. Qui cum XII^{mo} aetatis anno ad regnum pervenisset, vel nefariis magistrorum consiliis⁴, vel pravorum forsitan amicorum illecebris seductus, ipsa insuper naturae vitiositate stimulante, et connivente iuventute ad omnia malorum irritamenta parum munita⁵, eo excessit perversitatis, ut numquam atrociora vitia viderint Hierosolyma. Nam destructo Domini vivi verique cultu, quem summa cum diligentia et solli-

1) Ies. XXXIX, 5 6.

2) Quindecim anni Hiskiae post morbum erant destinati, cfr. Ies. XXXVIII, 5, Manasse autem duodecim annos natus rerum potitus est, 2 Reg. XXI, 1. 2 Paralipp. XXXIII, 1.

3) Quoniam in II. ss. malorum regum gesta festinantius solent expediri, ad concinnandam Manassis historiam, quippe qui LV annos, diutissime omnium, regnaverit, praeter ea, quae ex ipso Nahumo patent, nihil pertinet nisi 2 Reg. XXI, v. 1—19 et 2 Paralipp. XXXIII, v. 1—21. Contra EWALDUS (Gesch. des Volkes Israel III, a, p. 364 ss.) egregiam fontium silvam huic tempori obtrudit, Deuteronomium, librum Iobi, Ies. LII, 13 — LIII, 12. LVI, 8 — LVII, 11, Ps. X, 1 — 11, XVI, XC, CXL — CXLII all., quos omnes longe aliis temporibus adscribendos ecclesiae magno consensu censemus; ac licet ad universam rerum enarrationem, satis luculenter et praeclare ab eo institutam, opinionum commenta illa non magnopere pertinuerint, tamen in singulis rebus, fictitiis fontibus illis nixus, haud pauca arbitrarie contendit.

4) Cfr. HÄSSLI Geschichte der Könige II, p. 165 ss.

5) Cfr. KENAN I. I. p. 559.

citudine restituerat pater, gentium sese superstitionibus audacius dedit, quam quod ullus antea rex fuerat ausus; id quod eo facilius perpetravit, quo inveterata populi ad idololatriam propensio Hiskiae studio cohibita potius quam eradicata erat, et sat multi etiam vixerunt, qui XXIX annis ante Achasi superstitiones sectati, libidini diu coërcitae pronis iam animis indulgerent. Ac sicuti post emendata sacra impietas recenti cum impetu solet refragari, ita idololatria et nequitia cum violentia adhuc inaudita grassari coepit. Non enim in iis superstitionibus faciendis acquievit Manasse, quae maiores iam dudum admiserant, Syro-Phoeniciis, Ammoniticis aliarumque gentium accolentium, verum etiam siderum cultum, ab Assyriis mutuatum¹, petulantius Achaso insti-

1) Probe notaverunt MOVENSIVS (Phoenizier I, p. 56 ss. 164 ss.) et KELLIVS (comm. in II. regg. p. 559 ss.) universum coelorum exercitum eadem tempestate, quam Assyriam vocamus, religiosius ab Israelitis coeptum fuisse; idque ad Assyriorum commercium esse referendum, inde apparet, quod Assyrii non solem tantum et lunam, verum coelestia omnino corpora adorabant, uti traditum a veteribus est et monumentis praedare comprobatur; unde etiam apparet temere iudicasse MOVENSIVM, Assyriorum religionem fuisse non idololatriam sed purum siderum cultum, nullis humanae similitudinis imaginibus admissis (I, p. 68); permultae enim deorum imagines in marmoribus inveniuntur expressae; verum, ad quanam numina singulae deinceps referendae sint, non prius statui certo potest, quam scriptio cuneata satis sit enucleata. Quae adhuc in hoc genere conscripta sunt, ea coniciendo fere indagata sunt, atque multiplici discrepantia etiam incertiora redduntur. (cfr. LAYARD Niniveh u. s. Ueberreste p. 410 ss.; (BONOM) The buried city of the East p. 189 ss.; GOSSE Assyria p. 65 ss.; GROTEFEND, Anlage u. Zerstörung d. Gebäude zu Nimrud p. 27 ss.; quo adde RAWLINSONIVM qui varia nuper deorum nomina, quae occurrant in inscriptionibus, proposuit in: Outlines of Assyrian history p. XVIII ss.) — At vero licet totius mythologiae huius ratio satis adhuc obscura sit, tamen, quae ad illustrandos II. ss. pertineant, accurato monumentorum examine et comparatione videntur investigari posse. Ac primum quidem summum numen, „rex omnium deorum magnorum“ (RAWLINSON Commentary on cuneif. insc. p. 31), Baal s. Assar, Assur, Assarak (ibid. p. 26. Outlines p. XVIII) duabus imaginibus exprimitur; altera circulum exhibet tribus alis ornatam, in quo humanae plerumque figurae pars superior conspicitur (cfr. LAYARD. l. l. fig. 79, a. b. c; eiusdem Monuments of Nineveh tab. 6. 25. 34. 39. 41. 53 all. BONOM l. l. p. 253); in Assyriis tabulis non invenitur nisi volitans super arbore sacra, infra commemoranda, vel super rege, quem aut comitatur fere in proeliis, et quocum omnes gestus et manipulationes communes agit, aut a quo supplice adoratur. Eadem imago diversa paullo ratione delineata apud Aegyptios notissimum est solis simu-

tuit; in utroque templi atrio (pontificum et populi) electis Domini altaribus, Baali, Astarti, et universo coelorum exercitui foedas erexit aras; et, quod nemo antea fuerat ausus, in ipsa aede Domini tetrum Astartis simulacrum constituit. Porro, quod

lacrum, nec non apud Persas invenitur (cfr. LAY. I. I. p. 476. VAUX Niveh and Persepolis p. 398). Gravior autem altera est summi numinis imago, quae ostendit virum, sicuti omnes dii, permagnis aliis praeditum, qui altera manu fructum palmae tenet, altera vas s. panistrum (de quibus hic non est disputandi locus); insignis autem est capite aquilino (cfr. LAY. fig. 1. BONOM. p. 256 all.). Atque haec quidem figura vix dubitandum est quin referat numen illud, in cuius aede Sanherib traditur interfectus esse, נִסְרִי, Ies. XXXVII, 38. 2 Reg. XIX, 37. (cfr. RAWLINS. Commentary p. 26 ss. BOZ. I. I. p. 197 ss. GROTEF. I. I. p. 10. 33). Summa eius dignitas atque eximius etiam locus praeter cetera numina esse videtur (cfr. GROTEF. p. 33), et in palatio Nimrudensi quod caurum spectat, sacrum eius repertum est, de quo diximus infra ad I, 14 pag. 41. 42. Nomen נִסְרִי paululum quidem differt ab Assaraco; at e diversis rationibus quibus LXX reddiderunt, *Νασαράχ*, *Μεσπερίχ*, *Ἐσπερίχ*, *Ἀσπαρίχ*, posterior propius abest. Neque vero eorum sequimur opinionem, qui nomen retulerint ad v. נִסְרִי, *نسر* aquila, cum *א* s. *א* non raro Assyriis et Babylonis adiciatur nominibus (cfr. אֲרִיָּה; GROTEF. p. 40); nam Assaraci nomen aperte prodiit ex Assar s. Assur, RAWLINS. Comm. p. 27; facilius accipi potest, ut Israelitae propter caput aquilinum similem vocis sonitum cum v. נִסְרִי confinxisse videantur.

Tum vero haud raro in monumentis singularis quaedam arboris sacrae conspicitur species (cfr. LAY. fig. 33), summae deae simulacrum, Astartes, quae Assyriis audiebat Yastara, cfr. RAWLINS. Outlines ct. p. XX; vix enim aliter quam coniuncta cum Baalis symbolo illo, primum descripto, vel ab aliis diis honore affecta reperitur. (cfr. LAY. fig. 31, a; p. 410. 426. BOZ. p. 159. 262 all. GOSSE Ass. p. 94 ss. GROTEF. p. 37). Satis autem diversae eius formae inveniuntur. Saepissime occurrit truncus compluribus nodis distinctus, qui surgere e solo videtur, atque in septena folia exorescit, vittis velisque circumdatus, adeo tamen exornatus, vix ut a columna ad arboris similitudinem artificiose conformata distingui possit. Alias deinde superior tantum eius pars reperitur (cfr. GOSSE, p. 125); porro conspicitur truncus tribus fere nodis variatus, septenis foliis ornatus, et plus viginti fructibus (palmarum dactylis, ut videtur) insignis (cfr. LAY. Monuments of Nin. tab. 6); in cylindris deinde simplicior etiam species cum trinis foliis fructibusque delineata est (cfr. HOFER Chaldée ct. tab. 19, fig. 2; 21, fig. 4); postremo etiam simplex arboris figura, nullo artificio praeter nodos variata, multis fructibus et foliis praedita, in panistro dei cuiusdam expressa est (cfr. GOSSE Ass. p. 104). Quae cum ita sint, amplissima lux accedit ad difficillimam quaestionem, quae est de simulacro Astartes, אֲשֶׁרֶת, quod saepissime in II. ss. commemoratur,

cum his religionibus coniunctum esse solet, divinationum et praestigiarum quaevis genera instauravit, et filios suos in Molochi honorem per flammam transire fecit in valle Ben Hinnom; eaque omnia tanta cum insania perpetravit, ut abominandos gentium

cuius exemplar Manasse etiam in sede Domini constituit. In emucleanda vexatissimae vocis notione, quam versiones vett. et interpretes modo reddiderunt Astarte, modo columna vel idolo eius, modo arbore vel luo (cfr. Geseu. thes. a. v.), nostra memoria maxime elaboraverunt Movers (Phoenicier I, p. 560 ss.), qui imaginem esse Astartes ab eaque distinguendam demonstravit, et Keil (Comm. über die Bücher der Könige p. 222 ss.), cum ostenderet, quomodo inter se differant אֲשֵׁרִים, אֲשֵׁרִים, אֲשֵׁרִים, אֲשֵׁרִים; at vero illum temere contendisse existimamus, columnam esse intelligendam sive arboris truncum, abscissis ramis et corona, hunc autem haud probe negasse, significari etiam arbores interdum ab hominibus plantatas s. lucum. Ut enim brevi proponamus, quid ex accurata exemplorum collatione apparere videatur, אֲשֵׁרִים notat 1) arborem artificiose conformatam, Astartes imaginem, cfr. 2 Reg. XXI, 3, cfr. v. 7 אֲשֵׁרִים פֶּסֶל הָאֲשֵׁרִים; 2) tum vero ad ipsum numen transfertur, cfr. Iud. II, 3. III, 7. 1 Reg. XVIII, 19; 3) postremo arbores etiam vel lucum significat Deut. XVI, 21: „non plantabis tibi עֵץ רַעֲנָן“, lucum omnium arborum pone altare Domini dei tui, quod tibi fecisti; quae verba ubi cum sequente tantum versu comparamus: „neve erigas tibi מַצְבֵּה“, et reputamus נָכַע Dan. XI, 45. Ies. LI, 16 dici per similitudinem de tentorio in terram figendo, cfr. Coh. XII, 11, opinemur forsitan, Deuteronomii verba non certum suppeditare argumentum (cfr. Caspari üb. Micha p. 266); at vero longe usitatissima v. אֲשֵׁרִים potestas est plantandi; et si recolamus illud dicendi genus עֵץ רַעֲנָן Deut. XII, 2. 1 Reg. XIV, 23 (cfr. Keil. a. h. l.), quod crebro coniunctum est cum אֲשֵׁרִים, vix negabimus, luci interpretationem in hoc exemplo ratam videri. Iam vero, si eiusmodi v. אֲשֵׁרִים est usus, egregie comprobatur iis sacrae arboris speciebus, quas in Assyriorum monumentis reperiri modo notavimus. — Addimus מַצְבֵּה, columnas in honorem Baali constitutas, de quibus cfr. Keil. I. l. p. 220 ss., apparere expressas in cylindro quodam Babylonico, cfr. Hoffm. Chaldée tab. 20, 3, ubi binas conspicimus columnas, quibus discus simulacrum solis, haud raro obvium illud, impositum est.

Deinde praeter Baalis et Astartis idololatriam, universo coelorum exercitui Manasse sacra fecisse traditur, 1 Reg. XXI, 3. 5. 2 Paralipp. XXXIII, 3. 5, ab Assyriis, ut verisimile esse supra diximus, mutuata. Assyrios enim sidera omnino coluisse, nec solem tantum et lunam, cum aliunde notum sit, tum inde patet, quod sat multae stellae pro numinibus habebantur (cfr. Rawlins. Outlines p. XX ss.); deinde rarius Baalis et Astartes, persaepe autem solis, lunae, quinque septemve stellarum et totius coeli imagines vel divino affectae honore, vel symbolica ratione vel

ritus non solum esse imitatus, verum longe superasse dicendus sit¹. — Neque vero Dominus non prophetarum vocibus eum admonuit et castigavit; quos tantum abfuit, ut audiret, ut vel persequeretur et cum permultis, qui apud fidem et obedientiam legis divinae permanerent, insania abreptus trucidaret²; ita ut sacra urbs innocenti sanguine profuso tota pollueretur.

Quae tanta tamque atrocia facinora cum rex ipse praeiret, fieri non potuit, quin populus vestigia eius sedulo premerent et sua quisque scelera et flagitia adderent; et cum satis diu³ praecepites ita in voraginem abirent, supplicii sententia iamiam enuntianda nec amplius differenda erat. Dominus igitur, cum „Davidi et Salomoni affirmasset“⁴, nomen suum in sua domo habitaturum esse in secula seculorum, nec pedem Israelis e terra cessurum, modo praecepta legis omnia facerent — iam, quoniam omnem omnino legem foede et pertinaciter violarent, per vates, ministros suos, praedicavit: propter horrenda facinora Manassis et omnia simul, quibus Israelitae, ex quo educti essent ex Aegypto, suum accendissent iram, se Hierosolyma, haud secus

etiam ornatus causa adhibitae conspiciuntur, uti passim probant monumenta; cfr. infra p. 42; LAY. fig. 18. 78 all. pag. 411. — Ceterum Salmanassar et Sanheribi tempore ignis quoque cultus interdum deprehenditur in tabulis monumentorum; cfr. LAY. p. 425. 411.

Deinde Manassem divinationum et praestigiarum permulta genera instituisse legimus; quae superstitiones cum Asiaticis religionibus arctissime coniunctae erant. Nec defuerunt apud Assyrios. In palatiis Khorsabadicis et Nimrudensibus integra conclavia eiusmodi caerimoniis patrandis destinata erant, cfr. BON. Nineveh and its Palaces p. 164, 204, 262, 266, 269 all., in quorum tabulis regem conspiciamus e poculi et sagittarum ratione futura praesagientem, cfr. Exod. XXV, 18. Ezech. XXI, 21. 22. Reperti sunt quoque Teraphim, in tabulatis conclavium conditi, cfr. BON. p. 156. 158. 203. 204.

1) Cfr. 2 Reg. XXI, 2. 9. 11. 2 Paralipp. XXXIII, 2. 9.

2) Cfr. IOSEPHI Arch. X, 4 πάντας τοὺς δικαίους τοὺς ἐν τοῖς Ἑβραίοις ἀπέκτανεν, ἀλλ' οὐδὲ τῶν προφητῶν ἔσχε χειρῶν καὶ τούτων δέ τινες κατ' ἡμέραν ἀπέσφαζεν, ὡς αἵματι ρεῖσθαι τὰ Ἱεροσόλυμα. cfr. HENGSTB. Christol. I, b, p. 2. — Iesaiam hoc tempore diro supplicio a Manasse affectum esse, in fabulis est; cfr. GESSE. Ies. I, p. 9 ss. BLEEK ad Hebr. XI, 37. HANVERN. Einleitung II, b, p. 59 ss. cfr. HENGSTB. ibid.

3) XII annorum puer Manasse ad regnum pervenit; legimus autem filios eius Molocho sacratos esse; quo accedit, quod XXII^{do} regiminis anno Babylonem asportatus est, ut infra videbimus.

4) Cfr. 2 Reg. XXI, 7. 8. 2 Paralipp. XXXIII, 7. 8.

ac Samariam, funditus esse eversurum, ipsos autem manibus hostium traditurum ad praedam atque direptionem.“ — At obstinatus populus cum rege insano „audiverunt nec perceperunt, viderunt neque intellexerunt“¹ — atque adeo haud ita multo post altera vaticinii pars scelesti principis fato evenit.

Eodem fere tempore Assarhaddonis Assyriae regis iussu in desertas regni olim Ephraimitici regiones novi coloni e quinque gentibus² deducti sunt; copiae autem, quae comitando eos custodiverunt, fines vicinos crebro vexasse videntur, et praedandi causa, vetere insuper invidia incitatae, Iudaeam quoque infestavisse. Ab eorum turmis ferocibus ut Hierosolymorum saltem confinia defenderet, obviam profectus esse Manasse putandus est, nec prospero Marte gavisus; vel etiam structis forte insidiis per occasionem subito esse oppressus; nam in dumetis delitescens³ turpiter captus est, et, duabus catenis constrictus⁴, Babylonem asportatus⁵, quae tunc Assyriis subiecta erat; id quod anno fere 676

1) Cfr. Ies. VI, 9.

2) Cfr. 2 Reg. XVII, 25: ex Babylonis, Cuthaeis, Avaeis, Hemathitis, Sepharvaeis:

3) Cfr. 2 Paralipp. XXXIII, 11: וַיִּלְכְּדוּ אֹתָם מְנַשֶּׁה בְּדוּמֵי, „et ceperunt Manassem in dumetis;“ חרן enim spinam significat, cfr. Cant. II, 2. Prov. XXVI, 9 all.; semel notat hamum, quo pisces captantur, translatum a spina, quae imo hamo adhaeret, Iob. XL, 26, ubi alii anulum intelligunt, per maxillas piscium transmissum; utramque potestatem hic quoque valere existimant; hanc tuetur Maurerus; illam fuerunt qui translato sensu acciperent: „ceperunt Man. per insidias, quas illi struxerant;“ cum aliis proprius sensus placeret (Gesen. thes.), quia „simili instrumento utebantur in captivis vincendis;“ porro LXX exhibent: ἐν δεισμαῖς, Vulg. LUTHERUS: catenis; at vero לִכְרִי nihil potest notare quam capere, captivum facere; neque omnino est, quod ab usitatissima v. חרן potestate spinarum, dumeti, ad singularem illam confugiamus, quae apud Iobum semel legitur.

4) Haec conditio, quam etiam Zedekia passus est, ad vivum expressa apparet in tabula quadam Khorsabadica (cfr. Botta Monument de Ninive tab. 120), ubi Palaestinae incola, ut videtur, manibus et pedibus duabus catenis constrictus ab eunucho προσαγωγῆ ad Salmanassarem inducitur, cfr. Bon. I. I. p. 166. 167.

5) Abductio et conversio regis quoniam in libb. Regum omittitur nec nisi in libb. Paralipp. narratur, ab adversariis authenticae horum librorum maxime vexata est, e quibus nominandi sunt GRAMBERGIUS, ROSENKNELLERUS, WINKLERUS R. W.; MOYERSIUS conversionem eius fictitiam esse contendit, asportationem defendit; at vero argumenta eorum a KELLIO (apologet.

a Chr. videtur accidisse¹. — Sic Manasse ab iisdem Assyriis captus est, a quibus Hiskias pater tam splendide liberatus erat; iisdem enim peccatis contumaciter sese dederat, a quibus ille, quantum valeret, regnum lustravit.

Necopinata hac calamitate Iudaei a summo insaniae atque insolentiae fastigio in extremam moestitiam atque anxietatem deiecti sunt; non quod ablato rege inopes fuissent consilii, quis iam rebus publicis moderaretur, nec quod dilectissimi forte principis vincula essent commiserati — flagitiorum enim magistro potius gavisus erant quam regem suum cum pietate et caritate persecuti, sed quia fieri non potuit, quin timerent, ne rege capto universa gens serius ocus ab Assyriis, Sanheribi forte cladem

Versuch über die Chronik p. 425 — 31) et HANVERN. (Einl. II, a, p. 221 — 225) tam luculenter refutata sunt, ut vel EWALD. asseveraret, Gesch. des V. Thr. III, a, p. 377: „das Ereigniss kann seinem reinen Grunde (?) nach gar nicht bezweifelt werden,“ licet notaverit: „Wer nun die ganze Art des Chronikers kennt, wird hierin nur die eigenthümliche strafgehaltene halbdichterische Darstellungsweise finden, in welcher dieser Erzähler auch sonst so oft was er in seinem Quellenbuche ausführlicher beschrieben fand, in ein paar gewürzige Worte zusammendrängt!“ — Unde repetendum sit, quod libb. Regum nihil de hoc casu habeant, postea videbimus; nobis autem summum quoddam documentum ex ipso Nahumi libro redundat; uti enim supra p. XVIII iamiam indigitavimus, universa vaticinii ratio et praesertim, quod nusquam peccata populi arguuntur, tempestatem aliquam designat, qua Iudaei gravi quodam casu adeo delecti erant ac paene desperati, ut, cum res ipsa satis superque loqueretur, non severitas legis, sed gratiae dulcedo hominum animis fortiter esset proponenda. Et quoniam Nahumum non posse nisi post Hiskiae et ante Iosiae tempus fuisse vaticinatum vidimus, eiusmodi calamitatem regnante Manasse accidisse oportet.

1) Quando Manasse ab Assyriis deportatus fuerit, nusquam certo docetur; potest tamen ex ipsis ll. ss. probe definiri. Nam Assyriorum copiae in Palaestinam descendisse aliae non possunt cogitari, quam quae colonos illos deduxerunt et X tribuum reliquias secum asportaverunt; id quod secundum Ies. VII, 4 factum est LXV annis post primum Achasi annum, 742; unde deducimur ad XXII^m Manassis annum, a. 676. Assentiunt huic calculo Iudaeorum chronologi in libro Seder Olam, tum vero Usserius, DE VIGNOLIUS, KEILJUS, HENESTENBERGIUS (Christol. I, b, 56, Beitr. I, 177), DRECHSLERUS Ies. I, p. 280, all. Qui de VII^{mo} Manassis anno cogitarunt, iis recte dudum respondit I. H. MICHAELIS (annot. uberr. ad 2 Paral. XXXIII, 11), „complures annos designandis tot facinoribus transiisse, praesertim cum etiam liberos suos idolis immolasse dicatur;“ ut taceamus, Assyrios eo tempore non tetigisse Palaestinam.

et ignominiam ulturis, in exsiliū transportarentur, atque adeo, quod modo passi erant Israelitae, idem ipsis propediem accideret. Atque ea formido sine dubio exaugebatur, si quis forte vatū verba, obiter antea audita, recordaretur, qui ipsas illas Samariae calamitates Iudaeis quoque instare nuntiaverant. At vero exigua piorum Domini servorum reliquia aliter erat instituta: priores enim prophetae summo inter se consensu docuerant, internecionem Iudaeis non ab Assyriis, verum a Babylo-
niis iri paratum. Nihilominus iis quoque, qui hoc religiose meminerant, gravis erat et acerba maxime regis asportatio: summae enim futurae salutis promissiones, quae populo datae erant, ad regiam Davidis sobolem haerebant adstrictae; rex igitur, ut Ieremiae verbis utar, verae Israelis spiritus vitalis erat¹; neque vero ignorabant, in rege Babylonem abducto totius populi eodem aliquando abiiciendi pignus latere et quodammodo praesagium². Cunctis igitur summo moerore et formidine sollicitis, cum nullis sociis respublica adiuveretur, imo inimicis undique et hostibus circumdata esset, cavendum magnopere erat, ne desperatione correpti in atrociorē etiam contumaciam et pertinaciam praecipites abirent; et, cum totius populi evertendi tempus praestitutum nondum venisset, electae autem piorum reliquiae in fide et obedientia conservandae essent: fortiter erant monendi, ne ab Assyriis nunc sibi instare perniciem timerent, sed leviter castigati bono animo recepto ab idololatriae insania resipiscerent. Atque hoc quidem consolandi munus Nahumo iniunctum est, qui Iudaeis suum ipsorum interitum timentibus Assyriorum potius internecionem propediem eventuram divino spiritu instinctus proposuit.

1) Cfr. Threni IV, 20; Mich. IV, 9, coll. HENESTR. Christol. III, et CASPARIO a. h. l.

2) Quae cum ita sint, temere iudicasse apparet HAEVERN. Einl. II, b, p. 374, cum asseveraret: „Das Ereigniss 2 Chron. XXXIII, 11 kann schon seiner äusseren Bedeutung nach, als ein bald und ohne grosse Folgen vorübergehendes gar nicht in Betracht kommen.“ Quae autem subiunxit: „noch weniger aber, wenn man seine innere Bedeutung in's Auge fasst. Damals war es eine gerechte Strafe des Herrn, dazu bestimmt, um das abtrünnige Volk und dessen König zur Besinnung zu rufen und dasselbe zugleich einen Vorschmack seines nahe bevorstehenden Schicksales empfinden zu lassen“ — ea quantopere nostram sententiam confirmant, satis superque indigitasse nobis videtur, praesertim ubi Iesaeae comparamus similitudinem, qui, annuntiato exsilio Babylo-nico c. XXXIX, confestim pergit c. XL: כחמר נהמר אחר עמי!

Quae cum fierent domi, Manasse rex Babylone acerba vinculorum miseria et turpitudine ad poenitentiam actus est, et praeclarum Hiskiae patris exemplum secutus, humilibus precibus¹ ad Dominum deum patrum suorum missis, mox clementiam eius et misericordiam expertus est; haud enim ita multo post² vinculis liberatus domum dimissus est; quod quibusnam ex causis Assyrii ei concesserint, assequi non valemus³.

1) Preces eius scripto mandatas et in fastis regum Iudaeorum atque in rebus Chosai vatis exaratas Paralipomenorum auctor ipse vidit. Satis praeclaram orationem Manassi adscriptam inter Apocryphos V. Ti. libros circumferri constat, de cuius origine et aetate nuperrime disputavit FAITZSCH (Exeget. Handb. zu den Apocr. 1851, fasc. I).

4) Quod non diu Manasse fuerit exsul, probe conicitur inde, quod LV annos regnasse traditur 2 Reg. XXI, 1. 2 Paralip. XXXIII, 1, nulla interrupti regni habita ratione.

3) Fuerunt a) qui foedere pacto libertatem ei ab Assarhaddone concessam opinarentur (PRIDDEAUX all.); at vero si de pretio vel tributo cogitatur, nescio an tale quid secundum priorum regum similitudinem (Menachemi, Achasi, Hiskiae) fuerit commemoratum; ea autem ratiocinatio, qua nuperrime C. A. MENCKEL (Staats- und Religionsgesch. der Königr. Isr. u. Iuda p. 304) rem componere sibi visus est, cum sic fere diceret: „Diese Erzählung scheint auf einen Wechsel der Partheien hinzudeuten, und derselbe dadurch eingetreten zu sein, dass die herrschende Parthei sich ihrer Abhängigkeit von Assyrien zu entledigen suchte, was den assyrischen Monarchen bestimmte, den König nach Babylon zu berufen und ihn dort ins Gefängnis zu legen, aus welchem er jedoch gegen die Zusage, seine bisherigen Rathgeber zu entfernen, entlassen wurde“ — ea quantopere idoneam rerum rationem confundat, facile perspicitur. b) KRIEGER apolog. Versuch über die Chronik p. 431) Assyriorum rempublicam forte turbatam fuisse coniecit; at futilis est KALINSK. et ROSENTHAL. opinio, qui Medorum seditionem arguerunt, cum Sardanapalum eundem esse ac Assarhaddonem perperam hallucinarent; neque vero de alio tumulto quodam quicquam habemus compertum. c) Porro mors Assarhaddonis serius accidit (a. 668), quam quae Manassia liberandi causa fuisse possit, cfr. not. 2; quod nisi contrarium esset, maxime probaretur HOFMANNI et HAEVERN. sententia (cfr. Einl. II, a, p. 223 ss.), qui post mortem eius Babyloniorum regulum libenter libertatem Manassi largitum esse existimarunt, societatis et foederis contra Assyrios iungendi causa, sicuti Ies. XXXIX Merodach Baladan. d) Nec inde multum conici potest, quod rex Hierosolyma reversus moenia urbis refecit et castella Iudaica omnia munivit; cuius rei causam attulit HESSIUS l. l. p. 205, ut non ab Assyriis verum ab Aegyptiis terram defenderet, probantibus Assyriis; cum PRIDDEAUX vel Assyriorum iussum et praeceptum conieceret; contra EWALDUS cum Aegyptiis foedus ab eo coniunctum esse docet, l. l. p. 379. Utcunque est, ab Assyriorum iugo

Manasse in patriam redux et serio ad deum conversus, pristina vitae ratione commutata, ea quae antea peccaverat, corrigere atque restituere studuit. Idolorum igitur altaria et simulacra removit, et superstitiones illas, quantum potuit, e civium animis evellere conatus est; at vero malum adeo inveteratum vix iam extirpari potuit, et facilius ad omnia illa facinora antea seducti erant, quam ab insita idololatriae cupiditate revocabantur. Legimus enim deorum aras a Manasse tantum remotas esse, a Iosia autem contusas atque disiectas¹, posteaquam ab Ammone rursum fuerunt instauratae; nec desiverunt in excelsis locis immolare, licet Domino deo suo sacra facere sibi viderentur. Ergo conversio seria et sincera solius fere regis erat, populus externam tantam pietatis speciem vix ac ne vix quidem admiserunt, et mortuo Manasse, cum LV annos regnasset, impii filii Ammonis exemplum secuti pronis animis in pristina sacrilegia reciderunt.

Huc referendum est, quod in libris regum de calamitate Manassis et conversione nihil omnino legitur, quippe quae ad ipsam regis personam potius, quam ad universam gentis mentem pertinuerit². Quare, cum postea de exsilii Babylonicus caussis quaereretur, cum omnia omnino peccata per tot secula ab Israelitis commissa, tum vero horrenda Manassis facinora a prophetis exprobrabantur³; atque adeo septuaginta annos illos, quibus inde a primo Manassis ad tertium decimum Iosiae annum gravissima perpetrarant peccata, septuaginta annorum servitus et exsilium Babylonicum subsecutum est⁴.

§. 5. DE REBUS ASSYRIORUM.

Explicato Iudaeorum statu, a quo vaticinii edendi ansa repetenda est, dicendum etiam est de rebus Assyriorum, ad quas vatis oratio non minus pertinet. Est enim tenendum quidem,

et arbitrio iam videtur vacasse, atque adeo contra utriusque regni impetus sese tutum reddidisse, ne simili eoque graviore casu iterum vexaretur.

1) Cfr. 2 Paralip. XXXIII, 15; 2 Reg. XXIII, 12.

2) Cfr. HAEVERN. Einl. II, a, p. 223. EWALD l. l. p. 378.

3) Cfr. Ierem. II, 30. XV, 4. 2 Reg. XXIII, 6. XXIV, 3.

4) Ingeniose hanc vicissitudinem exposuit CASPARI über den syr. ephr. Krieg p. 24.

prophetas ad Israellem missos esse, atque in eius salute comparanda officium eorum totum versari, atque adeo de vaticiniis adversus peregrinas gentes prolatas probe statuisse KIMCHIUM, cum diceret: „quaecunque contra gentes proferunt, ea propter Iudam dicunt.“ Primo enim loco, cum iis fere gentibus, a quibus graviter propter peccata sua vexabantur, summae calamitates atque interitus praedicerentur, solatium inde et salutis certitudo Israelitis percipienda proponebatur, nec non misericordia dei et omnipotentia, cui soli confiderent neque ab hominibus peterent auxilium; tum vero gravis etiam exhibebatur commonitio, ut secum reputarent, cum tanta supplicia eorum ingererentur capitibus, qui offenderunt Dominum vix aliqua sibi cognitum notitia, quidnam ipsis quos sacro sibi peculio elegerat deus, et quibus nomen suum splendidissime deinceps cognoscendum atque percipiendum praeberat, quid sibi videretur expectandum, cum gentium peccatis et superstitionibus imperatam a deo sanctitatem foede inquinassent!¹ — At vero eiusmodi vaticinia latius patere videntur; nec permulta oracula illa, quae integras easque maximas interdum librorum propheticorum conficiunt partes, gentibus tanquam meris exemplis atque instrumentis utuntur, quibus Iudaei educarentur explicatis; verum ipsas quoque mirifica verbi divini vis et efficacia petit atque percellit. Intercedit enim mutua quaedam vicissitudo inter electum dei populum et reliquas gentes omnes; generis humani causa Israel electa est, gentes autem in educanda Israele pro suo modulo cooperant; ideo sedes earum secundum praestitutam Israelis rationem a deo distributae sunt, Deut. XXXII, 8. Act. XVII, 26. 27, et res earum fataque universa certa quadam cum sacro foederis populo continentur necessitate atque secundum eum gubernantur modulum, quo erga Israellem sese gesserint et statuta sibi munera exsecuti fuerint. cfr. Sach. I, 15. Ergo ea quoque vaticiniorum de peregrinis gentibus editorum dignitas est, quod pro testimoniis habenda sunt atque sententiis edictis ab eo, qui Abrahamo olim et semini eius promisit: „benedicam iis, qui tibi benedixerint, et qui tibi maledixerint, iis maledicam“ Gen. XII, 3, declaratis in medio illo orbis terrarum loco, quo universae generis humani res undique omnes coguntur, postremo enuntiatis ab eius populi ducibus, ad

1) Cfr. HENGSTB. Christol. III, p. 199.

cuius necessitatem omnium fata exiguntur. Quae vaticinia utrum gentibus innotuerint, nec ne, non multum refert; nec Iona¹ exemplis atque Ieremiae¹ magnopere insistendum est, quae ab aliis insuper caussis suspendenda sunt. Ergo duplex nostri quoque vaticinii scopus est, quorum alter in Israele, alter in Assyriis positus est; verum, licet horum nomen libro inscriptum sit, et Israelitarum salus interitu eorum comparanda paucis tantum verbis aperte declaretur, tamen Israelis respectus primo atque summo loco habendus est. — Iam vero quoniam Assyriorum flagitia non singula quaedam et certo quodam tempore erga sacram gentem perpetrata exprobrantur et destinatum pro iis supplicium declaratur, verum omnia omnino facinora uno quasi conspectu comprehensa proponuntur et diiudicantur, universa Assyriorum historia breviter videtur perstringenda esse, atque ad eam potissimum rationem revocanda, qua cum Israelitis continebantur.

Prius vero quam res ipsas exponamus, paucis absolvenda est ea quaestio, quae est de fontibus, unde rerum Assyriarum notitiam hauriamus, praesertim cum paucis abhinc annis domestica potentissimae gentis monumenta reperiri coepta sint, quorum summa semper in concinnanda cuiusque populi historia dignitas est atque auctoritas. Nam cum plus MM annis Ninus, splendidissimi olim regni caput, vastis condita sepulcris latuisset, nostra memoria Anglorum et Francogallorum opera et industria factum est, ut inde ab anno 1843 e pulvere et sabulis surgeret² atque

1) Qui propheta gentibus constitutus declaratur I, 5. 10.

2) Cfr. RICH. Narrative of a Residence in Koordistan, Lond. 1836, 2 voll. AINSWORTH Travels and Researches in Asia Minor, Mesopotamia ct. 1842. 2 voll. BOTTA et FLANDIN Monument de Ninive, Parisiis 1847 — 50. 5 voll. fol. A. H. LAYARD Monuments of Nineveh, Londini 1849, fol. Eiusdem Nineveh and its remains, 2 voll. 8., tertio edita Lond. 1850, nostro sermone reddita a MEISSNERO „Niniveh und seine Ueberreste, Leipz. 1850. Primam operis huius partem LAYARDUS succinctam magis et communi legentium usui destinatam edidit 1851, 12: „A popular account of discoveries at Nineveh“ ct., ab eod. MEISSNERO germanice translata. (FLETCHER Notes from Nineveh and Travels in Mesopotamia, Assyria ct. Lond. 1850. 2 voll.) — Ex his quasi fontibus rerum alii lique minoris ambitus libri derivati sunt, quibus quae e li. ss. veterumque scriptis et e monumentis de Assyria antiquitate cognoscuntur, brevius uberiusve explicantur; inter quos primo loco appellamus: IOS. BONOM, Niniveh and its Palaces, Lond. 1852, 8, qui antea edidit: The buried city of the East, Nineveh, ibid. 1851. 8. Tum vero VAUX Nineveh and Persepolis, tertio

imaginum et inscriptionum, in palatiorum muris expressarum, praeclaram silvam suppeditaret.

Iam vero quaerendum est, num probe intelligantur, quae cuneatis titulis in monumentorum tabulis expressa reperiuntur, et qua ratione ad enucleandum sensum perventum sit¹, ut inde statuatur, quatenam iis in explicanda Assyriorum historia tribuenda sit auctoritas. — Inveniuntur aliquot locis per vastos regni olim Persici fines inscriptiones tribus linguis exaratae, Persica, Medica et Assyria; signis cuneatis omnes constant, neque nisi cuneorum inter se compositione et collocacone differunt; quorum amplissima in monte Behistunensi (*Βαγίστανον ὄρος*)² incisa est. Ac licet aliquot earum tituli dudum in patriam nostram allati fuissent, nemo tamen aliquem ex iis sensum elicuerat, donec altero huius seculi anno GROTEFENDIUS³, qua est ingenii sagacitate et felicitate, desideratam viam patefecit; is enim in titulo

editum Lond. 1851. 8, in nostrum sermonem translatum a ZENKERO Lips. 1852. BLACKBURN, Nineveh, its rise and ruin, 1852 (III) 12. Antiquitates Assyriorum, II. ss. ratione diligenter habita exposuit H. GOSSE, Assyria, her manners and customs, arts and arms, Lond. 1852; de definitis earum partibus disputarunt FERGUSSON the palaces of Nineveh and Persepolis restored, Lond. 1851. RAUL-ROCHETTE Memoir d'archéologie comparée asiatique ct. Sur l'Hercule Assyrien ct. Parisiis 1848. Journal des Savants, 1849 m. Maio ss. QUATREMERRE in iisdem actis m. Septembris ss. 1849. GROTEFEND Anlage und Zerstörung der Gebäude zu Nimrud ct. Gotting. 1851. 4. — HOEFER Chaldée, Assyrie, Médie ct. Paris. 1852. Succinctam quidem rerum enarrationem, at amplissimis annotationibus ornatam concinnavit WEISSENBOHN Ninive und sein Gebiet, Erford. 1851, 4; quae maximi sunt momenti, congescit KITTO Scripture Lands 1851, 8; Ruins of sacred and historic lands 1850. 12. — Annuntiata sunt, quae mox prodeant in lucem: LAYARD, Monuments of Niniveh, 2. series. Eiusdem: Niniveh and Babylon, the results of fresh discoveries made during a second expedition to Assyria. — E quibus BONONI liber ingeniosa rerum tractatione maximeque eo, quod omnium omnino monumentorum, quae in Museo Britannico exstant, et plurimorum ex iis, quae Parisiis inveniuntur, expressas exhibet imagines, nec non liberali insuper pretio praeter ceteros magnopere commendatus.

1) Cfr. LAYARD Nineveh and its Remains II, 153 ss.; ed. MEISSNER p. 270 ss. RAWLINSON Commentary on the Cuneiform Inscriptions of Assyria ct. p. 2 ss. VAUX Nineveh and Persepolis p. 395 ss. BONONI Nineveh p. 337 ss.

2) Cfr. DIODORI Sic. bibl. II, 13.

3) Cfr. HEERENI Ideen, I, a, 397 ss.

quodam Persepoli a NIEBUHRIO descripto saepius repetitas formulas, quibus de regibus dici videbatur, accurate inter se contendit, et persicas voces et nomina, a veteribus traditas, iis adaptare conatus, Zendicae et Sanscritae aliarumque dialectorum auxilio adhibito, eum elicit sensum, qui postea amplioribus disciplinae subsidiis splendide confirmatus est. Descriptis enim compluribus paullatim eiusmodi tabulis BURNOUFIIUS quoque et BENFEIUS et praeter ceteros LASSENIUS prospero gavisi eventu in hoc genere elaborarunt. Summae autem laudes RAWLINSONIO debentur, qui praestantissimam inscriptionem Behistunensem, quae quadringentas lineas complectitur, gravi labore descripsit et Persicum titulorum genus ita paullatim interpretatus est¹, ut non multum iam de eo dubitetur². Primo igitur genere enucleato ad alterum tertiumque, Medicum dico et Assyrium, accedere licebat. Atque ut alterum statim absolvamus, non multum adhuc in eo elaborarunt vv. dd.³; quid? quod ne de nomine quidem inter se consentiunt, qui suam ei impendunt operam, sed Medici sive Scythici generis appellatione utuntur, donec natura eius certius definiretur. Laetior longe atque felicior opera in indagando Assyrio s. tertio genere exstitit, praesertim ex quo amplissima eius exempla in ipsis Nini ruinis reperta sunt. Verum longe intricatior atque difficilior eius interpretatio est, quam quis opinetur forte, cum, prima parte explicata, reliquae nullo fere negotio videantur posse patere, cum eadem nomina et sententiae alia lingua exarata exhibeant; nam cum Persica cuneatae scriptiois species quadraginta fere signis constet, in Assyria plus sexcentis iam inventa sunt, quae magis minusve inter se differunt; et quo plures studium suum operamque in hanc quaestionem contulerunt, eo magis sententiae eorum et rationes inter se diversae sunt. Nam de natura linguae plurimis quidem idem placuit, quod e ll. ss. patet (Gen. X, 10)⁴, Semiticam esse;

1) Cfr. Journal of the Royal Asiatic Society vol. XI. all.

2) Cfr. Zeitschrift der deutschen morgenländischen Gesellschaft, vol. V. 1851, p. 447.

3) Varia vv. dd. in hoc genere studia recensuit HOLTZMANN über die zweite Art der Achaemenidischen Keilschrift (Zeitschr. der d.-morgenl. Gesellsch. V. p. 145—151), brevi conspectu perstrinxit ROEDIGER ibid. p. 450.

4) Quod Assyrius sermo a Iudaeis non intelligebatur Ies. XXVIII, 11. XXXIII, 9, non prohibet, quin Semiticam teneamus naturam (cfr. TUCHT

uni LUZZATO¹ de indoeuropaea indole persuasum est, etiamsi aramaicas aliquot voces deprehendi non negaverit; nec tamen defuit, qui e Chinensium sermone optime has literas illustrari opinaretur². Discrepant autem vv. dd. eo, quod alii sinceram Semiticarum linguarum naturam in illa expressam esse tenent, DE SAULCY³, STERNIUS⁴, LOEWENSTERN⁵, LONGPERIER⁶, cum RAWLINSONIUS⁷ alphabeti rationem et nonnulla alia Aegyptiacum aliquid olere contenderet; id quod non plane abnuitt HINKSIUS⁸, Arianam tamen naturam Semiticae fortius commistam esse existimat. Semiticum autem genus RAWLINSON cum aliis indiciis permultis, tum biliteris verborum radicibus⁹ et summa pronominum similitudine, quae cum Hebraeis intercedit, comprobare sibi videtur¹⁰. Quare cum de capite rerum inter summos in hoc genere viros non permagnus sit dissensus, magis differunt, ubi quaeritur, quidnam singulis signis atque figuris significetur; nam cuneatae scriptionis¹¹ ratio maxime est composita atque intricata.

Genesis p. 253, WICHELEAUS de N. Ti. versione Syriaca p. 11), cum de Chaldaeorum lingua idem legamus dictum Ierem. V, 5 (cfr. KNOBELI Völkertafel p. 156). De voce ארמית Ies. XXXVI, 12, cfr. WICHELE. ib. p. 10.

1) PHIL. LUZZATO le Sanscritisme de la langue assyrienne etc. Patav. 1849. — Etudes sur les inscriptions Assyriennes, ct. 1850. p. 208.

2) DE PARAVEY Ninive et Babylon, expliqués dans leurs écritures et leur monuments par les livres emportés en Chine. ct. Paris. 1845 — 6.

3) Revue archéologique VI, 1849 — 50. p. 42 ss.

4) STERN die dritte Gattung der achaemenischen Keilinschriften. Götting. 1850.

5) ISIDORE LOEWENSTERN Exposé des éléments constitutifs du système de la troisième écriture cunéiforme de Persépolis. Paris. 1847. cfr. Zeitschrift der deutschen morgenl. Gesellsch. IV, p. 465.

6) Cfr. Revue archéologique IV, p. 501 ss.

7) Commentary on the Assyrian and Babylonian Inscriptions p. 2 ss. LAYARD Nineveh II, p. 205 ss. (p. 297 ed. MEISSNER). BONOMI l. l. p. 376.

8) Cfr. Athenaeum Londinense 1850, p. 908. Zeitschr. der d. morgenl. Gesellsch. IV, p. 465, not. 32.

9) Cfr. RAWLINS. Commentary p. 12 ss. DELITZSCH. Ieschurun, et Genes. p. 407.

10) Cfr. RAWLINS. Comm. p. 2 ss.; v. c. anak = אַנַּכִּי, ten = תֵּן, mit = מִתָּר, rad = יָרָר all. Permulta etiam verba idem fere audiunt in utroque sermone, v. c. בר, בִּירָה, עִיר all., cfr. l. l. p. 15.

11) Praeter cuneatum scriptionis genus, publico usui destinatum illud, cuius originem luculenter exposuerunt LAYARD. Niniveh und seine Ueberr. p. 179 ss., GROTEFEND. die Tributverzeichnisse des Obelischen zu Nimrud

Primum enim quinque Assyriae literaturae species distinguuntur, cuneorum compositione diversae: assyria, simplicissima illa, medo-assyria, babylonica maxime impedita, achemaeniaco-babylonica, postremo elymaica; quibus tamen omnibus eandem exprimi linguam existimant, dialectorum tantummodo diversitate variatam¹. Gravissima autem dissensio est de signorum potestate; quaeritur enim, utrum suam quaeque exprimant notionem et cogitationem, an syllabas integras, an literas tantum, consonantes et vocales. Atque aliquam quidem signorum partem esse ideographicam, ut aiunt, primus perspexit HINKSIUS²; simul autem permultis figuris syllabas contendit significari³; in utroque consentientem habet RAWLINS., qui tamen in eo non acquievit, verum singulas etiam exprimi literas existimat, ita ut antiquissima cuneatae scriptionis exempla notiones per figurarum similitudines videantur indicasse, deinde syllabas tantum et postremo primas quasque harum syllabarum literas solas. Ad eandem sententiam pervenerunt DE SAULCY et GROTEFEND.⁴, assentientibus BOTTA et LOEWENSTERNIO. Disce-

p. 5 ss., aliud posteriore aetate invenitur cursivum, non, ut illud quidem, a sinistra ad dexteram, verum a dextera ad sinistram exaratum, quo privatim usi fuisse videntur, Phoeniciis literis haud dissimile; cfr. LAT. p. 275 ss. (II, p. 164 ss.). Idem genus in vasis quibusdam fictilibus inscriptum putaverunt, quae reperta in Nini ruinis Londinum perlata in Museo Britannico exstant; at licet vix aliqua verba plane sint enucleata, perspicere tamen adhuc potuit, ad chaldaicum sermonem ea referenda esse. cfr. Athenaeum Lond. 1851, No. 1348.

1) Cfr. BONOMI l. l. p. 350 — 356.

2) Cfr. Athenaeum Lond. 1850. p. 555. qq.

3) Cfr. ibid. p. 908. HINKS. nunquam singulas literas cuneis significari existimat.

4) Cfr. RAWLINS. Comment. on the Cuneif. Inscr. p. 4 ss. Memoir p. 4. cfr. Athenaeum 1850, p. 908. BONOMI l. l. p. 374 ss. RAWLINS. in epistola a. d. VIII Cal. Octobr. anni praeteriti Nini perscripta (cfr. Athen. 1852, No. 1311. p. 1362) asseverat „that the era of Nabonassar marks the introduction of Assyrian writing into Babylonia, where a kind of hieroglyphic only was previously in use. He thought he had found evidence, that the hieroglyphic writing had been carried to Assyria X or XII centuries before the Christian era, improved, there made partially phonetic, and reimported in its altered shape at the epoch mentioned.“ Porro aliquot attulit exempla, quibus demonstraretur quomodo cunei paulatim a notionum significatu ad syllabas et literas transformati essent. — cfr. GROTEFEND. die Tributverzeichnisse cf. p. 14.

dunt autem magnopere ab eorum consensu STERNIUS¹ et LUZZATO, cum singulis signis literas deinceps singulas semper indigitari asseverarent. Nos quidem, ab his studiis alieni, argumenta eorum et rationes diiudicare non valemus; plus tamen communi illorum sententiae tribuendum opinamur, quam horum ingenio, praesertim cum illorum agmen ducat RAWLINS., vir clarissimus, amplissimo exemplorum apparatu instructus, cui summa in hac disciplina auctoritas ab omnibus conceditur; reliqui autem, qui ei assentiunt, quorum nomina et ipsa magno cum honore appellantur, longe inter se diversi studiorum institutione, et domiciliis separati, ignari plerumque eorum, quae eodem fere tempore quisque elaboraverit, hi inquam ad eandem rationem adducti fuerint. Neque vero ideo de singularum figurarum vi et potestate consentiunt; nam secundum vv. dd. sententiam cuneatorum titulorum explicatio gravissima difficultate premitur ea, quod non solum iidem soni variis signis exprimuntur, verum etiam eadem figurae, ubi diversis modis cum aliis coniunctae et compositae exhibentur, longe diversos notare sonitus putantur², sicuti omnino Assyrii in inscribendis cuneis satis arbitraris versati esse existimantur³; accedit ingens signorum multitudo⁴, quam supra diximus; nec grammatices satis firmas ratasque adhuc regulas investigaverunt. Unde repetendum est, quod regum etiam nomina vel eiusdem systematis patroni satis diversis modis legerint; veluti palatii Khorsabadici conditorem RAWLINS. antea docebat appellari Arkot-sin⁵, postea Sargina⁶, quem eundem etiam Sal-

1) Cfr. das Ausland 1852, No. 265.

2) Cfr. RAWLINS. Comment. l. l. Memoir p. 3. Gravissima deinceps signa quomodo usurpentur, in hoc libro explicare incepit v. d.; at duabus literis ita tractatis (a et e), editio operis interrupta neque adhuc continuata est. — cfr. GROTEF. l. l. p. 10 ss.

3) Cfr. GROTEF. l. l. p. 18. Secundum eius v. d. sententiam inscribendorum titulorum magistri interdum, ne quid confunderetur, signis quibusdam cavisse videntur, cfr. p. 26.

4) 246 diversa signa proposuit et partim interpretatus est RAWLINS.: Indiscriminate list of Assyrian characters; v. Journal of the Royal Asiatic Society vol. XIV, 1, in quo volumine simul continetur Babylonicae inscriptionis Behistunnensis interpretatio et saepius laudatum illud „Memoir.“

5) Cfr. Commentary p. 51 ss.

6) Cfr. Athenaeum 1850, No. 1243, p. 903 a. Outlines p. 26.

manassarem nominari contendit, DE SAULCY¹ autem Sardon vel Assarhaddonem, GROTEFEND. Nabopolassarum², ne dicam LUZZATO³ interpretari Kyniladanum; porro rex ille, qui celeberrimam statuam Nimrudensem inscripsit, a RAWLINS. ferēbatur appellari Temen-bar⁴, cui nuperrime praetulit nomen Divanubara⁵, a GROTEF. autem legitur Shalmaneser⁶; et Israelitarum, ut videtur, principem, qui dona regi Assyriorum afferens imaginibus ibi expressis inducitur, RAWLINS. simul et HINKS. affirmant esse Iahua, filium Khumriya⁷, GROTEF. autem Iuah, filium Ubri⁸ (2 Reg. XVIII, 18 ss.).

Quae cum sit in eruendis inscriptionum sententiis discrepantia, tamen de universo earum argumento minus inter se dissident quam de regum nominibus, et indefesso illorum studio et opera factum est, ut alii aliorum argumentis et rationibus religiose perpensis modo haec, modo illa concesserint⁹; nec temere videmur sperare fore, ut quo amplior inscriptionum multitudo e monumentis, quae vel reperta dudum sunt vel summa Francogallorum et Anglorum impensa opera indies effodiuntur, publici paullatim facta iuris et virorum doctorum examini fuerit subiecta, eo gravissima haec disciplina ad certiore indies rationem coniunctis viribus perducatur. Sic multa utique lux obscuris Assyriorum rebus debebit accedere, si quando probe fuerint investigata, quae in publicis regum tabulis suo ordine dispositis, nuper a Layardo repertis¹⁰, et quae in regis catacombis modo detectis¹¹ continentur perscripta.

1) Notes sur les noms des rois Assyriens publiés par Mr. LAYARD. cfr. Revue archéologique 1849—50, p. 773 ss.

2) Cfr. BONOMI p. 379; coll. GROTEF. Tributverzeichnisse p. 22.

3) Etudes sur les inscriptions Assyriennes de Persepolis, Khorsabad ct. p. 184.

4) Cfr. Commentary p. 30.

5) Cfr. Outlines p. XXIV.

6) Cfr. Anlage und Zerstörung der Gebäude zu Nimrud p. 9.

7) Cfr. Athen. 1851, No. 1274, p. 357. Literary Gazette 1851, p. 257.

8) Cfr. Tributverzeichnisse p. 32. 39.

9) Cfr. ex. gr. Transactions of the British Association ct. 1850, p. 140. GROTEF. Tributverzeichn. p. 89 all.

10) Cfr. Athenaeum 1850, p. 909.

11) Cfr. Athen. 1852, No. 1279, p. 490. „Colonel Rawlinson has opened out the entire place of sepulture of the kings and queens of Assyria.

Quae cum ita sint, vix iis, quae vv. dd. illi singuli sibi quisque videntur elaborasse, fides omnino erit permagna habenda; neque enim in tam incerto atque mutabili totius disciplinae statu quicquam pro certo atque explorato potest accipi. At vero ubi de diverso fiduciae modulo, quae cuique largienda sit, quaeritur, nihil reliquorum detractabimus auctoritati, cum plurimum tribuamus RAWLINSONIO, quippe qui non solum ditissima inscriptionum collectione sublevetur atque in Assyria antiquitate exploranda totus versetur, verum etiam, cum alii de singulis tantum partibus suas declaraverint sententias, ipse solus fere universam rerum Assyriarum historiam complexus idoneo conspectu proposuerit; ac licet in nonnullis rebus sententiam suam immutaverit, tamen maxime in animum fidemque legentium sese insinuare valet, quia certa ab incertis tam distinguit ipse quam perpetuo distinguenda monet. Non omnia tamen eius placita eodem habebimus loco, sed ea summo, quae aliorum consensu magis etiam commendantur. — Ergo eam auctoritatem, quam secundum ratas fidei historicae leges domesticis gentium monumentis tribuere debemus, nondum iis valemus largiri; ita autem utemur iis, ut indicia eorum grato animo accipiamus ad comprobanda et confirmanda ea, quae aliunde dudum fuerint demonstrata.

Haec autem ratio nisi de inscriptionibus non valet; nam quae ex ipsis tabularum imaginibus diligenter inter se collatis videantur patere, iis non est quominus liberius utamur, id quod in explicandis potissimum Nahumi verbis saepissime admisimus.

Iam vero sicuti omnino in incertis rebus librorum sacrorum lux certissima eo amplius solet splendere atque obscura loca collustrare, ita etiamsi divina eorum indoles posthabeatur, vel humano iure gravissima sunt, quae de Assyriorum rebus exhibent, quoniam aut ab iis exarata sunt, qui quas describunt rebus ipsi interfuerint, aut ex eorum scriptis haud ita multo post ab aliis religiose delibata. Quae autem sic tradita accepimus, eo sunt ampliore habenda loco, quod de origine populi et primis regni initiis talia inde docemur, qualia non mythicam indolem prae se ferant, verum ad exploratae historiae dignitatem et rationem ap-

There they lie, it is said, in huge stone sarkophagi, with ponderous lids decorated with the royal ornaments and costume, just as they were deposited more than 3000 years ago."

pareant referenda; tum vero, licet multa per secula Assyrium nomen in ll. ss. non reperiatur, eo tamen tempore, quo ad summum potentiae fastigium evecti subito ad interitum praecipites vergere coeperunt, satis copiose suppeditant, quae ad historiam eorum probe concinnandam pertineant.

At vero veterum scriptores, qui temporum Assyriorum rationes potissimum composuerunt, ii multis primum seculis vel ab everso regno abfuerunt, nec utrum domesticis eorum fontibus ipsi fuerint usi, pro certo affirmari potest; neque vero fides iis non magna habenda esset, si quae BEROSUS et ABYDENUS e Babyloniorum, CTESIAS e Persarum tabulis publicis elicuerunt, accurate essent descripta atque ipsorum manibus exarata ad nos pervenissent; at vera falsis magnopere exhibent commixta, nec libros eorum integros accepimus, sed fragmenta tantum per manus sat multas easque haud semper accuratas tradita. HERODOTUS autem (quoniam amplum eius de Assyriis opus aut non perscriptum est aut temporum iniuria deperditum), non universas populi res complectitur, verum singulas quasi praetereundo interdum tangit, tamen gravissima quaedam stamina praebet. Horum igitur et aliorum quorundam scripta, qui minoris in hoc genere momenti sunt, modo diligenter et accurate inter se contendantur atque perpensitentur, ubi idoneo continentur consensu, satis magni facienda videntur, quoniam res Assyriorum accurate et copiose enarratas a nemine accepimus. Nobis autem parum propositum est, de variis eorum calculis et opinionibus uberius disceptare, praesertim cum nostra memoria comparatio illa diligentissime a nonnullis vv. dd. instituta sit¹; quae non videantur omittenda, ea suo quoque loco monebimus; non praetermittamus tamen notare, sententiam eorum, qui, ne CTESIAE indicia a BEROSO et HERODOTO et ll. ss. nimis discreparent, duplex Assyriorum regnum fuisse opinarentur, vetus quoddam ineunte nono a. Ch. seculo eversum illud, et alterum, sub finem s. sexti ex-

1) Cfr. praeter ceteros W. HUFFELDI *Exercitationes Herodoteas*, spec. I de rebus Assyriorum 1837; sp. II de vetere Medorum regno 1843; sp. III rerum Lydiarum particula I, 1851. Hisce diebus libellum satis accurate conscriptum edidit Io. BRANDIS: *rerum Assyriarum tempora emendata*. Breviter, quae de Assyriorum rebus tradita sunt, inter se comparata proposuit WINERUS R. W. a. v.

stinctum, hanc igitur sententiam luculentissimis argumentis dudum apparere refutatam¹.

Iam ut ad prima Assyriorum initia redeamus, originem gentis ad Assurem, alterum Semi filium, referendam esse docemur Gen. X, v. 21. Ibidem prima eorum fata reperiuntur consignata. Legimus enim v. 10, Nimrodum, posteaquam in Babylonia regnum condiderit, in Assyriam profectum², finibus imperii pro-

1) Cfr. HUFFELD. de rebb. Assyrr. p. 28 ss.

2) מִן־הָאָרֶץ הַרְיָא יָצָא אֲשִׁיר וּבָנָי, e terra illa exiit in Assyriam et aedificavit ct. Sic verba esse vertenda, CALV., DRUS., TUCH., KNOBEL., DELITZSCH. secutis persuasum nobis est. Fuerunt autem qui Assurem, Semi filium, e terra Sinear egressum intelligerent, e quibus nominamus LXX., IOSEPH., HIERON., RASCH., LUTH., HUFFELD. (de rebus Lydorum p. 8), cfr. VAUX, Nineveh and Persepolis p. 8; quibus non tantopere dixerim obstare, quod hoc loco de Hamitis, postea demum de Semitis dicitur, quam omnem v. 9^{ai} rationem esse contrariam, quippe in quo dominationis Nimrodicae narratur initium, cuius continuatio et progressus nusquam inveniri potest nisi his verbis comprehensus. Porro alii, CYRILL., CORN. A LAPIDE, PFRIFFER. (dubia vexata p. 82) „Assurem sumunt personaliter pro filio Nimrodi qui apud profanos appellatur Ninus“ — id quod per se constare nequit et ingentem etiam verbis caliginem offundit. Nec minus igitur improbandum est, quod QUATREMERRE (Journ. d. Savans 1849, p. 560) et HUFFELD. l. l. hinc sibi videntur elicere: „ab hac colonia Semitica, quae Cuschitis in Babyloniā irruentibus in Assyriorum finibus consedisset, nomen et regnum Assyriorum cepisse initium.“ Iam vero nostrae interpretationi exprobraverunt, a) siquidem אֲשִׁיר esset accus. loci, non debere deesse ה localem (PFRIFFER, SCHUMANN, v. BOHLEN); at TUCH. (Gen. p. 236 dudum monuit, similiter deesse ה Deut. XXVIII, 68. 1 Reg. XI, 17. XXII, 37. 2 Reg. X, 17. XV, 14; cfr. EWALDI ausführl. Lehrb. §. 282, a, 1. b) אֲשִׁיר tanquam regionis nomen nondum notum esse legentibus monet PFRIFFERUS; at vero habetur eo sensu II, 14 קְרָמָה אֲשִׁיר. Reliqua PFRIFF. argumenta pro nihilo habenda censemus. Iam vero nostrae sententiae praeter argumentum illud supra indigitatum magnopere favet a) quod יָצָא hand raro sensu hostili dictum legitur: egredi in bellum, cfr. 2 Sam. XI, 1. Ies. XLII, 13. Ps. LX, 12. b) accedit, quod Micha II, 5 diserte Assyriam vocat terram Nimrodi (cfr. CASPARI über Micha p. 172). — Docemur igitur Babylone condita, Nimrodum Assyria potitum Niniven ct. aedificasse, atque adeo Cuschitas cum Assyriis Semitis esse commixtos; id quod aliis insuper argumentis magis magisque comprobatur. cfr. supra p. XIX. DELITZSCH. Genes. p. 223. — Ceterum memoria dignum videtur ut notemus HOFER. in libro paullo post recensendo p. 244 אֲשִׁיר interpretari gressum: „e terra illa exiit gressus aliquot!“ — Refutatur autem idonea loci interpretatione DIODORI et STRABONIS opinio, qui Babylonem serius conditam esse quam Ninum docuerunt. cfr. TUCH. 1. l.

latis, quattuor ibi oppida condidisse, Niniven, Rechoboth Ir, Kalach, Resen; e quibus Nini situs certo definiri potest: sita erat in sinistra Tigridis ripa¹, non multum supra illum locum,

1) Eo loco Ninum olim sitam fuisse, luculentissimis argumentis comprobatur, quae tam veterum suppeditant scripta quam medii aevi auctores geographici et traditae deinceps per tot secula incolarum opiniones et narrationes; id quod uberrime demonstraverunt RITTER. Erdk. p. 171 ss., nec non TUCH. in commentatione diligentissime conscripta illa de Nino urbe, p. 3 ss. 17 ss.; brevem horum argumentorum et ceterarum rerum, quae ad situm Nini et historiam pertinent, conspectum proposuit WEISSENBORN, Ninive u. sein Gebiet. Ac Xenophontis quidem auctoritas, qui in illa regione castra posuit, Nini autem nomen videtur ignorasse, nec nisi Mespilam affert tanquam nomen ingentium ruinarum, tantum abest ut quicquam contra hanc sententiam valeat, ut vel ex ipsissimis verbis eius pateat, non posse eum nisi Nini descripsisse ruinas; nam lapides caesi, conchis et petrefactis distincti, quas in ruinarum moenibus sese conspexisse ait, nusquam nisi in illis omnino reperiuntur, quas aliunde constat esse Nini; cfr. RITTER. l. l. XI, p. 175. 238. TUCH. l. l. p. 42 ss. infra p. 115. DIODORUM autem vehementer errasse cum Bibl. II, 3. 27 Ninum apud Euphratem sitam fuisse traderet, cum inde apparet, quod ipsius verba hand satis inter se constant (cfr. RITTER. l. l. p. 228), tum clarissimis HEROD., STRAB., TACIT., PTOLEM., AMMIANI MARCELLINI, PLINII testimoniis confirmatur (cfr. RITTER. ibid. p. 171 ss.); unde simul patet, falso a PLINIO ad occidentalem Tigridis ripam urbis locum transpositum esse. Nihilominus nostra memoria inventus est, qui DIODORI opinionem non modo fortiter defenderet, verum etiam omnem moveret lapidem, quo commonstraret, ruinas e regione Mossulae apertas nullo modo posse neque Nini neque omnino Assyriorum esse, FERD. HOEFFER. dico, qui futilem disceptationem suam, partim expositam in diurnis Parisiensibus L'illustration 1849, 22. Nov., 1850, 26. Ian., uberius declaratam in libris: Premier et second mémoire sur Ninive, Paris. 1850, etiamsi diligenter fuerit refutata a QUATREMERIO (Journ. d. Savans 1850, m. Iun.) et de SAULCY aliisque, nihilo secius copiose repetiit nostro primum sermone (cfr. Wiener allgem. Bauzeitung ed. FOERSTER 1850, Literatur- und Anzeigebblatt p. 79—107) deinde etiam Francogallico (L'Univers. Histoire et Description de tous les peuples. Chaldée, Assyrie, Phénicie ct. par F. HOEFFER. Paris. 1852, p. 248 ss. p. 323). At vero argumenta, quibus arbitriam opinionem suam sibi videtur fulcire, eiusmodi sunt, ut, si vel nulla haberemus veterum testimonia, quae Ninum in sinistra Tigridis ripa constitutam fuisse affirmant, vel miserrima illorum ratione altera illa magnopere labefacteretur; quae ut referamus et recenseamus, operae pretium non est; satis erit supra et p. 27. 67 aliquot ex iis indigitasse; quo addimus, quod nusquam Nini rudera nunc possent reperiri, inde maxime probare v. dum, quod Nahum et Zephania praedixissent, urbem funditus fore eversam!

ubi Zabatus fluvius in Tigridem cadit, e regione oppidi Mossulae; de reliquis coniciendo tantum concludi potest, ubinam fuerint sita². Has autem urbes magis magisque paulatim amplificatas,

2) Statuto Nini loco, quid de reliquis oppidis concludere valeamus, videndum est. Atque Geneseos quidem verba nihil omnino suppeditant, quam quod Resen inter Niniven et Kalach medio fuerit interiecta loco. Iam igitur cum Ninus e regione Mossulae sita tumulis artificiose exstructis Nebbi Yunus (de quo cfr. LAY. Niniveh p. 316) et Koyundjuk (cfr. ibid. p. 253 ss.) fere referatur, Kalach quaerenda forte videatur in ruinarum mole illa, cui nomen est Kalah Shergat (cfr. LAY. ibid. p. 10. 215 ss.) inter utriusque Zabati s. Lyci ostium, 50 mill. angl. super Zabatum minorem sita, quae in circuitum paene amplissimum praeter ceteras ruinas extenditur (4685 Yards, cfr. BON. Nineveh p. 102); sequeretur inde, ut Resen videretur monumentis Nimrudensibus contineri (LAY. p. 11. 272), quo nominis etiam similitudo ducit a XENOPHONTE nuncupati *Λαρίσσα*, quo nisi Nimrudem non posse significari tam e natura locorum (cfr. TUCH. l. l.) quam ex itineris longitudine, quo Larissa Mespilam s. Ninum sese profectum esse narrat, extra omnem dubitationem positum est (cfr. RITTER l. l. TUCH. l. l.). Cuius sententiae patroni, BON. l. l. p. 98 et WICHELHAUS (Zeitschr. d. deutschen morgenl. Gesellsch. V, p. 482, ubi probe docetur, quomodo כלח distinguenda sit a חלח in libb. Regum commemorata, et a Cholwan, nimis ad meridiem remota) videant, ne merae nominis similitudini nimium tribuant; nam Kalah mera est loci nota, quemadmodum in eadem fere regione mappae geographicae exhibent vicos Kalah Machul, Kalas Bureijasch, all.; tum vero ne altera quidem similitudo, quam inter Resen et Larissam intercedere BOCHARTUS (Phal. III, 20) dudum notavit, magni facienda videtur. Aliter statuerunt LAYARD. (Niniveh p. 11) et RAWLINSON., qui Kalach contendunt esse Nimrud, cum aliis ex causis, tum, quia ruinis illis saepissime nomen inscriptum inveniatur Calah, cfr. RAWLINS. Commentary p. 17. 18, Outlines p. XXII, ubi asseverat v. dd.; „The identification, it must be observed, of these two cities of Nineveh (immediately opposite to the modern town of Mosul) and Calah (upon the site which is now called Nimrud) is quite positive; the names are found on every brick and almost every slab, which is excavated from the respective sites.“ Nomen autem Larissae nihilominus ad Nimrudem pertinere opinatur, cum a Sanheribi in memoriam victoriae apud oppidum Lachisch de Aegyptiis reportatam (cfr. infra) urbi Calah videretur superadditum, cfr. Outlines^o p. XXXVI: „it may have been in commemoration of his victory on this occasion, that Sennacherib bestowed the same name on his Assyrian capital of Calah, a city which is also termed Lachis, לקיסר, in the Samaritan Pentateuch, (teste MICHAEL spicileg. 247, cfr. RAWLINS. Commentary p. 18) and is named Larissa by XENOPHON.“ Quae quomodo accuratior descriptionis cuneatae indagatione confirmentur, expectandum est; ac si quando haec sen-

postea communi Nini, „urbis magnae,“¹ nomine compre-

tentia comprobata fuerit, Resen inter Nimrudem et Mossulam sitam fuisse opinabimur. Ceterum a recto aberrasse videtur LAYARDUS, qui Athen. Lond. 1850, Apr. 20 rudera huius oppidi reperisse dicitur in ruinis illis vico Reish Aina apud Chaboram fluvium adjacentibus; nam vici illius nomen (*Peisira* PROLEM.) probe interpretandum est: caput fontium (cfr. RITTER XI, p. 375), neque vero situs ille, quem traditum legimus Gen. X, 11, cum illa opinione coniungi potest. — Notandum etiam est, Rechoboth Ir frustra a vv. dd. hic illic quaesitam esse; meridiem versus a Kalach sita videtur secundum versionem Samaritanam, quae reddidit סטכן, Sittace (*Σιττακη* PROLEM.), cfr. WINERT RW. a. v.; alios similitudine nominis Rahaba seductos fugisse videtur, IAKUTUM plus VII eius nominis afferre loca; TUCHIUS Genes. a. h. l. idem esse existimat quam רחובות הנדר Gen. XXXVI, 37, apud Euphratem sita, ibique fere ruinas nuper consimili nomine insignitas invenit Col. CHESNEY, cfr. BON. l. l. p. 43. — Ceterum, licet omnis haec quaestio in loco haud satis firmo et stabili versetur, maxime tamen improbandam censemus KNOBELII sententiam, qui (Völkertafel p. 344. 5) Niniven ibi sitam contendit, ubi hodie Nimrud, Resen ubi Koyundjuk, Kalach ubi Khorsabad, et Rechoboth Ir meridiem et orientem versus — nam, ut omittamus cetera, ex indicibus luculentissimis apparet, oppidum et palatia Khorsabadica octavo demum a Ch. seculo a Sargone vel Salmanassare condita esse.

1) Satis vexata verba illa Gen. X, 12 זה העיר הנוריה ad Resen haud probe referri possunt, cum nusquam neque in ll. ss. neque in veterum scriptis de magnitudine et celebritate huius oppidi quidquam legatur traditum; deinde quominus ad Ninum solam respici existimemus, grammatica ratione vetamur (ואח - רסן בין - נינרה ובין - כלח זה ה' ה') restat ut quattuor urbes una cogitatione comprehensas opinemur, id quod placuit KNOBEL., LAY., RAWLINS., FELDBOFF., DELITZSCH. Gen. p. 222, all. Iam vero, si hanc admittimus de explicandis Geneseos verbis sententiam, nullo modo cum illo ambitu confundenda est ea magnae urbis descriptio, quam in libro Ionae III, 3 expressam legimus: „et Ninive erat urbs magna deo, via trium dierum, מרהלך שלשה ימים; de qua ex antiquissimis temporibus interpretum sententias constat discrepare. Nam ut omittamus Ephraëmi Syri aliorumque opinionem (cfr. ASSEMANI bibl. orient. I, 525 — 70) qui tres dies ita exponerent, ut prima die vatem urbem intrasse et hic illic praedicasse dicerent, altera ad magnates perrexisse, tertia denique ad regem admissum esse — quae interpretandi ratio studium illud eliminandi omnia, quae mirificam speciem habere possent, apertius olet, quam quae in censum venire possit — interpretes longe plurimi non de longitudine sed de ambitu dici existimant; quibus adversantur ABARBANEL, ROSEN. (Alterthumsk. I. II. p. 117), HESSELBERG., JAEGER. (Tüb. Zeitschr. 1840, I, p. 63 ss.), HIRTZIG., qui verba מרהלך שלשה ימים ad normam v. 4^{ti} exigenda contenderunt, ubi legimus: „et coepit Ionah incedere in urbe viam

hensas fuisse, adiectis a Moyse verbis videtur indicari.

unius diei, מֵרֶגֶל יוֹם אֶחָד. At probe respondit WINKERUS RW. assentiente HAEVERNICIO, vix prophetam recta via per urbem progressum, sed huc illuc prima die vagatum cogitandum esse; neque vero v. 4^{um} tam arcta necessitudine contineri cum v. 3^o, quam cum 5^{to}, atque adeo idem verbum utroque loco non necessario significare longitudinem itineris. Accedit, quod a DIODORO et STRABONE eundem fere Nini ambitum traditum accepimus, cum ille Nini muros in quadranguli formam aedificatos 480 stadia comprehendera tradiderit, auctore CTESIA ut videtur, STRABO autem Ninum multo maiorem docuerit quam Babylonem fuisse, hanc autem (XVI, 1. 5) in 385 stadiorum ambitum extensam, quibus HEROD. 100 fere stadia addidit (cfr. I, 178); iam si 150 stadia unius diei iter faciunt (HEROD. V, 53) trium dierum ambitum fere constare videmus. Atque hi quidem calculi detectis nuper Nini ruinis mirifice comprobantur. Sat variis quidem modis antiquum Nini circuitum vallis murisque et ruinarum molibus designatum reperisse sibi visi sunt, atque ipse LAYARDUS quadranguli illius speciem quattuor ruinis referri existimat Nimrud, Koyundjuk, Khorsabad, Karamles, eamque norma et metris adhibitis nuper comprobata asseverat (cfr. RAWLINS. Outlines p. XLIII): maxime tamen omnium (cfr. reliquas opiniones a RITTERO expositas, l. l. p. 224 ss.) BONONI commendatur sententia, qui figuram a DIODORO descriptam quadrare demonstravit in spatium illud quod includitur tumulis Koyundjuk et Nebbi Yunus, Khorsabad, Karamles, Kara Kush, et iugo montis Gebel Maclub; cfr. BON. p. 94; quorum ambitus 60 milliarum angl. $(10 + 20 + 10 + 20) = 480$ stadia comprehendit. Quae sententia eo magis commendatur, quod continua fere tumulorum ruinas continentium series descripta illa includuntur linea, Nimrudica autem palatia, quas LAYARD. una comprehendere mavult, prorsus separata et seclusa iacent, atque in titulis cuneatis RAWLINS. auctore accurate a Nino distinguuntur. (cfr. Outlines p. XXII.). — Posset quidem cogitari, trium dierum longitudinem nihilominus ad Ninum referendam esse, quoniam extrema palatia duo, inter quae reliqua quasi interiecta omnia sunt, Khorsabad et Kalah Shergat, trium fere itinerum spatio distant; nam Khorsabad a Mossula V fere horarum intervallo abest, unde Nimrudem VIII horis profiscuntur (cfr. RITTERI Erdk. XI, p. 241. p. 175); Nimrudenses autem ruinae medio fere inter Khorsabad et Kalah Shergat loco sitae sunt (cfr. mappam geographicam LAYARDI libro additam.). At nec traditum usquam est nec veri omnino videtur simile, tam immensam fuisse magnitudinem urbis. — Utinque est, notanda probe sunt quae apposite monuit GOSIUS, Assyria p. 490: „It is not to be supposed that this vast area was covered with buildings, like our modern European capitals. Like all the great Asiatic cities, it was doubtless built in a loose and straggling manner, with many large fields for the production of corn and for the grasing of cattle, interspersed among the streets. We are told by QUINTUS CURTIUS that Babylon, even in the time of

Iam igitur Minus condita est anno circiter 2230^{mo} a. Ch., uti computavit USSERIUS (annall.), quocum concordat fere, quod CTESIA auctore regni Assyrii initia ab anno 2183^{io} 1 vel 2184^{to} 2 repetenda docet. Primis abhinc seculis, quanta regni recens inchoati fuerit potentia, definiri pro certo nequit³; constat tantum ex Aegyptiorum fastis, c. a. 2000 a. Ch. Assyrios haud impotentes fuisse⁴.

Deinde s. fere XV^{to} a. Ch. regni auctoritas si non permagna, tamen haud exigua fuisse videtur; id quod primum apparet e Bileami vaticiniis, qui summum inter gentes trans Euphratem colentes locum tribuit Assyriis⁵, et praesagiente animo tantam aliquando eorum fore potentiam praedicat, ut Israelitas in exilium deducerent⁶; nec minus e Moysis verbis Gen. II, 14, qui Mesopotamiam Assyriis illo tempore subditam fuisse indigitat⁷. Deinde

Alexander, was not continuously built over, but that within the precincts of the city there was a yaste space which was cultivated and sown, in order to provide food for the inhabitants in case of a blockade. The open fields, in fact, covered nearly as large a space of ground as the buildings."

1) Cfr. BRANDIS l. l. p. 12.

2) Cfr. HUFFELD. de rebus Assyriorum p. 5.

3) MOYERSIUS quidem (Phoenizier II, a, p. 258 — 72) amplissimum illo tempore Assyriorum regnum fuisse docet, nec vicinas solum regiones, verum Phoeniciam quoque et Asiae minoris partem imperio eorum paruisse; haec autem sententia, quam iure impugnavit STARKIUS (Gaza und die philistaeische Küste p. 192 all.), e domesticis potissimum fabulis repetita est, in quibus vetustissimae gloriae opinionem splendidissimis de Nino et Semiramide narratiunculis exornaverunt; MANETHONI autem et IOSEPHO, quorum utitur testimoniis, non multum in hoc genere tribuendum videtur, cum, ut omittamus cetera, IOSEPH. Arch. X, 1 reges illos Mesopotamios, qui Sodomitas bello petiverunt Gen. XIV, Assyrios regulos fuisse traderet, quemadmodum Kuschane Rischataim Ind. III, 8 et ipsum refert ad Assyrios. — Ceterum plus quingentis annis post fines eorum latius patuisse, statim videbimus.

4) Cfr. LEPSII Chronologie der Aegypter I, p. 6.

5) Cfr. Num. XXIII, 22 — 24: „et urgent Assyrios omninoque Eber."

6) Quae licet praesagienti vatis animo per speciem et visionem fuerint oblata, tamen secundum ratas exploratasque prophetiae leges aliquo fundamento historico sublevantur oportet. cfr. HANESTI. Bileam p. 194 — 210. p. 260.

7) Explicatio verborum: קרמח אשר, ubi Tigridem fluere docemur, satis intricata est. Iure quidem asseveravit TUCH. a. h. l., קרמח semper

Aegyptios tunc bello conflictasse cum Assyriis, monumenta eorum probant¹.

Medio fere s. XIII¹⁰ res Assyriorum immutatas esse, consentientes fere veterum scriptorum sententiae docent². Traditur enim

notare regionem orientalem, nec usquam mere significare ante, prae, cfr. Gen. IV, 26. 1 Sam. XIII, 5. Ez. XXXIX, 11. Possit autem significatio illa, quam fuerunt qui statuerent (KNOBEL. all.) omnino cogitando admitti, cum מָקָרִם de tempore dictum reperiatur Ps. XLIV, 2 all. (cfr. GENSEN. thea. a. v.), et קִרְיָמָה Habak. I, 9 aperte valeat de parte antica (cfr. DELITZSCH. a. h. l.); at vero, si illo Geneseos loco esset statuenda, ubi de situ fluminum disputatur, satis validis argumentis deberet comprobari. Iam vero אֲשֶׁר 1) antiquissimis temporibus proprias indigitat Assyriorum sedes trans Tigridem circa utrumque Lycum sitas (id quod probavit TUCK. l. l. p. 16); 2) postea demum, inde a sec. VIII^{vo}, patebat latius, cum Mesopotamiam etiam et Babyloniam Mediamque et Elamitidem complecteretur; quo sensu vocem a prophetis usurpari constat; nec minus apud Romanorum scriptores duplex iste verbi usus reperitur (cfr. WINER R.W. a. v.). Potestatem igitur optionemque nobis factam esse videmus, utrum nihilominus illo tempore ampliorem illum sensum valuisse existimemus, qui multis demum seculis post invenitur, an sermonis usu et ratione neglecta difficultatem eo expedire malimus, quod 'א' 'ק' vertamus: ante s. cis Assyriam. Nobis primum illud praeferre satius videtur, praesertim cum gentes, quae illas incolebant regiones, occidentem versus deinceps tetendisse ex aliis quoque exemplis probetur (cfr. Gen. XIV). Ergo putandum erit, Assyrios seculo fere XV^{mo} Mesopotamiae partem maximam tenuisse, ita ut ampliores eorum fines cis Tigridem quam ultra extitisse videantur (cfr. HENGSTB. l. l. p. 261). Cui sententiae contrarium esse temere contendit BRANDIS. l. l. p. 65, quod Berosus ab anno 1976—1273 (cfr. GUTSCHMIDT tabulam a BRANDISIO descriptam l. l. p. 17) Babylone Chaldaeorum et Arabum reges imperasse tradit (cfr. EUSEB. chron. armen. p. 40); facile enim Babylonia ab Assyriorum dominatione poterat vacare, cum Mesopotamia esset subiecta.

1) Cfr. S. BRACHIN Observations on the Statistical tablet of Karnak, Transactions of the Royal Society of Literature ser. II, p. 218. 317. 345. cfr. BON. l. l. p. 62. Notandum maxime est, quod utriusque regni fines lapidibus consignati describuntur titulo quodam Thothme III¹⁰ regnante, cuius verba sic reddidit BRACHIN (cfr. BON. l. l. ibidem): „Nenjiu, in stopping — when his Majesty came he set up his tablet to enlarge the confines of Kam (Egypt).“ Assyrii praeterea nomine Schari in monumentis Aegyptiis afferri putantur a CHAMPOLLIONE et WILKINSONO, cfr. HENGSTB. Aeg. u. d. Bb. Mosis p. 209; BIRCHINUS autem (cfr. LAY. Nineveh p. 394 ss.) Syros potius eo nomine significari existimat.

2) Cfr. HUFFELD. exercitt. Herod. I, 45. 50. III, 35. BRANDIS l. l. p. 56. DUNCKERI Geschichte des Alterthums I, p. 353.

Dercedatarum familia, penes quam a Nino inde et Semiramide summa rerum fuerat, illo tempore esse extincta, cum Balatoras quidam ultimum regem, quem CTESIAS appellat Beleum, BEROSUS autem Belochum, regno eiiceret et rerum ipse potiretur. Sub nova autem dynastia, quae ad s. VIII^{um} usque continenter regnavit, fines imperii, domestico fere ambitu superato, augebantur deinceps atque amplificabantur, donec eo profecerant Assyrii, ut summa de orbe terrarum potentia gauderent. Primis autem illinc seculis aut tardius omnino progressi videntur aut orientem tantum versus victricia protulisse arma; neque enim, nisi ita esset, Davidis et Salomonis regnum tam feliciter, nihil ipsis refragantibus, ad Euphratem usque potuisset augeri. Fieri autem non poterat, quin occidentem¹ quoque peterent et Syriae etiam et Palaestinae arma inferrent, atque adeo ad Israelitarum fata magnopere pertinerent. Sic primus omnium, si cunei recte enucleati sunt, Iehu bellicosissimo regi illi, qui in statua Nimrudensi fastos suos expressit, Divanubarae, dona pertulisse videtur². At quo magis Assyriorum augebatur potentia atque super-

1) Bello Troiano Memnonem ab Assyriorum rege Teutamio cum auxiliis missum interfuisse tradit DIODOR. bibl. II, 22; quid? quod PLATO leg. III, 685 ct. Troianum regnum Assyriaci imperii μόχθον fuisse docet; Assaracus autem, Priami avunculus, summi numinis nomen refert. Assyrios omnino ad Asianarum gentium et Graecorum praesertim artes moresque conformandos magnopere pertinuisse, cum primo fere monumentorum aspectu appareat, tum in clariore indies luce constituitur.

2) Nomen regis, qui gravissimum hoc monumentum posuit, a RAWLINS. nunc Divanubara legi, a GROTEF. Shalmaneser, supra monuimus; referuntur autem XXXI annorum gesta, quae Salmanassaro impertiri nequeunt, nisi forte Sanheribum regulum tantum Salmanassaro subditum putare in animo est, id quod temere admisit GROTEFEND.; opinionem eius refutavit EWALD. Götting. gelehrte Anz. 1851, St. 60—62. Ceterum, quicumque fuit rex ille (quem RAWLINS. eundem esse ac Deleboram, a MACROBIO commemoratum opinatur Outlines p. XXIV) de aetate eius c. a. 860 statuenda vix dubitandum est, cum Chazalla s. Hasael, Damascenorum princeps, atque Ethbaal, Sidoniorum rex, nominentur. Altera autem eorum pars, qui dona splendidissima afferentes pinguntur, non solum expressum Israelitarum habitum ostendunt, verum nomen regis, a quo mittuntur, HINKEIUS simul et RAWLINS. affirmant exaratum esse: „Yahua filius Khumriya;“ fuit quidem Iehu non filius Omri, sed Iosaphati, et nepos Nimshi; at illius forte filius dictus est, cum haud ita multo post regnando eum excepit; Samaria autem in Assyriis titulis solet appellari Beth Omri. Libri sacri nusquam aliquam huius facti memoriam exhibent; tamen cogi-

bia, eo clarius paullatim apparuit, quanta et quam gravia munerum exsequenda iis a Domino destinata atque iniuncta essent. Id quod in amplissima luce constitutum est vaticinio Ioniae. Nam sicuti haud raro factum est, ut deus, cum summa quadam necessitate gens aliqua cum Israelitis contineretur, ei nomen suum et maiestatem singulari aliqua ratione manifestaret¹ — quemadmodum Aegyptiis per signa illa atque portenta, Babyloniis per Danielis verba et facta, Persis per praeclarum vaticiniorum de Cyro antea editorum eventum — ita ad Assyrios, quibus tanquam omnipotentiae suae instrumentis usus erat, Israelitarum non minus quam Iudaeorum fati declarandae, ad eos inquam Ionam emisit vatem, qui civitatem illam non humano solum verum divino etiam modulo² ad potentiae et malitiae fastigium evectam, interitus comminatione proposita ad poenitentiam sibi praestandam commoveret³; atque adeo ruptis quodammodo V. Ti. finibus salutem, ab Israelitis spretam, ad gentes aliquando redundaturam demonstraret. Quo facto cum Ierobeamo II regnante⁴ declaratum esset, summum inter gentes locum Assyriis eo tem-

tari probe potest. Iehu enim omnem idololatriam quantum posset in utroque regno extinguere conatus est; Assyrii autem Baalis et Astartis colendorum summi tum exstiterunt patroni, ac praeter ceteros rex ille, quem Divanubara appellavit RAWL., Assaraci cultum passim, quoquo penetrasset, instituisse gloriatur; atque adeo veri haud dissimile est, quod Iehu, ne inimicitiam eius et iram laceraret, donis eum placaverit. — GROTEFEND. legendum censet Yahua ben Ubri, id quod propius abest a RAWLINSONI lectione antea probata ben Hubiri, eumque Hiskiae ministrum esse opinatur, 2 Reg. XVIII, 18 ss; is vero nominatur בן-אסף. — Cfr. RAWL. Comment. pag. 47. Athenaeum 1852, No. 1274, p. 357; Literary Gazette 1851, p. 257; RAWL. Outlines p. XXIV.

1) Cfr. (HAEVERN.) das Buch Iona, ein apologetischer Versuch. Evang. Kirchenzeitung 1834, p. 218.

2) Cfr. Ion. III, 3: יְהוָה הֵחָדָר עִיר נְדוּלָה לֵאלֹהִים I, 2: כִּי עָלְמָה רַעְיוֹנָם לִפְנֵי.

3) Quod tam facile Iona fortissimorum Assyriorum animos adeo percellere potuerit, praeter exempla satis similia (cfr. l. l. p. 222) eo referendum est, quod divinationi et cuiusvis generis superstitionibus magnopere dediti erant; cfr. supra p. XXV, not.

4) Cfr. 2 Reg. XIV, 25. Regis Assyrii nomen, qui poenitentiam praestandam populo praeivit, ex inscriptionibus nondum certo enucleatum est; RAWLINS. opinatur regnasse eo tempore Adrammelechum II^{um} (cfr. Outlines p. XXVI).

pore esse assignatum, mox ad destinata sibi a deo munera exsequenda adducti sunt.

Ita enim sacra gens per omnia secula instituta atque educata est, ut ab aliqua deinceps gente, quae summam de orbe terrarum potentiam teneret, vexaretur; gentes autem, quae ita ad Israelis salutem comparandam cooperarent, non fortuito admittebantur, verum pro sua indole, et prout Israelis conditio exigeret, a deo eligebantur. Inter quas primum locum per longum tempus tenebant Aegyptii. A quibus cum a Rehabeami aetate vacassent, neque inde nisi minorum gentium inimicitia exercebantur, iam Iudaei non minus quam Ephraimitae eo abierant perversitatis, ut maioribus opus esset populis, qui summa potentia humana instructi eos non vexarent solum, verum pessumdarent atque contererent. Quo iam officio qui illo tempore perfungerentur, maxime idonei inventi sunt Assyrii. Primum enim opportunitas locorum, quibus proprias suas habebant sedes, idonea maxime erat ingenti imperio inde expugnando atque administrando, quoniam medium illum tenebant locum, quo summa quaeque itinera ex Asia et Europa et Africa undique cogeabantur¹; quo adde singularem coeli illius temperiem, quae ad corpora obduranda animosque a mollitie et segnitie revocandos magnopere pertinebat². Maxime autem natura eorum atque indoles, qualem tam e ll. ss. quam ex monumentis perspicimus, strenua illa maxime atque bellicosissima, perfida simul et malitiosa, videtur consideranda. Est enim gens illa, quae „velociter et festinanter accurrit a finibus terrae; non est lassus inter eos nec qui impingat; non dormit nec admittit somnum; non soluta est zona lumborum eius nec atteritur lorum calcei — mugit instar leonum catulorum, et fremit et capit rapinam et aufert, neque est qui eripiat.“³ „Ut heroës currunt, ut bellatores ascendunt murum,

1) Cfr. infra p. 119.

2) Cfr. TUCURUM l. l. p. 26—37. Hodieque loca illa bellicosissimae tenent Kurdistan, Assiretarum all. tribus. cfr. RITTERI Erdkunde IX, 3, 570. 573.

3) Ies. V, 26—29. Patent quidem latius verba et Babylonios quoque et, qui praeterea secuti sunt, Israelitarum hostes comprehendunt; tamen, sicuti Ioëlis verba confestim afferenda, maxime cadunt in Assyrios, quippe qui primi a septentrione (cfr. Io. II, 2, 20) venerunt, et quibus posteri quodammodo continebantur. cfr. Ies, XIV, 24—27 et DRECHSLER. a. h. l.

et sua quisque via incedit, nec mutant semitas suas; nemo trudit alterum, in suo quisque tramite incedit, et per media tela ruunt, non abruptunt viam; in urbe discursitant, in muro discurrunt, domus ascendunt, per fenestras ingruunt instar furis.“¹ Ubi appropinquant, diro omnes percelluntur terrore²; mittuntur enim, „ut contendant gentes atque conterant,“³ ut „pedibus eas conculcent tanquam coenum platearum.“⁴ Ubi grassatus est, desolata omnia et depopulata iacent⁵. Ea autem omnia superbia sua et oculorum maiestate elati suis viribus perpetrasse gloriantur⁶, reges a solio detrusisse integrosque populos abduxisse, ipsaque eorum numina superasse et suam potentiam adeo iis maiorem comprobasse, ut vel Iudaeorum deum, Dominum exercituum, frustra sibi refragari opinarentur⁷. — Iam vero, ubi oculis perlustramus monumenta, primo statim obtutu occurrit, quod probe notavit KUGLERIUS⁸: „man erkennt ein stämmiges, untersetztes Geschlecht von sehr kraftvoller, aber zum Fettwerden geneigter Constitution, ein höchst eigenthümliches Gemisch von Energie und Ueppigkeit der Gesamteindruck der Figuren, seien es Männer, Weiber oder Eunuchen, hat immer etwas Ernstes und Imposantes.“ Luculentius etiam EDWARDSIUS⁹ hanc indolem perstrinxit, cum declararet: „All the figures indicate great physical development, animal propensities very strongly marked, a calm, settled ferocity, a perfect nonchalance amidst the most terrible scenes; no change of feature takes place, whether the individual is inflicting or experiencing horrid sufferings. — The pictures are very remarkable as indicating the entire absence of higher mental and moral qualities, and the exuberance of brutal parts of mans nature. At the same time there is not wanting a certain consciousness of dignity and of inherent power. There is a tranquil energy and fixed

1) Ioël. II, 2, 7 — 9; haec verba egregie illustrantur monumentis; cfr. Bow. I. I. p. 162. 190. 280. 281 all. LAY. Monuments et. tab. 81 all.

2) Ies. X, 28 ss.

3) Ies. VIII, 9.

4) Ies. X, 6.

5) Ies. XXXII, 9 all.

6) Ies. X, 12. 13.

7) Ies. X, 8 ss.

8) KUGLER. Kunstgeschichte (2) p. 75. 76.

9) Cfr. KIRRO Scripture Lands p. 50. 51.

determination, which will not allow the beholder to feel any contempt of this stern warriors.“ — Quo adde mirificas illas animalium species, quibus palatiorum portae custodiebantur, leones vel tauri humano capite alisque aquilinis insignes¹, robustissimi Nimrodi statuis variatas, qui altera manu leonem catulum, altera anguem nullo fere negotio comprimit² — quibus, quaecunque earum fuit significatio, monere certo videntur, quanta potestas in muris istis habitaret.

Atque hanc quidem naturam rebus a se gestis magnopere comprobaverunt; ingenti autem robori suo cum summa astutia et calliditate moderabantur. Hoc enim illud est, quo praesertim ab aliis differunt gentibus maioribus, quae antea vexarant Israelitas, quod non praedandi tantum caussa vicinos fines vexabant et exactis spoliis domum redibant, verum primi praestituto consilio et ratione id agebant, ut omnem deinceps terrarum sibi orbem subiicerent. In eoque ita fere versabantur, ut non vi statim et armis, quas possent, gentes opprimerent, verum praestigüs primum et falsis pollicitationibus irretire³ conarentur; dein rixarum ansas diligenter quaerere, ut iure eas percellere viderentur; atque adeo occasionibus caute observatis, ubi gentes inter se dimicantes viderent, debiliores semper adiuvare affectabant, quo certius

1) Cfr. LAY. Ninive u. s. Ueberr. p. 422. BON. l. l. p. 130 ss. GOSSE Assyria p. 104—114. Animalia illa, quae saepissime quidem in portis palatiorum constituta, verum alias quoque reperiuntur, cum aliis belluis s. cum hominibus dimicantia (cfr. GOSSE l. l.), quemadmodum apud Hebraeos Cherubini summas ingenii et corporis vires coniunctas significare videntur. Ceterum quanto maior intercedat similitudo inter Cherubinos et Assyriorum species illas, quam cum Aegyptiorum sphingibus (cfr. HENESTR. Aeg. u. d. Bücher Mosis p. 160—164), inde statim apparet, quod Aegyptiae belluae numquam fere aliis ornatae sunt; rara exempla nonnulla ab Assyriis repetita videntur, cfr. LAY. ibid. Praeterea etiam palmae et flores istae, bovesque et leones, quorum imaginibus Salomo templi muros exornavit (cfr. 1 Reg. VI, 32 ss. VII, 29 ss.), mire concinunt cum eiusmodi apparatu haud raro apud Assyrios reperto, cfr. LAY. fig. 31, a. b. Neque vero probari ullo modo potest, alteras species ab alteris esse delibatas. Quare, nisi forte BONOM. secutus Paradisi memoriam in omnium gentium eiusmodi animalibus reperiri existimaveris, tutius NEUMANNIO assentiemur, qui consimiles cogitationes atque notiones symbolicas simili ratione conformatas esse docet, GUER. et RUDELBACH. Zeitschr. 1853, I, p. 137 ss.

2) Cfr. BON. l. l. p. 134.

3) Cfr. Nah. III, 4.

et fortiores subiugarent¹. Quas artes egregie perstrinxit Hoseas, cum Assyriorum regem appellaret מלך ארר, rex „altercabitur.“² Quam autem perfide et malitiose egerint erga populos, cum quibus conflictaverunt, satis superque experti sunt Iudaei a Tiglath Pileser maximeque a Sanheribo³. Et simulac hostes aliquos superaverunt, tum ad internecionem usque cum immani crudelitate eos excruciabant⁴, quo in genere haud raro universum populum in alias deduxerunt regiones, ne umquam suis legibus vivere ne conari quidem possent⁵.

Quae agendi ratio quantopere ad munera a deo iis iniuncta pertinuerit, clarius etiam intelligitur, ubi comparantur cum Aegyptiis. Est enim singularis necessitas quaedam atque similitudo, quae intercedit inter eam rationem, qua Israelitae cum Aegyptiis, et qua cum Assyriis continebantur. Ac de situ quidem et natura hoc primum monemus, quod propriae utriusque regni sedes convalles tenebant late patentes, modicis montibus inclusas et magnis fluminibus oceanum petentibus irrigatas, quae ad indolem eorum et fata magnopere pertinebant; tum vero terra sacra ita inter utrumque iacebat interiecta, ut faucium quodammodo portarumque gereret vices; quas qui tenebat, non solum firmo propugnaculo verum etiam receptaculo satis tuto videbatur instructus esse⁶, id quod Sanheribi praesertim tempore luce clarius apparuit. Unde repetendum est, quod, ex quo Aegyptii et Assyrii mutua inter se commercia et consuetudinem iungere coeperunt⁷,

1) Cfr. MÖRKSEN *Phoenizier* II, a, p. 378.

2) Cfr. Hos. V, 13. X, 6. De hac voce satis diversae vv. dd. exstiterunt sententiae. Certi cuiusdam regis nomen, cuius nullum usquam reperitur vestigium, vel ideo esse nequit, quod articulus deesse non deberet, quod iam pridem RASCHIO exprobravit LIVELIUS; nec melius pro adiectivi forma habuerunt SYM., AQUILA, HIERON., TARNOVIUS, *ἑνδίκος*, vindex et. Simpliciter explicatur tanquam altera species futuri a. v. ארר, statui constructo v. מלך ארר apposita, qua Assyrii regis indoles exprimat. cfr. GESSEN. thes. SIMSONI comm. a. h. l.; neque vero statuenda est significatio dimicandi, verum altercandi, rixandi, quae longe usitatissima est, cfr. GESSEN. thes. a. h. v.

3) Cfr. CASPARI *syr. ephr.* Krieg p. 69.

4) Cfr. infra p. 129.

5) Cfr. pag. 107, ad III, 10.

6) Cfr. SCHLOSSERI *Universalhistorische Uebersicht* I, p. 213. HENGSTB. *Bileam* p. 261. STARKI *Gaza* p. 190. 191.

7) Eiusmodi consuetudinis vestigia maxime XVIII^{ae} et XXII^{ae} dy-

utriusque maxime deinceps intererat, ut Palaestinam vel foedere sibi adstrictam vel subiectam haberet imperio. Accedit, quod utraque gens universi quodammodo generis humani in se gerebat imaginem, Semitici generis et Iaphetitici simul et Hamitici, Aegyptii autem ad Hamiticam potissimum familiam, Assyrii ad Semiticam pertinebant¹. Et cum Aegyptiacum regnum primum esset, cuius expositi arbitrio Israelitae secularis omnino potestatis experiebantur naturam, alterum autem idque gravissimum Assyrium, quoniam sequentium fere omnium radices comprehendebat et origines: satis ampla luce videmus collustrari, quod prophetae utriusque imagine haud raro utuntur ad exprimendam mundi speciem Deo simul et civitati eius inimici; eorum irritamentis sacra gens seducitur² primum, dein potentia et iugo vexantur atque opprimuntur³; porro, ubi hac poena satis apparent castigati, ab arbitrio eorum redimuntur⁴; postremo ipsi hostes illi una cum iis ad veram Domini religionem convertentur⁵. — At vero satis etiam utriusque populi ratio est diversa. Sicuti enim longe diversis temporibus alteri genti Israelitae fuerant subiecti, ita ab Aegyptiis illecebras potissimum et irritamenta rerum humanarum deinceps experiebantur, cum per Assyrios edocerentur, eum, qui peccatis seculi indulgeret, ipsius seculi potestate percelli atque contundi. Sic a primis populi initiis ad extrema usque Hierosolymorum fata Aegyptiorum semper illecebris et corruptelis obnoxii erant: in Aegypto vel Abrahamus ad peccata sedu-

nastiae aetate tam consimilibus regum nominibus quam artium indole all. deprehenditur in utriusque populi monumentis. cfr. *Lepsi Chronolog. der Aeg.* p. 223. *Lav. Niniveh* p. 297—302. 304. 394.

1) Aegyptii in tabula ethnologica Gen. X ab Hamitica familia reperiuntur; trium autem naturarum signa satis luculenta in craniis et physiologico omnino eorum habitu conspiciuntur, cfr. *Mooron Crania Aegyptiaca*, Philadelphia 1844, p. 65. 66. *Pruner die Ueberbleibsel der altaegyptischen Race* p. 14. 17; in Assyriorum autem natura Semitico generi Cusiticum aliquid atque Arianum simul commistum fuisse, magis indies perspicitur. cfr. p. XXXV. XLI all.

2) Cfr. Hos. XII, 2 all.

3) Cfr. Ies. VII, 18. LII, 4.

4) Cfr. Hosea VII, 11. XI, 5. 11.

5) Cfr. Sach. X, 10. Indidem repetendum est, quod haud raro ambo inter se contenduntur, atque alterius fata atque exitium alteri tanquam exemplum proponuntur; cfr. Nahumi pericopam de Thebarum excidio, III, 8 ss., Ezech. XXXI. XXXII, 22 ss.

ctus est, Aegypti carnem et ollas desiderabant in deserto, speciosa Aegyptiorum irritamenta et foedera dolosa plus quam semel perniciem iis paraverunt¹; contra ab Assyriis superbis illis atque ferocibus non tam seducebantur atque corrumpebantur, quam armorum vi et insidiis opprimebantur, conterebantur, pedibus conculcabantur². Ergo indolem imperii Assyrii praeclare expressit Micha, cum Assyriam appellaret „terram Nimrodi“ (V, 4), trucidis venatoris illius coram Domino, quippe qui primus non bestias solum, verum homines gentesque venando superaverit³ atque omnium tyrannorum perfectum in se gesserit typum atque imaginem. Sic Assyriorum quoque dominatio maxime digna videbatur, quae totius seculi per omnes aetates Deo adversantis vicibus fungeretur⁴.

Iam vero, quoniam uberius explicavimus eam dignitatem, in qua regnum Assyrium constitutum erat, et qua ratione cum sacra gente continebatur, paucis perstringendum videtur, quonam modo ad summum potentiae cumulum pervenerit. Videmus autem res Assyriorum continuo fere progressu augeri, donec Sanherib funesta apud Hierosolyma accepta clade a fastigio deiectus est. Primus enim Phulus, Menachemi ut videtur lacessitus audacia, qui Thapsacum apud Euphratem sitam expugnavit⁵, contra Israeliticum regnum movit castra, a. c. 762; donis tamen et tributo a Menachemo exhibitis, abstinuit ab expugnanda terra. Verum quoniam Palaestinae capiendae initium vel quasi praeludium factum videbatur, Tiglath Pileser⁶, qui regnando

1) Cfr. Ies. XXXI, 1 all.

2) Cfr. II. supra cc.

3) Cfr. Gen. X, 9. cfr. F. W. J. SCHROEDER, das erste Buch Mose, p. 225.

4) Cfr. Hos. VIII, 13. IX, 3. Mich. V, 5. VII, 12. 15 all.

5) Cfr. KELLUM ad 2 Reg. XV, 19. Hoseae verbis perperam intellectis (V, 13. VII, 11. VIII, 9) fuerunt, qui temere conlicerent, Phulum a Menachemo advocatum esse; contra quem? affirmare non valent. Cfr. HITZIGH comm. ad Hos. THENN comm. ad 2 Reg. I. I. In titulis ab eo rege qui ante Tiglath Pileserem regnavit, octavo anno (762) inscriptis Menachemi mentionem factam affirmat RAWLINS., assentiente HINKSIO, qui verba enucleavit: Minakhimmi Samarinaayi, cfr. Athen. Lond. 1852, Ian. 3, p. 26. RAWL. Outlines p. XXVI. Nomen regis nusquam luculenter expressum adhuc occurrit, videtur autem idem fuisse, quod Sardanapalo. cfr. ib.

6) RAWLINSONIUS Phulum veteris dynastiae extremum fuisse regem affirmat, et anno 747 Salmanassarem, qui aliquo in palatio regio fungebatur munere, seditione exorta rerum potitum esse. Diu enim laboravit v. d.

- eum excepit, insanas Achasi preces libenter exaudivit, qui a Rezino, Damasci rege, et Pekah, Israelitarum principe, vehementer vexatus regis Assyrii auxilium imploravit a. 740, atque adeo effecit, ut ille Syro-Damasceno regno plane everso magnam

in eliminanda ea difficultate, quod monumenta Khorsabadica, quae Salmanassaris nomen inscriptum habent, tam universo habitu quam singulis rebus permultis adeo differunt ab antiquioribus, Nimrude inventis illis, ut aut modicum temporis intervallum inter utraque videretur intercessisse, aut seditio quaedam et rerum omnium immutatio accidisse (cfr. RAWLINS. Comm. p. 55 ss. LAY. Nin. p. 256 ss.) quid? quod BOW., versa vice, Khorsabadicum palatium longe vetustius reliquis esse argumentis permultis comprobasse sibi videtur (cfr. l. l. p. 301 ss.). Novissime titulis diligenter excussis eo se pervenisse docet RAWL., ut ab rege illo veterem familiam regno eiectam intelligeret; eoque referendum esse, quod maiores suos numquam nomine appellaret (cfr. LAY. p. 294). Possit quidem in huius sententiae favorem notari, ut nobis videtur, quod BEZOSUS Euseb. Chron. p. 40 ab anno c. 1273 XLV reges Assyriorum computat, quibus ab a. 747 ad a. 625 8 reges et ipsos Assyrios addit (cfr. BRANDIS. l. l. d. 17). Tum vero RAWL. cum confidentia et certitudine eo insistit, ut Salmanassarem non solum eundem fuisse ac Sargonem (Ies. XX, 1), verum etiam ac Tiglath Pileasarem existimemus. „In the former of these titles,“ inquit (Ontl. p. XXVII Tiglath (Tilgath in Chronicles, and *Ἐγλαθ* in the LXX) is a corruption of Tarkat or Targat, the goddess Derceto or Atargatis. Pil from פִּל, „to worship,“ and Eser is the god Assur; a title formed of these precise Assyrian elements being the standard epithet of Sargina in all his inscriptions; while Shalmaneser is probably for Shalman the Assyrian (Hos. X, 14), Sallam Anu, „the likeness of Anu“ (?) being also the second of Sargina's titles.“ Ac Sargonem quidem s. Sargina eundem esse ac Salmanassarem, Khorsabadici palatii conditorem, iam pridem contendit ille, cfr. Athen. Lond. 1851, No. 1243, p. 903, idque veri non dissimile esse, imo difficultatem illam, quod nusquam huius regis alia praeterea memoria deprehenditur, optime ita expediri, dudum intellexerunt VITRINGA, OFFERHAUSIUS, EICHORN., MOYERS., DRECHSLER all.; nam ut cum Sanheribo eundem fuisse opinemur, non movere nos potest, quod idem utriusque dux nominatur, Tartan (cfr. Ies. XX, 1. 2 Reg. XVIII, 7) cfr. KEIL. p. 461, quoniam id nomen non minus dignitatem indicasse videtur quam Rabsake et Rabsaris, cfr. BOW. l. l. p. 41. 149. 152 all. Alteram autem sententiam suam RAWL. eo sibi videtur fulcire, quod in libb. Paralipp. Salmanassaris nomen non legitur; et vero in II. Regg. de utroque dictum legimus, cfr. 2 Reg. XV, 29. XVIII, 9; dein Sanheribum quoque idem sibi nomen Tiglath Pileasaris imposuisse asseverat Ontl. p. XXX. Licet vero numero regum et ordine e monumentis percepto haec sententia videatur commendari, tamen tribus nominibus eundem regem in II. ss. nuncupari haud satis credibile existimamus, donec certiore titulorum cunea-

Israelitarum partem in Assyriam deduceret atque adeo Ephraimitici regni evertendi initia perpetraret, ipse autem imperata eius facere deberet, itaque Iudaea iugo et dominationi Assyriorum abhinc subiiceretur. Quo facto cum gravissimarum Asiae regionum imperio addendarum fundamenta faustissima iacta essent, haud difficile fuit Salmanassari his initiis instare, et deleta Samaria a. 722 in Phoenicia et Philistaea subigenda felici cum progressu elaborare¹. At vero everso Ephraimitico regno, iniuncto sibi a Domino officio perfunctis haud multo etiam proficere licebat. Nihilominus, qui eum subsecutus est, Sanheribo videbatur evenire, ut universum orbem terrarum Assyrio Marti subiugaret. Iam enim praeter proprias Assyriae regiones Media, Armenia, Mesopotamia, Babylonia, Asiae minoris pars maxima², Damascus, Phoenicia, ne multa, ut ipse gloriatur „universae Asiae

torum interpretatione tale quid edoceamur. Ceterum rex Salman Hos. X, 14, qui Beth Arbel evertit, temere ab EWALDO, SIMSONIO all. ad longe prius tempus reicitur; nominis enim similitudo luce clarior est, nec Hoseae aetas magnopere ob stare potest, quoniam teste titulo Hiskia etiam rege vaticinatus est. cfr. HAEVERN. Einl. II, 2. p. 282.

1) Cfr. Ies. XX, 1. Annales Sarginae, quoad nunc reperta atque enucleata sunt, quindecim tantum annorum gesta enarrant; unde repetendum est, quod de Samaria destructa nihil adhuc inventum est; commemoratur autem urbs illa quasi prateriundo, ubi de expeditione adversus Hamathem facta dicitur; praeterea in titulo quodam ab eodem rege, multo post ab Euphrate reverso, exarato leguntur verba: „Conqueror of the remote Iudaea,“ cfr. RAWL. Analysis of the Babylonian text at Behistun p. LXXXII. Outlines p. XXVIII.

2) Asiam minorem Assyriorum imperio subiectam fuisse, crebra probant monumenta eorum et inscriptiones, nec non oppidorum nomina Assyriam originem aperte ostendentia; de quibus diligenter disputavit KIEPERTUS, cfr. WEISSENBOCKII lib. p. 32, not. 118; sic haud procul a Tarso, Assyriorum colonia illa (cfr. BEROZI et ABYDENI testimonia ap. EUSEB. Chron. arm. p. 43. 53) reperitur vicus n. Nimrud, cfr. BARKER Lares and Penates, or Cilicia and its Governors, Lond. 1853, p. 15. 115; tum vero in Cariae Lydiaeque confinio oppidum est Ninoc, de qua STREPH. BYZ.: *εἴτα ἀπὸ Νίνου Νινός*. Veneris Assyriae imaginem, quae in monumentis Pteriae repertis expressa est, exhibet LAYARD. fig. 82. — Addendum est, in Cyprio insula stelen inventam esse, quae Salmanassaridis imaginem refert (cfr. BON. l. l. p. 127 ss. cfr. p. 194) eamque in museo regio Berolin. servari; eiusdem regis figura conspicitur in imaginibus una cum inscriptionibus in saxo haud procul a Beryto apud fluvium Nahar-el-Kelb expressis, de quibus cfr. BON. p. 125 ss. all.

reges a Libano, qui est sub sole occidente ad inferiorem oceanum usque, qui est sub oriente sole (sinum Persicum)¹ Assyriorum fuerunt; deerat Aegyptus et Aethiopia, deerat etiam, quo securius ad eas proferre possent arma, Iudaea ac praesertim Hierosolyma, caput rerum; his igitur bellum illaturus tertio regiminis anno², cum ingenti exercitu profectus est.

Phoenicia et Philistaea peragrata, apud oppidum Lachisch, meridiem et occidentem versus ab Hierosolymis situm, castra posuit. Atque Hiskias quidem, Iudaeorum rex, qui tributum quotannis solvendum abnegaverat³, cum in summo periculo versaretur, contumaciam suam deprecatus imperata facere promisit, atque adeo triginta talenta auri et trecenta talenta argenti iubente rege tradidit⁴. At vero in eo acquiescere vix potuit Assyrius;

1) Cfr. RAWL. Outlines p. XXX.

2) Tertio regni anno Sanheribum in Iudaeam profectum esse, probe computavit EWALDUS *Gesch. des Volkes Isr.* III, a, p. 472 all.; ac revera de expeditione illa tertio anno instituta satis copiose ipse rex tradidit, quibus mirifice comprobantur, quae 2 Reg. XVIII, 13 ss. 2 Paralipp. XXXII, 1 ss. et Ies. XXXVI, 1 ss. leguntur. cfr. RAWL. *Athen. Lond.* 1851, No. 1243; Outlines p. XXXII ss. Idem annus XIV^{tus} fuit Hiskiae, 714, neque vero 712, uti existimat BRANDIS, Hierosolyma a. 586 eversa ratus, cum rectius ab a. 588 proficiscendum sit.

3) Cfr. 2 Reg. XVIII, 7.

4) Graviora sunt, quam quae videantur omittenda, quae Sanherib ipse de hac re tauris duobus, in atrio palatii Koyundjucensi positus, inscripsisse affirmatur a RAWLINSO, qui rerum sex annis primis ab eo gestarum memoriam, cuneis ibi expressam, brevius primum perstrinxit in *Athen. Lond.* 1851, No. 1243, p. 903, tum vero ad litteram fere exhibuit in lib. Outlines ct. p. XXXI ss. Sic autem inter tertia anni gesta narratum legi asseverat: „.... and because Chazakijahu, king of Yahuda (cfr. *Athen. l. l.*) did not submit to my yoke, 46 of his strong fenced cities and innumerable smaller towns which depended on them, I took and plundered; but I left to him Ursalimma (cfr. *ibid.*), his capital city, and some of the inferior towns around it. The cities which I had taken and plundered, I detained from the government of Chazakijahu, and distributed between the kings of Ashdod, Ascalon, Ekron, and Gazah; and having thus invaded the territory of these chiefs, I imposed on them a corresponding increase of tribute, over that to which they had formerly been subjected; and because Chazakijahu still continued to refuse to pay me homage, I attacked and carried away the whole population, fixed and nomade, which dwelled around Ursalimma, with 30 talents of gold and 300 talents of silver (sic typis expressum legitur in

nam ut cum Aegyptiis tuto posset configere, Hierosolymorum praesidio niti debebat; idque eo magis, cum Aegyptiorum exercitum, si fides habenda est annalibus ab ipso rege perscriptis, apud Lachischam iam superasset¹, et Thirrhaka, Aegyptiorum prin-

Athen. l. l.; altero loco habetur 800), the accumulated wealth of the nobles of Chazakijahu's court, and of their daughters, with the officers of his palace, men slaves and women slaves. I returned to Nineveh, and I accounted this spoil for the tribute which he refused to pay me." Quae, ubi detrahimus, quae ob vanam gloriae iactationem amplificata apparent, quantopere concinant cum 2 Reg. XVIII, v. 7. 13. 14. 15, luce clarius perspicitur. Ceterum videtur monendum, RAWLINSONIUM neque argumentorum pondere neque aliorum vv. dd. consensu carere, cum palatium Koyundjacense a Sanheribo conditum existimet et titulos ab illo ibi esse inscriptos, verum LAYARDUM et HINKSIUM plane idem indicare, sicuti HINKSIUS et ipse Sarginam novae dynastiae auctorem esse existimat. Mirifica autem ll. ss. comprobatio illa quomodo confirmetur, e nova monumentorum a Sanheribo conditorum collectione, quam typis iam excudi supra diximus pag. XXXIII. not., quaerendum erit.

1) Ita enim optime difficultas illa expediri nobis posse videtur, quae versatur in eventu vaticinii Ies. XX, v. 4—6. Praedicitur ibi secundum signum in nuda Iesaeae ambulatione propositum Aegyptum et Aethiopiam (quae sub eodem rege tunc coniunctae erant) ab Assyriis cum ignominia abductas fore in captivitatem, ita ut Iudaei (id quod caput rei est) in auxilio eorum frustra confiderent. Iam vero trium annorum notatio v. 3 certo ad Iesaeae signum referendum est; potest autem etiam ad Aegyptiorum cladem futuram simul pertinere. Iam vero in annalibus illis Sanheribi haec legimus: „The kings of Egypt also sent horsemen and footmen, belonging to the army of the king of Mirukha (Meroë or Aethiopia), of which the numbers could not be counted. In the neighbourhood of the city Allakhis (Lachish) I joined battle with them. The captains of the cohorts and the young men of the kings of Egypt, and the captains of the cohorts of the king of „Meroë," I put to the sword in the country of Lubana (Libnah)." cfr. RAWL. Outlines p. XXXV. Quibus si fides omnino est habenda, vaticinium illud Iesaeae, cujus eventus nullus adhuc poterat probari (de l. Nah. III, 8 ss. cfr. infra p. 98 ss.) plane confectum est; nam Aegyptiorum copiis, quae primum advenerant, fugatis, satis superque intelligere debebant Iudaei, ab illis auxilium sibi nullum exspectandum esse; et vel tempus praestitutum evenisse putandum esset, si forte Sargonis expeditio adversus Asdodum extremo Salmanassaris anno facta esset, cum III^{to} anno Sanherib Palaestinam intravit. Eoque magis comprobantur Rabsakis verba, qui Aegyptum dixit cannam quasi subfractam esse (הַקָּנָה הַרְצוּץ); Tirrhakae autem iactationem illam (cfr. pag. 100) et Herodoti narrationem de fuga Assyriorum probe cum illis coniungi posse patet, modo reputemus, cladem Assyriis a Domino

ceps ex Aethiopia oriundus, cum recentibus copiis obviam ei appropinquaret¹. Captis igitur Iudaeae locis munitis, Tartanem et Rabschaken, summum pincernam, et Rabsarim, principem eunuchorum², Hierosolyma misit, ut deditionem urbis exposcerent³; qui, cum Hiskias verbo divino per Iesaiam facto commonefactus constanter negasset, ad Sanheribum reversi, Libnam iam profectum invenerunt. Rex Hierosolyma versus castra movit. Iam igitur ad summum discrimen omnia undique vergebant: Iudaici regni extremum iam dies sine ulla dubitatione humanae rationi videbatur venisse: capta urbe, Assyrii ingenti praesidio, tota fere Asia, sublevati, haud multo labore Africam quoque gladio expellere posse putandi erant — at Dominus aliter constituerat. Una nocte maximam immensi exercitus partem ita perculit, ut, quo reliquias servaret, effusa fuga domum rediret mane, qui vespere etiam orbis terrarum dominus esse videbatur⁴.

Summa hac omnipotentiae divinae manifestatione Assyrii a fastigio gloriae et potestatis subito deiecti sunt. Vix enim hanc acceperant cladem, cum Medi⁵ deficerent, eosque Babylonii aliae-

inflictam esse, cum Tirrhaka cum maiore, ut videtur, exercitu appropinquaret.

1) Cfr. 2 Reg. XIX, 9.

2) De tribus muneribus illis cfr. BOM. l. l. p. 149. 175. 181. 209. 335 all.

3) Quo loco Assyrii castra posuerunt, ante septentrionalem urbis partem, apud stagnum superius, unde urbs impugnari poterat, quoniam arte ibi facilius tantum nec natura munita erat — ei Iosephi etiam tempore nomen erat: castra Assyriorum (*παραμυθολή τῶν Ἀσσυρίων*) cfr. Ioseph. de B. I. V, 7, 2; V, 12, 2. cfr. W. KRAFFT Topographie Ierusal. p. 139.

4) RAWL. Outl. p. XXXVII: „The events of the fourth year of Sennacherib present a marked contrast to the detailed and magniloquent descriptions of the preceding periods; they are confined to a few meagre lines, and refer exclusively to an expedition against the Chaldees“ et; commemoratur praeterea, quod Merodachum Baladanum, quem primo dudum anno debellasset, iterum subiugasset. — Ceterum in enarranda hac quarti anni expeditione genus quoddam dicendi invenitur, quod satis magnopere similitudinem refert vv. Nah. III, 17: „My troops pursued him, but he fled away, and his place was not found,“ cfr. מְקוֹמָם וְלֹא נִדְרַע וְלֹא נִדְרַע.

5) De tempore quo Medi defecerint, vv. dd. sententiae satis discrepant; ab aliis statuitur, a. 753 illud accidisse, e quibus nominamus NIKBURIUM, maximeque BRANDISIUM qui novissime hanc opinionem accurate defendit; aliis post cladem Sanheribi, a. 714 factum esse videtur, inter quos nuncupamus VITRINGAM, HUFFELDIUM, DUNCKERUM. Ac nobis quidem hoc

que gentes confestim sequerentur; ac licet Babylonios mox rursus pacaverint, et, qui Sanheribum regnando exceperat, Assarhaddon Assyrii nominis honorem aliquantisper restituisse putandus sit: tamen fracta erat potentia eorum, ex quo atroces angeli

temporis momentum sine dubio tenendum esse videtur. 1) Primum enim Medos sub Tiglath Pileasare Assyriis subiectos etiam fuisse, dilucide apparet e II. 3 Reg. XVII, 6. XVIII, 11. cfr. Ioseph. Ant. IX, 12, 3; nec minus Babylonios, quos Medorum seditionem et defectum secutos esse tradit Herodotus I, 95, cfr. 2 Reg. XVII, 24; quod autem de hoc loco monuit Brandisius, cum probabile esse asseveraret p. 53 l. l., reges Assyriorum „in Babylonios quoque expeditiones suscepisse eorumque agros quosdam, quamquam imperio ipso non subacto, in suam ditionem rede- gisse“ — idem de alteris locis, ubi afferuntur כררי כררי valere nequit; satis enim imprudenter egissent Assyrii, si in loca hostibus vix erepta inermes posuissent tanquam propugnacula; imo asportatio illa in Medorum oppida facta explicari vix potest, nisi Medis subiectis etiam atque pacatis. Ac si Merodach Baladanus iam contra Salmanassarem et Sanheribum antea bella movisse traditur in titulis cuneatis, non inde probatur, Babylonios fuisse liberos; post cladem autem Sanheribi seditionem eorum longe graviolem fuisse, commercia ostendunt, quae cum Hiskia inierunt. Cfr. etiam Berosi verba, Euseb. chr. arm. p. 42. 43. 2) Deinde Diodorus II, 32 Medos defecisse tradit Ol. XVII, 2, a. Ch. 711. 3) Iosephus autem Arch. X, 2, 1 eundem docet annum, quo Hiskia aegrotavit; verba eius haec sunt: *ἐν τούτῳ τῷ χρόνῳ συνέβη τὴν τῶν Ἀσσυρίων ἀρχὴν ὑπὸ Μήδων καταλυθῆναι*. Quod testimonium ut infringeret, Brandisius primum monet, *καταλυθῆναι* de everso regno valere; idque iure suo contendit; nam Medorum seditio revera evertendi imperii initium erat; tum vero Iosephus omnino errorem fuisse dicit, quod eo tempore Assyriorum regnum deletum existimaret, cum Manassen ab Assarhaddone, Babyloniorum et Chaldaeorum (Arch. X, 3, 2) neque vero Assyriorum rege asportatam traderet; haec autem appellatio eo referenda est, quod Assarhaddon primum Babylonis rex impositus fuerat, postea demum Sanheribo patri successit tanquam rex Assyriorum. Ceterum, quando Ninus et Assyrium simul imperium eversum fuisset, non ignoravit Iosephus Arch. IX, 11, cum Nahumum Iothamo rege (758—742) de Nino vaticinatum esse traderet, CXV annos ante Ninum eversam, i. e. a. 627. 4) Herodotus Medos, posteaquam defecissent (I, 95. 130. 106. IV, 1), 128 + 28 annis suis legibus paruisse docet; quos annos, ubi a primo Cyri anno, qui Astyagis imperium evertit, retro reputamus, habemus 568 + 156 = 714; nam 28 annos illos, quibus Scythae dominarunt, addendos neque vero detrahendos censemus, cfr. DUNKER: Gesch. des Alterth. I, p. 387. Brandisius autem a primo Agronis Lydorum regis anno, 1221, profectus, quibus 52 Nini patris annos addit (cfr. l. l. p. 3), detractis 520 annis, quibus Assyrios Asiae dominium tenuisse tradit (I, 95), ad a. 753 pervenit (1221

Domini plagas fuerant experti, nec pristinum statum recuperare unquam valuerunt.

Iam vero Sanheribum, a duobus filiis Adrammelecho et Nergal-Scharezer atrociter interfectum, cum in aede dei sui Nisrochi s. Assaraci sacra faceret¹, secutus est Assarhaddon², vir strenuus et bellicosus, a. c. 698³. Qui posteaquam aliquamdiu in Ba-

+52-520=753); at vero incertum est, utrum Agron ille decimo Nini patris anno, an post mortem eius, qua post LII annorum regnum consumtus est, Lydiarum rerum potitus fuerit, cfr. HUPF. de rebb. Ass. p. 23. 5) Postremo nemo est quin intelligat, potentissimarum gentium defectum optime quadrare in eam conditionem, qua Assyriorum res post cladem illam in Iudaea acceptam continebantur, quam in a. c. 753, unde maximam Asiae occidentem spectantis partem summa cum potentia infestaverunt atque gradatim occupaverunt.

1) Cfr. Ies. XXXVII, 38. 2 Reg. XIX, 37. cfr. pag. XXIII not.

2) Nomen Assarhaddonis satis varia scriptura exaratum exhibetur; in II. ss. legitur אֲסַרְחַדְדִּן cfr. I. I.; in inscriptionibus notari Assur-akhadana, RAWLINS. certum atque exploratum esse affirmat (cfr. Outl. p. XL. XLI. Tum vero Esr. IV, v. 10 coll. v. 2 appellatur in Samaritanorum literis ad regem Persarum datis Osnappar, cfr. HENESTR. Beitr. I, p. 178; Berosus (EUSEB. chr. arm. p. 44) exhibet Asordanium, ABYDENUS (ib. p. 53) Axerdim; postremo in Canone PROLEMAEI Assaradinus et Apronadius eundem regem significare videntur. — Quae autem de rebus ab eo gestis tradita accepimus, perpauca sunt, neque ea quidem satis dubitationibus usque quaque vacua. cfr. SCHROEGERI imperium Babylonis et Nini 1736, p. 207 ss. Accuratissime gesta eius exposuit KALINSK., vatic. Nahumi et Chabak. ct. 1748, p. 75—119; at vero idoneam rerum rationem prorsus confudit atque implicavit; nam, ut omittamus multa eum intrudere huic tempori, quae eo non pertinent, v. c. Asdodi expugnationem Ies. XX praedictam, similitudine nominum seductus Assarhaddonem eundem fuisse opinatur ac Sardanapalum, sub quo Ninum eversam descripsit DIODORUS; quae sententia cum reapae satis superque refellatur, vix operae pretium est uberius eam vel explicare vel refutare. cfr. EICHORN. Einleit. III, 5, p. 282 ss.

3) Rationes temporum a tertio Sanheribi anno ad eversam Ninum usque diversitate eorum, quae singuli scriptores tradiderunt, satis intricatae sunt; cfr. praeter ea, quae PETAVIUS, USSERIUS, DE VIGNOLIUS all. in hoc genere elaborarunt, GIESSEN. comm. in Ies. p. 999 ss. KEIL. Chronik p. 428. HAEVERN. Einl. II, a, 223. HUPFELD. de rebb. Ass. p. 53. DUNKERI Gesch. I, p. 388. EWALDI Gesch. Isr. III, a, p. 373 ss. Neque ad certam earum cognitionem prius perventum erit, quam monumentorum inscriptiones et numeri fuerint explanati atque excussi. Nos eam secuti sumus computationem, quae secundum Canonis PROLEMAEI et Berosi calculos Assarhaddonem a. c. 698 ad regnum pervenisse, et c. 668 vel 667 obiisse existimat.

bylonios imperavit, ad quorum contumaciam compescendam regulus a patre constitutus erat, audita patris caede, confestim parricidas persecutus in montium Armeniacorum angustias compulsi¹; tum vero, rerum Assyriarum potitus, id potissimum meditabatur, ut regnum in pristinum potentiae gloriaeque statum restitueret. Et cum orientem versus Medorum respublica non idonea esse videretur, quam impugnaret atque in ditionem suam redigeret, eo magis occidentem petendum existimavit, ibique recuperanda, quae post funestum patris receptum defecerant. Atque adeo summi videbatur momenti esse, ut evacuatae Ephraimitarum sedes Assyrii colonis incolendae traderentur; quare a. c. 676, ut supra computando statuimus², e quinque gentibus, Babyloiiis, Cuthaeis, Avaeis, Hemathitis, Sepharvaeis, idoneam multitudinem eo deduci iussit; facta autem occasione, Manassem Iudaeorum regem Babylonem a copiis eius asportatum vidimus, atque adeo extremo loco Iudaeos ab Assyriis esse vexatos. Eodem tempore quod Philistaeorum quoque urbes, tanquam gravissimum contra Aegyptios propugnaculum, recuperaverit, non dissimile veri esse videtur³; verum quod Aegyptum ipsam expugnaverit, uti tradidit ABYDENUS et ex monumentorum titulis nuper eruisse sibi videtur RAWLINSONIUS⁴, nec temporum rationi

Ceterum non videtur omittendum, quod in annalibus Sanheribi a RAWLINSONIO explicatis quarto illius anno (713), devicto Merodacho Baladano Assur Nadin filius Babyloniae praepositus esse fertur. cfr. Outl. p. XXXVIII.

1) Cfr. Ies. XXXVII, 38. cfr. ABYDEN. EUSEB. chr. arm. p. 53.

2) Cfr. supra p. XXVII, not. 1.

3) STARKIUS in libro diligentissime composito „Gaza und die Philistaische Küste“ 1852, p. 204. 207 non solum Sanheribum verum etiam Assarhaddonem in Philistaeorum urbibus stationes perpetuo habuisse existimat, atque indidem Assyriorum copias Iudaeorum fines vexasse. At vero, quod ad Assarhaddonis aetatem attinet, idoneis argumentis ea sententia videtur carere; imo, nisi forte expeditio illa, quam in Aegyptum fecisse dicitur, amplioribus documentis aliquando comprobata fuerit, hoc tantum verisimile videtur, Assarhaddonis copias regiones vicinas infestavisse, cum colonos illos in Samariam deduxissent.

4) ABYDENUS (EUSEB. chr. arm. p. 54) haec habet: „Axerdis autem Aegyptum partesque Syriae inferiores in suam potestatem redegit;“ quibus quanta largienda sit fides, ostendit NIEBUHR. kl. Schriften I, 206. Graviores sunt, si recte enucleata sunt a RAWLINSONIO verba ex imagine leonis, reperti in palatio ab Assarhaddone aedificato apud vicum hod. Nebbi Yunus; ibi enim luculenter legi affirmat: „Esarhaddon, conqueror of

omnino convenit, et, donec certioribus comprobetur documentis, dubitandum erit.

Utcunque est, ea certe Assyriarum rerum conditio Assarhaddonem regnante fuisse putanda est, ut non solum tremenda Iudaeis esset, verum etiam integra appellari posset¹. At vero restitutio pristinae potestatis non solum manca erat ipsa, cum a Medis semper cavendum esset, verum etiam robur Assyriorum et nervi ultimo loco intensi fuisse videntur, antequam corruerent. Nam qui Assarhaddonem regnando exceperunt ab a. c. 668, sub iis cessare situ coëpit imperium, donec, moribus magis magisque depravatis viribusque exhaustis, coniunctis Medorum atque Babyloniorum copiis succumberent. Earum autem rerum memoria ad eventum vaticinii pertinet, atque adeo paullo post paucis erit describenda.

Misraim and Cush," cfr. Athen. 1853, No. 1321 p. 228 (Febr. 19); verum, licet ea lectio comprobetur, nescio tamen an rex nimium sibi iactando arrogasse putandus sit, cum forte aliquam de Aegyptiis victoriam assecutus fuisset. Utcunque est, Thebarum expugnatio nullo modo ideo Assarhaddoni tribui potest. cfr. infra p. 100.

1) Cfr. Nah. I, 12. II, 12. 13. III, 15—17. coll. pag. XVI ss. Secundum monumentorum indicia RAWL. regem omnem terrarum tractum inter sinum Persicum et mare Caspium et Mediterraneum interiectum tenuisse asseverat. Ceterum non satis multae adhuc inscriptiones repertae sunt, quae de rebus ab eo gestis agant, sicuti de Manasse Babylonem abducto nihil hucusque inventum est. Ad indolem autem Assarhaddonis perspicendam refert quod palatia vetusta Nimrudensia destruxit, et tabulis statuisque inde petitis usus est ad exornandam regiam, quam ipse Nimrude meridiem et occidentem versus aedificavit. cfr. RAWL. Outl. p. XL.

CAPUT III.

DE VATICINIO NAHUMI.

§. 6. BREVIS ARGUMENTI PROPOSITIO.

Quoniam explicavimus, cuiusmodi fuerit rerum Iudaicarum et Assyriarum conditio, ad quam vatis pertinet oratio, paucis iam argumentum eius videtur perstringendum esse. Id quod facile in tres describitur partes, easdem illas, quas capitum divisione notatas a patribus accepimus; quae ita inter se continentur, ut primo capite universae iudicii de Nino exsequendi proponantur rationes, altero autem ipsius eversionis delineetur imago, tertio denique caussae excidii et certitudo et magnitudo explicentur.

Ac primum quidem, quoniam omne prophetarum sacrorum munus in lege versatur explicanda atque inculcanda, vates a summa legis, zelo Domini et energia¹, profectus v. 2, 3a, universam iudicii divini naturam, et quid ab eo homines et rerum natura omnino patiantur, luculentissima imagine perstringit v. 3b – 6; tum, quid inde maneat regni divini cives, quid hostes eius, uberius docet v. 7 – 11: Dominus enim, qui zelotypus est, idem bonus est, atque adeo Iudaeos et quicumque suam in eo fiduciam collocare valent, eos ab oppressoribus vindicat; hostes autem omnes maximeque Assyrios, funditus evertit. Itaque statutum dei consilium de exstinguendis Assyriis et Israele liberanda brevi sententia declaratur v. 12 – 14.

Vix autem enuntiato Domini iussu, confestim tremenda simul et laetanda species animo eius atque oculis offertur. Exercitu enim praeclaro a Domino ad vindicandam Israelis dignitatem excitato cap. II, v. 1 – 5, Ninum expugnari primum, deinde homi-

1) Cfr. Exod. XX, 5. Deut. V, 9.

nibus et divitiis evacuari conspicit v. 6–11, atque adeo magnificentissimam urbem destruetam iacere atque desolatam v. 12–14. Atque in ea specie describenda ita versatur, ut, quemadmodum primi capitis initio ad fontem iudicii et fundamentum omnia revocavit, ita finem hic praestitutum praefigat, quo, quae sequantur, sint referanda: Israelis enim liberandae caussa tanta clades infligitur Assyriis, qui frustra refragantur, cum ipse Dominus scelera erga gentem suam commissa sit ulturus.

Tum vero, defixis in atrocem imaginem ingenii oculis, causas primum affert, unde excidium urbis repetendum sit, cap. III, v. 1–7. Fieri enim nequit, quin truces sicarii caedantur, v. 1–3, meretrix autem, quae praestigiis suis gentes perdidit, ignominia et tetra denudatione puniatur v. 4–7. Ac ne quis concludendo illam cladem coniici et tam potentem gentem haud ita facile debellari opinetur, Thebarum exemplo proposito v. 8–10, ostendit, hominulorum praesidia et fortitudinem Domino adversante pro nihilo esse v. 11–13. Imo, quanto potentia illi et opibus et numero videantur pollere, tanto immensiolem tantoque atrociolem fore cladem praedicat v. 14–17, ita ut ob ingens imperium fudit deletum universum humanum genus exsultet atque laetetur, v. 18. 19.

Quae cum ita sint, unam eamque integram orationem toto libro comprehendere intelligimus, quemadmodum praefixa in titulo verba dilucide monent. Neque vero EWALDI sequenda ratio videtur, qui ita argumentum distribuit, ut octo particulis quinos fere versus continentibus vaticinium absolvi existimet; nec primum alterius capitis enuntiatum primo capiti addendum censemur, uti e veteribus non paucis placuit; idonea enim sententiarum dispositio, quam proposuisse nobis videmur, externis etiam notis confirmatur, e quibus praeter simillimam cc. I et II oeconomiam (5. 5. 3; 5. 6. 3.) unum illud afferimus לא ירע ערר I, 14, quod resonat fere in vv. לא ישמע ערר II, 14. -

§. 7. DE INDOLE VATICINII.

Quod si Iudaeis liberationem ab Assyriis futuram, his autem interitum prope instantem vidimus nuntiari, praeclarae iam vaticiniorum ab aliis antea editorum coronae cumulum adiici apparet. Est enim commune illud vatum, qui per Assyriam, quam

aiunt, aetatem vaticinabantur¹, quod decem quidem tribubus inter-
necionem ab Assyriis comparandam, Iudaico autem regno an-
gustias tantummodo et tribulationes cum magnificentissima ab iis
liberatione futuras praedicant, quo facto ipsi Assyrii a summo
potentiae fastigio subito deiecti exstinguerentur atque delerentur.
Quo in genere posteaquam HOSEAS diversam utriusque regni ra-
tionem significavit et iudicii ministros, nullo fere ipsorum habito
respectu, nuncupavit², IOEL, qui universae prophetiae brevem
quodammodo exhibet conspectum³, universi iudicii specie pro-
posita Israelis simul punitionem et hostium a septentrione in-
gruentium interitum comprehendit⁴. AMOS deinde hostium non
immensas omnino catervas vidit, sicuti Ioël, verum certam po-
puli speciem, longe remoti cuiusdam et ferocissimi, cuius tamen
nomen ignorat⁵. Tum vero IESAIAS ingenti Assyriorum potentia
Israellem omnesque fere gentes superatas conspicit atque truci-
datas, divina autem omnipotentia, quae tueatur Iudaeos, ipsos
frangi atque contundi; et quae singulis fere numeris divino elatus
spiritu praedixerat, ea suis ipse oculis splendidissime evenire,
et si non confici, tamen eventum eorum plenum iamiam incipere
vidit⁶. Eodem tempore MICHA Iudaeos erga Dominum contu-
maces fore ut Babyloniam aliquando abducerentur⁷, ab Assyriis

1) Copiose et luculenter de indole et ratione ll. propheticorum, qui Assyria aetate conscripti sunt, disputavit CASPARIUS, über Micha p. 66 — 74 nott.

2) Cfr. Hos. I, 6. 7. — VIII, 13. IX, 3. 6. XI, 5 all.

3) Apposite CASP. l. l. p. 70 asseverat: „Ioel's Buch ist, so zu sagen, das Programm der Propheten der assyrischen Zeit, ja der gesammten Prophetie.“

4) Cfr. Ioël II, 19 — 22.

5) Cfr. Am. VI, 14. V, 27.

6) Cfr. Ies. X, 5 — 34. XIV, 24 — 27. XVII, 13. 14. XXIII, 13. XXX, 31 — 33. XXXI, 8. 9. XXXIII, 1. XXXVI, XXXVII (v. 7. 22 — 38).

7) Posteaquam iamdudum fuerunt inventi, qui Mich. I, 8 — 16. II, 4. 10. III, 12, ac praesertim IV, 9 asportationem Iudaeis ab Assyriis, non a Babyloniis futuram praedici opinarentur, novissime CASPARIUS l. l. p. 159 — 183 eandem sententiam accuratissime defendit; licet autem permulta egregie exposuisse dicendus sit, tamen argumenta eius magnopere censem-
mus improbanda, praesertim cum idoneae vaticiniorum rationi atque aucto-
ritati officere videantur; imo quae contra suam sententiam moneri quidem
posse ait, sed refutare conatus est, ea fortiter sustentanda existimamus.
Prius vero quam disputationem eius examinemus, notandum videtur, quod

autem, quorum indolem et naturam egregie perstrinxit, gloriose liberarentur, aequales suos edocuit. Denique cum extremam Iudaei ab Assyriis paterentur calamitatem, NAHUM integro libello, divino instinctus ingenio et vigore, omnia secularis potestatis

cum IV, 8 vatem de iis dicere contendat, quae extremis diebus fierent, temere v. 9. 10 de eo valere asseverat, quae confestim evenirent (p. 156); nobis enim certa quaedam temporis nota frustra in illa IV^{ta} cap. parte quaeri videtur, verum futurae omnino res Israelitarum adumbrari, quae utrum serius an ocius fierent, non refert (cfr. Ies. VI). I) Iam vero primo loco v. dd. nihil esse docet, quod tale quid ei improbetur: „si II. II. exsilium ab Assyriis parandum praediceretur, vaticinium non esse confectum;“ non omnia enim oracula debere evenire (p. 160). Videamus autem, quidnam in hoc genere lege prophetica constitutum sit, Deut. XVIII. Ibi enim expressis verbis eventum vaticinii tanquam certum verae prophetiae criterium propositum legimus, v. 20. 21; quae vaticinia non evenirent, ea a Domino non esse profecta. Ab hac norma atque regula si quid forte videtur excipiendum, documentis satis validis atque efficacibus comprobetur oportet; idque eo magis, cum literis perscriptam prophetiam atque historiam habeamus, ubi tam grave aliquid debet notatum esse; nam, si verum esset, quod asseverat KONSTRAUS (die Proph. d. A. u. N. B. p. 227), omnium omnino V. T. vaticiniorum eventum a moribus hominum suspendendum esse, cuiusvis homuncionis praestigiis Israelitae fuissent obnoxii, nec sacrum prophetarum a Deo instinctorum munus a quibusvis mendaciis probe potuissent distinguere. Neque vero a) iure improbrari nobis videtur Ier. XVIII, 5—10; nam, quae ibi docentur, ea fieri quidem posse dicuntur, at numquam facta sunt cfr. v. 13 ss.; neque valere possunt nisi de iis vaticiniis, quae adiecta statim conditione enuntiata sunt, cfr. Ierem. XXVI, 13, et saepissime in Deut.; b) porro vel ea, quae affixa conditione praedicta sunt, non posse nisi seria totius populi conversione commutari, ipse CASP. probe docuit Beitr. I, p. 96 ss.; at Mich. p. 164, 165 poenitentiam, post Michaeae praedicationem a Iudaeis praestitam, futilem fuisse ostendit; ergo paullo post minitata illa transportatio ab Assyriis futura debebat evenire — cum e contrario splendissime Iudaei ab illis liberarentur!! c) tum vero exempla illa, quae affert v. dd., poenas absolute decretas nullo modo ostendunt sublatis esse; nam Assyriorum poenitentia Iona vaticinium secuta, III, v. 5—10, cogitari probe nequit, nisi ab ipso vate iussa et praescripta, cfr. v. 10, ita ut conditio, ex qua interitus Nini penderet, ex iis videatur elicienda, quae populus ad evertendam internecionem praestitit; reliquis autem exemplis 1 Parall. XII, 5—8. 1 Reg. XXI, 29. 2 Reg. XXII, 15—20 ipse CASP. poenae eventum procrastinatum, non sublatum concedit. — Quare si Michaeae vaticinium IV, v. 9. 10 editum, quo Iudaeos per Assyrios Babylonem abductum iri praedixisset, existimandum esset eventu destitutum, aliquo II. ss. loco tale quid notatum et argumentis comprobatum esse

scelera et flagitia complexus, atrocem Nini interitum propediem instantem illum praestantissimo stilo descripsit. Nahumi autem vaticinium non huius tantum prophetae praedicationis partis verum omnium oraculorum Assyria aetate editorum agmen egre-

deberet; eiusmodi autem nusquam quidquam invenitur; nam Ier. XXVI, 18. 19, quibus verbis nititur v. dd., vatis vv. III, 12 enuntiata non confestim evenisse legitur, neque vero, vv. IV, 9. 10, quae ad aliam libri particulam pertinent, omnino carere eventu. — II) Non minore loco habendum est, quod, ubi CASPARI probetur sententia, Michaeae vaticinium graviter discrepare videatur cum Iesaia, quocum non aetatis solum et muneris, verum etiam familiaritatis et consuetudinis vinculo secundum singularem utriusque libri concentum coniunctus fuisse putandus est. Is enim eodem tempore non semel verum saepius et uberrime ab Assyriis angustias tantum Iudaeis instare declarat, illos in ipsa terra sacra ad internecionem fere concussos fore (cfr. II. supra II., CASP. p. 174), a Babyloniis autem reipublicae interitum imminere docet ex. gr. c. XIII, XIV et XXXIX, cuius fundamento universa altera eius libri, quae dicitur, pars imposita est. CASP. quidem Michaeae vaticinium ante Ies. c. XXVIII — XXXII editum esse coniecit, atque adeo, temporis ratione mutata, vaticinia quoque commutata esse; at vero X^{mum} certe Iesaeae caput etiam prius quam Michaeae verba illa enuntiata est! ergo eundem Domini spiritum per Iesaeae et per Michaeae ingenium locutum adeo non secum constantem fuisse putemus, ut modo ab Assyriis calamitatem primum Iudaeis tum vero gloriosissimam redemptionem, modo exilium et internecionem, modo a Babyloniis idem instare paucis annis interpositis declararet? Minime vero. III) Accedit, quod, etiamsi Babylon, uti probe demonstravit CASP., eo tempore Assyriis subiecta fuerit, vix tamen Iudaei, cum Babylone sibi exilium parari audirent, ab Assyriis hoc sibi instare opinabantur, nisi aperte erat notatum; nam pro ea ratione, qua Israelitae cum gentibus continebantur, non de urbe quadam et loco agebatur, quo abducerentur, sed de certa quadam gente, qua punirentur; ideo enim gentium ferocitate et ludibrio vexantur, quoniam gentium irritamentis et peccatis indulserant. Quo adde, quod eo tempore Babylonios defectam iam iam molitos esse vidimus.

Quae cum ita sint, sententiam illam prorsus irritam esse, facile intelligitur; reiectis autem argumentis, quae iam refutasse videmur, corruunt simul, quae praeterea disputavit CASP. p. 175 ss.; nam quid fuerit, quod V, 4. 5 Assyrii tanquam summa hostium regni divini species et imago inducantur, satis apparet ex iis, quae supra exposuimus de gravissimo loco, in quo inter hostes Israelis constituti erant, cfr. p. L ss.; tum vero Ies. XIII, XIV eandem exhibet rationem; a futuris enim populi hostibus vates ad gravissimos illos revertitur, a quibus praesenti tempore vexabantur. Postremo hoc etiam notasse velimus, haud probe CASPARIUM asserere p. 180, si antea non evenisset vaticinium, id certe inde redundasse,

gię claudit. Corollarii quodammodo loco, qui Chaldaici temporis secundum tenet locum, ZEPHANIAH¹ breve et succinctum de Nino addidit vaticinium, quod, cum oppugnatio urbis iam coepta esset, ne humanae quidem dubitationi ullam relinquit ansam. Postremo EZECHIEL² immensam tanti imperii ruinam praeclara similitudine deploravit et tanquam atrox omnipotentiae divinae proposuit exemplum.

Quare cum caput argumenti cum aliis vaticiniis Nahumo videamus commune esse, singularis tamen oraculi ratio atque peculiaris in eo primum conspicitur, quod Assyriorum interitui describendo plurimum tribuit, redemptionem Iudaeorum paucis tantum declarat³, atque adeo satis luculenter ostendit salutis notionem in V. To maxime positam esse in securitate ab hostibus adipiscenda. Neque vero secundum Nahumi doctrinam, qualem in uno hoc libello habemus expressam, Israelis salus et redemptio ad summum finem suum simulque cumulum vergit, qui in Messia positus est: nihil enim in vaticinio eius deprehenditur, quod probe appellari posset Messianum: negari tamen nequit, non prima tantum alterius capitis verba⁴, verum totius oraculi quasi summam, eversionem imperii secularis atque gentis sacrae liberationem et restitutionem, in Christo demum eiusque regno absolvi et cumulari. Tum vero sicuti a zelo Domini et energia proficiscitur I, 2, quae peccatorem non dimittat insontem, ita per omne vaticinium talionis divinae et retributionis declaratio vel latitans quodammodo sub superficie, vel apertius expressa deprehenditur, id quod in singulis deinceps locis explicandis ostendimus. Ac sicuti in describendo zeli divini ardore versatur, ita oratio eius ipsa igne quodammodo et flammis flagrare videtur; apposite enim LOWTHIUS⁵ stilum eius his perstrinxit verbis: „ex omnibus minoribus prophetis nemo videtur aequare sublimitatem, ardorem, et audaces spiritus Nahumi;“ nec non assentimus KREENENIO, qui,

ut Iudaei Manasse regnante in atrocissima peccata reversi minas illas iam eventuras pertimescerent: eodem enim tempore Nahum ipsis Assyriis interitum instare, Iudaeis autem salutem et redemptionem affirmavit.

1) Cfr. Zeph. II, 13 — 15.

2) Cfr. Ezech. XXXI. XXXII, 22 ss.

3) Cfr. HÄVERNICKE Vorl. über die Theol. des A. T. p. 160.

4) Cfr. p. 48. 51.

5) Cfr. LOWTH. de sacra poësi Hebr. §. 281.

posteaquam insignem stili poetici et sublimitatem et ornatum et summam etiam, quae in oculos incurrit, dictionis puritatem laudavit, „etsi Iesaiæ,“ inquit, „non plane neque ab omni parte aequalis, huic tamen ipsi, non dicam in his virtutibus aequalis, sed certo non multo inferior esse videtur.“

Fervidum hoc atque igneum vatis ingenium maxime omnium perspexit UMBREITIUS atque disertis verbis descripsit. Est enim ingens Nahūmi vis et vigor in dicendo; neque intelligi potest, quid fuerit quod EWALDUS (ob aetatem forsitan vatis perperam definitam) ita iudicaverit: „man findet bei diesem schon zu den späteren gehörenden Propheten nicht mehr so viel innere Kraft und reine Gedankenfülle; manches wiederholt sich hier bereits aus älteren Aussprüchen.“ Habet autem dicendi genus, licet satis elegans sit, austerum aliquid atque severum, nec puritas orationis et brevitās Iesaiānam, quam aiunt, scriptorum Hebraeorum aetatem minus olet quam genuina sententiarum ipsique propria ratio, quae, licet aliorum interdum referantur enuntiata, longe diversa est ab eorum libris, qui Ieremiae vatis aetate vaticinati sunt. Satis deinde ornata apparet oratio similitudinibus audacter institutis, modo brevius indigitatis, modo fusius explicatis¹; quo adde sententias praeclara vicissitudine inter se variatas atque oppositas, nominum numeros et genera celeriter saepeque immutata; praeter cetera autem egregia paranomasiarum et verborum inter se assonantium copia² distinguitur, nec non vocum sonitus ad sententiarum naturam haud raro mirifice expressi ornatum et venustatem dictionis amplificant. — Tum vero non universum solum vaticinium suo ordine probe dispositum est, verum singulae etiam orationis partes secundum sententiarum indolem et varietatem subtiliter paene atque artificiose numeris descriptae exhibentur; quo in genere primi potissimum capitis priores duae partes egregium praebent exemplum. Utraque enim quinque ver-

1) Cfr. II, v. 12. 13. III, v. 15—17.

2) Cfr. I, 3 בסופה ובשערה; 6: הנחכה — הצורים; tum vero v. 10 בקקים בקקים; II, 2 נצור טצורה; v. 3 נצור טצורה; cfr. etiam Iesaiā praestantius illud בוקה ומבוקה ומבלקה v. 11; III, 2 מרכבה מרכבה all. Huic dicendi ornatui e Nahumo aliisque libris non solum conquirendo verum germanicis etiam verbis, quantum fieri posset, reddendo operam permultam navavit HORLEMANNUS in comm. et praemissa praefatione.

sibus absolvitur; prima autem strophæ, quæ tremenda Domini iudicium exsequentis species adumbratur, bipartita deinceps habet versuum membra, duobus vel tribus quatuorve verbis certo quodam ordine composita; altera autem strophæ, quæ bonitatem dei et clementiam addit, quæ per hostium interitum eos redimit atque salvat, qui ei confidunt, longe diversam exhibet imaginem: nam, quasi effusus undarum cursus cohibeatur, alterum tantummodo cuiusque versus membrum s. Sakeph partitum est, et numerus etiam verborum minor est, excepto 9^{no} versu, qui ad prioris particulae naturam vergit¹. — At vero, licet eiusmodi in dicendo ars haud multis prophetarum exemplis videatur æquari, nimium tamen viderunt maximeque errarunt LOWTHIUS, GREVIUS² all., qui perfectam carminis rationem indagari posse contendunt; qui in diiudicanda vaticinii forma eodem vitio laborant, quo omnes fere prophetarum interpretes, qui exeunte s. XVIII^{vo} scripserunt, ab idonea argumenti aestimatione impediti erant: eo nempe, quod propria et peculiari visionum et propheticae orationis natura neglecta ad carminum rationem referebant, quæ ab oratorio dicendi genere suspendenda sunt. Licet enim numerus et rhythmus multaue alia communia sint poesi atque prophetiæ, tamen quantopere a carminum habitu et forma prophetica distet oratio, luculentissime ostendunt poemata vaticiniis inserta, veluti Ion. c. II. Ies. c. XXXVIII. Hab. c. III.

Ceterum universa evertendæ Nini descriptio, etiamsi adeo ornata sit atque ad vivum expressa, ut ingentem cladem non solum cernere oculis verum raucos etiam plagarum inflictarum et armorum concussorum clangores auribus nobis videamur percipere³, tamen habet simul secretum aliquid atque obscurum: id

1) Cfr. p. 22. 23.

2) LOWTHIUS l. l. asseverat: „adde quod eius vaticinium integrum ac iustum est poemâ; exordium magnificum est et plane angustum, et.“ Plura etiam eaque satis singularia vidit GREVIUS, qui (comm. p. 30) exordium ex versibus iambicis dimetris acatalecticis et catalecticis alternatim compositum esse existimat; carmina autem duo, quæ præterea in vaticinio discernenda docet, trimetris iambicis composita esse. Versus autem, in quibus definiendis longe recedit a partitione Masorethica, secundum tractatum suum de numeris Hebraeorum poeticis editum, ut præstitutis metris illis adaptaret, non vocales tantum verborum verum ipsa verba adeo immutavit, vix ut interdum Nahumi vaticinia te legere opineris.

3) Cfr. ad I, 10. III, 2.

quod inde repetendum est, quod nullo ne verbo quidem significatur, a quibusnam gentibus tanto imperio excidium pararetur. Eas autem Babylonicas atque Medos esse inter se consociatos, tam e Iesaiæ¹ et Habakuki² verbis quam ex eventu colligere licet: ad quem paucis iam absolvendum aggrediamur.

§. 8. DE EVENTU VATICINII.

Enuntiatio Nabumi vaticinio quomodo paullatim ad eventum res deductae fuerint ut suo ordine proponamus, primum revertendum nobis memoria est in eam conditionem, in qua Iudaeos versatos fuisse ostendimus, cum Manasse rex victus Babylone teneretur; quo facto laetissimum vaticinii conficiendi initium atque pignus quoddam in reditu regis positum fuisse intelligemus; nam cum rex ab Assyriorum vinculis, populus ab exsilio summa cum sollicitudine expectato appareret liberatus, haud temere sperabant fore ut ab omni eorum dominatione mox vindicarentur.

Vix autem quadraginta annis praeterlapsis luculentius even-
turi oraculi signum oblatum est, cum Phraortes, Medorum rex, a. c. 635 Ninum obsideret. Nam qui Assarhaddonem secuti sunt Assyriorum reges, non solum a dilatandis regni finibus verum etiam conservandis videntur abstinuisse; nihil enim praeter nomina de iis traditum est, neque ea quidem scriptorum consensu comprobata: nam ALEXANDER POLYHISTOR³ post Asordanium Sammugem eiusque fratrem 42 annis regnasse tradit, donec Nabopolassar ad regnum perveniret; in canone PTOLEMAEI idem annorum numerus Saosduchino et Cyniladano tribuitur, ABYDENUS⁴ autem extremi Assyriorum regis nomen Saraci, alii Sarda-

1) Cfr. Ies. XXIII, 18: „En terra Chaldaeorum, haec est gens, quae non fuit hucusque (i. e. quae non suis legibus adhuc parebat), Assyria — tradidit eam incolis deserti, — ii turres suas erigunt et.“ Hanc vexatissimi loci versionem unice probari posse, luculenter ostendit DELITZSCH. proll. ad Habak. p. XXI ss.

2) Cfr. I, 6. Quoniam in Habakuki vaticiniis Chaldaeis iudicia divina de gentibus exercendi munus tribuitur, iidem dei ministri apud Nahumum iure statuuntur. Quod a Chaldaeis everteretur Ninus, gravius erat prophetarum menti, quoniam destructis Assyriis summam illi inter gentes potentiam assecuti sunt. Medorum opera in II, ss. non commemoratur, verum e veterum scriptis cognoscitur. v. infra.

3) Cfr. EUSEBII chron. arm. (4) p. 44.

4) Cfr. ibidem p. 54.

napali¹ nuncupant; vix autem dubium est, quin eorundem regum diversa illi nomina perscripsisse putandi sint². Verum si quid accipi de illis potest, hoc est, quod luxuriae magis sese magisque dederunt³, atque depravatis civium moribus regnum eo certius ad destinatum interitum conformaverunt. Nihilominus avitum Assyriorum robur nondum prorsus cesserat: Phraortis enim aggressum non solum propulsarunt moenibus verum ipsum quoque in pugna interfecerunt. Cuius necem ut ulcisceretur, Cyaxares filius a. 634 collectis copiis iterum petiit Ninum: at, dum cinctam obsessamque teneret, Scytharum incursione coactus est, ut patriam potius a novis hostibus illis defenderet; iis autem paullatim devictis, a. c. 609, iuncta cum Nabopolassare, Babyloniorum regulo ab Assyriis constituto, societate et familiaritate, exauctis magnopere viribus intermissum antea opus rursus suscepit; at tres per annos munitissimam urbem superare non valuerunt; donec vi et insidiis magnificentissimum potentissimi imperii caput expugnarent atque horrendo incendio cremarent.

Quod quo anno factum sit, haud inter vv. dd. exploratum esse constat; ab aliis enim anno 627 tribuitur, ex. gr. a IOSEPHO, ab aliis a. 625, inter quos nominamus KEILHUM; nostra memoria plurimis placet a. 606 s.; nec desunt, qui altius etiam descendendum rati vel intra a. 605 et 597 fluctuent veluti GĒSENIUS et HITZIGUS, vel VOLNEIUM secuti in hoc termino consistendum esse existiment. Iam vero, licet satis impedita atque intricata sit quaestio, tamen idoneis argumentis videtur probari posse, quod

1) Cfr. CTESIAE memoriam apud DIODOR. II, 23. cfr. HUFFELD. exercitt. Herod. II, p. 49. BRANDIS. l. l. p. 33. Sunt qui plures uno Sardanapalo inter regum Assyriorum numerum inveniri existimant, HELLANICI fere et HESYCHII et CALLISTHENIS testimoniis sublevati, quorum postremus *ενα* dicit *δραστήριον καὶ γενναῖον, ἄλλον δὲ μαλακόν*. Quae sententia historicis quidem argumentis haud satis idoneis nititur, cfr. HUFFELD. exercitt. Her. I, p. 38. BRANDIS. l. l. p. 35 not.; RAWLINS. autem non solum Divanubarae patrem bellicosissimum regem et fortissimum, eo nomine insignitum esse opinatur, Assar-adan-pal (cfr. Comment. p. 21) vel Assur-akh-bal (cfr. Athen. Lond. 1852, 27 Mart.), verum idem nomen Phulo etiam et Sammugi, qui Assarhaddonem excepit,tribuendum esse existimat (cfr. Outlines p. XXIII. XXVI. XLII). Quae cuneorum interpretatio quomodo confirmetur, videndum est.

2) Cfr. HUFF. de rebb. Ass. p. 53. BRANDIS. l. l. p. 30 ss.

3) Cfr. HEROD. II, 150. DIODOR. II, 23. DUNCNERI Gesch. des Alterthums I, p. 397 ss.

anno 606 Ninus fuerit eversa¹. 1) Tradit enim ALEXANDER POLYHISTOR, BEROSUM secutus, Nabopolassarem² ducem ab extremo Assyriorum rege ad avertendum hostium quorundam aggressum Babylonem missum, icto cum Medis foedere et Astyagis eorum principis (i. e. Cyaxaris)³ filia Nebucadnezari filio suo in matrimonium data, Ninum petiisse atque expugnasse. Iam quoniam secundum PTOLEMAEI canonem Nabopolassar Babyloniorum rebus ab a. 625 ad a. 604 usque praefuit, intra hoc temporis spatium quaestionis locus esse debet. 2) Legitur porro apud HERODOTUM⁴, a Cyaxare Medorum rege, una cum Babylonis, Ninum eversam esse; Cyaxarem autem, antequam Ninum iterum oppugnaret, non solum Scythas superasse verum Lydium etiam bellum a. 610 confecisse, necesse est; et quia CTESIA auctore tres per annos obsessa Ninus est donec caperetur, non prius potest quam a. 606 expugnata esse. 3) Neve serius aliquod temporis momentum statuamus, eo prohibemur, quod a. 605 vel 4 Nabopolassar propter senectutem et infirmitatem suam Nebucadnezari filio exercitum ducendum tradidit⁵; Nebucadnezar autem, cum eodem anno Nechonem, Aegypti regem, apud Circesium fugatum in Syriam persequeretur, de morte patris certior factus est⁶; neque vero in Syriam et Palaestinam profectus esse probe potuit, nisi Assyriis antea superatis⁷. Quo argumento eorum simul infringitur sententia, qui intra annos 606–597 vel serius etiam Ninum captam

1) Cfr. CLINTON fasti Hellenici I, p. 269. GRAFFII Beitr. z. ct. Gesch. der Ass. 1828, p. 11. HUFF. l. l. p. 7 ss. DELITZSCH. proll. ad Habac. p. XVIII ss. EWALDI Gesch. des V. J. III, p. 424. LAY. Niniveh u. s. Ueberr. p. 273. 296. DUNCKER. l. l. p. 393 ss. RAWLINS. Outl. p. XLI. BRANDIS. l. l. p. 25.

2) Ad errorem POLYHISTORIS referendum videtur, quod Nebucadnezaris patrem a BEROSO nominari prius affirmat Nabupalsarem, paullo post Sardanapallum Chaldaeum; cfr. EUSEB. chron. arm. p. 44; quem errorem correxit SYNCHELLUS ed. DIND. I, 396. Eundem ABYDENUS Busalossoris nomine affert, cfr. EUSEB. l. l.

3) Cfr. BRANDIS. l. l. p. 29, not. 1.

4) Cfr. HEROD. I, 103. 106; Nini eversio extremo loco inter res a Cyaxare gestas affert; belli autem, quod ei cum Lydiis erat, finis solis defectu notatur, qui a. 610 accidit, cfr. I, 73. IDLERI Handb. d. Chronol. I, p. 209.

5) Cfr. BEROSI verba a IOSEPHO laudata, Ant. X, 11.

6) Cfr. IOSEPH. ibid., c. Apionem I, 19.

7) Cfr. DELITZSCH. l. l.

esse docent¹. Iam vero, qui ad a. 625 vel 626 recedendum existimant, id potissimum exprobrant nobis, quod Nabopolassar inde ab a. 625 tanquam Assyriorum princeps in canone PTOLEMAEI recensetur, sicuti luna etiam quarto eius anno, 621 defecisse ab eodem traditur²; quid est autem, quin per viginti fere annos satrapi vel reguli Assyrii munere Babylone functus esse putetur, donec parata seditione rerum ipse potiretur? Quibus autem in rebus HERODOTUM parum sibi constare ostendit KEILIIUS³, quae ille tradidit, pro nihilo habenda appareret, eae ab HUFFELDIO et DUNCKERO⁴ satis videntur compositae esse.

Iam vero quam ratione Ninus capta sit et quae Sardanapalus rex passus fuerit, ea copiose e CTESIAE libris exscripsit DIODORUS⁵; ac licet Medorum et Babyloniorum principum alia exhibeat nomina, Arbacem dico et Belesyn, nonnullaque alia a reliquis scriptoribus videantur discrepare, vix tamen dubitari potest, quin de eadem expugnatione narraverit, et eo tantum erraverit, quod, quae ad Cyaxarem pertinent, ea ad primum omnino Medorum regem retulerit⁶. Nihil est igitur, quin omissis fabulis⁷, quae Sardanapali memoriae admistae permultae sunt, narratione eius ad illustrandam Nini eversionem utamur, sicuti, quae Nahumi verba comprobare videantur, infra notata reperiuntur.

1) Cfr. GESSEN. Hallische Literaturz. 1841, No. 1. HIRTZIGH prol. ad Nah.

2) Cfr. ALMAGEST. XIV, p. 125. — Addendus est huic sententiae patronus USSERIUS, qui ad a. 626 recedendum docet in annal.

3) Cfr. Comm. üb. die Bb. der Könige p. 589.

4) Cfr. HUFF. Exercitt. II, p. 51. DUNCKER. l. l. p. 391.

5) Cfr. DIODOR. II, 23—28.

6) Cfr. HUFF. Ex. I, p. 34 ss. DUNCKER. l. l. p. 395. BRANDIS. l. l. p. 35. Quorum ex disputatione satis superque apparet, quam temere KALINSKIUS l. l. res a CTESIA narratas ad Assarhaddonem pertinere existimaverit, alteram autem eamque ultimam Nini obsidionem sub Saraco a Cyaxare et Nabopolassare factam esse; quo unum hoc censemus addendum, quod ex omni vaticinii a Nahumo editi ratione alia quaedam expugnatio urbis statui nequit; eam enim, si quae fuisset, certo proposuisset exemplo, neque vero futuram illam Thebarum. Simul autem notamus, Nahumum, uti apposite iampridem affirmavit DELITZSCH. l. l. p. XIX, non primam Nini obsidionem a Cyaxare institutam spectare, uti placuit HIRTZIGIO, nec alteram, verum quae per utramque facta sunt, ea uno simul animi praesagientis conspectu comprehendit.

7) Cfr. O. MÜLLER. Sardon u. Sardanapal, Rhein. Mus. III, p. 22 ss. MOVERS. Phoenix. I, p. 458 ss. HUFF. Exerc. III, p. 37 ss. DUNCKER. l. l. p. 397 ss.

Quo facto cum potentissimum Assyriorum imperium una cum magnifica urbe funditus eversum esset, vaticinium Nahumi non confectum omnino atque absolutum est; ea enim cum plurimorum V. Ti vaticiniorum, tum eorum tenenda ratio est, quae de summis orbis terrarum regnis edita sunt, quod non eversa aliqua gente, verum universa demum mundana potestate destructa, humanis rebus finitis, ad plenum cumulatūque perducuntur eventum. Est enim eadem semper huius mundi potestas, quae modo hac modo illa gente, variisque deinceps regibus comprehenditur atque expressa refertur imagine. Ergo praedicta eius regni destructio, cui illo forte tempore summa de orbe terrarum potentia contigerat, iterum iterumque evenit, donec bellua ista¹, quae universam omnino potestatem divinae civitati inimicam in se gerit collectam et comprehensam, in igneum aliquando coniiciatur stagnum, et vere qui dicuntur Israelitae ab eius arbitrio et persecutione vindicati sint in secula seculorum.

§. 9. INTERPRETUM CONSPECTUS.

Restat, ut eorum nomina videantur recensenda, quorum libris in explicando Nahumi vaticinio usi sumus; id quod ita absolvemus, ut ex iis, qui vel universum V. T., vel XII prophetarum librum, vel solum Nahumi vaticinium versionibus et commentariis illustraverunt, gravissimum quemque et quos evolvendi facta nobis potestas fuerit, appellemus; qui amplum cumulatūque desiderant catalogum, eorum praesertim, qui Nabumo interpretando singularem operam navarunt, iis praeter CARPZOVIVM (Introd. I, p. 5 ss. III, p. 263 ss. 296 ss. 395 ss.) adnudi sunt ROSENMUELLERUS (Scholia in V. T. VII, p. 245 ss.) et IUSTIUS (Nahum neu übersetzt und erklärt. p. 12 ss.).

Ac primum quidem ut de versionibus veteribus dicamus, ALEXANDRINA (de qua cfr. quae nuper WICHELHAUS de Ieremiae versione Alexandrina p. 4–35, et THENIUS Comm. über die Bb. der Kön. p. XIII-ss. disputaverunt) adeo mendosa est atque negligenter instituta, vix ut interdum interpretationem iuvare videatur; auctoritatis igitur quam dignitatis causa saepius laudata est. Aliquis forte redundat usus e reliquis versionibus graeco sermone expressis, e quibus THEODOTIUS illa LXX religiose

1) Cfr. Apoc. XIX, 20.

fere sequitur, AQUILA verba potius, SYMMACHUS sententias probe interpretari studuit. Chaldaica IONATHANIS paraphrasis, quae sensum copiosius fere descriptum exhibet, superatur Syriaca versione, quae PESCHITO vocatur, quippe quae textum hebraicum Alexandrina versione collata simpliciter et luculenter ut plurimum reddiderit (cfr. CREDNER de prophh. min. versione syriaca. 1827; WICHELHAUS de N. Ti versione syr.). Arabica interpretatio, quae in bibl. Polyglottis reperitur, raro quidquam intelligendis vatis verbis prodest.

Iam vero, ut ad patres pergamus, HIERONYMI, CYRILLI ALEXANDRINI, THEODORETI commentarii vv. dd. manibus teruntur. Ex iis, qui medio aevo prophetarum libros explicaverunt, afferendi sunt THEOPHYLACTUS, RUPERTUS TUITIENSIS, NICOLAUS LYRANUS. Inter Iudaeorum magistros nominandi sunt R. S. IARCHI, KIMCHIUS, ABEN ESRA, ABARBANEL (cuius comment. in Nah. rabbinico et latino sermone edidit SPRECHERUS 1703).

Post emendata sacra primo loco nuncupandus est LUTHERUS noster, qui medullas sententiarum ingeniose et egregie plerumque perspexit (cfr. opp. lat. Viteberg. IV, f. 613–621. ed. WALCH VI, p. 3041 ss.). Ex Lutheranis deinde interpretibus, qui s. XVII^{mo} scripserunt, praeter TARNOVIUM 1623 et CALOVIUM 1681 et Io. SCHMIDIUM 1687 in Nahumo explicando versati sunt

Io. QUISTORPIUS, Kriegspredigten, oder Erklärung des Propheten Nahum. Rostock. 1628. 4.

I. H. URSINUS, Hypomnemata in Obadiam et Nahum, Francof. 1652, 8.

Longe amplior eorum extitit opera, qui Reformatae ecclesiae addicti fuerunt s. XVI et XVII. Ac primum quidem

TH. BIBLIANDER (Buchmann), Propheta Nahum iuxta veritatem hebraicam et. Tiguri 1534, 12 accurate pro sermonis hebraici, quae tum fuerat, cognitione, tam doctae interpretationi quam usui theologico eruendo operam dedit.

Tum vero post egregios CALVINI commentarios et interpretationes a IUNIO, TREMELLIO, PISCATORE exhibitas, afferimus

LUDOV. CROCI comm. in Nah. proph. Brem. 1620. 12. GUALTHERI homilias in XII proph. 1609.

MUNSTERI, VATABLI, CASTALIONIS, DRUSHI, GROTHI, CASAUBONI, Io. et L. CAPELLORUM notae tam in „Criticis sacris“ 1695 editis quam in POLI synopsis criticorum 1694 reperiuntur collectae.

Romana etiam ecclesia aliquot iisdem seculis tulit interpretes, qui prophetarum minorum libros illustraverunt, veluti RIBERAM S. I., 1559, ARIAM MONTANUM 1582, CHR. A CASTRO S. I., 1615, G. SANCTIUM 1616; quo adde CORNELIUM A LAPIDE c. 1630, TIRINUM 1678, MENOCHIIUM all. Quorum explicationes gravissimas collectas exhibuit ACKERMANNUS, proph. min. 1830.

Ingentis autem vv. dd. assiduitatis, quae initio seculi XVIII^{ui} maxime vigeat, praestantissimum specimen praebet IO. MARCKII comm. in XII proph. min. 1701, edit. alt. ed. PFAFF. 1734, in quo omnium fere interpretum diversae de quoquo versu verboque sententiae proponuntur comprehensae, et COCCII potissimum impugnantur opiniones; eandem fere instituti rationem secutus est I. H. MICHAELIS in bibll. Halensibus 1720, sua insuper sententia saepius explicata quam admisit MARCKIUS; utriusque enarrationes interpretationi fundamentum largiuntur egregium. Sequitur CALMETI opus, qui et ipse veterum potissimum theologorum placita conquisivit, et BURKII brevis et succinctus Gnomon, qui 1753 prodiiit. Iam vero novam aetatem Nahumo interpretando conciliavit

I. G. KALINSKIUS, Vaticc. Chabacuci et Nahumi, itemque nonnulla Iesaeae, Michaeae et Ezechielis oracula observatt. hist.-philolog. illustrata ct. Vratislaviae 1748. 4.

Is enim primus intellexit, idoneam vaticiniorum explicationem ab explorata temporis historia debere proficisci, atque adeo in indagandis tam Iudaeorum quam Assyriorum rebus, quae ad Nahumi aetatem viderentur pertinere, assiduitatem collocavit egregiam. At vero duobus nominibus laudabile consilium dici vix potest quantopere absit ab exitu: primum enim, uti supra notavimus, nominum similitudine seductus, Assarhaddonem non differre a Sardanapalo non opinatus solum est verum uberrime demonstravit, Medorum autem seditionem et defectum ad finem Assarhaddonis regni referendum esse; itaque altero capite Nini expugnationem a CTESIA et DIODORO descriptam praedici existimat, tertio autem eversionem Nini a Cyaxare perpetrata. Deinde perversissima hac sententia adeo captus est, ut vatis verba non eventu studeret comprobare, verum ipsi eventui adaptaret; atque adeo relicta potestate verborum usu probata simplicem non solum sententiarum nexum et progressum haud raro turbavit, verum etiam, quid intersit inter prophetiam et meram divinationem et praedictionem, plane videtur neglexisse.*

Sequuntur aliquot decenniis interiectis trium vv. dd. opuscula, qui pressis SCHULTENSII et SCHROEDERI vestigiis hebraearum vocum significationes ad arabicam normam exigebant:

E. I. GREVE vatic. Nah. et Habac.; interpretationem et notas adiecit. Editio metrica. Amstelod. 1793, 4;

quae quam sit arbitrarie et singulariter instituta, supra perstrinximus. Cautius egit, et vitia illius rationis magis evitavit, SCHROEDERI et PAREAVII notas addidit

EV. KREENEN, Nahumi vatic. philologice et critice expositum et. Hardervici 1808, 4.

Denique, quid assidua interdum arabici sermonis comparatio valeat, in explicandis nonnullis primi capitis locis probe ostendit

CH. M. FRAEHNIIUS († 1852) curarum exegetico-criticarum in Nahumum prophetam specimen, Rostockii 1806.

Porro luculentissimum eius interpretationis exemplum, qualis exeunte s. XVIII^{uo} et nostro incipiente institui solebat, quippe quae omissa prophetica vaticiniorum indole poeticae venustati investigandae plurimam daret operam, eius igitur exemplum afferimus

C. W. IUSTI Nahum neu übersetzt und erläutert, Lips. 1820, 12, quo adde, quod paullo antea prodiit,

H. MIDDELDORFF Nahum aus dem Hebräischen übersetzt, mit Vorrede und Anmerkungen von GURLITT. Hamb. 1808. 12;

nec non versiones vaticinii editas a GRIMMIO 1790, WAHLIO 1790, NEUMANNIO 1808.

Tum vero posteaquam gravissimas priorum interpretum sententias collegit ROSENK. (Scholia in V.T.), ampliore deinceps luce Nahumi quoque oraculum collustratum est RUECKERTII versione, et commentariis satis pervulgatis illis, quos de XII proph. min. ediderunt HITZIG. 1838 et 52, HESSELBERGIUS, EWALD., MAURER. 1840, UMBREIT. 1844; SCHMIEDERI notae (d. heil. Schrift ed. O. DE GERLACH, vol. V, a) eam ederentur, maxima dudum commentarii nostri pars typis expressa erat. Ultimo loco commemorandus est

A. G. HOELEMANNUS, Nahumi oraculum ex praefatione de externa poëseos in vernaculam convertendae ratione versibus germanicis *ὁμοιοτελεύτοις* et *σχολίοις* illustravit et. Lips. 1842. 8.

Quae prophetarum vaticinia vertendi ratio num videatur idonea esse, non disceptamus; adiectis annotationibus Nahumi explicatio multis locis amplificata est.



plenum esset, quod videretur.“ Quae posteaquam diu fere sola valuit ad GOUSSETIUM usque (lex. p. 1027 ss.), a COCCIO inde et VITRINGA (ad Ies. XIII) et AURIVILLIO (dissertt.) altera ad nostram usque memoriam adeo facta vulgaris est, ut I. D. MICHAELIS (suppl. p. 1685) eorum nomina reticere mallet, qui illam etiam retinerent. HENGSTENBERGIUS demum (Christol. II, p. 102 ss. Psalm. I, p. 301), assentiente HAEVERNICKIO (comm. in Ezech. p. 165) Hieronymi versionem unice probari posse, luculenter demonstravit; ad quam disputationem quae KOESTERUS (die Proph. des A. u. N. B. p. 259) et DRECHSLERUS (ad Ies. XIII) responderunt, non ita magni momenti sunt; accuratius DELITZSCHUS ad Hab. I, 1 argumenta eius examinavit. Iam igitur de quattuor disceptatur interpretandi rationibus, quas duobus numeris comprehendimus; altera eorum, qui vertunt onus, altera eorum, qui vel effatum praeferunt scil. divinum (DELITZSCH., GESEN., WINER al.) vel pronuntiatum (s. recitationem, ab inspiratione divina discernendam, KOESTER.), vel etiam, quod EWALDUS habet, sententiam gravem (Hochspruch). Haec autem interpretum pars verbo נשא interdum inesse vim pronuntiandi contendunt, id quod altera plane negat. Quare huius verbi notio, totius nimirum caput quaestionis, perscrutanda atque investiganda diligentius videtur.

Primaria verbi potestas est ferendi, portandi, tollendi. Quam sat multi relinquendam putant, I. ubi componitur verbum cum קל, unde prave intellectae vocis נשא summa repetenda causa est. קל נשא ex genuina utriusque significatione nihil est, nisi tollere vocem, i. e. altiore reddere vocis sonum. Duo, qui in hanc dicendi formam cadant, locorum genera sunt; 1) ubi plene scriptum est נשא קל, subiecta notio est clamandi, iubilandi, plorandi a) clamandi Iud. IX, 7 וישא קולו ויקרא; b) iubilandi Ies. XXIV, 14: „illi tollant vocem suam, iubilant;“ LII, 8: „vox custodum tuorum, tollant vocem simul omnes, iubilant;“ ubi non prophetae iubilant (ut cavillat KOESTERUS p. 259), sed species quaedam atque imago custodum urbanorum, cfr. v. 7 et LXII, 6; c) plorandi Gen. XXIX, 11; XXVII, 38; 1 Sam. XXIV, 17 al. Longe gravius alterum genus est 2) ubi omittitur קל; ibi nulla ex sententiarum nexu admitti potest nisi clamandi potestas, cfr. Ies. XLII, 2. 11; LII, 8; quibus exemplis si vere probaretur, quod affirmat KOESTERUS p. 259, 'נ notare initium sermonis prophetici, praedicaretur XLII, 2 inter virtutes Messiae, — eum

non esse vaticinaturum. Accedunt Ies. III, 7 et Iob XXI, 12 ubi manifestus est vociferantium et iubilantium clamor. II. Pergendum est ad reliquum locorum genus, quibus נשא cum aliis componitur nominibus. Quo in genere נשא 1) est tollere, ferre, eoque sensu a) legitur v. c. Ps. XV, 8: „nec tollit, s. infert convivium in vicinum suum,“ neque vero „non pronunciat convivium,“ cfr. Ps. CXXXIX, 3; Exod. XXIII, 1 נשא שבע שאר; accedit celeberrima decalogi vox Exod. XX, 7: „ne feras, portas nomen ct. ad mendacium,“ non posse sic verti: „ne pronunties nomen ct. ad mendacium,“ ostendunt verba Ps. XXIV, 4: „qui non fert animum suum ad falsum,“ ubi absona prorsus esset pronuntiandi potestas; cfr. HENGSTB. Ps. I, p. 82 ss. Neque aliter explicanda vox est 2 Reg. IX, 25 נשא עליך אחריתא; „et sustulit, ingressit Dominus in eum hoc onus,“ sc. grave illud atque acerbum de morte eius decretum 1 Reg. XXI, 19; XXII, 35. DELITZSCHIO autem, qui l. l. sic vertit: und Jehovah hat über ihn diesen Ausspruch ausgesprochen¹, intelligi non potest, quibusnam ex causis simplex illa atque genuina interpretatio videatur intolerabilis esse; b) translate dictum habetur preces tollere Ies. XXXVII, 4, ad deum nimirum in coelis habitantem. Quo adde c) tollere fletum Ier. IX, 9 brevius dictum pro: tollere vocem et flere, cfr. supra I, 1, c. 2) Restat ea dicendi ratio, in qua נשא aperte est incipere, nostro autem sermone optime redditur anheben: נשא נשא Num. XXIII, 7; Iob XXVII, 1; XXIX, 1; Micha II, 4 quibus locis, si נשא esset pronuntiare, satis incommodus admitteretur pleonasmus: et pronuntiavit carmen suum et.... inquit; quare bene DELITZSCHIO Hab. II, 6 vertit: ein Lied anstimmen.

Quod si verbum נשא nusquam potestatem pronuntiandi admittere vidimus, nomini quoque inde ducto tale quid inesse nequit; imo, si unam excipias dicendi formulam נשא נשא, in qua locum indigitat quo tollitur animus, i. e. desiderium Ezech. XXIV, 25, omnibus omnino locis, secundum usitatissimam vocum praefixo ן formatarum rationem², aut rem portatam, i. e. onus, aut ipsum portandi actum designat. a) Posterioris potestatis dilucidum exem-

1) KÖSTERUS: und Jehovah trug vor diesen Vortrag über ihn.

2) Cfr. EWALDI ausführl. Lehrbuch 1844, § 160, b, 3, cuius explicatio longe praeferenda videtur infinitivo chaldaizanti a GEMMIO proposito.

plum est 1 Paral. XV, 27; ubi fuerunt, qui prophetiae vel cantus sensum flagitari asseverent verbis, commoti forsitan v. המשררים, quod bis ille versus habet. Utraque autem versio suas habet non difficultates solum, verum errores. Nam illis, qui prophetiam intelligunt, bene respondit CH. B. MICHAELIS in ann. ubb. prophetias recitandas secundum cap. XVI praescripsisse non Chenaniam, sed Davidem; iis vero, qui de cantu cogitant, universum capitis argumentum maxime contrarium est; ac praesertim v. 22 Chenania inducitur tanquam שר הלויים במ', addita muneris caussa: „docebat gestationem, quia eius erat peritus.“ Inter cantores autem Davidis Chenania nec v. 16–21 nec ullo alio refertur loco, imo, facta eius mentione v. 22, sequuntur arcae divinae ianitores; et baiulare arcam Levitarum erat, cfr. v. 2. 15; Num. IV, v. 19. 24. 27. 31. 32. 47. 49 (משאם ועבדום), denique 2 Paral. XXXV, 3 Davides Levitas iubet seponere arcam in templo, „ne iam humeris eorum oneri esset“ אין לכם משא בכרף. Neque vero offendimur eo, quod ante Chenaniam et post eum v. 27 legimus de cantoribus; nam v. 17 ss. describitur pompae sacrae ordo, in quo cantores et musici praecedunt et sequuntur arcam a Levitis gestatam; v. 27 amictus Davidis et reliquorum eodem fere ordine additur; alterum autem המשררים ἀσυνδέτως positum est. —

b) Iam vero constat inter omnes oneris potestas, ubi proprio sensu legitur ex. gr. 2 Reg. V, 27; Neh. XIII, 15. 19; Ies. XXII, 25 al., nec non ubi transfertur per similitudinem ad molestiam et nauseam indicandam, 2 Sam. XV, 33; Iob VII, 20; 2 Sam. XIX, 36. Nihilominus oneris imaginem improbant in oraculorum titulis adversarii, ac primum quidem, 1) quod inscriptum eiusmodi etiam vaticiniis sit, quae non sint minantia (DELITZSCH.), veluti Sach. XII, 1; cuius argumentum satis existimamus „grave et ponderis laborisque plenum“ esse. Haec autem vaticinii indoles manifesta apparet, si Israelis nomine (על-ישראל) non gens sacra foederis, sed inimici ecclesiae designati videntur, uti existimat HENGSTB. Christol. II, p. 272 ss.; perniciēs enim propter inimicitiam Hierosolymorum gentibus imminens per omne hoc oraculum describitur. Sin alia tituli ratio est, et Israel, ut semper fere, populum significat universum — quae suam et ipsa defensionem habet explicatio, licet intricatas capitis etiam exaugeat difficultates —: oneris tamen inscriptio non minus ideo comprobatur. Quid enim gravius est funesta fratrum, Iudae et

Israelis, perduellione, quid acerbius, quam ipsos etiam Iudaeos, scelerato cum profanis gentibus ieto foedere, contra sacrosanctam consurgere urbem? (וְנָם עַל־יְהוּדָה יִדְוֶה ב' v. 2) Qua contentione perniciem sibi parant Iudaei; nihilominus Dei gratia reversi in sobrietatem, praesidio sibi esse Hierosolyma intelligunt et.; at victoriam gentium non assequuntur a Domino, nisi datis antea poenis. Tum vero alterum etiam sequitur „onus“, gravissima de Messia perfosso querimonia et moestitia, v. 10–14. — At vero si amplior nihilominus promissa inter calamitates laetitia videatur, quam quod oneris nomine comprehendere possit argumentum, eandem habemus rationem ac 2) Ies. XIX, quo exemplo, cum Aegypto non minae solum, sed felices etiam eventus praedicantur, DELITZSCHUS utitur, ut demonstraret, non mere esse minitancia vaticinia, quae inscriptum habent כָּשָׁא. At amplissima quaestioni lux accedit e versu 22^{do}: et *percellit* Dominus Aegyptum *percellendo simul et medendo*; hoc est enim proprium illud et peculiare plagarum divinarum, quod pessumdant quidem peccatores, eiusmodi tamen, ut tam conditionem quam remedium in se gerant salutis, dummodo perculsi redeant ad Dominum — „et revertantur ad Dominum et exaudit eos et medetur iis“; at-tamen, quod primum atque maxime cecidit sub oculos, violentia est plagarum et onerum ingestorum moles. — Nimium autem vidit KOESTERUS in hoc genere, l. l. p. 260: „Dass es nie anders als bei Drohweissagungen gebraucht werde, ist von keiner Bedeutung, da in allen Weissagungen theils gedroht, theils verheissen wird;“ inscribitur enim a parte potiori argumenti ratio. 3) Iam vero DELITZSCHUS, cum Thren. II, 14 vocem nostram de vaticiniis prorsus felicibus dici asseveret, ab idoneo verborum sensu abesse videtur: „vates tui mendacia tibi et falsa vaticinantur, nec tua tibi facinora aperiunt, ut reditum adducant captivorum: sed falsa tibi vaticinantur onera et seductiones“; onera enim aperte sunt hostium, quibus falsi vates exitium praedixerunt, ut auram captarent popularem. 4) Ierem. XXIII acumen rei in eo positum est, quod quotidiana vatis onera facta iis onerosa erant, eorumque taedium moverant et lasciviam; atque adeo Deus hoc uti etiam vocabulo prophetas vetuit, ne sacra eorum gravitas et severitas ludibrio haberetur. Cfr. HENGSTENB. l. l. p. 105.

Iam igitur posteaquam effati potestatem nec posse omnino

verbo משא inesse, nec satis valere eorum, qui eam defendunt, argumenta ostendimus, addenda nonnulla vel, ne longiores in hac quaestione simus, indigitanda potius videntur, quibus nostra aperte confirmetur sententia. Cuiusmodi afferimus Sach. IX, 1: מ' דבר ה' בארץ חרדך וירמסך מנחתך, *onus* verbi Domini super terram Hadrach, et Damascus *requies eius*; quam aperte hic significatur, praedictorum a deo casuum onus ingenti cum pondere incumbere in terram Hadrach, et recubare in Damasco, premere Damascus? Deinde Ies. XV, 1: מ' מראב כי בליל שדך, particula כי inducit causam, ex qua onus dicatur imminere Moabitibus; qui apud alteram effati remanent significationem, affirmativam potestatem obtrudunt particulae, quam numquam omnino habet nec ex omni ratione sua habere potest. Ut enim medio in progressu nexaque sententiarum notare possit aliquando „profecto, revera“, initio tamen enuntiationis, multoque magis in integri capitis exordio, tale quid admitti nullo modo potest. (Quos Ew. § 320 a, huiusmodi laudat locos, nihil huc pertinent, quia in media sententiarum quasi catena exhibent particulam.) Porro Ies. XXI post titulum מ' מדרבירים secundus statim incipit versus: visum grave et horribile dictu nuntiatur mihi est; cfr. etiam מ' v. 13 cum v. 16: שמני ככר מלחמה. Denique Ies. XXII ad מ' v. 1 inscriptum redit v. 25: נפלה ונכרה המ'.

Postremo e duobus illis Proverbiorum locis, XXX, 1, XXXI, 1, vere quod aiunt interpretum crucibus, licet inaccessae eorum difficultates tolerabili ratione nondum enucleatae sint¹, tantum tamen patere videtur, oneris notionem in universum eorum argumentum maxime quadrare, cum satis multa habeant gravia et onerosa; quo accedit, quod in altero titulo XXXI, 1 verba משא אשר יסרחו אמר, „onus, quo castigavit eum mater eius“ satis dilucide nostram indigitare explicationem debent. —

Est autem onus illud, quod imminere vates vidit, *onus Nini*; solet enim genitivus voci מ' adiectus notare eum, cuius cervici ingeritur onus; Sach. IX, 1; XII, 1; Mal. I, 1 verbum designat domini, quod oneri est. De Nino urbe in proll. verba fecimus.

1) Ex iis, qui novissime examini subiecerunt locos, post EWALDUM (Jahrbücher der bibl. Wiss. 1848, p. 108 ss.) optime meritis est KEILJUS (HAEVERNICHI Handb. der Einl. ins A. T. III, p. 411 ss.) masorethico textu diligenter defenso et HIRZIGI aliorumque coniecturis accuratè refutatis.

Percellit autem plaga divina Ninum caput regni non tantum totius corporis loco, sed una etiam cum eo, sicuti saepissime hoc in genere Hierosolyma pro Iudaea, Samaria pro Israele, Damascus pro Syria ponuntur. Nam in quem quasi medium locum peccatorum ubivis commissorum undique redibat gravitas et atrocitas, eo quoque poenarum ictus dirigi maxime oportebat.

Altera tituli pars auctorem notat, ספר חזון. Ex quo de prophetarum scholis, quas dicunt, nihil amplius traditur in libris sacris, post Eliae nempe tempestatem, gravibus illis et funestis populi casibus propius indies instantibus, summa deinceps vaticinia perscribi coepta sunt, idque divino iussu, ut saepius docemur, Ies. VIII, 1-16; XXX, 8; Hab. II, 2. 3; Ierem. XXIX, 1 ss.; Dan. VII, 1; XII, 4. 9, nec in futurorum tantum temporum usum Ies. XXX, 8; Ierem. XXX, 2. 3, verum coetanei etiam generis causa Ierem. XXXVI, 1-6, ut recitati in templo latius divulgarentur. Quare cum nihil sit, quin perscriptum hunc librum ab ipso Nahumo existimemus, tum, quae erat eo praesertim tempore Assyriorum casus divinitus praedicti gravitas, magis etiam in hanc sententiam compellimur. ABARBANELI nugae, qui e verbo ספר concludit, vaticinium nostrum scripto mandatum et missum Sennacheribo esse, idque ob eam rationem factum, quae intercedit nostro libro cum Iona, attulisse satis erit. Adiectus genitivus חזון omnino propheticum esse librum ostendit; monemur, describendum hostium interitum nec conspectum oculis esse, nec post eventum enarratum, neque ratione antea et coniectura nuntiatum, sed animo extrinsecus raptio oblatum per speciem et visionem, et sic perceptum literis exinde exaratum. At vero inter commune divinationum genus et sacrorum vatum visiones hoc maxime interest, quod divino spiritu et excitantur et diriguntur. Quare non male notat MARCKIUS, verba 'ח' ס' involute dicere auctorem huius oneris principalem, ministerialem clarius subiicere נחום האלקרשי. Dei autem verba non audiri solum, sed explicari etiam tanquam divina, nec ut mere humana debent. — De Nahumi nomine et Elcesi situ cfr. proll. חזון regentis simul verbi et recti fungitur vicibus (HITZ.), id quod e vocali subscripta, quam IARCHI et ABARB. temere produxerunt, et ex exemplorum similitudine apparet; cfr. Ios. XIX, 29; Ies. II, 11; Ez. XXXIV, 14.

Iam vero primam tituli partem spuriam esse EICHHORNIUS,

BERTHOLDT., Ew. contenderunt, ideo praesertim, quod prima verba cum sequentibus nullo modo cohaereant. At vero quatenam potest manifestior esse necessitudo, quam quae intercedit inter argumentum libri et auctorem? Accedit, quod nisi mentio omnino in titulo facta Nini esset, usque ad II, 9 nec universa oratio, nec suffixum illud כְּקִרְטָן I, 8 quo tandem pertineret divinari posset. Cfr. infra a. h. v. — GRIMMUS contra defendit primam particulam e consuetudine vatium, tale quid inscribendi oraculis, alteram destituit; at si quae est prophetarum in hoc genere ratio, ea est, ut suum praefigant nomen tanquam divini spiritus instrumentorum, ne omne visum stare quodammodo in lubrico videretur.

v. 2-14.

Primum vaticinii caput tribus conficitur partialis. I) v. 2-6 notatur a) dei indoles et natura, a qua imminens Assyriis plaga repetenda sit, v. 2. 3a; b) universa describitur iudicii divini species v. 3b-6; II) inde quid maneat gentem suam, quid inimicos Assyrios, exponitur v. 7-11; denique III) Domini consilium et iussum de extinguendis Assyriis et liberando populo suo breviter proponitur v. 12-14.

A. v. 2-6.

a. v. 2. 3a.

v. 2.

*Deus zelotes et ulciscens Dominus, ulciscens Dominus et aestu pol-
lens, ulciscens Dominus in inimicos suos et servans adversariis suis.*
אָרָא rara adiectivi forma (cfr. Ios. XXIV, 19) pro vulgari אָרָא,
acrem notat et strenuum seu in amando seu in irascendo animum;
verbum אָרָא et nomen אָרָא tam hac, tam illa legitur notione,
cum adiectivo commune utriusque fundamentum insit. Quam
vocis sententiam descripsit HENGSTB. (Beitr. III, 455. Die Opfer
der heil. Schrift p. 21) tanquam alacrem ἐνέργειαν, qua verus
et vivus Israelis et Christianorum deus differt a factitiis simula-

tisque paganorum diis, segnibus illis et languidis amando simul et irascendo. Cfr. Exod. XX, 5 'אל קנא פקד עין' עשה חסד'; XXXIV, 14 'אל קנא שטח'; Dent. IV, 24; V, 9; VI, 15. Recte LXX ζηλωτής, LUTHERUS ein eifriger Gott, MARCK., EW. al. Contra, sat multi interpretes aut indignabundi (MAUR.) aut ob alienum amorem solliciti potestatem statuunt (Vulg. HIERONYM. aemulator, KALINSK., KEIL. ad Ios. XXIV) quae probari satis non potest; imo altera eaque amplior notio omnibus deinceps exemplis longe aptior videtur; cfr. Exod. XX, 5. Haec autem indoles ubi deo tribuitur, ubique positum est 'אל, quo in nomine praevallet vigoris et potentiae divinae cogitatio (אל. — Qui acer est, idem ulciscitur illatas sibi offensiones: ונקם ה'; is enim, qui summa est et perfecta ipse animantium species (ידרה το δν κατ' ἐξοχήν) „mea est ultio inquit et retributio“, Dent. XXXII, 35; cfr. Ps. XCIV, 1. Amplificatur Dei ultoris cogitatio verbis חמה ובעל חמה, Prov. XXII, 24; XXIX, 22; חמה, proprio sensu Hos. VII, 5 de vini fervore, creberrime dicitur de irae divinae excandescencia; בעל recte reddidit HIERON. habens furorem, CALV. possidens iram; significat enim eum, qui pollet aliqua re, vel cui maxime aliquid tribuitur, sicuti אב, איש, בן, cfr. Genes. XXXVII, 19 החלומה בעל; 2 Reg. I, 8; Prov. XXII, 2; domini notio secundaria est (BURK.), nec in hoc dicendi genere idonea. Tertium repetitur 'נקם ה', ut gravitas ultionis sumendae significetur, cfr. Ier. VII, 4; XXII, 29; Ez. XXI, 32; 2 Sam. XVIII, 13, et maxime Ies. VI קדרש ונן; deinde eo inter se differunt enuntiata, quod primum effertur tanquam necessarius vigoris divini effectus; deinde cuiusmodi haec ultio sit explicatur (בעל חמה); postremo ad quosnam pertineat vindicta, declaratur. Nihil est ergo, quod cum ABARBANELE et KALINSKIO¹ triplicem Israelitarum captivitatem respici et triplicem minitari vindictam existimemus; praesertim cum primis versibus omnino praedicentur attributa dei et affectiones, ad quas ea iudicii species, quae postea describitur, sit referenda; nec sequemur TARNOVII argutias, qui S. Trinitatis innui mysterium opinatur, id quod DRECHSLERUS etiam ad Ies. VI, 3 defendit; nam licet triplici numero

1) Ille tres captivitates elicere sibi videtur e locis 1 Paral. V, 20; 2 Reg. XV, 29; XVII, 6; XVIII, 9; hic calamitates illatas Senacheribo et Sardanapalo, et Nini eversionem inducit.

perfecti et absoluti notio aperte insit, longe tamen abest ab eo, ut S. Trinitatis cogitatio subesse videatur, ubicunque idem verbum ter repetitum est. Pertinet autem ultio dei ad inimicos eius, quorum numero comprehensi etiam sacrae gentis hostes sunt; nam Israelitarum adversarii iidem sunt domini; cfr. Ex. XXIII, 22. Denique quartum membrum, tribus quasi respondet: וְנָסַר ל' הָרָא ל' custodire, servare Cant. I, 8; VIII, 11. 12, quemadmodum שָׁמַר Iob X, 14; Ierem. III, 5, plerumque de servata offensionis memoria et ira dicitur, Ps. CIII, 9; Ierem. III, 5. 12, similiter coniunctum cum נָקַם Lev. XIX, 18. LUTHERUS: „und der es seinen Feinden nicht vergessen wird.“ CALVINUS: „significat deum perperam aestimari ex cessatione, non enim torpet neque cunctatur, sed iram tenet.“ LXX ἐξαίρετον, et Arabicae translationis auctor: وهو يَنْزِعُ أَعْدَاءَ et ipse tollet hostes suos — נָסַר נָסַר pro נָסַר.

v. 3 a.

Dominus tardus (quidem) ad iram, sed magnus est robore, nec insontem (quemquam) declarat. Cum, qui tenet secum iram et differt ultionem, tollere eam omnino videatur, ne tale quid peccatores de deo summo opinentur, concedit quidem longum dei animum et patientiam, at tremendam eius energiam simul docet, et iustitiam, qua neminem pro insonte habet, nisi qui poenas promeritas laerit. אָרַךְ pro אָרַךְ dictum cfr. GeseN. Lehrs. § 133, 2; אָרַךְ dualis verbi species per similitudinem ab utroque naso inflato translata iram significat. Delibatum est hoc dicendi genus, quod probe reddidit Chald. סְרַחֲקָא רַנּוּ, e verbis Exod. XXXIV, 6: „Dominus Deus misericors et clemens est, longanimis et misericordia pollens et veritate,“ quae recitata fere ad verbum sunt Num. XIV, 17; Ioel II, 13; Nehem. IX, 17; Ps. LXXXVI, 15; CIII, 8; CXLV, 8; et reddita aliqua ex parte Ps. LXXXVIII, 38; CI, 4; sed non erga pios solum, verum omnes etiam homines longum dei animum esse docet Jonas IV, 2, qui notum hoc sibi iamdudum, nunc denuo intellexisse dicit, cum deus ad interitum Assyrii annuntiandum primum sese misisset Ninum, praestata autem poenitentia, cunctaretur immittere poenam, v. 10. 11. Quare cum longus dei animus diu retardato Assyriorum interitu eximie fuerit probatus, ad Ionae verba re-

spicere Nahumum existimamus, ita tamen „ut adducatur hic illud attributum per modum praeoccupationis seu concessionis, quando adversus Dei iustitiam hic praedicatam solet illud obiici corde, ore, vel opere coll. Eccl. VIII, 11; Mal. II, 17; III, 15.“ MARCK. sic enim magna cum emphasi additur וְנִרְוֶה־כֹּחַ (pro quo Masorethae syllabarum aucipites legendum praescripserunt וְנִרְוֶה־לֵּךְ); coniunctio igitur ך adversativum sensum flagitat, sicuti Cant. I, 5; Gen. II, 16. 17. CYRILLUS: εἰ γὰρ καὶ μακρόθυμὸς ἐστὶ, καὶ ὀρᾷται τέως ἀνεξικακῶν, ἀλλ' εἰς τέλος κτλ. CALVINUS: „ne blandiantur sibi impii, quia deus est patiens, est enim et potens, ideoque non effugient qui eius patientia abutuntur.“ „Patientia ergo eius non est ex defectu virium,“ TARN. Quae interpretatio eo magis commendatur, quod, sicuti egregie UMBRETIUS vidit (prol. ad Nah.) haec totius quasi summa libri est, ut deum patientem quidem, sed zelotem etiam et iustum esse ostendat. De eorum sententia, qui haec verba ad Israellem referant, infra videbimus. כֹּחַ plerumque robur et nervos exprimit Hab. I, 11, Ierem. X, 12, vires corporis. Quae cum ab hoc loco alienae sint, ingenii vires intelligimus; at non eas, quae patientia et continentia irae spectentur, uti statuit HITZIGIUS, atque adeo vestigia premit HIERONYMI, CASTRI, SANCTII, COCCENI, I. D. MICH. all., quae sententia verbi primum potestatem negligit et usum, nam Iob VI, 11. 12 ubi alteram HITZIGIUS valere notionem contendit, genuina illa maxime confirmatur, cfr. v. 12 „an caro mea ex aere facta est“? tum vero cogitationes infert, quae ad antecedentia et sequentia quadrare probe non possunt; sequitur enim „nec insontem declarando insontem declarat.“ Satius est cogitare de vigore animi et energia, sicuti legitur כֹּחַ לֵב Iob XXXVI, v. 5: „en! Deus magnus est, nec reprobat; magnus est vigore animi;“ isque animi vigor iustitia fortiter exercenda spectatur, cfr. v. 7: „non patitur vivere improbum, et largitur ius afflictorum;“ cfr. Mich. III, v. 8: „atqui ego impletus sum robore a spíritu Domini, et iure et fortitudine, ut indigitem Iacobo flagitium eius et Israeli peccatum eius.“ — וְנִרְוֶה לֹא יִנְקָה satis usitata dicendi forma, qua adiecto infinitivo et amplificatur verbi notio, et certitudo innuitur extra omnem dubitationem posita; cfr. Ew. § 280 b („Der unaufhaltsame Fortgang — oder das völlig unzweifelbare Dasein“). וְנִרְוֶה in forma Kal notat „purum esse,“ Ierem. XLIX (neque vero coll. נִרְוֶה eüicere MAURER hebr.

chald. H.W.); inde Ni. aut purificatum esse, metaph. insontem Num. V, 31; Ps. XIX, 14 aut, physico sensu, vacuum, evacuat-um esse Ies. III, 26; Sach. V, 3; possit iam utraque etiam in forma Piel statui potestas; at GESEN. thes., MAUR. al. iure alte-rius tantummodo afferunt exempla, insontem declarandi, habendi; sic nostro loco LXX reddunt ἀθῶνον οὐκ ἀθωώσεται, Vulg. mundans non faciet innocentem, Pesch. סִכַּח־לִּי מִכֻּל־כֶּחָל; Pah. est purificare, iustificare, impunem dimittere. Explorata haec significatio est Exod. XX, 7; Deut. V, 11 non inultum esse patietur, insontem habebit dominus eum, qui nomen eius ad mendacium confert; Deut. V, 11; 1 Reg. II, 9; Ps. XIX, 13 (cfr. HENGSTB. a. h. l.); Iob IX, 28; X, 14; aliis locis sunt qui alte-ram asseverant, purum faciendi, i. e. funditus delendi, Exod. XXXIV, 7 et Num. XIV, 18; Ierem. XXX, 11 et XLVI, 28, quibus alteram potius magnopere existimamus comprobari. Nam illis Exodi verbis quasi fundamentum est Exod. XX, 5 ss., ubi Dominus energiam suam (אל כח) ab utraque parte, amore et ira, describit, ita ut adiectivum כח explicetur duobus participiis 'פקר עין et רעשה חסד', cfr. Deut. V, 9 ss.; iam vero Exod. XXXIV, 6. 7 haec enuntiatio et amplificata est, et inverso ordine proposita; adi. כח omissum est, eiusque loco primum quinque attributis misericordia absolvitur ואמח — רחום, sequen-tibus partic. נצר et נשא; altera autem energiae pars, irae tena-citas, non adiectivis proponitur, sed verbo לא ינקח, eaque non simpliciter verum composita illa specie quam supra explica-vimus exarata, id quod altero porro exponitur partic. 'פקר'. Ex quo sententiarum nexu et ordine cum נקה habere sensum: insontem dimittendi appareat, vetamur insuper praeunte signo Ath-nach, ne forte ad antecedentia referamus 'נקה et alteram illam admittamus potestatem. Nec alia ratio est Num. XIV, 18, ubi eadem enuntiatio brevius repetitur. Ieremiae verba sic audiunt: „finem faciam cum omnibus gentibus, quo te dispersi, te solum non exstinguam, sed cum aequitate te castigavi, nec vero im-punem te esse patiar.“ Sequitur continuo v. 12–14 castigandi Israelis descriptio, eaque coniunctione כי connexa cum ante-cedentibus נקה לא ינקח: „nam sic loquitur Dominus: desperanda est fractura tua, aegra est plaga tua;“ addita deinde poenae causa v. 15, multitudo peccatorum, v. 16 praedicatur hostium destructio, quam sanatio et salus Israelis excipit, v. 17–22.

Ierem. XLVI, 28 eodem effato clauditur vaticinium de Aegyptiorum interitu. Videmus igitur exstinguendi potestatem nec necessariam ibi esse, nec ob sententiarum nexum aequae esse idoneam atque alteram illam insontem declarandi, impunem dimittendi.

Quae cum ita sint, genuina verborum potestate moniti, suadente insuper aperto libri Ionae respectu, hemistichii huiusce verba non ad Israellem sed ad Assyrios referamus, cum MARCKIO, KALINSKIO, KREENENIO all. Qui alteram sequuntur sententiam, oppositam hic versui secundo causam iudicii habent: non acie solum dei ingenium et iram et ulciacendi cupiditatem in hostes, verum longum etiam erga gentem suam animum, et omnipotentiam, qua salvare eam potest, et misericordiam, qua exstinguere eos et delere non vult. Quae licet praeclara sit cogitatio, cedere tamen argumentis supra expositis debet.

„Hactenus autem minime declaratur, quid Deus acturus modo esset, vel adversus Ninivitas, vel adversus Iudaeos, nedum quid egerit, sicut HIERON. dicit esse vocem prophetae laudantis Deum, quod de Assyrii populi sui ultus sit iniuriam; sed ipsius natura et agendi ratio docetur, cum respectu forte quidem aliquo ad Iudaeos diu iam punitos sed longe magis ad hostes Assyrios etc.“ MARCKIUS.

b. v. 3b - 6.

Ad hanc dei naturam referendum est, quod, ubi procedit ad exsequendum iudicium (v. 3b), exsiccantur ardore irae eius mare et fluvii, arbores et pascua languescunt (v. 4), universa conculcitur et misere cum incolis exclamat terra (v. 5); ita ut nihil prae eius ira stare possit, qui firmissimas rupes in pulverem contundit.

Prius vero, quam ad explicandam hanc vaticinii particulam accedamus, quaerendam videtur, quidnam omnino haec sibi divinae potentiae velit descriptio. Nam cum causam, ex qua eiusmodi aliquid aut praecedere aut sequi soleat prophetarum de iudiciis futuris edita oracula, recte viderit CALVINUS (ad Sach. XII, 1): „Ubi de re difficili agitur, nisi occurrat nobis immensa dei potentia, friget, quicquid nobis promittitur:“ dissentiant tamen magnopere interpretes, sitne proprius eorum sensus statuendus, an translatus per similitudinem. Quattuor fere inter-

pretum hoc in genere sententiae reperiuntur. 1) Primo loco eos appellamus, qui proprie dicta eiusmodi et ad verbum omnia evenire existiment. Quae sententia et veritatis verbi divini sustentandae studio, et indole V. Ti. et ratione universa commendatur. Est enim in omnibus vatum sacrorum oraculis is quasi medius ille locus, quo omnia rapiuntur et coguntur, ut absolvatur et cumuletur regnum divinum; id quod fieri non potest nisi extincto antea peccato, et praeeunte iudicio. Offeruntur autem prophetarum oculis visa ratione ea, quam tum complexo-apotelesmaticam dicunt (cfr. CH. A. CRUSII hypomn. § 164; DELITZSCH. Habak. p. 139 ss.), tum perspectivam (cfr. HENGSTB. Christol. I, 1, 305 ss.; HAEVERN. Einl. II, 2, 45 ss.). Qua fit, ut singula iudicia de singulis sumenda gentibus expressam extremi et absoluti iudicii referant imaginem. — Quae eo magis in Nahumi vaticinium cadunt omnia, quod nihil praeterea habet, quo omnium rerum finis, semper obversatus ille vatum animis, indigitetur. Ac si quaeritur, quomodo ea, quae naturam rerum pati legimus v. 3-6, vera literate esse possint, reiiicimur primum ad secretam illam necessitudinem, quae inter genus humanum intercedit et naturam (cfr. Gen. III, 17; Rom. VIII, 19 ss.), et quam terrae maxime sacrae aspectus, Israelitarum conditionem semper referens, probat hodieque; tum vero extremo iudicio omnia ea ad verbum confectum iri asseverant (cfr. HARNACK. Jesus der Christ etc. p. 186 ss.; DELITZSCH. Hab. p. 140 ss.). — Verum enim vero num ea, quibus extremum iudicium in II. ss. descriptum saepe legimus, eventura literate sint, nec exploratum adhuc est, nec scire omnino possumus, cum ipsa Christi vita alia vaticinia ad verbum, alia per imaginem completa appareant. Huic ergo sententiae prorsus assentire nequimus. 2) Alii proprium sensum aliqua ex parte retinent, cum subiectum huic imagini aspectum dicant vel tempestatis cum tonitru et fulgure (HITZ.), vel ventus aestuosi cum terrae motu (EWALD.), vel earum omnino casuum, quos regionum natura quotannis afferat (GREVIUS); quae speciem eorum et indolem videantur excedere, ea ad hyperbolicum dicendi genus referenda esse, quod poetae cum vatibus commune habeant. — Qui sic statuunt, licet recte multa disputare concedamus, tamen extenuare mangopere verbi divini amplitudinem videntur, quippe quod in hoc quoque genere, ut praecclare AUGUSTINUS ait, „haustus habeat primos, habeat secundos.“ 3) De-

inde, si translate dicta putantur, quae legimus, ea primum ratio est, ut suam quidque habere potestatem symbolicam existiment, quae multiplici V. Ti. usu magnopere comprobatur. Transferitur enim haud raro, ut ex exemplis sat multis apparet, per similitudinem mare ad gentes deo adversarias, fluvii ad victum et subsidia, tempestas ad calamitatum vehementiam; ad atrocitatem iudiciorum nubes; Basan, Carmelus, Libanus ornatum mundi summum referunt, montes regna mundana, rupes denique praesidium et refugium. Neque esset, quin hic quoque eiusmodi admitteremus similitudines, nisi in medio sententiarum progressu v. 5b orbis terrarum cum incolis suis proprio sensu appellarentur, sic pergeret v. 6a, et 6b secundum illam normam exhiberet rursus imaginem. Longe minus etiam idonea, licet eiusdem fere generis sit, eorum sententia est, qui non universas quasdam species, sed certos populos et reges imaginibus illis indigitari per allegoriam doceant, veluti Israelitas (THEODORETUS), Sanheribum (KREENEN.), Assyrios (HIERON.), Nebucadnezarem (ABARB.). 4) Propius etiam accedunt ad veritatem, qui non in rerum natura, sed in sensu et animis eorum confici illa dicant, qui ira divina exerceantur, quippe qui angore tam ingenti crucientur, ut titubare et deficere sub pedibus solum opinentur et. et. Quod et insitum nostris animis esse, et sentiri haud raro, ubi gravibus genus humanum concutitur casibus, concedendum est; facile tamen intelligitur, si ingentes prophetae cogitationes deberet aequare, hunc sensum nimium quantum fore exaggerandum atque amplificandum.

Suum igitur cuique rationi subesse verum videmus, deesse tamen aliquid, ut magnificentiam verborum assequi valeat. Quid ita? tenendum ante omnia censemus, non meditatione aliqua et consilio inventas a vate imagines esse, ut certas quasdam involverent species, sed oblatas ei per visionem. Tum vero mirifica illa, quae in prophetarum visionibus est, divini spiritus et ingenii humani societas quaedam et communio consideranda est, quae eiusmodi est, ut segregari alterum ab altero cogitatione nostra non possit. Postremo dignoscendum semper erit, quonam modo ipse intellexerit, quae vidit, vates, quo sua id mente exceperint Israelitae, quo denique in omnium deinceps aetatum convertenda usum videantur. Quibus ex principiis quaenam conficiatur sufficiens et idonea sermonis prophetici ratio, non inter-

pretationi, sed theologiae propheticae quaerendum atque investigandum est; quo in genere non universa solum visionum perscrutanda natura est, sed omnes omnino V. Ti., qui huc cadant, loci accurate examinandi atque inter se contendendi sunt. — Quibus quantum fieri potuit, breviter indigitatis, ad interpretationem ipsam pergamus.

v. 3b.

Dominus — in turbine et procella via eius, et nubes pulvis pedum eius. סִוּפָה, a. r. סוּף rapere, auferre, turbinem omnia secum rapientem significat. LXX Arab. *ἐν συντελείᾳ*, in excidio, nescio an סוּף legerint pro סוּף, = קָץ. שַׁעַר Iob IX, 17, סַעַר Ies. XXVIII, 2, aliis fere locis סַעַר Am. I, 14, סַעַר Ies. XXIX, 6, סַעַר 2 Reg. II, 1, procella est; LXX minus iterum accurate *ἐν συσσεισμῷ* (vel *σεισμῷ* Cod. Alex.), sequente Arab., in terrae motu. Utraque vox sic legitur Ps. LXXXIII, 16; Ies. XXIX, 6. רָכַז Hrtz. sein Wegmachen, inf. Pi., at nullum huius verbi in coni. Piel usitati extat exemplum; viam pro ratione et modo agendi dictam metaphorice, bene notat VATABLUS. Saepissime autem hac similitudine vehementia pingitur poenarum et calamitatum, cfr. Iob IX, 17; Ies. LXVI, 15; Ier. XXXII, 22; XLIX, 36; Ez. I, 4; Ps. L, 3; Iob IX, 17. — רָעַן עָבַן רָגִלִּי, atras nubes excitat incedendo. Nube involutus deus in montem Sinai descendit Exod. XIX, 16. 18; legem promulgavit סוּרָף הָאֵשׁ, in nube victorem praeibat populi exercitum, habitabat super arca foederis; nubes omnino comitantur deum ad iudicium. venientem et filium eius Ies. XIX, 2; Ps. XCVII, 2; CIV, 3; Dan. VII, 14; involvunt nubes laetum solis aspectum, et fulgura in se tonitruaque gerunt, quibus percelluntur malefici Ps. XVIII, v. 10. 12 ss.; similitudinem ergo praebent atrocium Domini iudiciorum Ioel II, 2 רָעַן עָבַן רָגִלִּי, Zeph. I, 15; Ezech. XXXIV, 2. Quae cum tam aperta sit imaginis ratio, nullo modo cum KREENENIO all. metaphoram a duce bellico repetemus, agmina in aciem educente, quo insuper omnia exemplorum similitum negligitur analogia.

v. 4.

Qui increpat mare, et arefacit illud, omnesque amnes exsiccat; languescit Basan et Carmelus, et germen Libani languescit. Descripta qua iudex appareat specie, sequitur adventus eius efficacia, et primum quidem, quid aqua, quid continens omnino patiat; deficient, languescunt coram eo. נָרַעַר, partic. referendum ad ה' v. 3 b. נָעַר clamare (cfr. מָרַעַר Marc. IX, 26; XXV, 27 pro *μαρτζειν*), cum praep. בְּ obiurgare, increpare, ut pater filium Gen. XXXVII, 10, cfr. Šach. III, 2; Ps. CVI, 9 mare algosum sic increpatur, nec, licet universa sit totius imaginis, ut vidimus, ratio, aliqua omnino celeberrimi miraculi illius neganda cogitatio est; cfr. Ies. XVII, 13; L, 2; Ps. CVII, 33 all. Ceterum nimium voci נָעַר tribuit HITZIGIUS, cum non solum ἐπιτιμῶν (Luc. VIII, 24) esse dicat, verum ob execrationem sequentem = הַחֲרִים, Ies. XI, 15, at argumentum eius primum futile est, deinde הַחֲרִים unam semper notionem habet execrandi internecone, quae ultro sacrari Domino nolunt. נִיבְשָׁהוּ, contracta species ex נִיבְשָׁהוּ, id quod haud raro accidit in verbis פִּי, praecedente Vav conversivo, cfr. GESEN. Lehrgeb. 386, Ew. § 232 c, veluti נִידָה Thren. III, 53; נִיבָה ibid. 33; וַיִּשְׁרֹם 2 Paral. XXXII, 30: perperam a ROSENMUELLERO afferri נִידָה ostendit CASPARIUS Obadi. v. 11. וּכְל־הַנְּהָרוֹחַ הַחֲרִיב, ut Iordanem olim Ios. III, 17; Ps. LXXIV, 15. Subintelligenda increpatio non hic solum est (GROT.) verum per omnem etiam versum, cfr. v. 5 מַטְנֵן. Sic Rabsakes Ies. XXXVII, 25 deo omnipotenti suam comparavit potestatem. LXX ἐξερημῶν, Hieron. ad desertum perducens, nimis respexisse Ps. CVII, 33 videntur: „convertit fluvios in desertum.“

At non mare solum, nullis legibus parens, deficit, et exsiccantur amnes, sed, quicquid terra fert laetum ac magnificum, languescit prae Domino irascente. Basan (Chald. מְרִינָן, Syr. مَرْيَن, Ioseph. *Baravela*, nunc vero البثنية) celeberrima trans Iordanem sita regio, piguedine pascuorum (unde nomen etiam) et quercetarum magnificentia (cfr. Ier. L, 19; Mich. VII, 14; Ies. II, 13; Zach. XI, 2), taurorum praestantia (Deut. XXXII, 14; Ps. XXII, 13 all.) insignis; cfr. WINER Reallex. a. v., ROBINSON Pal. III, b, 911 ss., RITTER Erdk. XV, 97 ss.; nunc devastata et inculta, atro basaltidis colore longe lateque conspicua iacet, cfr.

F. A. STRAUSS *Sinai und Golg.* (V) p. 324. Celeberrimum Carmeli promontorium, sicuti ab horto frugifero nomen ducit, „laetis abundabat pascuis“ (HIERON. ad Am. I, 2), „oleis consitus et arbustis vineisque condensus“ (idem ad Ierem. IV, 26). Cfr. WINER l. l. a. v.; F. A. STRAUSS l. l. p. 333. Contenditur saepius cum Libano (de quo cfr. WINERUM l. l. a. v.), qui niveo fulgens capite (לִבְנֵי) cyparissis et vitibus (2 Parall. II, 7; Hos. XIV, 6-8), odoriferis herbis (Cant. IV, 11) tum vero cedrorum magnificentia (Ps. XXIX, 5, all.), illustrissimus erat Vi. To. Variæ sunt autem, quibus comparantur, rationes, pro variis utriusque virtutibus et detrimentis. Modo enim pascuis Carmeli et frugiferis eius hortulis opponuntur vasta Libani fastigia, quæ arbusta tantum et silvas germinant (Ies. XXIX, 18), quemadmodum discernitur Carmeli foecunditas a deserto (Ies. XXXII, 16); modo ob arborum præstantiam celebratur uterque (Ies. XXXV, 2), sicuti refertum est Libani laude Cant. III, 9; IV, 11 ss. Nostro loco, licet cedri præcipue cogitandæ sint, latius tamen patet פֶּרֶחַ לִבְנֵי, quodcunque germinat Libanus (ROSENM.) לִבְנֵי non est partic. omisso כִּי (GESEN. Lehrgeb. p. 316; Thes. s. v., cfr. HENGSTB. ad Ps. VI, 3), sed præet. Pulal a. v. אֶמְלָה, cuius f. Kal nisi in specie part. pass. fem. אֶמְלִיָּה Ez. XVI, 1 non legitur; contra EWALDUS ausführl. Lehrb. § 120 a, 131 d, 157 b non Pulal sed radicem esse asseverat, reduplicata tertia, veluti in adi. שֶׁאֵין all.; verum cum formæ Kal habeamus exemplum, satius erit apud normam et regulam remanere, eo magis, quod passiva ratio in specie Pulal expressa potius est, quam intransitiva in Kal. Significat autem flaccescere, languescere, modo proprio sensu dictum de plantis Ies. XXIV, 7; Ioel. I, 12 ss., ut hic quoque habemus, modo translate de corpore aegroto Ps. VI, 3, de moenibus dirutis Thren. II, 8, de terra devastata Ies. XXIV, 4; XXXIII, 9, ubi antecedit synonymum אֶמְלָה. Cuius loci verba licet magnam cum nostro habeant similitudinem, non eiusmodi tamen sunt, ut nostris videantur quasi fundamentum esse. — Ceterum præteriti, quod sequitur futurum וַיִּבְשְׁדוּ, prophetica indoles est; cfr. Ps. XCVII, 4. Neque vero intermittimus adnotare, in hac exemplorum electione latere quodammodo, Nahumum in ipsa terra sacra vaticinatum fuisse; nam si speciosum aliquid et magnificum afferendum erat, Assyriæ incola nescio an illius regionis virtutibus usus fuisset.

v. 5.

Montes contremiscunt coram eo, et colles liquescunt; et conclamat terra prae conspectu eius, et orbis terrarum, et omnes qui habitant in eo. Progreditur vates ad ea, quae firmissima alias videntur, ad montes, et ad omnem omnino terrarum orbem, cum incolis eius. Inest autem quaedam gradatio in descriptione eorum, quae quidque patiat: mare et fluvia exsiccantur, languescunt silvae, arva, hortuli; concutiantur autem montes, dissolvuntur omnino colles, et atrociter conclamant eiulantque animantia omnia, quae orbis terrarum complectitur; postremo rupes, quo nihil firminus duriusque, franguntur et contunduntur. — רעש, cui cognatum est רנו Ps. XVIII, 8 נעש ibid. et 2 Sam. XXII, 8 de montibus dictum etiam Ps. XLVI, 4; cfr. simile dicendi genus Iud. V, 4: „Domine, cum exires e Sēir, cum incederes ab arvis Idumaeis, contremuit terra et coeli stillarunt.“ Ps. LXVIII, 9; Mich. I, 3. 4. מננן ut saepe cum verbis timendi, et causam notat Ez. XXXVII, 20, et recessum prae timore, cfr. III, 7, Ies. XIII, 13; synonymum prorsus est, quod sequitur, מננן. HOELEMANNUS apposite: schauerten von dannen. Forma Hithpalel הִתְמַנְנָה bis praeterea invenitur Am. IX, 13, Ps. CVII, 26; inest eadem quidem potestas ac in f. Kal et Ni., diffluendi, ut מנן, מנע, מנע, et מנע, accedit autem id, quod peculiare huic speciei est, et quod dilucide perstrinxit DELITZSCHUS Hab. p. 156: „Zwar Wirkung einer äusseren Ursache, aber, nach empfangenem Impuls von Aussen, sich innerhalb des Subjects gleichsam in fortgesetzten Schwingungen selbst vollziehend,“ cfr. הִתְמַנְנָה Mich. I, 4; הִתְמַנְנָה Ps. XVIII, 3; הִתְמַנְנָה Ies. XXIV, 19; הִתְמַנְנָה Jerem. IV, 24 all. Cfr. Ew. § 124 a. Diffluendi autem cogitatio proprio sensu statuenda erit, licet intra imaginem et visionem, neque vero per similitudinem pavoris ut Ps. CVII, 26; XXII, 15; XLII, 5; nec ut frigide GROTIUS „aquam edunt,“ coll. Exod. XVII, 6; Num. XX, 20; eadem res est, aliis fere expressa verbis, Ies. LIV, 10; Hab. III, 6; Sach. XIV, 4; diffluunt ut nivis aut cerae prae calore et igne (ROSENM.). Cfr. Ps. XCVII, 5; Mich. I, 4; „materia eorum in agri planitiem quasi effusa et deiecta est.“ HOELEM.

Pergit vates in hemistichio altero: *et conclamat terra prae facie eius*; sic enim unice verti posse contendimus הִתְמַנְנָה. Satis autem varias in partes interpretum abeunt sententiae. 1) Ver-

siones fere omnes exhibent: tollitur in altum, scil. cum tremore: LXX ἀνεστάλη, Hier. Syr. contremuit, SYMM. THEODORETUS ἐκινήθη, CYRILL. χωρήσει πρὸς τὸ μηδὲν, καὶ ἔσται πάλιν ὡς οὐχ ὑπάρχουσα, aufertur, FRAEHN., curr. exeg. crit. in Nah. proph. specimen, Rostochii 1806. Qui omnes in eo errant, quod passivam reddiderunt speciem pro activa; id quod cadit in alteram quoque partem 2) qui praeferunt: „attollitur incendio“ IARCHI et IUDAEI fere omnes, IUN., TREMELL., SCHMID., et qui supplent וַאֲ e versu sequente. Nescio an in hunc inciderint errorem, profecti inde ubi maxima nostratium pars constitit: 3) attollit se COCCEIUS, ABARBAN., MAUR., EW., HITZ., HOEL., UMBR. all.; at vero intransitiva potestas plane obtruditur verbo. Age examinemus exempla, quibus tale quid comprobari asseverant. Num. XIV, 1 וַחֲשָׂא כָל הָעָרָה יִרְחָן קָרָם vidimus ad v. 1. קָרָם referendum esse etiam ad וַחֲשָׂא; Hos. XIII, 1 I. H. MICH. recte interpretatur: „portavit ipse scil. suum loqui s. horrendum illud peccatum suum; portatur autem peccatum, cum imputatur et vindicatur.“ Hab. I, 3 וַיִּרְאֵן יִשָּׁא simpliciter audit: et rixam tollunt (erhebt man); Ps. XXIV, 9 ad alterum וַיִּשָּׂא, „et attollite portae aeternitatis“ supplendum esse „capita vestra“ ex antecedentibus, reflexivam autem vim nullo modo concedi posse, e v. 7 patet, ubi e contrario legimus וַיִּשָּׂא פ' ע' וַיִּרְאֵן; postremo Ps. LXXXIX, 9 וַיִּשָּׂא non est infin. (GESEN. thes. all.), sed, sicuti וַיִּשָּׂא Iob. XX, 6 nomen abbreviatum, cum potestate sublimitatis, seu altitudinis, sublimitatis, cfr. EW. § 153 b (Iob. VI, 1, quem laudat HOELEM., pertinere huc nequit, cum וַיִּשָּׂא dilucide ibi significet: ponderare). 4) Restat paucis quidem sublevata fautoribus, unice tamen probanda usu I. H. MICHAELIS et BURKII interpretatio: tollit, scil. vocem suam, clamando nimirum et eiulando, quod dicendi genus supra a. v. וַיִּשָּׂא enucleatum est; idque longe aptius videtur sententiarum nexui et progressui, quam „nimis frigidum“¹ illud: attollit se. Exclamat autem terra וַיִּשָּׂא, prae facie s. conspectu eius, cfr. Ies. VI, 5; conclamat deinde una cum orbe terrarum וַיִּשָּׂא וְכָל יִרְשָׁי בָּהּ, ἡ οἰκουμένη, est enim וַיִּשָּׂא (3 fut. fem. a. v. וַיִּשָּׂא) proprie: „frugifera est,“ unde EWALDUS sola s. h. v. arva intelligit, angustius nimirum; nam ubi de universa terra dictum est, non est quod afferantur arva,

1) MARCIUS a. h. v.

praesertim cum inclusa antea Batanaeae et Carmelis nomine videantur. Ubicunque חבל opponitur terrae universae, eas significat regiones, quas incolunt homines, Iob. XXXVII, 12; Prov. VIII, 31; Ps. XC, 2, unde saepius etiam adduntur incolae Ps. XXIV, 1; cfr. Ies. XIII, 11; XIV, 17; XXIV, 4 ss., ubi falso restringitur a nonnullis ad Israelitarum vel Babyloniorum fines, sicuti nostrum quoque ad sacram terram cogit GROTIUS: „quae et ipsa fumavit incendiis per Salmanassarum et Sanheribum“ — at vero חבל numquam significat unam terram, sed terrarum orbem. Status constructi praepositionem praecedentis veluti ירשבי בה satis multa exempla, praeter v. 7. חרסי בר, vide sis apud GESEN. Lehrgeb. p. 679; quod genus admittitur, ubi verbi recti ratio praepositione describitur; cfr. 2 Sam. I, 21 בנלבע, et HENGSTB. ad Ps. II, 12. Incolas orbis terrarum plerique solos homines esse putant (Ew.: so dass wohl auch die Menschen zittern müssen); at magnifica imago omnia omnino animantia flagitare videtur; cfr. Ios. I, 18. 20.

v. 6.

Prae spuma eius quis stabit? et quis consistet in ardore irae eius? aestus eius instar ignis effusus est, et rupes ruptae sunt ab eo. Si causam quaeris, unde tam atrocia patiantur omnia, ira dei et excandescencia est, irresistibilis illa; quae si vagatur et consumit longe lateque, ipsas rupes contundit, nedum evadent homunciones! — כי interrogatio pro mera negatione, ornate posita. — ועם spuma primum, deinde creberrime ira; לפני durius, etsi literate, HOELEM.: zum Angesichte seines Grimmes. — יעמד, non stabit solum, verum stando permanebit nec concidet (in statu suo permanebit DRUS., TARN.), cfr. eandem fere sententiam Mal. III, 2, unde coniuncta cum Ios. II, 11 verba refert Apoc. VI, 17. — Amplificatur interrogatio parallelo synonymo, per chiasmum inversum addito, רמי יקום, BURKIUS epitasin chiasmi sic explicat: „stare, sive statum firmum, quem iam assecutus sis antea, tueri minus est, quam surgere, ubi iam cecidisti; minusque est indignatio, quam excandescencia irae“ — in quo neglexit satis pervulgatum verbi usum, = עמד 1 Sam. XXIV, 21; XIII, 14; Am. VII, 2; Ps. I, 5 all.; male quoque LXX ἀντιστήσεται ἐν ὀργῇ HIERON. resistet in ira. חרון אפר

cfr. Ion. III, 7; Num. XXV, 4; Ies. XIII, 9. 13. — נסך = נחך (מסכה = טחף) de aqua, de ira saepe legitur dictum 2 Par. XII, 7; Ierem. VII, 20; XLII, 18; cfr. Ez. IX, 8; Apoc. XVI, 1. „Effundi hic nihil aliud est quam longe lateque dispergi; grassatur momento, ac si ignis totam silvam corripere.“ CALV. LXX aliter legisse suspicandi sunt, reddunt enim τήκει ἄρχας, Arab. liquefacit principes, legerunt ergo נִחְכֶּה רֹאשׁ pro נִחְכֶּה כָּאֵשׁ. Rupes, quae pro inaccessis habentur munimentis, cfr. Ps. XVIII, 3, diruuntur ab eo, seu prae eo, מַמְכֹּר, i. e. prae incessu eius et increpatione, cfr. Ierem. XXIII, 29. Vertimus nos „rupes ruptae sunt“, ut paronomasiam imitemur, quae intercedit inter נחכה, נחצו, והצוריים, praeunte MAURERO.

„Tanta igitur cum sit dei potentia, ut eam ne solidissimae quidem mundi partes sustinere possint, num illi vos Ninivitae resistere poteritis? num vos adversus illum muris, fossis, turribus, praesidiis ita instructos putatis, ut illius impressionem hostilem avertere possitis? Quid enim homuncio mortalis etc.“ GUALTHERUS hom. II in Nach. Sic nostro in commate ab universi iudicii descriptione transitus fit ad speciem vindictae de Assyriis sumendae praeformandam v. 7-11.

B. v. 7-11.

Verum enimvero iudiciis suis exercendis Dominus non id solum efficit, ut exstinguantur malefici, sed etiam ut vindicentur pii. Utrumque iam sequentibus exponitur versibus, ita, ut v. 7 agatur de piis, v. 8 de hostibus, v. 9 de utrisque, v. 10 rursum de hostibus, v. 11 de piis. Vindex enim et iustus iudex Dominus est bonus idem, nec destituit eos, qui suam in eo fiduciam ponunt v. 7; Ninum autem, sicuti hostes suos omnes, funditus exstinguit v. 8. Quare ne timeant Iudaei, ne vexentur porro ab Assyriis, cum deus, si quos evertit, ita pervertat, ut funditus intereant v. 9; nam vel spinarum instar perplexos illos necopinato ad unum omnes consumi facit v. 10, ita ut liberetur ab oppressore Iudaea. v. 11.

Ceterum omittere nequimus, sententiarum varietatem compositione etiam versuum et numero praeclare in hoc capite expressam apparere. Prima enim quasi strophæ, v. 2-6, sicuti altera,

ad quam interpretandam iam accedimus, quinque versibus absolvitur, quorum membra bina bipartita quaeque sunt; ita torrentis instar omnia prosternentis decurrit; simulac ad bonitatem dei et pacem genti suae parandam ventum est, moderatur rapido cursui, et alterum tantummodo deinceps membrum in duas abit particulas, signo sakeph distinctas, alterum integrum est; veluti praeclaro cum pondere in limine statim sistitur: כִּרְבִּי יְהוָה. Quae ratio quantopere ad diversam sententiarum naturam referenda sit, dilucide ostendit v. 9, qui pro indole sua primae strophae similiore ad pleniorum et ipse verborum numerum vergit. De poetica omnino huius vaticinii natura cfr. proll.

v. 7.

Bonus Dominus et munimento est die angustiae, et gnarus eorum, qui confidunt ei. Haec enim laeta est iudiciorum divinarum pars, quod pios, licet concutiantur et ipsi tremenda dei potentia, solatio tamen afficiant et erigant; cfr. Luc. XXI, 28. „Ista vero oppositio est sententiarum tam subita, ut solis radium aequiparet per caecas tempestatis tenebras repente effusum.“ HOELEM. כִּרְבִּי non adeo benignitatem exprimit, quam LXX et plerique statuunt interpretes, quam bonitatem, propius cognatam cum probitate, cfr. Ps. XXV, 8; ideo peccata condonat suis Ps. LXXXIII, 1; LXXXVI, 5, et quae pollicitus iis est, certo praestat Ps. C, 5; CXVIII, 4. IONATH. addit לִי שְׂרָאֵל, Ps. LXXXIII, 3 secutus, nec oblitus bonitatem dei non posse experiri, nisi qui ad eius gregem numerantur. *Munimentum* seu praesidium suorum deus saepissime dicitur, cfr. Ps. XXVII, 1; XXXVII, 39; Ies. XXV, 4; Ioel IV, 6; cfr. Sach. II, 9; hic autem egregie etiam opponitur rupibus contusis. Perperam reddiderunt: fortitudo VATABL.; robur DRUS., BURK., et confuderunt כָּעָרָה cum עָרָה; כָּעָרָה locum munitum notat Iud. VI, 26; Ies. XXIII, 4; Ez. XXX, 15. Porro refugium habent KREENEN., EWALD., pressis SCHULTENSII vestigiis (ad Prov. XIV, 25); plane aberrant LXX τοῖς ὑπομένουσιν αὐτόν, Hieron. et confortans etc. *Dies angustiae* ex utriusque testamenti usu pro tempore dicitur, cfr. II, 4; III, 17; צָרָה calamitas, alias coniuncta cum צָרָה all. Ies. XXX, 6; Zeph. I, 15; iisdem fere verbis idem dicit Ierem. XVI, 19, copiosius Ps. XXXVII, 39, cuius loci nescio an meminerit vates, eo

magis, cum duos etiam psalmorum locos relatos hoc versu reperiamus. — Verbo יָרַי nimium tribuerunt, qui amando, curando, tuendo reddiderunt, DRUS., CASTALIO., GESEN. thes., ea enim notio nullo flagitatur exemplo; parum etiam viderunt ii, qui solam cognoscendi vim retinuerunt CHALD., BURK. (qui insuper notiores veterum, $\gamma\omega\sigma\sigma\eta\rho\alpha\varsigma$, in comparisonem advocat), nec non MICH.: „novit tanquam cordium scrutator;“ nam licet praeclare disputet HENGSTB. ad Ps. I, 5, cognitionem satis esse, nisi forte cum ea inclusus in coelo deus sit; quae desint, ea ex indole eius et natura sponte consequi, — non tanti tamen facerent II. ss. notum esse Domino Gen. XVIII, 13; Am. III, 2; Ps. CXLIV, 3, et novisse deum Ps. LXXIII, 11, nisi latius paullo pateret: imo non mentem solum spectat hic noscendi usus, verum omnem animum et ingenium, sicuti bene vidit GOUSSET. lex. p. 590: „saepe designat aliquod amicitiae vinculum, cum scilicet rationem aliquis habes, aliis dicens: nescio vos, ut Christus loquitur, connotatque illius, quem amice respicis, reciprocam in te propensionem.“ Est ergo tale quid: agnosco aliquem esse meum et ad me pertinere; cfr. Hos. XIII, 5; Am. III, 2; 1 Cor. VIII, 3; Ioann. X, 14; is enim si est sensus, vere dicit S. Paulus 2 Tim. II, 19, bene esse de singulis hominibus aequae ac de universa ecclesia, ubi firmiter haec duo stent tanquam fundamentum: „novit Dominus suos, et: recedat ab iniquitate, qui Domini nomen appellat.“ — Novit autem deus, qui confidunt ei, neque vero „qui confugerunt ad eum“ (MICH., BURK., HOELEM.), cfr. HENGSTB. ad Ps. II, 12. De statu constructo cum praepositione composito, veluti $\text{כִּי יִרְאֶי} \text{ Ps. V, 12}$, diximus supra ad v. 5. Refert autem hoc membrum versus aperte Ps. I, 6 „novit viam iustorum,“ et II, 12 „beati omnes qui confidunt ei,“ quod licet non de patre sed de filio praedicetur, huic tamen ob divinam et naturam et dignitatem tribuitur.

Ceterum hic versus non solamen solum habet grave, praesertim cum paucis annis ante hac confidentia dei vindicati essent a Sanheribo, sed gravem etiam commonitionem, ne ab ullo alio Iudaei nisi a deo suo sperarent salutem in praesenti tribulatione. Quid enim saepius, quid severius populo improbrant vates, quam quod in curribus et equis, neque vero in Domino vivo suam ponerent fiduciam et spem auxilii contra hostes. Nullam autem hic praedictionem, sed nudam dei descriptionem a bonitate et

solita eius demonstratione esse, bene defendit MARCKIUS adversus DRUSIUM qui Iudaeorum praesidium contra Sanheribum, et COCCICIUM, qui pro solita ratione sua per omnes hosce versus Christianorum salvationem a Iudaeorum saevitia vidit.

v. 8.

Et inundatione transeunte consummatum reddet locum eius, suosque inimicos persequetur tenebris. Copulae sensum non male reddiderunt IUN., TREMELL. „itaque“, cum hostium perniciem confestim e Domini tutela consequi significet. Praepositio ך hoc loco instrumentum indicat¹. שטף inundatio Iob. XXXVIII, 25, sicuti creberrima in ll. ss. similitudo intercedit inter aquarum molem et miseriam Ps. CXXX, 1; XLII, 8, respecto plerumque diluvio Ps. XXXI; Dan. XI, 22; Ies. LIV, 9, si transfertur ad calamitatem omnia destruentem et perdentem Ps. XXXII, 6; Ies. XLVII, 2; Dan. IX, 26. 40; inde ad causam iudicii, dei iram Proverb. XXVII, 4; tum vero ingentes quoque exercitus terram inundantes refert Dan. XI, 12. 26. 40; comparantur Euphratis inundationi Assyriorum exercitus Ies. VII, 20; VIII, 7; Ier. II, 18. Ceterum haec versus verba olent memoriam aliquam loci Ies. X, 22. 23: „consumptio decreta est, inundat iustitia, nam causa absoluta et decisa est.“ Inundatio transire dicitur, quoniam summo cum impetu decurrit, et obvia quaeque prosternit (VATABL.), nec hic illic solum, sed passim vagatur; verba עבר et שטף synonyma cfr. Ies. VIII, 2. 18; Ps. XLII, 8; DELITZSCH. ad Hab. III, 10. Alii male reddunt: et cum inundatione transiens: CALV., DE DIEU, MARCK., HESSELBERG., HOELEM., qui causam etiam instituti addit, quod שטף „feminei generis esse testetur מוקדמה, locus is, quem aquae illa effusio pervaserit;“ at vero primo loco suffixum ה inundationis locum notare nequit, quae certam omnino et quasi definitam limitibus regionem non habet, sed ad Ninum referri debere probabimus; tum vero femininum verbi genus nullo demonstratur exemplo. Syr. confudit

1) „Jede Nebensache, welche die Handlung begleitet, und jedes Werkzeug und Mittel kann mit ך hinzugefügt werden . . ., sofern keine selbstständige, sondern die Handlung begleitende und ihr dienende Sache gemeint ist.“ Cfr. Ew. § 217 f, 3.

כֶּחָ, cum exhibeat: et inundatione operatus est consumptionem. Ceterum inundationis transeuntis imagine exercitus magni adventum aperte praedici existimant VATABL., HIRTZ., quibus respondit iam MAUR., propter seq. tenebras praeferendum esse sensum calamitatis ineluctabilis.

כֶּלָה semper esse fem. adi., consummatum aliquid, neque vero consumptionem, uti interpretes cuncti exhibent, dudum probavit HENGSTB. Christol. II, 513 ss., contra quem, quod monuit HAEVERN. Ez. p. 148, עֵשָׂה esse exsequi, non magni momenti esse potest. De formula iudiciali כֶּלָה וְנִחְרָצָה cfr. VITRINGA ad Ies. X, 22. מְקוֹמָהּ, locum eius, Nini esse locum, recte plerique viderunt interpr., praeter HOELEM. (v. supr.) et HESSELBERGIUM, qui mirum dictu, suff. refert ad כֶּלָה! At, unde quaero intelligi omnino posset, respici Ninum, nisi monere titulus videretur? cfr. ad v. 1. Omni enim caret analogia, quod profert BURKIUS, respici eam hic et v. 11 per anastrophē, nomine urbis in ipsa prophetia non expresso; „affectus, inquit, et vis spiritus urbem quasi praesentem habet, adeoque nominare eam non habet necessum;“ in quo quod neglexit II, 9, omittamus nunc; at eo usque non negligenda certe erat Spiritus S. providentia, quippe quae non Nahumi solum sed omnibus prospexit temporibus, nec incertos per duo integra fere capita sinit lectores esse, quemnam respiciat tam grave vaticinium, donec praetereundo quasi nominetur; nihil est enim ad II, 9 usque, unde possit divinari, quam gentem, quam urbem indiget vates. Sic primam illam inscriptionis partem, quam spuriam esse haud pauci contendunt, nostro versu exposci et flagitari apparet. — Quaerendum est autem, quid sibi velit locus Nini, et quomodo discernatur inter urbem et locum eius. CALVINUS solum intelligit, q. d. „non tantum terrae superficiem evertet, sed et ipsum solum,“ ita ut Sodomae et Gomorrhae similitudo aequetur — id quod durius et dictum et cogitatum est. Satius est sequi TARNOVIUM, bene monentem: „Nota quod in s. s. saepe rei alicuius locus perire dicitur, cum ipsa perit cfr. Dan. II, 35; Apoc. XII, 8; XX, 11;“ sic HIRTZ., MAUR. ipsam urbem intelligunt, idque recte, nam si eversa urbs est, locus iam non huius urbis est, sed alius vel nullius; id quod ad sententiam fere redit MARCKII, qui confert dicendi genus: locus eius non iam novit eum Iob. VII, 10; VIII, 18; XX, 9. — Nostra versio e veteribus fere apud solum HIERON. et SYMM. re-

peritur, LXX τοὺς ἐπείγειρομένους καὶ τοὺς ἐχθρούς, Chald. THEODOT. legisse videntur ימרימ, quos sequuntur DATHE; IUSTI, GRIMM, MIDDELDORFF, contra quos FRAEHN l. l. p. 14 ss. apposite monet, ימרימ esse excitare; legunt porro ימרימ, et ימ accipiunt pro genitivo, male intellecto ימ II, 10, AQUILA ἀπὸ τῶν ἀνισταμένων, PAREAU, KREENEN.

Iam vero vaticinium hic editum ad verbum evenisse docent KALINSKY a. h. v. et KEITH (Die Erfüll. der biblischen Weiss. Stuttg. 1844 p. 259), cum DIODOR. SICUL. Bibl. II, 26 tradiderit, post diurnam Nini obsidionem Tigridem, multis imbribus magnopere exauctum, perruptis muris magnam urbis partem inundasse; tum vero regem Sardanapalum, vetus quoddam oraculum confectum ratus, quo non everti urbem praediceretur, nisi fluvius inimicus urbis factus esset, sese cum mulierculis etc. cremasse. Cui sententiae primum officit, quod ex altero versus membro, et ex v. 10 all. apparet, de inundatione vatem dicere per imaginem; deinde quod Diodorus de oraculo verba facit, quod et antiquum esset —, Nahumus autem vix sexaginta annos ante expugnationem Nini vaticinatus est — et eiusmodi omnia est, ut nulla cum hisce verbis contineri ratione appareat. — Idem deinde KEITHIUS p. 258 ss. et nonnulli alii alteram membri partem ita confectam contenderunt, ut locus, ubi Ninus fuit olim, reperiri omnino non posset, LUCIANI fere ignorantia commoti. Is enim in dial. Ἐπισκοποῦντες t. I, p. 292: ἡ μὲν Νῖνος, inquit, ἀπόλωλεν ἤδη, καὶ οὐδὲν ἔχνος ἔτι λοιπὸν αὐτῆς, οὐδ' ἂν εἴπῃς, ὅπου ποτ' ἦν; et fatetur doctissimus BOCHARTUS Phal. IV, 20 p. 284, in loco Nini praecise definiendo frustra viros doctos se fatigare. At aliorum testimoniorum quasi silva¹ surgente nunc e terra Nino egregie confirmata est et comprobatur in dies praeclarius. Quid ita? fac aliquamdiu ignotum fuisse Nini situm, tamen in ipsis verbis nostris non inest, locum eius nusquam debere inveniri posse; nam כלל est absolutum, consummatum, et locum alicuius absolutum reddere mere est: facere, ut iste locus iam non certae illius urbis, eo usque extantis, locus sit.

Quid autem, cum evertatur urbs, patientur incolae? *inimicos*

1) Collegit et exposuit permulta TUCHIUS l. l., brevi conspectu proposuit WEISSENBORN l. l. p. 16 ss.

suos deus persequetur tenebris. Quaeritur, utrum subiectum enuntiati sit חשך, an lateat in יררה. 1) Qui illud statuerunt LXX CALV., I. H. MICH., BURK., MAUR., „tenebrae persequuntur hostes eius,“ sine idonea caussa recedunt a subiecto antecedente et insequente, nec respiciunt lineam Makkeph, quae arctius utrumque ad unam copulat notionem. 2) Alterius sententiae patroni in duas rursum abeunt partes, prout verbo חשך vel instrumentum vel locum indicari putant: a) IONATH. EWALD.: „persequetur in gehennam,“ quem sensum nonnullis locis verbo subesse non negamus, cfr. Ps. LXXXVIII, 4; Iob. XV, 21 ct., ubi nexus sententiarum dilucide suadet; at vero ubi absolute positum est ut nostro loco, vix specialem illam habet significationem, pro ea quae tam late patet in V. et N. To., similitudinem dico rerum adversarum et calamitatum, peccati et mortis, cfr. Ioel. II, 2 all. b) Restat igitur, ut חשך cum LUTHERO, MABCKIO, KALINSK., HOELEM. habeamus pro accusativo, latius illo patente cfr. Ew. § 283 a, et instrumentum notante, veluti Ios. VII, 25; Ps. LXIV, 8 ct.: hostes suos persequetur tenebris, neque vero, ut fuerunt qui redderent: „efficiet, ut hostes suos persequantur tenebrae,“ nam Piel verbi יררה vix alias reperitur caussativo sensu dictum, sed eandem habet vim quam Kal, non omissa tamen exaggerandi et iterandi potestate, cfr. Ew. § 120 b.

v. 9.

Quid cogitatis de Domino? consummatum ille redditurus (est); non consurget bis angustia. Verba versus absolvamus primum, deinde examinemus sententiam. Genuina v. חשב potestas est supputandi cfr. GESEN. thes. s. h. v., unde derivantur deinceps aestimandi, imputandi, cogitandi, ratiocinandi; quae omnes, praeter imputandi vim, continentur f. Piel. Ubi de meditando et ratiocinando valet, construitur cum pr. על Gen. L, 20; Dan. XI, 24 all., cum אל praeterea ter tantummodo Hos. VII, 15; Ierem. Ierem. XLIX, 20; L, 45, et nude transferendum est: meditari de aliquo. — Partic. עשה: ille talis est, qui consummatum reddat. — פעים duos gradus proprie, i. e. bis; cfr. semel פעם Ios. VI, 3, ter Exod. XXIII, 7; cfr. 1 Sam. XXVI, 8; 2 Sam. XX, 10. — קים haud raro hostili sensu dicitur (cfr. קים inimici mei Ps. XVII, 40. 49.), et transfertur ab hoste ipso ad

bellum Ps. XXVII, 3; Hos. X, 14, ad onus Prov. XXIV, 22. — LXX satis singulariter sic habent: οὐκ ἐκδικήσει (quasi sit fut. a. v. םכ) δις ἐπὶ τὸ αὐτὸ ἐν θλίψει.

Iam duae oriuntur quaestiones: 1) Quosnam interrogat vates? 2) Quisnam passus est angustiam et a qua antea parata est? Ad primam quaestionem interpretes fere omnes respondent: Assyrios nimirum, „quid molimini contra Dominum?“ occupantem faciunt prophetam tacitas Assyriorum obiectiones, „quasi vanae aut sine effectu futurae essent Domini comminationes, aut, si quod paterentur damnum, facile tale quid posse reparari.“ In qua sententia a) primum displicet, quod הָא sensu adversativo accipiendum existimant; nam etsi הָא שׁוּן tribus illis locis supra laudatis habeat hostile aliquid, eiusmodi tamen sensus potius quam significatio praepositionis est; הָא designat directionem facti et obiectum, cfr. 2 Sam. I, 24; Ps. LXII, 1 (cfr. Ew. § 217 c); quare nihil aliud est quam: cogitare ἐπὶ τινά; nec Mich. IV, 3 alia vis est, quam: non portabunt gentes altera ad alteram gladium. Ceterum confundi quidem inde a Iesiae tempore interdum הָא et הֵע, negare nolumus; ita tamen fieri plerumque solet, ut הֵע deminuat in הָא, cum distinctam magis indicet directionis notionem, neque vero הָא amplificetur in הֵע; a qua regula unice excipiendum est Ez. XVIII, 11; nam Ies. IX, 8 quod affert Ew. § 217 i, p. 416 mere audit: quod attinet ad fratrem suam, non parcat¹. b) Accedit, quod ad v. 14 usque appellati semper Iudaei sunt, Assyrii cum tertiae personae nota afferuntur. c) Postremo הָא שׁוּן hoc loco aliud esse quam הֵע 'ח v. 11, e commutatione praepositionum dilucide apparet². Interpellatos ergo Iudaeos censemus, uti placuit MARCKIO, ita disputantem secuto CYRILLUM: *ἵνα τοίνυν μὴ καὶ αὐτοῖς τοῖς Ἰσραήλ περιπσεῖσθαι κακοῖς προσδοκήσαντες εὐάφορμον ἤδη ποιῶντο τὴν καταδρομὴν, τὴν ἐκ τῆς Ἰουδαίας εἰς ἄλλοφύλους, μονονουχί καὶ ἀναπνέανται, λέγων, τί ἄρα λογίζονται, καὶ φρονεῖν ἐγνώκασιν περὶ τοῦ κυρίου, σκληρὸν ἄρα φησὶ καὶ βαρύνησιν ὑπάρχειν οἰέσθε τὸν τῶν ὅλων θεόν· κτλ.*

1) MARCKIUS apud adversativam vim praep. הָא remanet, atque adeo satis incommode intelligit sententiam: male et indecenter agunt Iudaei, si diffident domino.

2) Perperam HIERONYMUS consumptionem versu antecedente Assyriis praedictam iam ad Iudaeos refert.

2) Ad alteram quaestionem, quinam patiantur calamitatem, plurimi rursus interpretes: Assyrios, respondent; reliqui, MENOCHIVS, TITINVS, MARCK., MAUR., HOELEM. probe ad Israellem referunt, quibus non dubitamus assentiri. Nam a) altera illa stare omnino nequit sententia: „hac vice ita vos affliget una plaga Deus, ut repetitione opus non sit, una plaga vos planissime pessumdabit“ (QUISTORPIVS, FRAEHN., UMBREIT., EW., HITZ.); vel, ubi e BURKII sententia alludatur ad Ionaе orationes: „non iterum surget poenitentiae angustia, nunc ruet exitiam (!)“; vel insuper, si ad priorem illam, quam aiunt, factam ab Arbace expugnationem respiciatur: ex ea quidem respirastis, nunc plane exstinguemini (KALINSK.). Tale quid enim idoneo sententiarum nexui plane contrarium est; quam atrocibus ab initio verbis praedicatum est, quomodo iratus Dominus inimicos suos funditus evertat, — et quam languet, si dicentem nunc feceris: non bis in calamitatem incidēs, sed statim te delebit? b) Tum vero respiciendi erunt v. 12 et II, 1; ubi cum aperte Iudaeorum calamitates ab Assyriis paratae iam in eo esse ut desinant praedicentur, haec quoque verba ad eandem exigenda normam erunt; denique צרה in hoc versu relegat legentes ad צרה v. 7, quae de Israele valebat.

Hic igitur idoneus verborum sensus est: quid vos, Iudaei, cogitatis de Domino? quidnam exspectandum ab eo existimatis? putatisne vos iam ira sua fore extinctos? imo vero, Assyrios exstinguet ille atque delebit! ne opinemini, cum nuper in angustias et gravissima tempora incideritis, redire eadem ab iisdem hostibus; imo, numquam contra vos reducet agmina sua, ipse confestim erit devastatus et sublatu s medio! Quae cum ita sint, omne Nahumi vaticinium hisce. verbis contineri et comprehendere videmus, quibus anxios et sollicitos Iudaeorum animos consolaretur, desperatione deiectos ad spem et confidentiam revocaret.

Iam vero, si ad Israellem totum respicere verbum intelligimus, quatenam illa angustia est, quae semel quidem pressit populum, nec repetetur? Non posse nisi de Sanheribi in terram sacram irruptione cogitari, recte vidit MAURERUS; idemque fere hebraeus HIERONYMI magister: „non tradet vobis Iudam et Hierusalem, sicut tradidit vobis decem tribus et Samariam;“ eiusmodi igitur tribulationem non iterum adversus Iudaeos consurgere dicit vates, nec unquam Assyriorum etiam exercitus ante portas urbis collo-

cari. At erunt nimirum, qui cum KALINSKIO respondeant (p. 245): „his refragatur historia, quae novam illis sub Assarrhaddone contigisse angustiam utique testatur;“ et fuisset nimirum Mannassis abductio gravissima calamitas, nisi sollicitis Iudaeorum animis et asportationem captivitatemque pertimescentibus gravior fuisset visa, quam erat revera.

Audiamus denique LUTHERUM haec disputantem: „Sophistae omnes hunc locum tractarunt. Torsit etiam omnes mirum in modum. Fuit autem eis occasio innumerabilium quaestionum. Tractatus est etiam a Magistro sententiarum. Sed nos illa omnia nihil morabimur. Breviter hanc puto esse genuinam sententiam, quasi dicat: Satisfecisti tu, rex Assyriorum, devastasti regnum Israel; satis iam imperasti, iam non adiiacetur tribulatio alia, non sinam ut pergas devastando etiam Iudam, siquidem liberabit eum Dominus a tribulatione, quae iam imminet, alia vero eos non comprehendet.“

v. 10.

Nam usque ad spinas perplexi, et ut vino suo inebriati, devorantur, stipulae aridae instar, turmatim. Priorum verborum imaginem refert fere variarum interpretationum conspectus, quae tot exstiterunt, ut enumerare omnes, praesertim arbitrarias multas et futes, longum videatur; multa vv. dd. commenta conguessit MIDDELDORFFIUS a. h. l.; KREENEN a. h. l. emendationum textus temere adhibitarum acervum exhibet.

Exponitur laetissimae promissionis v. 9 causa: non iterum angustia ab Assyriis parabitur Israeli, *nam devorantur* ct. ערסירים, *usque ad spinas*, comparative dictum, adeo implexi, ut spinas perplexitate aequent (MICH.); cfr. 1 Par. IV, 27 all.; v. s. GESEN. thes. a. v. Spinarum similitudo refertur ad animum inimicum et adversarium, cfr. Num. XXXIII, 55; Cant. II, 2; Mich. VII, 4; Ies. XXVII, 4; Ez. II, 26; XXVIII, 24¹, quo in genere tertium, quod aiunt, comparisonis est „firmatum callidumque nocendi studium“ (MARCK.), in quo latet simul periculum, quod

1) FRAENIUS l. l. p. 18 aliquot eiusmodi exempla contulit a SCHULTENSIO ex Arabum scriptis collecta, veluti ex Hamâsa: „et infringimus spinam sedamusque aestum eorum (hostium), donec defervescat.“

contactu eorum paratur; „Widerstreben hilft nicht; seien sie auch gar wie Dornengebüsche verflochten, kraus, hinterlistig, und schlau, so dass man ihnen nicht nahen, mit ihnen nichts zu thun haben mag.“ (Ew.) Apud hunc sensum satius est remanere, quam accipere alterum, a IUNIO, KIMCHIO, RIBERA, BURKIO, UMBREITIO probatum, quibus vilis et abiecta impiorum conditio videtur significata, quippe qui subito spinarum instar igne divino consumantur; quemadmodum habetur 2 Sam. XXIII, 6. 7: „at nequam — ut abiecta spinarum sepes omnes sunt — et combustionem ignis comburantur omnes in loco suo.“ KIMCHIUS: „accidet illis, quod spinis perplexis et implicatis, quas cum solvere non potest agricola, simul omnes in ignem coniicit: futurum est, ut simul neci dedantur.“ Altera explicatio et clariore exemplorum evidentia commendatur, et eo, quod סבכית, uti e parallelo סבאים apparet, non referendum est ad spinas, sed ad Assyrios. Improbanda est igitur interpretatio LUTHERI: „Denn gleich als wenn die Dornen, so noch in einander wachsen und im besten Saft sind, etc.“ — Amplificatur imago verbis succedentibus: *et ut vino suo inebriati.* סבא potum significat vel vinum, tanquam potum præcipuum, cfr. Ies. I, 22; Hos. VIII, 14 (vinum pro vini effectu dictum), neque vero computationem (Ew.); vinum autem eorum dicitur, quo solent perpotari. Nec vero omissum est סבא causale, quod aiunt, sed accusativi species est, quam vidimus v. 8; cfr. Ies. XXIX, 9: שכרו ולא יין. Quae similitudine non tale quid innui existimamus, quale vidit EWALDUS: „gleichsam in Wein ersäuft, so dass das Feuer ihnen wie allem Nassen nicht schaden zu können scheint;“ nam nec immersi notio, quam infert verbo סבא, idoneis probari exemplis potest, nec natura huiusmodi imaginis magnifica satis atque ponderosa est. Imo superbia et temeritas indigitatur Assyriorum, qui adeo tutos sese atque invincibiles esse iactant, ut ne cavendum quidem sibi ab hoste opinentur, ideoque comparantur iis, qui in commisationum lascivia bono securoque animo indulgeant; cfr. Prov. XV, 15: „bonus animus quotidiana est computation.“ Quae sententia mirifice comprobatur iis, quae DIODORUS II, 26 de expugnatione Nini tradidit: Hostibus ter profligatis, factum esse ut rex Assyriorum, Bactrianorum defectionem ignorans et prioris fortunae benignitate elatus, ad otium sese ignavum converteret, suisque ad festas epulas instituendas, magna victimarum et vini

aliorumque ad hoc utilium copiam subministraret¹. Toto igitur exercitu conviviis indulgente, Medos, per transfugas de negligentia et ebrietate hostium edoctos, noctu ex improvise illos oppressisse, atque ita post trium amorum obsidionem urbem expugnasse et solo æquasse. Quibus si habenda fides est, vatis verba translato sensu enuntiata ad litteram apparent confecta.

Quo igitur securiores sunt et superbiores, eo debellantur facilius; id quod imagine rapidæ combustionis exponitur. *Consumti sunt* (אכלו praet-proph., ad notandam vehementiam forma Pual expressum) *velut stipula arida*, ofr. Ies. V, 24; XLVII, 14; Ioel II, 5; Obadi. v. 13 (coll. SCHNURRERO a. h. l.); Sach. XII, 6, qua et vilitas eorum contemnenda significatur, ofr. Ps. I, 4 all., et amplificatur spinarum similitudo, quibus propriam iam ipsis est, quod celeriter igne consumuntur. Absolutae autem internecionis imago augetur etiam extremo versus verbo כלה, quod pro adverbio accepimus plene, plenis acervis, turmatim, cum ION., SCHMID., I. H. MICH., GESEN. thes., MAUR. ita ut respondeat quedammodo v. סבכים. Alii nihil designare vocem putant, quam: perfecte, penitus, FRAEHN.², HIRTZ.; verum, quia reliquis versus sententiis satis iam significatum videtur, funditus tolli Assyrios, satius habemus, h. v. magnitudinem et universitatem excidii exprimi. Referenda autem adverbii ratio ad totam enuntiationem videtur, neque ad solam ariditatem restringenda, uti censuerunt Iudaei plerique (ofr. FRAEHN. p. 20), DE DIEU, EW., UMBR. Satis impedit HOELEM. vertit „voll Maass“, et vocem respondere v. סבכים סבכים asseverat, sicuti stipula arida referenda ad spinas esset. — At non defuerunt, qui adiectivum esse censerent כלה, iique plerumque retulerunt ad stipulam, tanquam plenam, „quae sic ad maturitatem suam pervenit, ut fructus plenitudinem adhuc habeat in se cum quo omni simul per flammam consumatur“, MARCK., sim. THEOBRET., RASCH., KIMCH.,

1) Honestius eiusmodi computationis regiae initium proponitur in monumentorum tabulis (ofr. BOTTA l. l. pl. 76, BONOMI l. l. p. 187 ss., GOSSE l. l. p. 504 ss.), ubi eunuchos largiter haurientes et afferentes pocula conspiciamus, hospites autem ad tabulas sedentes sibi invicem propinantes.

2) Non temere in comparisonem vocat Ierem. IV, 5; XII, 6; sicuti observat SCHULZENSUS Arabum dicendi genus جعل و ملا fecit et implevit, i. e. accurate fecit.

ABARB., COCCEIUS; at, ut omittam, idoneo id pondere carere, stipula crematur ubi iam excussa est.

Veteres versiones satis in hoc versu aberrarunt. LXX: *ὅτι ἕως θεμελίου αὐτοῦ χερσωθήσεται, καὶ ὡς σμίλαξ περιπλεκομένη βρωθήσεται, καὶ ὡς καλάμη ξηρασίας μεστή*, interpretante HIERONYMO: „quia usque ad fundamenta sua rediguntur in vepres, et sicut volvola circumdata comedetur, et quasi stipula ariditate plena:“ Chald.Syr. pro *סירי* legisse *שרי* videntur, exhibent enim principes, et *ער* pro *ער*; Syr.: „propterea quod vel principes eorum refractarii sunt, et in ebrietate sua ebrii, comederuntque et impleverunt se stipula arida.“

v. 11.

Ex te abiit, qui cogitavit pravam contra Dominum, consiliarius nequitiae. Hoc versu, quo altera clauditur strophæ, liberatio gentis sacrae et vindicta ab hoste comprehenditur, quippe quæ ex internecione eius v. 8. 10 confestim sequatur. At vero ad nostram memoriam usque maxima interpretum pars, ne dicam omnes ¹, non Israelitas, verum Assyrios faciebant appellatos, hoc fere sensu: ex te enim, Ninive, egressus est, etc., ita ut excidii notaretur causa, fluctuabant solum, essetne vertendum: ex tuis portis profectus est, *אז* sensu hostili (cfr. prol. ad Gen. X, 10), an: ex te ortus est. Unus HOELEMANNUS, quod scimus, non Ninum sed Israelem hæc spectare, contendit, et *אז* esse: abiit ex te, reliquit te; idque rectissime, ut nobis quidem videtur. Licet summum eius argumentum probare nequeamus; nam cum diceret: nominatim interpellari a vate *יהודה* II, 1 et *מִן* *אֶרֶץ* III, 18, illam feminino semper, masculino hunc exarari genere — ea quasi regula uno illo infringitur *מִן* v. 8; nec verisimile est, ubicunque appellatur Assyrias, ibi solum indicari regem, imo universum plerumque populum, unius personae cogitatione comprehensum. Nos autem eo praesertim ad nostram adducti sententiam sumus, quod vv. anteced. de Nino et de Assyriis agitur cum tertiæ personae nota, nec secus v. 12; contra,

1) COCCEII commenta, qui sicuti ad eam inimicitiam, qua Christianos exercebant Iudaei, omnia deinceps refert, ita hæc quoque verba indigitare Hierosolyma opinatur, satis superque redarguta sunt a MARCINO.

in altero membro v. 12 ad Israellem sine dubio attinet רַעֲנֹךְ לֹא אֶעֱנֶךְ, et reliqua suff. fem. v. 13; sed v. 14 ex vivido orationis genere sub altera persona cogitandi hostes erunt, ideoque ad notandam vicem primo loco scribitur רָצוּרָה עֲלֶיךָ; haud secus in nostro versu נִכְרָח, in limine scriptum, oppositum esse apparet antecedentibus. Accedit, quod c. II, 1 Iuda statim cum suff. fem. 2. pers. rursus appellatur; nec omittenda est placida et tranquilla rhythmici ratio, rapidam vehementemque versus antecedentis numerum secuta; qua secundum v. 5^a et 6^a similitudinem eadem sententiarum commendatur vicissitudo. יָצָא eodem sensu de hostibus, terram eo usque opprimentibus, iam vero recedentibus legitur Ies. XLIX, 17 (cfr. GESEN. comm. a. h. l. contra VITRINGAM disputantem), cfr. Ier. XLIII, 12; X, 20. Praeteriti, sicut וָאֵל כֹּל v. 10, prophetica est ratio, quare LXX ἐξελήσεται. Atque hunc quidem Assyriorum receptum non dubitarem, quin proprio sensu dictum esse statueremus, si probari magis posset STARKII opinio, ex qua Manassis tempore Assyrii in urbibus Philistaeorum stationes habuissent militares, quae in Iudaeam quoque huc illuc vagatae Manassen cepissent (quo referri etiam posset, quod rex Babylone reversus castella sua communire valuit). Verum quoniam hanc sententiam improbandam vidimus in proll., ita hunc receptum interpretabimur, ut Iudaeos, ab Achasi tempore ditioni eorum et potestati magis minusve obnoxios, iam prorsus ab iis vindicari existimemus, nec iam exercitibus eorum vexari; cfr. II, 1. 14. Illud tamen ex his verbis certo consequitur, cum scriberet Nahumus, non solum timendum etiam Iudaeis fuisse ab Assyriis, verum etiam ea cum iis contentos necessitudine, quae ditionem et servitutem quodammodo aequipararet — id quod in regis captivitatem egregie quadrat.

Egressus est autem e Iudaea is, qui cogitavit pravum contra Dominum. De וַיֵּצֵא וְהוּא עַל cfr. ad vv. 8 et 9. רָעָה promiscue positum cum רָע, pravum, malum notat; cfr. simile dicendi genus חֲשֵׁבִי רָעָה Ps. XXXV, 4. Verba haecce ad Rab-sakis insolentes et atroces iactationes plurimi referunt; at primo loco haec vox patet latius, deinde agit vates de iudicio finali super eam gentem, quae tamdiu Israellem quasi calcaverat pedibus; omnem ergo Assyriorum inimicitiam, populo dei atque adeo

deo ipso comprobatum, intelligimus¹. (CALOV., ROSENH., HIRTZ.) Hoc enim illud est proprium regnis mundanis, quod odio persequuntur Israellem, non ipsius tantum causa, sed maxime, quod pro fictitiis idolis suis deum illi colunt unum et verum; ideoque occulta et summa inimicitiae causa est defectio et contumacia contra Dominum. — בליעל is, qui molitur consilia nequitiae; nam בליעל, cuius varias notationes conguessit DAN. HEINRICI (Nahumus pacificus a. h. l.), plane nostrum est: Nichtsnutzigkeit, cfr. Deut. XIII, 14; XV, 19, unius ingenii specie comprehensa 2 Sam. XXIII, 6; Iob. XXXIV, 18. Temere GESENIUM, sicuti hic, ita Ps. XVIII, 5 defendere perniciiei sensum ostendit HENGSTB. a. h. l.; insuper apud usitatam remanere potestatem nostro loco, monet II, 1,

Quae cum ita sint, finem huius particulae v. 6–11, redire ad initium videmus, atque adeo salutem Israeli vindicandam primum in hoc genere locum habere, licet regni mundani destructio et eversio, quae remedium illius atque causa est, maxime cadat sub oculorum conspectum.

C. v. 12–14.

Extremis capitis versibus brevis et succincta divini consilii continetur declaratio, ipsissimis Domini verbis distinctius expressa. Assyrii in summo potentiae fastigio evertentur, nec iterum ab iis affligentur Iudaei (v. 12); imo, a vinculis eorum et servitute nunc liberabuntur (v. 13), Assyrium nomen una cum idolorum simulacris funditus delebitur (v. 14).

1) UMBREITUS apposite, mutatis mutandis asseverat: „Um die Nothwendigkeit eines so furchtbaren Gerichts über Ninive recht eindrucksvoll hervorzuheben, drängt er die unübersehbare Menge der Vielen, die, aus ihr hervorgehend, Böses sannen gegen Jehovah, in eine einzige Persönlichkeit zusammen, die er vorzugsweise den Rother des Verderbens nennt, als wäre es der König der Ruchlosigkeit selbst.“

v. 12.

Sic loquitur Dominus: licet integri et ita multi sint, ita quoque tonduntur, et evanescit — et licet afflixerim te, non affligam te amplius. Illustris interpretum dissensu versus, eo maxime, utrum ad Iudaeos an ad Assyrios vel utrumque membrum, vel alterum solum referendum sit. Nos, quid e stabilitis usu verborum notionibus eliciamus, videbimus. Solenne vatibus dicendi genus 'כא אשרה, licet omnia, quae praedicant, instincta divinitus sint, tamen iis, quae sequuntur, praecipuum pondus et gravitatem addit, simulque animos metu perculsos ad spem salutis fortiter amplectendam divina excitat auctoritate. שלם in con. Kal unam habet potestatem: integrum esse, nec secus adi. שלם eum notat, cui nihil deest, integrum; cfr. exempla probantia multa apud GOUSSETIUM p. 1645 ss. Afferunt quidem GESEN. Handwb. et MAUR. Handwb. notionem pacifici, praesertim ubi legatur 'ש' עסרה, in pace cum deo vivere; at monuit iam KEILII ad 1 Reg. VIII, 6; XI, 4; XV, 3. 4 significare potius animum soli Domino deditum, nec inter seculum deumque suspensum; idemque sensus praefendus est, ubi deest quidem 'ש' עסרה, sed e nexu sententiarum Domini cogitatio apparet esse supplenda: 2 Reg. XX, 3; 1 Paral. XXVIII, 9; 2 Paral. XVI, 9 (XV, 17 mere est: incolumis), cfr. Ies. XXXVIII, 3: „fac reminiscaris, me ambulasse in conspectu tuo in veritate et cum animo integro;“ nec commutanda significatio est Gen. XXXIV, 21: „suntne viri illi nobiscum toto ex animo?“ Integritas autem dicitur non de moribus, sed de numero, uti patet ex sequentibus רבן רבים. Sin haec verbi notio est, referri nullo modo ad Iudaeos potest; uti perperam vertit IUNIUS: „si pacem voluissent (mecum), ita etiam multi fuissent, aut fuissent ita tonsi, ut transivisset (Assyrius)!“ vel, ut tolerabilius KALINSKY: „si sincere me coluissent, ideo et potentes fuissent“ etc. Neque vero cum MARCKIO ita referemus ad Assyrios verba: „si pacati sunt, pace alta atque hinc fluente prosperitate omni fruantes“ etc., id quod a vera vocis notione abhorrere vidimus¹. Expedita enuntiati ratio est: licet integri sint Assyrii, et ita multi, etc. כן רבן a FRAEHNIO recte sic de-

1) FRAEHNIIUS l. l. p. 30 ss. collato שלם, specie quadam arboris aculeis insigni, imaginem spinarum e versu 10^{mo} repetitam existimat.

scribitur: et sic etiam (i. e. atque adeo) multi, etiam ita (i. e. attamen, nihilominus), licet כן non possit nude esse tamen, sed mere ita, cui e sententiarum nexu additur potestas contrarii. KOESTERUS (Erläuterungen der h. Schr. p. 64) cum temere primum illud כן interpretetur: „ita, uti nunc videmus multos esse,“ alterum: „ita, ut equidem constitui,“ planum cogitationis decursum turbat; nam illud simpliciter notat eam multitudinem, quae ex integritate exercituum consequitur, hoc autem ingentem numerum nihil valere significat contra consilii divini executionem. Innumeri enim Assyriorum exercitus, et universi simul regni cives tonduntur, vel potius tonsi iam sunt, sicuti futura dei iudicia dudum praesagiente spectat animo propheta; „subito et tanquam falce messoria abscinduntur;“ KREENEN. נדד Gen. XXXVIII, 13; cfr. Ies. VII, 20; Ni. nisi hic, non legitur; unde MARCKIUS mere positum pro specie activa contendit: „tonserunt scil. Israellem aliasque gentes.“ Mss. Erfordd. quattuor, omisso Dagesch in ל, exhibent Ni. v. נדד, expelluntur; quod nescio num propter sequens ועבר factum sit; at multo et distinctior et ornatior imago est altera. ועבר magno cum pondere potentissimam gentem evanescentem pingit, idque num. sing., quasi unus tantum homuncio tolleretur; cfr. Iob. XXXIV, 20: „et evanescit, et ecce, non est amplius!“ עבר transire, saepe de stipula vento dissipata dicitur Ies. XXIX, 5; Ps. XLVIII, 5; neque vero ideo HIRTZIGIUM secutus stipulae similitudinem ex v. 10^{mo} repetitam, hic etiam valere dixerim. Mutatio numeri offendere nequit, cfr. v. 10 et 11; facile intelligitur, nec regem solum (DRUS.) nec exercitum (VATABL.), verum omnes Assyrios una comprehensos quasi persona proponi; nec est omnino, quod neutrum praeferamus sensum: „et actum est scil. de iis“ (HESSELB., HOELEM.), vel deum transire faciamus (cfr. II, 1), uno impetu hostes suos perditurum (CALVIN.), vel etiam, uti singularis exstitit KALINSKII sententia, cogitemus de Manasse in captivitatem deducendo. — Assentiunt explicationi a nobis institutae HIERON., TARNOV., GRIMM., BAUER., ROSENM., MAUR., HOELEMANNUS.

Alterum versus membrum addit, quod ex interitu hostium consequatur. ענה Pi. affligere, opprimere saepissime de populis vexatis dicitur: Gen. XV, 13; Ps. XC, 15; Zeph. III, 19 et.; correpta scribendi ratio, bis omisso י, ab aliqua rhythmica caussa repetenda erit. Appellatur autem Iudaei, uti mutatio personae

fert; qui ad Assyrios referunt ABARB., GROT., FRAEHN., EW., HIRTZ., iisdem offenduntur difficultatibus ac v. 9 b. Conceditur, Iudaeos afflictos a deo per Assyrios esse; promittitur vero, numquam ab iisdem eos vexatum iri; „non quod perpetuam securitatem polliceatur, sed illius tantum temporis, et ab illis hostibus, a quibus tum obsidebantur;“ HIERON. Habemus igitur eandem fere sententiam ac v. 9, defensam quodammodo ab iis, qui ob ingentem hostium potentiam suamque tenuitatem dubitare de salutis certitudine conarentur.

Errare igitur videmus, qui totum versum vel de Iudaeis dictum esse (SCHMID. all.) vel de Assyriis (EW., HIRTZ. all.) contendunt; sed primum membrum de his, de illis alterum valere apparet. — Versiones veteres satis confusum reddiderunt sensum. LXX: *τάδε λέγει κύριος κατάρχων ὑδάτων πόλλων· καὶ οὕτως δασταλήσονται, καὶ ἡ ἀκοή σου οὐκ ἐνακουσθήσεται ἔτι.* Syr.: „sic loquitur Dominus de capitibus aquarum multarum (ܠܠܪܥܝܬܐ ܕܩܝܡܐܬܐ ܕܡܝܐ), quae rapuerunt et elapsae sunt: et qui te exaudiui, nonne iterum te exaudiam?“ qui, ut de misera literarum laceratione taceam in primo membro commissae, eo praecipue peccaverunt, quod alteram verbi ענה potestatem prae-tulerunt, respondendi inquam. IONATHAN id, quod vaticinii rationi latius patenti subiectum est, ipsis verbis intulit, cum sic exhiberet: 'אם ירין שלמים בעיצא וסגיאן באחמנירהא עממא' „etsi fuerint perfecti consilio et multae etiam numero gentes quae congregantur ut urgeant Hierosolyma“ etc.

v. 13.

Sed nunc frangam vectem eius abs te, et vincula eius rumpam. Alterum v. 12^m membrum longius iam exponitur. ך adversativum opponitur negationi 'א לא ועתה confestim eventura significat, quae praedicentur. מרע a. v. מרע vacillare, vacillationem notat, deinde vectem Num. XIII, 23 et vectem iugi, quippe qui vacillet incedentibus bovis, alias fere מרעה, aut adiecto רעל Lev. XXVI, 13; Ezech. XXXIV, 27, aut omisso Ierem. XXVII, 2; XXVIII, 10. 12; translate dicitur Levit. XXVI, 13: „fregi vectes iugi vestri et feci, ut erecti incederetis,“ quem locum ex parte recitavit Ezechiel c. XXXIV, 27. מעליך ad litteram: a super te, ita ut iam non premat te, sicuti accuratiores in hoc genere He-

braei sunt. LXX τῇ δάβδον legerunt מִסְרֵי cfr. Ies. IX, 3, quod ad similem fere sensum redit. [יִסְרָחֵי עֲנָח. nisi specie plur. non legitur; genus tum masculinum habet Ies. XXVIII, 22; LII, 2; Ps. CXVI, 16, tum femininum Iob. XXXIX, 5; Ierem. XXVII, 2. Liberatio a vinculis indicatur vel v. פָּחַח Ies. LII, 2 all., vel v. נָחַק cfr. Ps. II, 3; Ier. II, 20; V, 5; XXX, 8, עֲנָח eosdem reddit sonos, quibus v. 12 habemus אֲנַחֵךְ. — Quae verba pertinere ad Israellem, apud omnes fere constabat interpretes, exceptis THEODOR., ABARBAN., BURKIO, quibus, mirum dictu! Assyriorum et gentium subditarum a rege et oppressore liberatio est! Verum Israellem appellari, vel ex eo apparet loco, qui vatis animo obversatus est, cum haec scriberet verba, Ies. X, 27: „et illa die fit, ut recedat onus eius a cervice tua et iugum eius a collo tuo, et frangitur iugum prae oleo.“ Quibus verbis cum Iesaias Hiskia regnante perniciem Assyriorum praediceret, eaque funesta illa Sanheribi clade evenire coepissent, iisdem fere utitur Nahumus, ut totius regni eversione prorsus ea propediem significaret absolvi. Iugi autem et vinculorum similitudo omnem illam refert quasi servitutem, qua ab Achasi tempore premebatur Iudaea; nam licet anasa plerumque tributa tantum pendenda erant, ea tamen pro Assyriorum arbitrio modo graviora modo leviora imponebantur; deinde, licet iussa eorum facere non semper debebant, timore tamen perpetuo angebantur, ne, quid passi ab iis Israelitae erant, ipsos quoque maneret. Ceterum, sicuti sententiam potius Iesiae quam verba repeti videmus, ita vinculorum etiam cogitationem addidit vates, in eoque Manassis captivitatem respicere videtur, quod probe notavit KALINSKIUS; ita facta eius post praestatam poenitentiam remissio vaticinii plenius eventuri pignus erat. — Ne de decem tribuum captivitate absolvenda cogitemus (Ew., Hitz.), totius oraculi indole et ratione vetamur. — Ierem. XXX, 8 vaticinium de universa gente sacra ab omnibus omnino hostibus vindicanda Iesiae simul et Nahumi editur verbis: „et fit illa die, dictum Domini exercituum, frangam iugum eius de collo tuo et vincula tua dilacerabo, nec amplius eo servient peregrinis.“

v. 14.

Iam vero ad Assyrium se convertit vates, id quod tam ex universo versus sensu quam e suffixo masc. עֲלֶיךָ apparet: *Et iussit de te Dominus: non seretur a nomine tuo amplius: ex aede dei tui excindam (imaginem) sculptilem et fusilem, faciam sepulcrum tuum: nam vilis factus es.* רָצַרְךָ non propheticum est praet. (GROTIUS), sed ita audit: iussit iamdudum de te Dominus, et quae iubet, ea confestim absolvuntur Ps. XXXIII, 9; dicta de te sententia est, et propediem dabis poenas. „Das macht, er ist gericht't, Ein Wörtlein kann ihn fällen.“ Proponitur autem Domini iussum, „ut, quod passurus es, non fortuito et absque aliquo iudice veniat, sed Deo pronuntiante patiaris.“ HIERON. רָצַרְךָ מִשְׁכָּרְךָ non seretur a nomine tuo amplius, i. e. nullum seretur semen, tuo nomine insignitum, vel etiam: nulli tibi posterī nascentur. Gentem igitur et nomen extinguendum nobiscum intelligunt MICH., HITZ., MAUR., EW.; alii de delenda memoria unice cogitant IONATH., KREEN., HOELEM., CALVINUS: „seminare e nomine alicuius est, propagare eius famam,“ id quod comprobari V. T. usu nequit; male deinde THEODORETUS: οὐκέτι γὰρ ἢ σὴ προσσηγορία τοῖς ὑπηκόοις ἐπιτεθήσεται, nusquam enim וָרַע de actis regum dicitur; denique satis absone GROTIUS: „qui posthac tibi imperabunt, non appellabuntur reges Ninives, . . . sed reges Babyloniae etc.“ Haec autem non ad certum quendam restringenda regem esse, sed de Assyriis omnino, tanquam de uno viro, dici, recte monuit HITZIGIUS. מְבִירָה אֱלֹדִיָּה sic haud raro nominantur templa tam idolorum Ies. XXXVII, 38; XLIV, 13; Iud. IX, 27; XVII, 5; 1 Sam. V, 2. 5; 2 Reg. X, 23, quam Domini 1 Reg. VI, 5. 37; VII, 12; Ies. LXVI, 1 etc.¹ Assyriorum templa reperta adhuc nulla sunt²; sacraria tantum emergerunt, ex. gr. Nimrude in palatio caurum spectante³; altaria nulla relictā sunt; tabulae autem sculptae, quae operiunt muros, arbores

1) Eadem dicendi ratio Babylonii fuit: biti ša ilui, domus deorum, cfr. RAWLINSON Analysis of the Babylonian text at Behistun p. LXXXI.

2) Palatia templorum simul vicibus functa esse e divina regis auctoritate coniecit LAYARD. Niniveh und seine Ueberreste p. 329.

3) Cfr. LAY. l. l. t. III, conclave F; descriptum est a BONOMIO, Nineveh and its Palaces p. 261 ss. (cfr. p. 267. 272), nec non a GROTEFENDIO, Anlage et. der Gebäude zu Nimrud p. 8 ss.


sacras exhibent, Beltis s. Astartes symbola, binis circumdatas Assaraci s. Baalis speciebus, quas in V. To. Nisroch appellatas vidimus, viros dico capite aquilino et alis praeditos; praeterea regis expressa figura est, instructi ad adorationem dei, cuius ex collo quinque pendent symbola, imagines solis, lunae, stellarum, pili, quo dii fere exornantur, denique bidentis¹; portas bini custodiunt tauri, capite humano alisque magnis praediti, quos referre Cherubinos negari nequit. Speciem universam sacrarii Assyriaci restituere conatus est LAYARDUS, the monuments of Nineveh tab. II. — Ex aede igitur idolorum excindet Dominus simulacra eorum. כרה secare, abscindere, Hi. extinguere, de idolis dicitur Lev. XXVI, 30; Mich. V, 12; Sach. XIII, 2. כסל proprie fundamentum sculptile indicat, cui imponitur imago fusilis מסכר, cfr. Iud. XVII, 4; XVIII, 14. 17. 20; coll. HENGSTB. Beitr. III, p. 94 ss.; deinde partis nomen transfertur ad totum, et de quavis dei imagine valet Exod. XX, 7; coniunctae haud raro apparent voces Deut. XVII, 15; Iud. XVII, 3. 4; XVIII, 17 ss.; Ies. XLVIII, 5. Est autem in his verbis egregium talionis divinae exemplum: nam Assyrios aliarum gentium simulacra et idola excidisse, non modo e ll. ss. scimus, cfr. 2 Reg. XIX, 17 ss., verum in ipsis etiam eorum monumentis videmus, ubi tres milites securibus percutiunt simulacrum dei cuiusdam peregrini, alique abscissas particulas ponderant²; eodem modo iam cum ipsorum idolis agetur. — אשים כברה diversis rationibus expositum est. 1) Fuerunt, qui sepulcrum solum esse obiectum contendere verbi אשים, atque adeo sic verterent: parabo sepulcrum tuum (MAUR., HITZ.): id quod satis languet; 2) alii, quia accensus docent, haec verba esse coniungenda cum antecedentibus, aut ad utrumque, sculptile et fusile, retulerunt verbum, ita ut vel ad verbum superius dictum אכריי temere supplerent suff. ה —: excindam te, sculptile et fusile faciam sepulcrum tuum (BURK.), vel ut tacite repetenda existimarent 'פ' רמס (EWALD.), idque,

1) Cfr. LAY. l. l. fig. 78. Significatio harum imaginum, quae haud raro reperiuntur in tabulis Assyriorum (cfr. LAY. the monuments of Nin. tabb. 10. 13. 14. 27. 31. 48. 53. 59) nondum enucleata satis videtur; referuntur a GROTEFENDIO l. l. p. 9 ad quinque numinum maiorum ordinem; haud raro tamen ornatum tantum praebent, veluti parvuli soles et lunae Ies. III, 18.

2) Cfr. BONOMI l. l. p. 163.

quoniam saepissime coniuncta ita leguntur, praefereamus 3) rationi illi, ex qua sic audit enuntiatio: „ex aede dei tui excindam sculptile, et fusile faciam sepulcrum tuum“ (DE DIEU, HOELEM.), licet simplicitate commendetur. 4) Abesse maxime ab idonea explicatione videntur, quibus templum est id, quod in sepulcrum converteretur (secundum Ies. XXXVIII, 37, unde nihil probatur) MUNSTER., DRUS., ROSEN., quibus assentit F. BOETTCHER (exeget.-krit. Aehrenlese p. 40), „cum verisimile esset, destructa idolorum adyta haud raro pro sepulcris esse usurpata.“ — Sententia igitur haec fere est: Idolorum simulacra e templis excinduntur, et ipsi ruina eorum cooperiuntur et sepelientur. Quibus verbis Sanheribi necem Ies. XXXVII, 38; 2 Reg. XIX, 37 praedici probe existimant ii, qui ante cladem apud Hierosolyma Assyriis inflictam cecinisse Nahumum contendunt; at quoniam diu postea editum esse vaticinium intelleximus, hoc tantum concedimus, atrocem regis illius eventum respici, et interitum haud minus ignominiosum sub imagine consimili universae Assyriorum genti annuntiari. Idolorum autem commemoratio et vindicta ad alias quoque revocanda causas est: primum, quod in deorum ab ipsis inventorum potentia suam ponebant gloriam et superbiam; deinde, quod in religione et mythologia sua cuiusque populi indoles suumque ingenium expressum est; postremo, quod ad defectum a deo vivo veroque et creaturarum cultum tam inimicitiae adversus Israellem quam ipsorum reprobationis ultima causa revocanda est.

Additur denique, quamobrem exstinguendi sint Assyrii: sicuti idola gentium saepe legimus מַלְאִיִּים dicta, ita cultores eorum etiam pro nihilo habendi sunt: כִּי קֶלֶרָה, nam levis es. Cuius verbi קֶלֶרָה genuinam potestatem bene descripsit GOUSSETIUS: „nota Kal., Niph., Hi., Hithp. significare levitatem, eamque physicam vel moralem.“ Sic 1) exiguum rei quantitatem et extensionem indicat Gen. VIII, 8. 11, indeque transfertur ad animi rationes Iob. XL, 4; Gen. XVI, 4. 5 seq.: בְּעֵינַי, veluti Ni. 1 Sam. XVIII, 23; 2 Reg. III, 18; uberius proposita similitudo est Dan. V, 27: „pensus es lance, et inventus es deficiens;“ qui sensus in locum nostrum optime quadrat. (HITZ., MAUR., EW.) 2) Alii alteram verbi notionem praetulerunt: vilem, contemptum esse, cfr. 1 Sam. II, 30; 2 Sam. VI, 22; CALVIN., VATABL., ROSEN., HOELEM.; quibus recte improbravit HITZIGIUS, non esse quod sepeliatur,

qui in contemptum hominum inciderit. 3) Sunt etiam, qui celerem esse vertant קלל, veluti 2 Sam. I, 23; Hab. I, 8; Ierem. IV, 13; Iob. IX, 25 (coll. adi. קל); sic Peschito, omissa nimirum vocali sub l. ה, exhibet: , cito, celeriter, et LXX: *ὅτι ταχῆς*, coniunctis verbis cum versu sequente. Quae interpretatio incommoda est. — Commemorandae etiam sunt, ne omisisse eas videamur, aliae interpretandi rationes, quae vel verborum formas vel idoneum offendunt sensum: IONATH., GROTH: quia facile hoc est coram me; DRUS., PISCAT.: quia vilueris, scil. accepta clade in Iudaea, vel amisso regno; denique, uti cavillarunt quidam: quia levissimis contra Dominum verbis utebaris.

Quae cum ita sint, primam vaticinii partem consilio Domini de Assyriorum regno funditus evertendo absolvi videmus. At, sicuti nullum fere adhuc versum explicavimus, de quo non discrepasseent vv. dd., utrum Assyrios an Iudaeos respiceret, ita extremam quoque sententiam non defuerunt, qui de Iudaeis dictam affirmarent. CYRILLUS praeceptum Domini reperit de Iuda tuenda et de non futura iterum dispersione populi post Babylo- nicam, et purgationem a sculptilibus allegat factam sub Iosia rege. Singularius etiam KALINSKIUS priora illa verba: 'לֹא חָרַע ad Manassis instituta refert abroganda, quibus Iudaeis dux et auctor plurimorum scelerum fuerat; eumque sensum dilucide patere ait e commemorata idololatria; quam primum abolitam esse Manasse reverso, 2 Paral. XXXIII, 15. 16; deinde sequentia quoque verba postea impleta esse per Iosiam, qui fragmenta sculptilium, quae succiderat, dispersit per tumulos eorum, qui eis immolare consueverant, 2 Paral. XXXIV, 14. — Nemo est autem quin hac interpretatione omnem vaticinii nostri rationem turbari intelligat, cum pro gravi calamitate, quam exspectabant Iudaei, liberatio ab hostibus et restitutio pristinae gloriae promittatur, neque usquam gravior nuntiatur poena, quam qua iam erant affecti.

CAPUT ALTERUM.

Altera vaticinii pars, qua in mediam Nini rapimur eversionem, tribus et ipsa absolvitur numeris. I) Ad dignitatem Israelis vindicandam atque restituendam exercitus egregie instructus contra Ninum a Domino excitatur v. 1–5; II) expugnatur urbs munitissima, diripiuntur ingentes divitiae eius, incolae pallido angore cruciati in fugam vertuntur vel abducuntur in exsilium v. 6–11; III) atque adeo praedonum spelunca illa diruta a Domino exercituum, trucidatis latronibus, praeda excissa, deserta iacet atque desolata, v. 12–14.

A. v. 1–5.

Ac prima quidem capitis particula summum primum iudicii exercendi finem proponit, Israelis liberationem v. 1; Assyrii autem humanis viribus frustra propulsare exitium student v. 2, cum ipse Dominus scelera adversus sacrum foederis sui populum commissa ulturus sit v. 3. Deinde magnificus exercituum, irae divini ministrorum, habitus v. 4, et mirifica describitur celeritas, qua curribus advolant ad urbem capiendam, v. 5.

a. v. 1–3.

v. 1.

*Ecce in montibus pedes nuntii laeti, praedicantis pacem! Celebra, Iuda, festa tua, exsolve vota tua! Non enim grassabitur amplius super te nequam, totus exstinctus est*¹. Verbo הנה „deiectos et

1) Uberius hunc versum explicavit DAN. HANNAIC, dissertatione, cui inscriptum est: „Nahum pacificus, hoc est de pace,“ Lips. MDCL, in qua

tantum non desperantes Iudaeos iubet Deus animos oculosque attollere ad novum atque inopinatum, quod Dei providentia obii- ceretur, spectaculum.“ MARCKIUS. Pondus autem voculae eo maius est, quod resonat in iis, quae sequuntur, laetissimum vaticinium Ies. LII, 7, uti infra videbimus; cuius conficiendi iam instare initium significatur. על־דהרים, in montibus non ideo apparere dicuntur nuntii, quod vox inde longe lateque exaudiri potest (DRÜS.) — non vox enim sed pedes notantur — sed quod defixis desiderantium oculis in montium iugis fere quaeritantur, ibique adventantes primum offeruntur conspectui. Articulus licet omnino tantum genus montium significet, cfr. Ew. § 299 a, possit tamen etiam montes Hierosolyma cingentes vel Iudaeam ab Assyria separantes indigitare (HRTZ., MAUR.) cum ab ea potissimum parte eiusmodi nuntius exspectaretur. Pedes nuncupantur, tanquam instrumentum currendi, et quia festinando victoriae nuntius cognoscitur (Ew.); cfr. Cant. II, 8; Actor. V, 9. מִבְּשָׁר is est, qui laeta nunciat; nam licet KIMCHIUS meram nuntiandi potestatem defendat; מַסְעֵר הַחֲדָשָׁה עַל־טוֹב אוֹ רַע יִקְרָא מ', tamen semel tantummodo in literis sacris de malo legitur nuntio dictum, 1 Sam. IV, 17, id quod „singulare est, et potest existimari abusivum;“ cfr. 2 Sam. XVIII, 19; Ies. XL, 9; XLI, 27; LII, 7; LX, 6; LXX εὐαγγελίζοντες. „Notabile est, quod ista radix non significat quamlibet publicationem, non rei futurae, non promissionis, sed rei existentis praesenti tempore, quaeque praeterea sit factum aliquod, aut aliquod factum includat.“ GOUSSETIUS p. 279. Quod colectivo sensu intelligamus nuntium, uti nonnullis placuit, caussa nulla est, dummodo teneamus, speciem aliquam atque imaginem spectari cuiuspiam, qui, audita Nini eversione, de laetissimo eventu Iudaeos reddere certiores festinet; quare nec de eiusmodi cogitandum nuntiis est, „quales emittere solebant Iudaei ad neomenias aliaque festa designanda.“ (KALINSK., MARCK.) Quale autem sit, quod affert nuntius, distinctius iam declarant vv. מַשְׁמֵעַ שְׁלוֹמִים, qui audire facit pacem; pacem enim signifcat שָׁלוֹם, non salutem, licet pace et securitate ab inimicis, quale Israelitarum erat ingenium, omnis cogitatio salutis com-

doctrina satis multa quidem congesta, sed haud probe disposita est; omne insuper opusculum theologico potius usui, quam doctae interpretationis rationi accommodatum est.

prehendatur. Delibata autem haec verba esse e Ies. LII, 7, supra iam diximus; ibi haec fere legimus: „quam pulchri sunt in montibus pedes nuntii, praedicantis pacem, nuntiantis bonum, praedicantis salutem, dicentis Zioni: regnat deus tuus!“ Quae verba integram faciunt particulam magnificae illius orationis c. LI-LII, 12, qua depressum per iudicia populum vates promissa salute et laetitia erigit. Cuius promissionis certitudine per commemorationem omnipotentiae divinae et Messiae mittendi stabilita (v. 1-16), praesagiente animo tristem et captivitate Babylonica deiectam Israellem alloquitur v. 17 ss.: deletis hostibus, sicuti Aegyptiis et Assyriis, ita istis quoque et omnibus omnino libertatem iis et beatitudinem olim conciliari; properat deinde ad faustissimi huius diei cogitationem LII, v. 6: „ideo illa die cognoscet gens mea nomen meum, ideo illa die, ego enim sum, qui loquitur, en me!“ Quibus vocibus cum aperte praeparetur notatio earum rerum, quibus cognituri sint nomen dei seu manifestationem, confestim sequitur: „Quam pulchri sunt in montibus pedes“ etc. Exclamant deinde et iubilant custodes simul et incolae urbis, redemptionem suam praedicantes v. 8 ss. Videmus ergo v. 7^{mum} necessitate aliqua et progressu contineri cum antecedentibus et sequentibus; ac si conferimus Nahumum, e nexu solutiore facile intelligitur, fontem esse Iesaiam, unde verba illa deduxerit; nam et recitata brevius sunt, et arctioribus circumscriptis finibus ipse etiam sensus videtur. Iesaias enim „omnem futuri-temporis salutem una quasi specie comprehendit, ita ut strictissimo sensu effatum possit nominari Messianum, cfr. Rom. X, 15; unde tamen eventus ut ita dicam praevii non excluduntur, qualem Nahumus Ninives interitu paratum iri intuetur¹.“ Atque haec quidem ratio praemissa vocula דָּכָר quodammodo indigitatur, quae promissos olim nuntios adesse quasi in promptu ostendit. At vero HIRTZIGIUS², posteaquam HUETIUS³ quondam dubitavit, utrum nostrum an Iesiae vaticinium prius editum esset, ideo praesertim Iesaiam, vel potius fictitiam illam Pseudo-Iesiae speciem hausisse e Nahumo sibi persuasit, quia parum

1) KUEPER Ieremias II. ss. interpres atque vindex pag. 140 ss.; cfr. KALINSKY p. 257.

2) Comm. in Ies. p. 471.

3) Demonstr. Evang. Propos. IV, p. 303.

esset probabile, Nahumum ex duobus aliis versibus — est enim extrema quoque versus nostri particula recitata ex Ies. LII, 1 — et nonnullis de suo additis unam artificiose compilasse enuntiationem. Quae sententia usitatissimam tam prophetarum quam omnium fere II. ss. auctorum consuetudinem offendit; ac, ne Ieremiae exempla a KUEPERO¹ iam exprobrata repetamus, in primi capituli v. 7 et 13 similem reperimus compositionem. Tum vero grave nostrae sententiae documentum, quod KUEPERI indagavit sagacitas non est omittendum: illud dico, quod Iesaias in altera ipsa vaticiniorum parte haud raro de eiusmodi nuntio laeto faciat verba, cfr. XL, 9; XLI, 27; LXII, 6; „quis haec sibi persuadeat e Nahumo, abrupte quasi hac de re loquente, deprompta esse?“ — Ceterum Iesaiana verba a S. Paulo recitata esse Rom. X, 15, et ad nuntios evangelii transscripta constat, quos includi illis verbis vidimus; neque vero LXX sequitur, sed liberaliter hebraicum reddidit textum, ita ut pleonasmum מְבַרְכֵי מִשְׁמֵי in unam contrahat vocem τῶν εὐαγγελιζομένων². Tribus igitur his locis inter se comparatis dilucide patet, V. Ti. vaticinia habere suum eveniendi progressum, donec in Christo et regno eius ultimo loco conficiantur atque cumulentur. Neque vero esse etiam existimo, qui MOSEN HADDARSAN et Iudaeos³ longe plurimos secuti ipsum Messiam Nahumi verbis opinentur indigitari; ipse enim LUTHERUS, cum magnopere optaret, fieri hoc non posse intellexit; „proinde,“ inquit, „generali sententia dictum puto de victoria corporali, cum tamen gratia Christi et evangelium generaliter sit insertum.“ Ex altera parte peccavit ABARBANEL, cum Iesaiam de liberatione per Messiam futura, Nahumum de una Assyriorum vindicta loqui asseveraret; omnis enim Israelis liberatio absolutam mundi redemptionem pollicetur in eamque tota vergit; quid? quod recitatis Iesaias verbis haud occulte significare vates videtur, vaticinari se quidem de Assyriorum interitu, subiectam autem huic liberationi promissionem esse regni divini ab universa olim potestate seculari redimendi.

Additur id, quod restitutam populi pacem et securitatem de-

1) L. I. p. 142.

2) Mirifice HEINRICIUS de pace (cfr. supra) et KALINSKIUS Nahumi verba a S. Paulo recitari contendunt.

3) Cfr. SCHORTGENI horr. hebr., de Messia lib. II.

beat sequi: *celebra, Iuda, festa tua, exsolve vota tua!* חגג proprie: versari in gyrum, tum vero, ob choreas sacras saltandas, celebrare festam, addito fere accus. חג Lev. XXIII, 39; Num. XXIX, 12; Sach. XIV, 16. 18. 19. Festa autem sacra¹ duabus ex causis iubentur celebranda; primum, quod terra ab hostibus obsessa, institui non possunt, atque adeo, si celebrantur, nullos nec eminus nec cominus urgere hostes consequitur; tum vero festorum maiorum, quae dicunt, commune illud est, quod ad redemptionem celebrandam pertinent; Pascha enim instituebatur ad revocandam memoriam exodi ex Aegypto, promulgatae legis Pentecoste, Scenophegia gratiae et misericordiae, quam per deserta loca gens experta erat, donec promissam terram intravit. Quare hac compellatione redemptionem ab Assyriis tunc prope instare dilucide significatur. Est autem, uti probe notat URSINUS, „annunciatio partim gratulatoria, partim exhortatoria;“ monetur etiam populus atroci idololatriae deditus, ut ad verum dominum suam atque patronum colendum rediret; sicuti Manasse e Babyloniorum vinculis liberatus statim deorum cultum pro viribus extinguendam et sacra legibus Mosaicis praescripta restituenda curavit; 2 Paral. XXXIII, 16. Idem fere sensus alterius compellationis est: שלש נדרים. Vota² nuncupari solebant ab iis, qui gravi angustia continebantur, exsolvi autem impetrata salute. Sequitur ergo ex his verbis, fuisse etiam ab Assyriis periculum, cum ederetur vaticinium.

Subiungitur tam nuntii laeti, quam festorum et votorum exhibendorum causa, et negative et positive expressa: *non enim addet incedere super te nequam, totus extinctus est.* אסף addere, haud raro iterationem significat, sequente aut infinitivo, vel nude vel praefixo ל, aut praeterito. Verbo עבר non inundationis vel noxiae alicuius tempestatis similitudo subiecta est, sicuti I, 8 (I. H. MICHAELIS), sed victoris victum pedibus calcantis; cfr. Ies. LI, 23: „et tradam te in manum affligentium te, qui dicunt animae tuae: prosterne te ut transeamus (incedamus super te), et fac terrae similem corpus tuum, vel ut viam transeuntibus.“

1) De omni festorum ratione cfr. BAKHRI Symb. II, p. 528 ss.; WINER Realw. a. v.

2) De votis cfr. BAKHRI symb. II, p. 352. 371; WINER Realw. a. v. HENGST. die Opfer der h. Schr. p. 38.

Respici autem Ies. LII, 1 eo certius est, quo prima versus verba ex eodem capite petita intelleximus, licet sententiae magis quam verba concinant: „expergiscere, expergiscere, indue fortitudinem tuam, Zion, . . . non enim ingreditur te amplius praeputiatus et immundus;“ ratio inter utrumque eadem intercedit, quam supra exposuimus. De voce בליעל cfr. I, 11. Positive eandem cogitationem, et causam simul antecedentium verborum addunt: כלה נכרד, totus, seu ad literam: universitas eius exstincta est; cfr. I, 14. Suffixi species הִי ex ampliore הָיָה contracta evasit; cfr. Ew. § 247 d, 1.

v. 2.

Posteaquam Assyriaci regni destructionem praesagiente animo praecepit vates, iam, quomodo eo venturum sit, praeclaris imaginibus ad vivum exprimit. *Surgit dispergens adversus faciem tuam! custodi. munitionem, specularare viam, conforta lumbos, confirma robur magnopere!* עליה haud raro significat: bello petere terram seu urbem, 1 Reg. XV, 17; XX, 22; Ies. VII, 1. 6; Ioel I, 16; Mich. II, 13. מפץ part. Hi. א. v. פָּצָה, plerumque dissipare, rarius neque nisi in formis Polel, Pilpel, Hithpalel diffrangere, de exercitu vel de populis vi disiectis saepius dictum 2 Reg. XXV, 8; Ez. XI, 17; XX, 34 all.; Ies. XXIV, 1 etc.; KREENEN., MAUR. all. temere potestatem verbi restringunt ad frangendum, tolerabilius HOELEM. utraque vi coniuncta reddit: Zersprenger. מפץ igitur is est, qui dispergit, sicuti de Nebucadnezare dictum est Ierem. LI, 20: מִפָּץ (a. v. synonymo פָּצָה) „dispergens tu mihi es, instrumentum belli; et dissipabo per te gentes et perdo per te regna“ etc. Semel in substantivam vim abiit mallei Prov. XXV, 18, id quod nostro quoque loco fieri placuit CALVINO, I. D. MICHAELI (suppl.), HITZ., Ew.; quae sententia eo quodammodo sublevatur, quod malleus bellicus inter Assyriorum arma reperitur¹; at usus eius non adeo gravis est, ut a stabilita verbi potestate recedendum videatur. LXX pro מפץ legisse videntur מפח: ἀνέβη ἐμφυσῶν εἰς πρόσωπόν σου, ascendit insufflans in faciem tuam; in quo CYRILLUS consuetudinem Iudaeorum vidit, aegrotos afflando curandi, cum THEODO-

1) Cfr. GOSSE Assyria p. 266 ss.

RETUS sufflationem intelligeret novae vitae Iudaeis factam ab Assyriorum interitu¹. Ex recentioribus interpretibus GREVIUS pravam hanc lectionem retinuit. Quibus iam missis quaeramus; quisnam consurgat ad dispergendum, et quis dispergendus sit. Et cum secundum antecedentia verba Assyriorum interitum fusi-
us descriptum expectemus, Assyrios a Medis et Babylonis dispergendos opinabimur; sed non pauci iudicium suspenderunt a suffixo על־פניו, et quoniam in vv. antecedd. femininum fere suffixum refertur ad Iudam, haec quoque eodem pertinere existi-
marunt ION., RASCH., KIMCH., ABARB., MICH., HOELEM. At vero illam regulam non tam severe observari ipsum docet caput pri-
mum (cfr. v. 8), et in versu nostro masculinae imperativi formae sequuntur; neque est, quod HITZ., EW., iure improbantibus UMBR., MAUR., correxerint פָּנָיו. Iam qui Iudaeos compellatos intelligant, aut Assyrium ascendente faciunt VATABL., BURK., id quod concinere nequit cum v. 1; alii Nebucadnezarem vi-
dent, HIERON., ABARB., DRUS., CALV.; at quid Hierosolymorum eversio, ubi de restituendis agitur Iudaeis? Denique I. H. MI-
CHAELIS de Christo ante faciem Iudae sive Ecclesiae, tanquam adsertore ac vindice ascendente cavillat, coll. Mich. II, 13, Sy-
riacam secutus versionem, quae sic fere exhibet: „ascendit ductor (صاحب) ante te, et excubiarum excubitor, et viae spe-
culator, et sustentator lumborum, et validissimum robur eius;“ verum enimvero על־פניו habet plerumque hostile aliquid, cfr. GESEN. thes. p. 1028, nec unius loci excipiendi Gen. XXXII, 21. 22 tantum pondus est; ut omittamus, Messiae cogitatione senten-
tiarum ordinem magnopere turbare. — Referendum ergo suf-
fixum ad Ninum existimamus, et imperativis seqq. appellari As-
syrium, dissipatorem autem esse nec Medos solos vel Cyaxarem (PISC., GROTIUS.), nec Chaldaeos solos vel Nabopolassarem (CAL-
MET.), sed utrosque una persona comprehensos.

Prius vero quam hostes aggredientes describat, acerbe irridet vates Assyrios, ne nominis sui obliviscerentur gloriam, sed probe sese accingerent atque fortiter defenderent. Id quod quattuor ab-
solvitur numeris. כָּצֹר plerique intt. bene statuerunt esse infin.,

1) AUGUSTINUS de civitate Dei XVIII, 31. „Quis ascenderit,“ inquit, „ab inferis, et insufflaverit in faciem Iudae, hoc est, Iudaeorum discipu-
lorum Spiritum sanctum, recolât, qui meminit Evangelium.“

imperativi vicibus fungentem¹; contra HOELEM. est 1 praet. Ni.: obsessus est, מצור, autem accusativus instrumenti: „umschränket wird von Schanzwall eng er,“ idque ideo maxime, quod מצור, vallum, non oppugnatarum urbium, sed oppugnantium exercituum esse contendit; longe verius DELITZSCHUS notionem verbi descripsit ad Hab. II, 1: „מצור (מצורה) ist der Einschluss oder Umschluss einer Stadt, theils von Seiten ihrer Bewohner durch Ringmauern, theils von Seiten des Feindes mit Belagerungswällen und Belagerungsthürmen, daher allgemein die Veste, insbesondere der Wacht- oder Späththurm;“ cfr. עיר מצורה, oppida munita 2 Paral. XIV, 5; XI, 10. 11. 23; XII, 4; XXI, 3. Nihil est autem, quod cum TUCHIO² de turribus cogitemus solis, praesertim cum sequentia quoque nomina latius pateant.

Altera versus pars tribus imperativis conficitur; durius enim pro infinitivis accipiuntur. (HIERON., MARCK. all.) Custodiis per munimenta bene dispositis, accuratae observandae sunt viae, vel quibus subdole irruat hostis (MICH.), vel quibus appropinquet, ut illi obviam cum exercitu procedant (KALINSK.). ודק מרחים, conforta lumbos, i. e. paratum te redde ad sustinendam pagnam; in lumbis enim roboris sedes est Deuter. XXIII, 11; 1 Reg. XII, 10; Ps. LXIX, 24; Ez. XXIX, 7. Eandem sententiam alia postremo verba exprimunt: אמץ כח מאר, confirma robur magnopere. Cur maioribus vicibus egeat quam alias, sequente enuntiato declaratur: Deus enim ipse est, cuius ministris illi oppugnantur. — Eiusmodi autem interpellationes quid sibi velint, accurate exposuit RUPERTUS TUITIENSIS, cum diceret: „sunt istae eiusmodi sententiae, quales grammatici sive rhetores concessivas appellant; pulcro locutionis modo ita se habentes, ut et in compulsionem prohibeant, et in prohibitionem compellant. Quae tamen ne non intellectae persuasiones esse videantur, permixta sunt aliqua verba, quae manifeste repugnant (cfr. III, 14. 15), ne, quod dicitur, audientes imperari vel persuaderi putent.“ — Quanta iam imminet rerum mutatio! quorum monumenta arcium suis copiis dirutarum imaginibus horrent, quorum reges, ut in columnarum titulis iactantur, sexcenties longe lateque imperii protulerunt fines, — iis exitiosum nunc bellum moenibus propulsandum est.

1) Cfr. Geseu Lehrgeb. § 209, 3, c, p. 783.

2) Comment. de Nino urbe p. 52.

v. 3.

Quae tandem tanti casus causa est? — *Nam revertitur Dominus ad decus Iacobi tanquam decus Israelis; quoniam evacuarunt eos evacuantes, et palmites eorum corruperunt.* Haec verba, gravi interpretum labore insignia, tantis impedita difficultatibus videbantur, ut ex. gr. KREENENIUS de salute versus omnino desperaret. „Quocunque modo,“ inquit, exponatur, nexus cum praecedentibus et sequentibus nullus plane est, ac nemo, quod sciam, fuit interpretum, qui eum probabiliter expediret;“ evellere igitur dumeta constituit, praeeunte SCHROEDERO, et genuinum versus locum post I, 13 esse contendit; nam inter defensionem Nini et oppugnationem eiusmodi sententiam plane intolerabilem esse. Nobis explicare nodum, quam ense expedire satius videtur; ac, modo verborum potestates usu confirmatas sequamur, et sententiam et ordinem non aptum solum, verum egregium esse cognoscemus.

Caput quaestionis positum est in verbo שָׁב; cuius notionem primitivam esse recedendi, notum est. At omnes ad nostram usque memoriam interpretes esse quaedam dicendi genera asseverant, quibus non intransitiva, sed transitiva potestas rata sit, idque maxime in celeberrima formula illa: שָׁב שְׁבוּרָה „convertere captivitatem.“ Sensit quidem MIDDELDORFFIUS, si ita esset, flagitari formam Hiphil; nihilominus in errore tradito perseveravit. Hunc autem sensum, aequè ac cognatum illum restituendi, reducendi et, temere illatum verbo esse, luculenter demonstravit HENGSTB. Beitr. II. p. 104 ss., praesertim e ratione illius loci Deut. XXX, 3, qui reliquorum quasi fundamentum est. Cui novissime obiecit SCHLOTTMANNUS comm. in Iob. ad XLII, 10: 1) אָח non posse directionem loci vel rei indicare; conferatur autem 2 Sam. XV, 23: עָבְרִים עַל־פְּנֵי דֶרֶךְ אֶחָד־הַמִּדְבָּר; 2) impeditam esse eiusmodi dicendi rationem, qua directio notetur in cogitationem abstractivam; at quidni expeditum videatur, ubi non meram cogitationem, sed statum captivitatis intelligere debemus? — Quo in genere cum errarent interpretes, quo longius ab idoneo verbi sensu recederent, eo magis intricatam versus explicationem implicaverunt; diversae verbi notationes apud POLUM reperiuntur collectae. Vertimus ergo: *Nam revertitur Dominus ad decus Iacobi et.* Iam vero quaerendum est, quid sit נָאֵן יַעֲקֹב a. v. נָאֵר, sese efferre, magnificum esse, significat decus, superbiam, non secus ac תְּמָרָה

Ies. IV, 2 ss., aut superbiam ipsam, aut id, quo quis gloriatur. 1) Superbiam igitur et fastum a) subiectivo sensu accepit CALVINUS: „maturum esse tempus exitio urbis Ninive, quia iam satis superque subacti sunt et humiliati Iudaei;“ sim. HIERON., MARCK., KALINSKY; interponunt ergo syllogismum, atque adeo nervosum ordinem sententiarum offendunt; deinde negligunt alterum versus membrum, quod non praepositione כִּי, sed copula וְ deberet annecti; postremo haec explicatio aequae est futilis quam omnes, quae a transitiva potestate verbi שָׁרַב suspenduntur. Quare non minus improbamus eorum interpretationem, qui b) obiectivum superbiae sensum praetulerunt: eam superbiam, quam Iudaei ab Assyriis experti sint, THEODOR., CYRILL., GROTIUS, KREEN. 2) Transeundum est igitur ad alteram v. נִתָּן notionem: id, quo quis gloriatur; eaque exemplis amplissimis commendatur. Amos. VI, 8 וְנִתָּן significat omnem magnificentiam, qua sacra Dei gens ornata est; quae quoniam a Deo data est, ipsi Deo hoc nomen tribuitur ibid. VIII, 7; primus autem locus inter Israelis privilegia sacrae terrae est; quare vel ea appellatur decus Iacobi Ps. XLVII, 5. Nihil est vero, quod ad specialem hanc significationem sententia verbi restringatur; imo TARNOVITZ, LUTHERUS¹⁾; SCHMIEDERUM secuti omnes intelligimus virtutes, quae ex electione divina in sacram gentem redundabant, et quibus sacerdotalis eius regiaque dignitas cernebatur cfr. Exod. XIX, 6. Deus autem, si ad aliquem revertitur, cum gratia sua atque potentia revertitur; ergo sensus enuntiati hic fere est: Dominus gentem suam, quae aliquamdiu ab eo destituta videbatur, cum hostibus esset subdita, propediem ita vindicabit, ut manifesto appareat, eam esse electam a deo prae omnibus gentibus et ad sacrum eius peculium destinatam²⁾.

1) LUTHERUS in versione quidem exhibet: „er vergilt die Hoffahrt Jacobs;“ sed in commentario asseverat: „Iam autem venit tempus, quo gloria regni Iacob et Iuda redibit, non amplius affligetur Iuda, sed gloriosius erit; atque ita superbia significat hic gloriam, pompam, splendorem, et magnitudinem regni seu decorem, id quod patet etiam ex Exod. XV, ubi eadem vox est in hebraeo, gloriose magnificatus est.

2) „Wie er hier gethan, so ist sein Thun immerfort; und nach jedem solchen Siege schenkt er uns unser Erbe auf's Neue, den Stolz Jakob's. So soll auch jeder neue geistliche Sieg dem Volke Gottes die Gewissheit seiner Erwählung und aller Verheissungen des Herrn wiedergeben.“ O. DE GERLACH. ad Ps. XLVII, 5.

Ceterum respecta a vate sunt Iesiae verba LII, 8: „iubilant, nam oculo in oculum vident Dominum revertentem ad Zion;“ id quod non negabimus, modo primum nostri capitis versum indidem repetitum esse recolamus.

Pergendum autem ad eam quaestionem est, quidnam utrumque sibi nomen velit, Iacob et Israel; possunt aut diversa, aut idem significare. 1) De utroque regno dici, Iudaico et Ephraimitico, interpretes longe plurimi statuerunt. Neque vero infitias eamus, utroque primaevi patris nomine, licet de universa gente proprie valeat, posse alteram tantummodo partem nuncupari; idque eo fit facilius, quod Iudaicum regnum ingenio et moribus et regiae familiae pietate ad universitatem populi referendam propius accessit, numero autem et extensione Ephraimiticum (cfr. Mich. I, 5); vix autem ullus inveniatur locus, ubi Iacob et Israel, nulla alia declarante nota, tale quid significare videantur. Longe enim alia ratio exemplorum est veluti Obadiae v. 17. 18, ubi domui Iacobi opponitur Iosephi domus. Ac licet ingeniose UMBRETIUS utrumque nomen nostro loco ideo positum esse asseveret, „um mit diesem getheilten, aber doch ursprünglich einen Doppelnamen auf die wiederherzustellende Einheit des getrennten Volkes hinzuweisen:“ tamen restituendae utriusque regni unitatis et salutis cogitatio, nota illa quidem et explorata prophetis (cfr. collecta aliquot exempla a CASPARIO comm. in Obadiah p. 127), a Nahumo longe abest, quippe qui per omnem libellum solum respiciat Iudam, nec Israellem ne praetereundo quidem tangat. 2) Praeferenda igitur nonnullorum interpretatio erit, qui idem notare Iacobum et Israellem censent, CYRILLI, LUTHERI, VATABLI, BURKII, DE DIEU, GREVII, SCHMIEDERI; cfr. Ps. LXXXVIII, 21; neque vero merus pleonasmus est; imo discrimen, quod intercedit, bene perspexit CYRILLUS: ἵστεόν δὲ, ὅτι τὸ μὲν Ἰακώβ ὄνομα ὑπὸ τῶν πατέρων ἐτέθη τῷ Ἰακώβ, τὸ δὲ Ἰσραὴλ ὑπὸ τοῦ Θεοῦ, ἀμφοτέρων δὲ τῶν ὀνομάτων μετέλεχεν ὁ ἐξ Ἰακώβ λαός; BURKIUS: „Magnificentia Israelis, nomine divinitus dato, maior est quam magnificentia Iacobi, ordinaria et quasi naturalis.“ Haec igitur verborum sententia est: Dominus revertitur ad decus Iacobi, sed ita revertitur, ut appareat Iacobum esse Israellem, quocum foedus fecit sanctissimum, cui summa quaeque promisit, quem, licet castigaverit peccatorum caussa, tamen omnipotenti manu ulciscitur. Eadem fere particulae 3 po-

testas est 1 Sam. XXV, 36: „et ecce! erat ei convivium in domo sua כַּמְשָׁחָה הַמֶּלֶךְ, quale institui a regibus solet.“

Quid vero est, quod vindicabit Dominus decus Israelis, quod exercitibus praeclare instructis Assyriorum franget potentiam? — nam *evacuerunt eos*, Israelitas nimirum, *evacuantes, et palmites eorum corruerunt*. בָּקַק, cfr. v. 11, non est crepare, lacerare, uti cavillat SCHROEDERUS, nec conterere, stringere, ut temere eontendit GREVIUS, sed evacuare; cfr. בָּקַק lagena, et בִּבְיָהֶן sonus lagenae evacuatae; dicitur de terraincolis exuta Ies. XXIV, 1, de incolis spoliatis ibid. v. 3, de vita extincta Ies. XIX, 3. Ierem. XIX, 7; indigitat igitur Iudaeos ab Assyriis spoliatos; perperam enim ad Assyrios refertur suffixum a KREENENIO et HESSELBERGIO, quibus futuro sensu praedicitur Assyriorum destructio. — Palmites per similitudinem appellantur Israelitae. Transfertur enim haud raro vineae imago ad sacram gentem, pretiosissimam Domini possessionem, primum in Cantico VIII, 11 ss. coll. II, 15. VII, 13. I, 6. (cfr. HENGSTB. a. hh. II.), deinde Ies. V et Ps. LXXX, 11 ss.; quare vites et palmites singulos fere cives significant. Apud hunc sensum satis usitatum cum maxima interpretum parte remanendum existimamus; licet proprie etiam intelligi palmites possent, cfr. Ios. I, 7. Ierem. XII, 10. 1 Reg. V, 5. Mich. IV, 4, siquidem נֶאֱרָן mere esset terra Iacobi sicut Ps. XLVII, 5; attamen, quoniam praestantiam Israelis omnino accepimus, metaphoricam illam palmitum interpretationem retinemus.

Ad iniuriam igitur Israeli ab Assyriis illatam referendum est, quod Dominus revertitur ad gentem suam, v. 3b; sicuti in gratioso eius reditu latet caussa, cur vindictam de hostibus sumit. cf. Sach. I, 15: „magnopere equidem iratus sum de gentibus, (nunc quidem) quietis illis; cum paullulum iratus fuerim (de gente mea) illi autem iuverint ad malum.“ Ies. XXXIII, 1: „Vae tibi vastator, et qui non vastatus es, et praevaricator, et in quem perfide non egerunt; ubi absolveris vastationem, ipse devastaberis, ubi ad finem perfidiae perveneris, perfide agent erga te!“

b. v. 4. 5.

v. 4.

Clypeus heroum eius rubefactus, viri fortitudinis coccinei, in igne chalybum currus, qua die disponit, et cupressi vibrantur. Clypei

primum nominantur, quibus praetentis irruunt milites; כַּנֵּן est clypens, minori et rotunda forma, צָנָה, scutum quadrangulum fere, et quo totum tegitur corpus¹, cfr. WINERI Reallex. a. v. Schild. Suffixum v. נִבְרִירָה ad eum referendum est, cui in antecedentibus princeps locus est, i. e. ad Dominum v. 3, a (MICH., BURK., HITZ., HOELEM., SCHMIEDER.) id quod praeclarior est, quam si referatur ad כַּנֵּן v. 2 a, longius insuper remotum illud (KALINSKY, MAUR.); cfr. Ies. XIII, 3: „Ego imperavi sacratibus meis, etiam advocavi heroes ad iram meam, laetos superbiae meae!“ cfr. v. 4. SCHMIDIUS de Assyriis cogitat, atque adeo ironicam quandam indolem toti versui obtrudit. כַּנֵּן (LXX ἐξ ἀνδράπων!) a. v. אֶרֶם, rubrum esse Thren. IV, 7. Exod. XXV, 5. XXXV, 7. Ies. I, 18 all. Varias autem in partes abierunt, qui quaesiverunt, quomodo et quamobrem clypei fuerint rubefacti? 1) „Fulgido aere ignitos“ fuisse existimarunt BOCHART. Hieroz., SCHROEDERUS², MAUR., UMBR. Intercedit quidem intima quaedam necessitudo inter rubedinem et falgorem³; nec non in Assyriorum tabulis ea, quae fulgida aera referre debent, rubro sunt

1) Eadem genera in sculptis Assyriorum tabulis distincta reperiuntur, cfr. LAYARD. Niniveh ed. germ. p. 365. 385. BONOMI l. l. p. 320. 177. 183. GOSSE Assyria p. 274 ss; fabricata aut e metallis apparent, aut viminibus contexta. Clypei interdum quadranguli erant, aut parva, aut scuta magnitudine aequabant; quibus armigeri tela incidentia a sagittariis propulabant; suo enim armigero quisque adiuuatur sagittarius, cfr. Ies. XXXVII, 33. Clypeos et scuta aurea a Salomone in palatio suspensa legimus 1 Reg. X, 16. 17 et a Sisako rege direpta ibid. XIV, 25 ss.; id quod probe illustratur iis, quae apud GOSSE l. l. p. 279 legimus: „In Khorsabad there is a sculptured scene which affords an interesting illustration of a custom more than once mentioned in Scripture. It appears to be the plundering by an Assyrian army, of a temple in Mekhatseri, a city of Armenia, perhaps the same as the modern Van. (cfr. RAWLINSON the Cun. Inscr. p. 66 not.). The temple is hexastyle, with a wide but low conical roof resembling a Grecian pediment; and the walls between the pillars and the columns themselves are hung with round shields, some of which are shown in front and some laterally. Assyrian soldiers are seen running over the roof, carrying off a shield in each hand, and others are climbing up. The contour of these bucklers is strongly conical, and the umbo is formed by a gaping lions head, large and prominent. From the eagerness with which these shields were snatched away we may suppose that they were made of gold, etc.“ cfr. BORRÀ l. l. pl. 141; BONOMI p. 162.

2) Qui uberius de hoc versu exposuit De vestitu mull. p. 71 ss.

3) Cfr. BÖTTICHERI initia chromatologiae arabicae 1850. p. 12.

illita colore, hodieque conspicuo¹; at vero, si fulgorem significare voluisset vates, cur non aliis vocibus usus esset? 2) GROT., ABARB. de clypeis occisorum sanguine tinctis cogitarunt sec. Deut. XXXII, 42. Ies. LXIII, 2; quibus obstat, quod eiusmodi aspectum non praebent clypei commissis iam manibus, sed ante pugnam, ביום הכינור. 3) Restat ut aut cupro factos clypeos intelligamus (HITZ.) coll. IOSEPHI Arch. XIII, 12, 5, aut rubro colore tinctos (TARN., DRUS, CALV., BURK., HOELEM.), vel ut terrentur hostes, vel, ne manante sanguine animum quis deiiceret. Utcunque est, vates non rei ipsius, sed symbolicae rationis causa, quae rubro colori inest, tale quid commemorare videtur. Sunt autem variae rubri coloris in ll. ss. significationes, quae a communi deinceps fundamento quodam repetendae sunt, nimirum a vigoris et vehementiae² cogitatione, cfr. Cant. V, 10; quae, sicuti in symbolico usu ignis³ fere fit, in bonam malamve accipitur partem; atque adeo aut magnificentia et maiestas intelligenda est, Cant. III, 10. VII, 6; Iud. VIII, 26; aut ira Ies. LXIII, 1-4; Sach. I, 8; tum vero id, quo ira divina accenditur, peccatum Num. XIX, 2; denique, quod sanguinem quoque significat, et in natura rei positum est, et e primaria illa significatione, facile elici potest, cfr. Apoc. VI, 4. XII, 3⁴. Nostro loco quatenus valeat, in consimili exemplo illustrando Sach. I, 8 probe perspexit THEODORETUS, cum diceret: τὸ δὲ τοῦ ἱπποῦ πυρρὸν τὴν κατὰ τῶν πολεμίων ἐθνῶν ἀγανάκτησιν δηλοῖ· ὕψαιμον γὰρ καὶ ὑπέρυθρον τὸ θυμοειδές. Ergo milites hoc colore praediti tanquam instrumenta irae divinae apparent. — Eodem tendit, quod sequitur: אנשי חיל מחלעים; viri fortitudinis non milites omnino sunt (IONATH., VATABL., GROT., KALINSKY, HOEL.), sed emphatico sensu dicuntur heroes, cfr. Iud. III, 29; 1 Sam. XXXI, 12. 2 Sam. XI, 16, veluti בני חיל 1 Sam. XVIII, 17 all.;

1) Cfr. BONONIUM l. l. p. 195.

2) Cfr. BORTICHERUM l. l. p. 11.

3) Cfr. HENGSTB. die Opfer der h. Schrift p. 31. Quanta utrumque contineatur necessitudine, vel eo comprobatur, quod in Assyriorum monumentis ignis rubro colore significatur. Cfr. GOSSE l. l. p. 117.

4) Eadem fere rationes apud plerosque populos constitutae reperiuntur; cfr. HENGSTB. Aeg. und die B. M. p. 187; BAHR. Symb. I, 330 ss. II, 234 ss.; KREUZER Symb. I, 126. III, 302; NORM. etym.-symb. WB. II, p. 14. 16.

מחלעים ἄπαξ λεγόμενον, a. v. חורע coccus vermis, cfr. Ion. IV, 17; coccineo autem colore vestes potius cogitandae sunt, quam arma (DRUS.); idque in moribus Medorum fuisse tradit POLLUX. I, 13: Σαράγης, Μήδων τι φόρημα, πόρφυρος, μέσολευκος χίτων, et auctore XENOPHONTE Persae a Medis acceperunt πορφύρεους χίτωνας.

Tertio loco additur באש פלדה הרכב. Ex hebraeis literis erui non potest, quid sit פלדה; cognatum est autem فلذ, secare, فلذ ferrum durissimum, chalybs, مغليد res chalybe confecta, nec non حديد ferri genus praestantissimi; in hoc ferramentorum chalybe bene temperatorum significato acquiesci posse recte vidit MAURERUS; nam Assyriorum currus, quales in monumentis conspiciuntur¹ horrent fulgentibus rebus, seu e ferro seu e chalybe factis, securibus, arcubus, sagittis, clypeisque et quibusvis instrumentis, equi coronis rubrisque cirris ornati, temones denique fulgentibus solibus lunisque apparent distincti; quo adde armatos milites, curribus instantes;² quibus rebus omnibus fieri non potuit, quin radiis insuper solis collustrati, cum ingenti celeritate volitantes flammarum conspectum referrent. 2) Apud hanc simplicem chalybis notionem aliis remanendum non videbatur. פלדה coniecerunt instrumentum ad secandum, v. c. falcem, currus igitur falcatos esse intelligendos, I. H. MICHAELIS, EW., HIRTZ., WINER. RW. II, p. 671; e quibus HIRTZIGIUS, licet פ non significare falces perspiciat, currus tamen existimat debere falcatos esse, cum integer versus ad eos describendos impendatur! At vero curruum etiam sine falcibus magna erat apud illas gentes gravitas, ob irresistibilem maxime impetum; deinde Assyriorum monumenta nusquam exhibent eiusmodi curruum genus, a quibus, si notum illo tempore fuisset, in suum quoque usum fore adhibitum verisimillimum est; quo accedit, quod secundum veterum

1) De curribus Assyriorum cfr. LAYARD. I. I. p. 368 ss.; BONOMI I. I. p. 223. 180. 201. 305. 380.; GOSSE I. I. p. 217 ss. Frequentissimus curruum usus quantopere ad distinguendas siderum figuras pertinuerit, docet GROTEFENDIUS, Anlage und Zerstörung der Gebäude zu Nimrud p. 29 ss.

2) Cfr. GOSSE I. I. p. 233. 238. Revocandi etiam in memoriam erunt Canaanitarum currus ferrei, similiter exornati, Ios. XVII, 16; Iud. I, 19. IV, 3. 13; cfr. KENIL. ad Ios. XI, 4; BERTHEAU ad Iud. I, 19. De Aegyptiorum curribus eodem fere modo instructis cfr. BONOMI I. I. p. 222; WILKINSON manners and customs of the ancient Egyptians I, p. 342. 348.

scriptorum testimonia¹ apud Medos, Syros, Arabes all. ante Cyri tempestatem ignotos fuisse constat. Neque vero in sacris literis prius quam 2 Maec. XIII, 2 ulla eorum facta commemoratio est. 3) Maxima interpretum pars transpositas verbi literas arguunt pro' לסיירי v. 5, CALV., DRUS., COCCEIUS, MARCK., GOUSSET. lex. p. 1289, all.; differunt autem eo, quod alii proprias intelligunt faces, vel noctis collustrandae causa accensas DRUS., vel pro vulgari veterum more, in medium locum inter utramque aciem interpositum faces, pugnae committendae signa, coniiciendi (SCHROED.) — cuius consuetudinis apud Semiticas gentes nullum ne vestigium quidem reperitur; b) reliqui translate dictas accipiunt, seu ob ingentem celeritatem, CALV., rotis scintillantibus GROT., in saxa impingentibus VATABL., KALINSKY; quae sententiae ad nostram fere redeunt explicandi rationem. Ab hac autem transpositione literarum, qua non egere supra vidimus, eo magis cavendum est, quo sequente ipso versu verbum suis literis exaratum legitur, neque intelligi omnino potest, quid esset, quod ad eundem exprimendum sensum vates et literas et genus immutasset. LXX toto coelo aberrant: ἄνδρας δυνατὰς ἐμπαιζοντας ἐν πυρὶ, αἱ ἡνία τῶν ἀρμάτων αὐτῶν ἐν ἡμέρᾳ ἐτοιμοσίας αὐτοῦ ct.; nec durius iudicavit SCHROEDERUS, cum diceret: „graeca versio hic tot mendis scatet, ut ne quidem adduci mereatur.“ — Additur, quando exercitus hostium eiusmodi conspectum praebeat: כיום הכינן, *ea die, qua instruit aciem*; הכין enim, nude positum, significat fere disponere aciem, Ierem. XLVI, 14; Ez. VII, 14, neque vero inchoare (HOELEM.); eum, qui disponat aciem, plerique existimant Medum esse sive Babylonium; verum ut supra a. v. נבגריהו melius cogitabimus de deo, voluntatis ministros in campum deducente. (MICH.) cfr. Ies. XIII, 3, verba supra citata, et v. 4: „Dominus exercituum lustrans exercitum belli.“ Qui suffixum accusativi esse opinantur, ea die, qua instruit eum, antecedentium verborum rationem negligunt.

Non minus vexata verba altero adduntur membro: והברוישׁ הרעלן *et cupressi vibrantur*. ברשׁ aliis est abies, GOUSSETIO,

1) Cfr. XENOPH. Cyrop. IV, 1, 27. 30; GOSSE p. 225; WILKINSON I, p. 350; DIONORUS quidem II, 5 a Nino rege 10600 carrus falcatos in aciem eductos refert; at quanta in eiusmodi rebus fides ei habenda sit, infra saepius videbimus.

COCCEIO, SCHROED., MARCKIO, aliis cupressus, IUSTIO all. idque secundum locos a GESENIIO thes. a. v. collectos videtur satius esse, Ies. LV, 13; Hos. XIV, 9 all. Propius autem sensus vix retinendus erit; nam, quod placuit nonnullis: „sicuti abietes contremiscunt,“ vel: „arbores intra pomœria urbis plantatae sive aedes ex tigno abiegno constructae,“ probari nemini poterit. Metaphorice igitur non magnates (ION., KIMCHI, ABARB., VATABL.) vel viros hastatos (BUXTORF.) intelligemus, sed hastas e cupresso fabricatas, impugnantium manibus quassatas (GROT.), ita ut silvam fere abietum vento agitatam aequent (CAPELLUS, KALINSKY, HITZ.) LXX, ב confuso cum נ, Syro sequente, habent οἱ ἰν-πῆς θορυβηθήσονται. MARCKIUS, qui hoc quoque in genere diversos vv. dd. affert opiniones et commenta, quae enumerare longum est, ipse non videt, cur de ipsis curribus quoad partem eorum ligneam quassatis et eum tremore motis non cogitetur — at facile intelligitur, curruum citato cursu agitatorum lignum non conspici tremens, sed multo magis hastas ab armatis quassatas. רעל verbi specie unice hic legitur; notio tremendi et vacillandi cum ex aliis formis eluceat (רעלר titubatio Ps. LX, 5; Ies. LI, 17. 22 et רעל Sach. XII, 2; Ies. III, 19) tum a SCHROEDERO l. l. demonstrata est, refutatis opinionibus GOUSSETII lex. p. 1522, qui „rubrum esse“ statuit: „possunt rubri fieri sanguine, quo inebriati prae-copia videantur, atque adeo viros ebrietate rubentes referre,“ et Rabbīnorum, qui tegendi, operiendi significatum tradunt. GOUSSETIO alii assentiunt, qui de hastis, Scythorum more tinctis cavillant, CASTAL., GROT., DRUS., id quod repugnat ordini sententiarum: narrantur enim ea quae conspiciuntur curribus appropinquantibus, nec quae facta dudum antea sunt. — Si quaeritur, sintne manibus militum vibratae lanceae (MAUR.), an tremulo curruum motu quassatae (HOELEM.), utraque sententia cum altera coniungenda videtur. — GREVIO in textu a Masorethis tradito permanere durum est; legit igitur הרעלי, tarmatim eant, רעלר enim dicit esse turmam viginti vel triginta militum — quo vix languere quidquam miserius potest.

v. 5.

In vicis insaniunt currus, cursitant in plateis: aspectus earum instar facum; velut fulgura ruunt. Continnuatur exercitus hostilis descriptio; v. 4 appropinquant e longinquo, v. 5 propius aggredi-

untur, quid? quod suburbia iam ceperunt. חרצור vici, plateae sunt, neque vero campi (HITZ., MAUR.), quae potestas unice valet Prov. VIII, 26; coniunctae haud raro leguntur cum רחורכו, plateis, ut nostro loco ita Ps. CXLIV, 13. 14; Am. I, 16; Prov. I, 20; qui hanc quoque vocem locum aequalem et spatiosum notare contendunt (GREVIUS, HITZ.), omni argumento satis firmo destituuntur; propensius ad veritatem HOELEM. „in viis extrinsecus circaque ad urbem ducentibus“, secutus LXX ἐν ταῖς ἐξόδοις (Cod. Vatic. ὁδοῖς). Suburbii enim plateas intelligendas infra videbimus. ירחללן הרכב, cfr. Ierem. XLVI, 9; Poel (cfr. Ps. CII, 9; Coh. II, 2) et Hithpolel eo recedunt a reliquis formis verbi רלל, quod a splendendi et superbiendi notione abeunt in affinem illam stultitiae atque insaniae. Insanire autem dicuntur currus, singulari colectivo comprehensi, ob ingentem celeritatem, qua huc illuc avolant; „supra humanum fere morem, erit quaedam insania divinitus immissa“ CALVINUS. Simplicem hanc atque idoneam insaniendi significationem, exemplorum insuper evidentia abunde comprobata (cfr. Ierem. XXV, 16, XLVI, 9, L, 38, LI, 7), reliquerunt LXX συγχυθήσονται, HIERON. conturbati sunt, ob venientium multitudinem ut nequeant discerni, temerius etiam SCHROED., SCHULTENS., SCHEID. lex. secundum arab. طال excuti, dissipari, ruere. Insania autem ornatus refertur ad curruum motum ipsum, quam ad actores (DRUS.). — Amplius idem pingitur vv. ירחקשקון ברחורכו, cursitant in plateis. שקק Joel II, 9 audit cursitare, nec reliquus verbi usus aliam innuit potestatem; non est igitur, quod sequamur LXX συμπλαθήσονται, HIERON. collisi sunt, CALSK., Ew. rennen sich um, vel etiam CALVINUS: „percutient coxam ad coxam prae nimia festinatione.“

In altero membro fluctuant interpretes, quonam referendum sit suff. fem. מראידן; nullo negotio nodus expeditur a GREVIO, qui confestim scribit מראידם; alii, qui cum ratione potius et deliberatione agunt, 1) ad currus referunt, GESEN. thes.; at רכב ubique masc. generis est, fem. cum totius versus ratione pugnat; 2) MAUR. neutrali sensu pro iis rebus accipit, quae in curribus fulgent, atque adeo meram admittit repetitionem vv. באש פ' ה' v. 4; 3) satius est, cum HOELEMANN proximum illud respicere רחורכו: plateae continuis quasi facibus fulgere videntur. Absona est MICHAELIS sententia de oculis militum ardentibus cogitantis, aequae ac VATABLI de pudore, quo rubescunt Assyriorum vultus.

לפידים *faces sunt* Iud. VII, 16. 20; Sach. XII, 16, neque vero *flammae* (GESEN.). — Postremo *fulgurum instar ruunt*; ברקים cfr. III, 2 חניה ברק de fulgore dictum, hic autem celeritatis valet similitudo. יררצו Pilel a. v. ירר curtere, ergo cursitare, ruere, neque vero Poël a. v. רצו Iud. X, 8, confringere, vexare, uti voluere IUN., TREMELL., PISCATOR., quae fulgurum comparatio constare non potest.

Consentaneum maxime est, hunc versum non secus ac praecedentem referre ad Medorum et Babyloniorum exercitus; de iisdem dicitur curribus et eodem splendore apparatus; omnis etiam enuntiationis natura nescio quid habeat victoriae et certitudinis, cum Assyriorum de improvviso oppressorum defensio ac desperatio longe aliter describatur. De Assyriorum trepidatione primus cogitavit THEODORETUS, cum diceret: ἀπὸ γὰρ τοῦ θορύβου τῶν ἐπιόντων πολεμίων ἄχρηστα πάντα γενήσεται, ἀλλήλοις ἐν τοῖς ὁδοῖς συμπλεκόμενα καὶ ὑπὸ ἀλλήλων συμπατούμενα. sequentia autem ad praeteritum tempus refert: καὶ μὴν φησι γενναῖον εἶχεται πάλαι φρόνημα, καὶ τὸ θυμοειδὲς διὰ τῶν ὀφθαλμῶν ἐδηλοῦνται, καὶ οἷόν τισι λαμπάσι καὶ ἀστραπαῖς ἐξεδειματοῦνται τοὺς ὑπηκόους, ἀλλ' ἐν τῇ τῶν πολεμίων προσβολῇ δειλία ὑμᾶς ἀντὶ τῆς ἀνδρείας καθέξει. Sequuntur primam huius sententiae partem VATABL., KALINSKY., EW., UMBR., ideo quod parum probabile sit, eadem repetita esse quae habeat v. 4 (KAL.) — at nec repetita esse et aliud rerum locum cogitandum monuimus; deinde vix dixerim „die ganze Schilderung gewinnt an dramatischer Lebendigkeit“, si valeat enuntiatum de Assyriis; imo quanto et vividius et praeclarius hostium exercitui descripto v. 6 ss. misera Assyriorum opponitur defensio? Iam vero, si de Medis aequae dicuntur ac v. 4, et loci quaedam et temporis cogitanda differentia erit: חרצו non poterunt nisi suburbiorum plateae esse (IUSTI), sive pars urbis latius extensa, distinguenda ab arce et regia vallis murisque fortius circumdata; deinde locos etiam differre necesse est; nam v. 4 accedentes e longinquo pinguntur hostes, v. 5 externis iam urbis partibus captis ad muros usque progressi apparent. Continuaturs deinde opugnatio v. 6 δ et 7 α.

B. v. 6–11.

Altera capitis particula expugnationem urbis v. 6–8, et directionem praeformatam tradit, v. 9–11. Assyrii subito oppressi etiamsi parent defensionem v. 6, firmissima tamen loca capiuntur v. 7; constitutum est enim ut regnum cum summa ignominia evertatur, incolae in servitatem abducantur: v. 8. — Sic deficit ingens civium multitudo, qua a primis inde temporibus excellebat. Ninus, aliis etiam effugientibus, v. 9; diripiuntur thesauri omnes et divitiae v. 10, neque quidquam miseris illis relinquitur nisi animus formidine pallida dissolutus v. 11.

α. v. 6–8.

v. 6.

Recordatur procerum suorum — titubant in itineribus suis; properant ad murum eius — et constituta est testudo. Quisnam memnerit, dubium vix esse potest, cum singularis numerus opponatur plurali vv. 4. 5, rex Assyriorum nimirum, cfr. III, 18, (sive בלתי v. 1) ubi cum iisdem ארירי nominatur. Propius est loco, sed longius ab idoneo rerum ordine abest Dei cogitatio, MICH., cui tamen 'אר non sunt hostes, voluntatis divinae ministri, sed iidem Assyrii: „atque ita in eos animadvertet, ut corruant“; eorum sententiam, qui ducem exercitus hostilis intelligunt, stare omnino nequire videbimus. Recordatur autem procerum, ארירי, LXX μεγαστῶνες, „Opibus et consilio et fortitudine excellentium“ (MARCKIUS); cf. Iud. V, 13; Neh. III, 5; Ps. LXXXVI, 18 et.; III, 18 eadem notio est quam רעים, sunt igitur duces et magnates. Neque vero MAURERUM sequamur, qui duces cum suis copiis in provinciis constitutos intelligit; nam, quae narrantur, intra muros fieri necesse est. Iam vero quod regi veniat in memoriam procerum suorum, quos Ies. X, 8 omnes regia dignitate praeditos iactavit Rabsakes, bifariam accipiunt vv. dd.: 1) consentanea maxime haec interpretatio est: reminiscitur, egregium in iis praesidium esse positum, atque adeo nihil sibi timendum (UMBR., EW., all.), fallitur tamen magnopere, corruunt enim et.; 2) contra, MICH., KREENEN., all.: recordatur cum dolore fortium suorum, qui cum hostibus pugnantes occubuerunt; quae versio praeteritum

exigit omisso relativo. Evitavit hoc vitium quodammodo KALINSKIUS: „cum exiguus heroum numerus ex Assyriorum exercitu supersit, rex eos, qui supersunt, in urbem recipere constituit, at isti titubant et.“; incidit tamen in aliud: non enim de אבירים sed de ארירים dicitur. LXX male *μνησθήσονται οἱ μεγιστᾶνες αὐτοῦ*. — At spes et fiducia regis egregie fallitur: *impingunt in itineribus suis*. הליכיה plurali semper numero exaratum, ex infinitivo v. הלך formatum notat incessum, indeque vel agmen sive pompam Ps. LXVIII, 25; Hab. III, 6; Iob. VI, 17, tropice Prov. XXXI, 27; vel, uti nostro loco, ipsum incedendi actum. Nihil erat autem, quod Masorethae singularem exigerent formam בהליכה, nec quod HIRTZIGIUS femininam speciem pro masculina positam affirmaret, semel illam repertam Iob. XXIX, 6. Offendere pedibus cadendi sicuti initium, ita praesagium est; quare ubicunque legitur v. כשל, semper fere sequitur vel כמל Ies. XXXI, 3; Ier. L, 32; Ps. XXVII, 2 all., vel אכר Ps. IX, 4.

Properant ad murum eius, ימרו חומתו, suffixum femin. a nonnullis omissum ad Ninum referendum est; fluctuant autem, utrum de Assyriis haec dicantur an de impetu ab hostibus facto (MAUR., HOELEM.). Graecae versionis auctor audiendo nimirum confudit חומתו cum ירם: *καὶ φεύξονται ἡμέρας καὶ ἀσθενήσουσιν ἐν τῇ πορείᾳ*. Respiciunt autem verba Assyrios; nam de Medis dicta, quorum impetus magnifice descriptus erat v. 4. 5, haec certe vox languere videtur; ac, si de oppugnatis valet, egregie opponitur enuntiatio acerbis illis compellationibus v. 2, et praeclare sequitur, quidnam e muro conspiciant: והכן הסכך *et constituta est testudo*: ימרו personaliter dictum est, impersonaliter והכן; illa imperfecti, haec praeteriti species est. סכך, cfr. שך, כסך, סרן, non est nisi tegere Exod. XL, 3; 1 Reg. VIII, 7 all.; GESEN. thes. a. v. primariam notionem affert texendi, sec. Ps. CXXXIX, 13, ubi longe aptior est tegendi potestas, cf. HENGSTENB. a. h. l., et Iob. X, 11 ubi Piel v. שך habetur, de quo cfr. SCHLOTTMANNUM a. h. l. Nomen e participio derivatum illud unice hoc loco legitur; significare potest id, quod aut oppugnatos aut oppugnantes tegat. 1) Quibus illud placuit, differunt rursus eo, quod milites alii, alii machinas intelligunt. a) LXX enim exhibent *προφύλακας*, sequentibus Ew., HIRTZ., coll. ארר praesidium militare Ierem. LI, 12; at ארר significat militum turbam in insidiis latentem Iudd. XX, 33. 37; ac si de Assyriis valeret, imperfectum

potius scribi debuisse vidimus. Ideo ne b) alteram quidem probamus CALVINI, CAPELLI, KALINSKII sententiam, qui machinam aliquam ab oppugnatis ad tela hostium defendenda exstructam coniciunt, id quod cogitari insuper probe non potest. Satius ergo erit 2) plurimorum interpretum sequi sententiam, qui de oppugnantium machinis cogitandum docent, de testudine vel vinea. Ac a) vinearum quidem pondus atque gravitas haud sufficere videtur; nec ab illis gentibus usitatas scimus; b) verum testudines in expugnandis oppidis primum atque secundum apud Assyrios locum tenere. Testudinum autem non illud genus dicimus, quod scutis supra capita sublati atque ita inter se continuatis formatur¹, sed machinam ligneam, rotis subiectis, in qua suspenditur aries². Videmus enim in sculptis Assyriorum tabulis ingentes turres quattuor vel sex rotis impositas, sub quibus aries eiecturus latet (רר, perfossor, Ezech. IV, 3)³; sagittarii in tabulatis superioribus dispositi tam e summa turri quam e fenestris emittunt tela, ita ut et aries et milites tegantur, id quod egregie quadrat in appellationem ררר. Agebatur autem plerumque ad inferiorem muri partem, aggere obliquo exstructo⁴; parietes ligno vel coriis viminibusque tecti videntur⁵. „Hence the mode of their action was not that of shaking the wall and causing it to fall by repeated heavy shocks (id quod ingentes, qui feruntur, Nini muros cadere non posset), but rather that of penetrating the courses of bricks, of which they were probably composed, and thus picking, if we may be allowed the phrase, great holes in them, until at length the battlements would fall for want of support beneath.“⁶ Quae machinae quam perniciosae fuerint oppugnatis, dilucide ex opera apparet frustra ab iis impensa, catenis tollendi arietem aut igne totam turrem delendi.⁷— Cogitari quidem secundum verbi notionem facilius de aliis tegu-

1) Cfr. AMMIANUS l. XXVI, 8; LIVIUS l. XXXIV, 39.

2) Cfr. LAYARD. l. l. II, c. 5, pag. 376 ss., fig. 57. 58; BONONI l. l. p. 160. 161. 186. 234. 243; GOSSE l. l. p. 299 ss.

3) Cfr. HAEVERNICK. a. h. l.

4) Cfr. BONONI l. l. p. 276 all.

5) Cfr. VITRUVIUS de architectura l. X, 19. 20. 21.

6) GOSSE l. l. p. 299.

7) Cfr. BONONI p. 234; GOSSE p. 311.

mentis posset, scutis nimirum maioribus illis ¹ solo infigendis, quibus tela ingruentia defendunt sagittarii; at ab iis non tanto pere timendum erat oppugnatis; omnis autem sententiarum ordo atque progressus machinam aliquam arguit, quae summum illis terrorem iniiceret; deinde portarum patefactio confestim addita v. 7 testudinem arietariam exigere videtur. Quo in genere ex Assyriorum apparatu bellico non temere concludendo aliquid elicuisse videmur de Medis et Babyloniis; considerandum est enim, diuturno imperii vinculo et morum communione eos cum Assyriis fuisse contentos; tum vero Babylonios admotis turribus oppida oppugnasse scimus cfr. Ies. XXIII, 13.

Iam vero cavendum videtur, ne sententia nostra funditus evertatur. Nam quod KALINSKIUM prohibuit, quominus de testudinibus cogitaret, DIODORI dico verba II, 27, eiusmodi machinas sub Arbace nondum fuisse inventas, idem HOFER ², cum oculis suis in antiquissimis etiam Assyriorum monumentis varias eiusmodi species conspiceret, egregium singularis sententiae suae videtur documentum, ex qua monumenta nuper reperta non Assyriorum sed Persarum esse opinatur. Verum cum tot aliis ex rebus Assyriis illa adscribenda esse constet et tempus eorum satis videatur constare, petitionem principii, quam aiunt, non committemus, si eorum auctoritate DIODORI ³ verba refutari et HOFERI simul arbitraria commenta explodi contendamus.

Quae cum ita sint, versum huncce, perperam totum relatum ad Assyrios ab HIERONYMO, THEODORETO, CYRILLO, MARCKIO, TREM., IUN., EW., UMBR., HITZ., ita optime disponemus, ut tres priores particulas ad illos quidem, quartam autem ad coniunctas Medorum et Babyloniolorum copias dicamus pertinere.

v. 7.

Portae fluviolorum aperiuntur, et palatium diffuit. In enucleanda vexatissimi huius enunciati sententia religiosius sequendum nobis

1) Cfr. LAYARD. fig. 58; BONOMI p. 276. 278. 320. cfr. supra p. 57 not.

2) HOFER Phénizie, Chaldée, Assyrie ct. p. 319.

3) In eiusmodi rebus quam caute veterum scriptorum testimonia audienda sint, docent HERODOTI errores de arte crispos cupro variandi, de capitulis ct. cfr. GOSSE Assyria p. 295. 302. 303. 305.

erit vetus illud artis hermeneuticae praeceptum, quod proprium sensum ac literalem arcte tenendum docet neque relinquendum esse, nisi necessitate urgente. Gravius enim quam alias dissentiunt interpretes, prima potissimum verba utrum proprio sensu accipienda an translato videantur; nam de altero membro dubitari diu non posse, postea apparebit. Atque omnes quidem, quae inveniuntur, interpretandi rationes tres in partes describimus; quarum pars prima est eorum, qui utramque vocem, portas et fluvios, proprie intelligunt; secunda est autem, quae alteram tantummodo proprio sensu dictam, alteram per imaginem docet; tertio loco eos nominamus, qui per omnem enuntiationem translatum valere sensum asseverant.

I. Ac primum quidem, si proprie accipiuntur verba שַׁעֲרֵי הַנְּהַרְרֹה, possunt 1) portae esse, per quas meant fluvii, seu quibus continentur, i. e. emissaria quae nimias aquas ab urbe arcent, uti placuit BURKIO, VATABLO, KREENENIO, HITZIGIO (edit. I.) „Die Wasserthore sind Schleussen'sind die vom Tigris ausgehenden concentrischen Canäle, durch welche nicht die ganze Stadt, wohl aber, wie unsere Stelle zeigt, der Palast unter Wasser gesetzt werden konnte Der Königspalast lag wahrscheinlich am Tigris selber als Wasserstadt, eine Festung für sich bildend, auf welche der Feind sein hauptsächlichstes Augenmerk richtete.“ Quae sententia eo a reliquis distinguitur omnibus, quod portas ad suam defensionem augendam ab ipsis Assyriis apertas esse docet. Verum si ad obsessos vox pertineret, secundum analogiam v. 6^{ti} 3 p. plur. legeretur, neque vero sing., uti supra vidimus; deinde probe monuit TUCHIUS l. l. p. 66, quae sequantur vv. 8, 9, ea factum aliquid ab hostibus arguere, quo de sorte urbis decidatur. Accedit, quod alterum versus membrum proprio sensu dictum esse omnino nequit ob altitudinem palatiorum, uti infra ostendetur. Ipse autem HITZIGIUS alio quodam potissimum argumento a TUCHIO exprobrato commotus est, ut hanc relinqueret sententiam, cui assentire noluerim: „solum inde a Tigride tam alte exsurgit, ut canales ex amne ductos omnino non patiat. Altissimae enim Tigridis aquae non attingunt Nini aream (vid. RICH. Narrative II, p. 35), quam insuper in orientem et boream versus multo editiorem fieri supra vidimus.“ Verum, quidni ex amne Khosar potuerunt derivari, qui ab orientali latere ad occidentalem media perfluit urbis Nini munimenta,

Mossuli opposita, et secundum omnia indicia semper perfluxisse putandus est?¹ eorumque satis luculenta hodieque vestigia fossae illae referunt inter triplicia munimenta a Khosar amne meridiem versus deductae, quas ipse describit TUCHIUS p. 754, et quarum structura universa fossarum naturam aperte prodit?² — 2) Possent autem ה' ש' ה' dici etiam „a situ ad fluvios“ sicuti reddidit LUTHERUS: „Die Thore an den Wassern werden geöffnet;“ atque in hanc sententiam, consentaneam maxime, plurimi vv. dd. abierunt. נהרררר autem non est quod per excellentiam Tigridem solum significant, uti BOCHARTUS Phaleg. p. 276, TARN. coll. Herod. V, 25, quemadmodum apud Halyn, pontem munitissimis portis in utraque ripa constitutis fuisse defensum opinantur.³ Fluvios simpliciter Tigridem cum amnibus eum exaugentibus et canalibus esse existimamus. Cfr. III, 8 ה'שכר ב'אררר Ps. CXXXVII, 2 נהרררר Euphrates cum aliis fluviis Babylonios campos permeantibus. Sunt ergo ה' ש' ה' „portae tam arte quam natura munitissimae“, TUCHIUS l. l. p. 67. Eiusmodi portas non defuisse Nino, consentaneum maxime est; ac revera ex. gr. duo illa loca, quibus Khosar intrat vallum Nini et egreditur, satis fuere munita et portarum hodieque ostendunt vestigia⁴; semicirculus autem campus ille, qui nunc interiectus est inter Tigridem et vallum urbis⁵, eiusmodi est, ut dubitari vix possit, quin a flumine ipsos olim muros alluente paulatim allatus sit⁶. Neque vero illud concedimus TUCHIO, vatem de occidentali porta praeter ceteras cogitasse; certam enim portam quandam vatis animo fuisse observatam, omnino negamus; imo fluvios non commemorari nisi ob portarum firmitatem contendimus, uti probe videt LUTHERUS: „portae fluviorum, qui alioqui firmæ sunt, ad

1) Cfr. RITTER Erdkunde XI, p. 232.

2) Cfr. RICH. l. l. II, p. 34.

3) Vix digna est quae afferatur sententia ATH. KIRCHERI de turri Babel. II, 2, 47 et HOFERI l. l. p. 245, qui Euphratem et Tigridem intelligunt, insuper cum HOFERUS hallucinari non erubescat, quia sec. h. l. Ninus inter utrumque fluvium sita fuerit, monumenta trans Tigridem reperta non posse Assyriaca esse! Euphrates et Tigris semper sunt נהרררר, neque vero נהרררר.

4) Cfr. TUCH. l. l. p. 50. 66. RITTER. Erdk. XI, p. 232.

5) Cfr. mappam topographicam TUCHI opusculo additam; WEISSENBORN. l. l. tab. I, fig. 3.

6) Cfr. RITTER. l. l. XI, p. 224.

quas non facilis est aditus, iam facile occupabuntur, apertae sunt et. Ewaldus: „Die durch Ströme und Wasserleitungen vom Tigris her so wohl verwahrte Stadt;“ cfr. Meier Stud. u. Kritiken 1842, IV, p. 1032 ss. Cui explicationi obiecit Rosenmüllerus: „quis non intelligit, latum rapidumque Tigridis amnem hostes ab illa urbis parte aditu potius arcere debuisse?“ verum angustius ab hoc v. d. intelligi verba ostendit Maurer, licet ipse nimium etiam vidisse existimandus sit, cum asseveret: „portae urbis sitae iuxta illas fossas, eaeque portae a Ninevitis ante oppugnationem ad arcendos hostes inundatae, ab hostibus vero, aquis in alium cursum deflexis, siccatae et apertae, ut a Cyro factum in expugnanda Babylone legimus in Xenophontis Cyropaedia. Quae tam altos et latos muros habebat urbs, facilius expugnabatur derivandis fossis, quam rumpendis moenibus. Non obstat huic meae interpretationi ante memorata vinea ad-mota muro. Nil inexpertum omittunt oppugnantes.“ At quomodo aperiri portas per visionem conspexerit vates, non dixit; et, si eodem modo, ac postea Babylon, capta etiam Ninus esset, nescio an proditum memoriae esset. Vates autem nec amnem Khosar cum canalibus inde deductis, nec Lycum s. Zabatum¹ indigitasse putandus est, sed mere portas, fluviis praetereuntibus munitissimas; cuiusmodi portis Ninum defendi, „subtilem locorum cognitionem“ minime olet, uti existimat Tuchius p. 64; nonne enim ab Assyriis toties Galilaeam peragrantibus ipsaque Hierosolyma oppugnantibus, cum regni sui et urbis praestantiam iactando describerent, opportunitas situs commemorari praeter cetera debebat?

II. Age autem videamus, quid alii elaborarint, qui, relicto proprio verborum sensu, a) portas translate dictas existimant. 1) Aditus ex inundatione Tigridis patefactos intelligendos esse docent Sanctius, Kalinskius, Iusti, Hoelem., respecto Diodoro, quo auctore Tigridis inundatione muris per XX stadia destructis urbs patefacta hostibus est; qui eo fere commoti studio, ut ll. ss. cum veterum scriptis concinere ostenderent, vim inferunt verbis: nam 'ה 'ש nude dicta non possunt portas fluviis patefactas indicare. 2) Eadem difficultate aliorum premitur sententia, qui fluvios tanquam urbis portas censeant dictos, per

1) Schurāpfleischii diss. de Nino urbe.

quas impediabatur passim accessus ad eam terrestris, et per quas tamen navibus accedere et recedere solebant; tale quid enim potius esset: שַׁעֲרֵים אֲשֶׁר הִכְרִיחַ.

b) Longe satius egerunt, qui non in portis, sed in fluviis latere imaginem opinantur. Quo in genere 1) ROSENUELLERUS assentiente DE WETTIO cogitavit hostes, portis quidem antea retentos, iam vero effractis, fluminum instar omnia inundantium in urbem irrumpere, cfr. I, v. 7. Quae aquarum significatio symbolica licet rata sit in ll. ss., vix tamen ו' ו' nude dictum hoc praesertim loco ita explicandum erit, cum ex antecedentibus non imagines, sed continuatam expugnationis descriptionem exspectemus. Quoniam aquarum et fluviorum multiplex est in transferendis similitudinibus usus, 2) HIERONYMUS intellexit „portas Ninivae quae ad instar fluminum habebat civium multitudinem,“ et paullo aliter HIRTZIUS (edit. II.): „diejenigen Strassen der Stadt, welche auf Thore ausmünden, und in welchen v. 9 die Bevölkerung statt der Wasser fluthen.“ At si quando symbolicus horum verborum sensus accipiendus est, idem valeat necesse est qui v. 9, ubi meram multitudinis cogitationem non satis esse videbimus.

III. Eodem referendum est, quod nec aliam probamus, etsi ingeniosam omnium maxime sententiam UMBREITH, qui utriusque verbi translato statuto sensu sic disputat: „die Ströme dringen unaufhaltsam herein, d. i. die Noth steigt auf das höchste. Man muss also das gebrauchte, so häufig vorkommende Bild rein für sich auffassen, und nicht etwa die Ströme unmittelbar mit den Feinden vergleichen, worin man gewöhnlich irrt; dann wären die Thore ganz unpassend.“ Commendatur haec sententia eo, quod reliqua versus verba כְּמַרְגֵּל וְהַיִּכָּל ad eandem redeunt similitudinem; nihil est tamen, quin ea putemus translate dicta, priora autem proprie, praesertim cum animi diffluentis imago haud raro reperiat.

Acquiescendum ergo in proprio primi membri sensu existimamus: portae fluviis Ninum cingentibus adiacentes atque adeo munitae maxime, ab hostibus aperiuntur. Prius vero quam pergamus, notare debemus LXX exhibere *πίλας τῶν πόλεων*, id quod HIRTZIUS explicationi possit patrocinari, nisi forte rectius TUCHIUS l. l. p. 64 not. scripturae compendium male solutum arguit, quemadmodum singularem Syriacae versionis lectionem

בְּיָסוּסֵי, בְּיָסֵל portae Iudae, per calami aberrationem ortam esse ex בְּיָסֵל בְּיָסֵל luculenter ostendit.

„Ne autem urbis pars minus munita aut ignobilior tantum crederetur capienda, memoratur etiam urbis palatium.“ MARCK. הֵיכַל tam templum quam regiam significat, veluti 1-Reg. XXI, 1 all.; templi autem cogitatio (PISCATOR., DRUS.) longius hinc abest. De v. שָׁרֵן cfr. ad I, 4. Iam vero proprie intelligi verba, ut regiam inundatam et nimia aquarum mole dissolutam indigent, omnino nequeunt. Assyriorum enim palatia¹ et castella, quae reperta adhuc sunt, omnia tumulis artificiose exstructis apparent imposita, quorum altitudo satis est considerabilis², ita ut in planitie illa et magnitudine regionum de inundatione eorum et dissolutione propria cogitari nequeat. Translate autem de pavore et metu haud raro dici supra vidimus, idque probe quadrat in sententiarum progressum: portis firmissimis superatis, iam

1) Satis ampla sententiae nostrae lux accedit e praeclara palatii Assyriaci specie, quam secundum ruinarum Nimrudensium naturam expressit HELFFERICH, Aphorismen über den Kunststyl VII, Morgenblatt 1852 p. 900 ss. ein colossaler, pyramidalischer, quadratischer Unterbau, umgeben von Mauern mit Thürmen, Thoren und Freitreppen Auf einem Plateau erhob sich ein zweiter Peribolus. So steigerte sich in mehreren Umwallungen und Absätzen der Bau bis zu der eigentlichen Residenz des Dynasten, bis zu jenen bedeutungsvollen, von mystischen Thiercolossen bewachten Pforten Vom Gerichtshof ging es wieder terrassenförmig aufwärts zu den Privatpavillons des Fürsten, die in vereinzeltten Massen in schattigen Gartenanlagen standen. Und über diesem allen erhob sich als krönendes Werk die hohe Pyramide mit den baumbepflanzten Terrassen und den hinauf sich windenden Freitreppen oben befand sich das Grabmal des Stammherrn, der dem unterjochten Volke zum Gotte aufgedrängt war etc.

2) Altitudo arearum, in quibus praecipua palatia aedificata sunt, haec fere est: Kuyundjuk 43'; Nebbi Yunus 50'; Kalah Shergat 60' (cfr. BOKOMI l. l. p. 93. 101); Khorsabad 30' (cfr. l. l. p. 130); postremo collis pyramidatus Nimrudensis 144½' (cfr. l. l. p. 92). Quae mensurae hodiernae ut antiquas referant, non tantopere imminuendae sunt ob sabulae et pulveris copiam, quae tempestatibus illis inde a mense Iunio e meridie furentibus quotannis adducitur (cfr. RITTERI Erdk. XI, p. 220); nam „the pedestal or sub-basement of the Assyrian buildings was not a mere accumulation of loose earth incrustated with stone or bricks, but was a regularly constructed elevation, built of layers of sun-dried bricks solidly united with the same clay of which the bricks themselves were made etc.“ BOKOMI l. l. p. 129.

salus nulla speranda est regi et omnibus, qui in palatio sunt. In hunc fere modum plerique vv. dd. interpretati sunt; minus apte MEIERUS regiam hostibus quodammodo inundari existimavit, verbi notione nimis insuper neglecta; KALINSKIUS incendium induxit, cum secundum Ctesiae narrationem a Diodoro traditam, Sardanapali regia per quindecim dies flagrasset; simplex deinde destructio placuit HIERONYMO; singulariter denique KREENENIUS, propria et translata interpretatione commixta: „rex fluctuat, mox vacillat, deinde corrui, et rudera eius fluctibus auferuntur.“

Quae cum ita sint, probe vexatissimi versus constare rationem intelligimus, ubi primum membrum proprio sensu dictum accipimus de portis munitissimis capiendis, alterum per imaginem satis usitatam eamque cum aquis antea commemoratis praeclare concinentem de animis eorum, quibus caput regni contineatur („das gebietende Ninive“ Hirtz.) anxietate et pavore quasi liquefactis atque dissolutis. Atque hanc interpretationem etiam sequentium sententiarum rationi bene accomodatam esse apparebit.

v. 8.

Et constitutum est: nudatur, aufertur; et ancillae eius ingemiscientes instar vocis columbarum, plangentes super pectora sua. Haud minori interpretum discrepantia explicatio versus impedita est; primo praesertim verbo plus viginti diversas intulerunt significationes, quarum pleraeque sub divinationem cadunt, atque adeo probe possunt omitti. הָפַח f. Hophal est a. v. נָצַח, constitutere, quod legitur Gen. XXVIII, 11, inf. Ni. Ps. XXXIX, 6, יָצַח Dan. II, 45. VI, 12; haec igitur significatio non caret exemplis, uti asseverat HITZIGIUS. Vertendum est ergo: *et constitutum est* (MARCK., UMBR., MAUR., HOELEM.); nec necesse est aliquod supplere subiectum, sicuti COCCERIUS, MICH., SCHMID. impedit e. v. 6. arcessiverunt הִסְכֵּךְ; imo, simpliciter: constitutum est, a Deo nimirum, ut nudetur etc. MIDDELDORFFIUS: „Denn so war's beschlossen! heim wird sie geführt als Gefangene etc.“ cfr. I, 14: „et de te iussit Dominus etc.“ HITZIGIUS huic notioni improbat: „Diese Bedeutung wird nur in dem Falle zulässig sein, wenn sofort das decretum divinum in seinem vollem Umfange, statt nur einem Theile nach angegeben würde;“ verum enimvero in parte hac potiore inest totum; nam ubi incolae abducuntur in

captivitatem, et urbs simul et regnum deletum est. Intelligi autem vix potest cur simplissimam hanc notationem plerique relinquant. Agmen ducunt LXX ἡ ὑπόστασις ἀπεκαλύφθη καὶ αὐτὴ ἀνέβαινε, Vulg. miles captivus abductus est; CAPELLI et SCHLEUSSNERI (Thes.) coniectura, ex qua legisse illi מצב putantur, verbi ἀπεκαλύφθη parum habuit rationem. Chaldaeo praeeunte NICOLAUS LYRANUS, LUTHERUS al. reginam intelligunt, quippe quae Ps. XLV, 10 iuxta regem constituta sit, assentientibus Rabbiniis plerisque; ergo regina revera a stando duxerit nomen? Audacius simul et commodius RUECKERT, Ew. Huzzab, tanquam reginae nomen; de qua sententia MEIERO l. l. p. 1034 adeo persuasum est, ut affirmet: „Die folgenden Worte verlangen so durchaus diese Annahme, dass jede andere Deutung nothwendig missrathen muss; es ist bestimmt — müsste jedenfalls anders ausgedrückt sein und giebt zudem keinen guten Sinn.“ GESENIUS thes., GRIMM speciem referunt ad v. מצב diffluere, et coniungunt cum v. antecedente: liquescit et diffluit, ubi plane abundat. Novissime satis ingeniose aberravit HITZIGIUS: „מצב, lacerta (callida illa atque astuta bellua, quae Assyriorum referat imaginem), abscondita inter muros et munimenta (הסכך) detegitur, et sursum trahitur.“ — גלה inf. Piel, sicuti in Kal, primo loco significat: reterege, nudare, cfr. III, 3; Ez. XVI, 37 all.; unde Pual: nudatur, LXX ἀπεκαλύφθη; recte MARCK., MAUR. ignominiose, nudatio enim summa ignominia est cfr. Ies. XLVII, 2. 3.; Hos. II, 3. 12, infra III, 5. DE DIEU all. de deportatione cogitantes potestatem f. Hophal confuderunt cum altera f. Piel. Subiectio facile suppletur, Ninive, v. 9, e consuetudine satis vulgata mulieris imagine proposita. Nec necesse est, ut UMBRETIUM secuti propter ancillas paullo post inductas reginam suppleamus; nam cum illae non proprio sensu, sed per similitudinem intelligendae sint, non est quin Ninus quoque pateat latius. — עלה Hiph. Ps. CII, 25 abstulit, sustulit, inde Hoph. deportatur, Num. IX, 17. 21. 22; Ez. IX, 3; Ierem. XXXVII, 5. 11. Legitur quidem Iud. VI, 28 notione offendi holocausta; quamobrem COCCERIUS, HOELEM. huic significationi patrocinantur, quae per se quidem bene constaret, (cfr. חלה), in hunc tamen sententiarum progressum quadrare nequit. Uti HOELEMANNUS, ita KALINSKIUS quoque temerius existimat confecta haec ad verbum esse, cum Diodoro auctore Sardanapalus „cum concubinis et eunuchis in domunculam, quam in medio

pyrae extruxerat conclusis, se regiamque cum illis omnibus incendio consumsit. Retecta igitur dicitur regina, quando ex gynaeceao deducta est in pyram exstructam; elevata est in altum, quando rogam ad quattuor iugerum altitudinem elatum conscendit etc.“

Ancillae eius, scil. Nini. Civitates ditioni et imperio eius deditas (THEOD., CYRILL., HIERON., MICH.) ideo cunctamur accipere, quod in hoc capite de sola agitur urbe; satius igitur erit mulieres urbis intelligere (GESEN., MAUR.), saepissime filias urbis dictas. Arctius cogitatio restricta est ad ancillas proprie dictas ab UMBREITIO. מַנְהַנְרוֹ, *ingemiscentes columbarum instar*, cfr. Ies. XXXVIII, 14; LIX, 11; Ez. VII, 16, saepius cum נָרַבּ quāq. נָרַבּ, quod in f. Piel ab anhelando notat ingemiscere; altera potestas agitandi cfr. GESEN. thes. haud probe a LXX, HIERON., GROT. passivo sensu admissa est: ἡγορντο pecorum ritu aguntur. כָּקוֹרִי cfr. אֶקְרִי Ps. III, 5; CXLII, 2. *Columbis* comparantur tanquam inermes et auxilii inopes, cfr. Hos. XI, 11; cfr. HENGSTB. ad Ps. LVI, 1; Cant. I, 15. — חֲפָה plangere tympana Ps. LXVIII, 28, hoc loco percutere pectora manibus, lugentium more, cfr. Luc. XVIII, 23; XXIII, 27. לִבְכֹּרֶן unicum pl. a. v. לִבְכֹּב suffixo aucti exemplum; omissio ל. י, notae pluralis, raro quidem invenitur, similibus tamen exemplis satis superque sustentatur, cfr. Ew. §. 258, a; quare nihil est, quod cum HIRZIGIO legamus עַל לִבְכֹּרֶן. motum et directionem manuum indigitat; LXX paullo aliter: φθγγόμεναι ἐν καρδίαις αὐτῶν.

b. v. 9–11.

v. 9.

Et Ninus instar piscinae aquarum a diebus, quibus extat; et illae fugientes; state! state! neque est, qui vertat. וְאִיִּךְ aliquid habere ponderis existimo, cum tristis dirutae urbis aspectus cum vetere magnificentia compareretur: — et haec est Ninus illa ct. כְּבִרְכָּה מִים cfr. Cohel. II, 7. Aquae usum symbolicum, qui ob eximiam dignitatem, qua apud orientales gaudet gentes, latissime patet in ll. ss., summa cum diligentia perscrutatus est GUIL. NEUMANNUS (die Wasser des Lebens p. 65–108), non sacrarum solum literarum locis accurate collatis, verum Arabum quoque et Indorum aliarumque gentium scriptis excussis; varias autem atque diversas

illas, ad quas aquae transferuntur, similitudines, contineri omnes cogitatione vitae ostendit; est vero vita secundum gentium illarum ac Israelitarum praesertim sententiam non mera existentia, sed ea vita, quae vere nominari vita unice debet, felicitas et beatitudo et salus; quae cum cogitari sine plenitudine et copia nequeat, transfertur aqua interdum ad similitudinem ubertatis, non omisso tamen felicitatis cum ea coniunctae respectu; recte igitur HENGSTENBERGIUS ad Apoc. XVII, 1. 15 stagno sive piscinae aquarum comparari Ninum docet ob commoda quae ex ingenti hominum confluxu redundabant, cum divitiarum ubertati v. 10 opponatur spoliatio. Cfr. Ierem. LI, 13: „quae habitas apud aquas multas, et dives es thesauris“, all. Parum ergo viderunt interpretes longe plurimi, cum solam multitudinis incolarum significationem acciperent; satius TARN., KALINSKY multitudinem opum et civium intellexerunt; proponitur enim summae potentiae illius et divitiarum et culusvis generis opum imago, quae ingenti civium numero in medium illum locum conferebantur. Qui proprium sensum retinere student, repetita fere inundationis memoria v. 7, vim inferre verbis debent, veluti KREENENIUS legere suadet מִיָּמֵי הַיָּרֵא, reduplicatam pluralis formam cfr. Ew. §. 213, e, secutus LXX: ὡς κολυμβήθρα ὕδατος τὰ ὕδατα αὐτῆς. Lectio Masoretharum auctoritate comprobata מִיָּמֵי הַיָּרֵא, licet habeat singulare aliquid, facile tamen explicatur tanquam genitivi quaedam reliquia, cfr. GESENIJ Lehrgeb. §. 57, b, p. 203, quasi הַיָּרֵא esset nomen proprium; cfr. Ies. XVIII, 2: עַם כְּרִיא מִן־הָרֵא „horrenda gens, ex quo illa est.“ Sensum huius notae temporis perstrinxit CALVINUS, cum moneret antiquitate et robur et auctoritatem regno conciliari¹.

At cessat celeriter gloria vel tanta vetustate sublevata. וְהָרָמָה נִכְסִימָה, et illae fugientes, cfr. Ier. XLVIII, 45; Ps. CIV, 7, aquae nimirum illae, ut supra diffuxit palatium. Cfr. Hos. XIII, 15: „exsiccat fons eius, deficit amnis eius, spoliatur (hostis) thesaurum, omnia vasa pretiosa;“ Ierem. L, 37. 38: „gladium super thesauros eorum et diripiuntur; siccitas super aquas eorum, et

1) HOELEMANNUS non femininum, sed neutralem v. מִיָּמֵי valere sensum opinatur, atque adeo idoneam sententiarum rationem plane tollit: „quicquid modo de imminente Ninives clade nunciatum est . . . non a condita urbe sed a diruta numerandum.“ Aquis enim non felicitatem sed miseriam indicari existimat.

deficiunt. “Evadunt autem aquae illae sive incolarum turbae tam effusa fuga, ut revocantium voces frustra edantur. עָרָה non stāndi solum, sed resistendi etiam sensu dicitur, cfr. Ies. XLVII, 12, 18; Am. II, 15; imperativus simplici primum, deinde amplificata forma, in pausa fere usitata, positus. Cogitandi sunt autem, qui tale quid vociferentur, duces Assyriorum (BURK., UMBR.) vel qui honestius iudicent occumbere quam patriam, indefensam, destituere (DRÜS.); ad hostes eorum mihi apte refertur, tanquam diripiendis opibus intentos. — *Non est qui vertat*, cervicem nimirum, עָרָה, cfr. Ier. XLVIII, 49.

v. 10.

Rapite argentum, rapite aurum! nec finis est apparatus, copia ex omnibus vasīs pretiosis. Fractis munimentis, incolis partim abductis partim fuga elapsis, iam diripiuntur ingentes eorum divitiae. Victores interpellantur hostes; „ut fideles sciant, hoc regi providentia dei.“ (CALVINUS) — כֶּסֶף euphoniae causa praepositam videtur verbo זָרָה. — Adiuncta copula וְאֵין incommodam reddit HIRTZIG sententiam; continuari etiam appellationem hostium existimantis; imo redditur ad describendam apollationem. קָרָה rarior verbi forma nec nisi in hoc dicendi genere obvia pro קָץ; cfr. praeterea Hf., 3. 9; Ies. II, 7, et cognata illa וְאֵין קָסָה et וְאֵין מִשְׁקָל וְאֵין חֲכִיכָה praeter hunc locum unice legitur Iob. XXIII, 9, ubi aperte notat solum dei, cfr. מִכָּן Ies. XVIII, 4; Dan. VIII, 11; iam si apud parandi notionem v. כֵּן remanemus idque recordamur de textis pietisque vestibus dici Iob. XXVII, 16: ex eiusmodi formatione in vv. עַל satis usitata (cfr. Ew. §. 161) facile pervenimus ad notionem apparatus pretiosi, cui patrocinantur LXX, *κόσμος* exhibentes; HOLTZM. alt., Contra GESSEY thes. lex. man. recedendum docet ad v. חֶן examinare, ad normam exigere, ponderare, unde חֶכְכִּית medus, harmonia cfr. HAEVERM. Ezech. p. 483. 697; at, licet possit repeti vox a חֶן cfr. Ew. §. 153, a, 1., tutius tamen agemus, si ad כֵּן redeamus secundum illius exempli supra citati analogiam, praesertim cum derivatio a. v. חֶן suspensa idoneum praebere sensum nequeat; languet enim GROTII interpretatio: „in ponderando non est finis.“ Apparatus autem pretiosi cogitationem late patere e vv. parallelis כָּל חֲכִיכָה apparet; quemvis intelligimus apparatus

pretiosum, vestes, ornamenta e metallis vel ebore facta etc. — כֶּבֶד defective scriptum semel praeterea legitur Gen. XXVI, 3; vertitur a plerisque: copia gloriosa; nobis sola copiae, gravis multitudinis significatio satis esse videtur, cfr. III, 3. 15, assentientibus KREENEMIO, HOELEMANNO aff.; sunt etiam, qui gloriae sensum retinendum putant, atque adeo כֶּבֶד sequens non substantiam notare sicuti III, 3 טִים חֲסִידָה, sed causam: gloria ex omnibus vasis pretiosis; altera tamen interpretandi ratio simplicitate magis commendatur. Ceterum כֶּבֶד רַב absolute adiecta sunt, neque vero subiecta etiam ditioni praep. ל, לְחִכְרָה, uti existimarunt DE DIEU, Bw., Hitz. כֶּבֶד חֲסִידָה absolute dictum vasa pretiosa, pulchra notat; nam desiderii quae fertur vulgo significationem (LXX τὰ ἀσκήη τὰ ἐπιθυμητά) non posse imperiri חֲסִידָה, sed unicam illam τοῦ κάλλους, laculenter demonstravit HENGST. ad Hagg. II, 7, Christol. III, 354, et ad Ps. CVI, 24. חֲסִידָה sic habetur tanquam suppellex pretiosa 2 Chron. XXXII, 27; Jerem. XXV, 34; Hes. XIII, 15, ubi coniungitur eum thesauris, אֲצָר.

Auri et argenti immensam copiam Nini congestam fuisse, fabulosae fere veterum narratiunculae probant¹; non defuerunt enim in illa regione uberrimae metallorum fodinae². Quantum autem in arte metalla pretiosa fabricandi profecerint, cum ex ipsis eorum monumentis, tum ex Aegyptiacis intelligitur, in quibus auctore BIRCHIO, praestantissima vasa ex auro argentoque, capita leonina aliasque referentia figuras³, ab Assyriae propriae incolis oblata saepius reperiuntur⁴. Vestium textarum praestantiam regum deorumque pullia in tabulis expressa hodieque testantur. At vero direpta ea omnia sunt ab hostibus, a Domino immissis; atque indicis satis certis comprobatur, spoliata et evacuata esse palatia, priusquam creparentur⁵.

1) Cfr. LAYARD. Niniveh und seine Ueberreste p. 398 ss.; BONOMI I. I. p. 333.

2) Cfr. LAY. ibid.

3) Cfr. BONOMI I. I. p. 187.

4) Cfr. LAYARD. I. I. p. 399.

5) Cfr. BONOMI p. 326.—336: „It is evident from the ruins that both Khorsabad and Nimroud were sacked and then set on fire. „She is empty and void and vast.“ Neither BORRA nor LAYARD found any of that store of silver and gold, and pleasant furniture which the palaces

v. 11.

Vacuitas et evacuatio et exinanitio; et animus liquefactus, et titubatio genuum, et dolores parturientium in omnibus lumbis; et facies omnium eorum corripunt ruborem. Praeclaris verbis, ipso eorum etiam sopitu adiuvante, quomodo urbs plane exuatur et excutiat, primo versus membro pingitur; dein, quid victi interdum patiantur miseri, ad vivum exprimitur. בוקה ומבוקה a. v. בוק = בקק; praeterita esse nequeunt (GROTIUS), quia sensum referrent transitivum; imo nomina sunt, diversa ratione formata ad augendam verbi notionem, cfr. שאה ומשואה Zeph. I, 15, שמה ושמה Ez. II, 14, האניה ואניה Ies. XXIX, 2. De verbo בוק cfr. v. 3. מבלק a. v. בלק, coniunctum cum synonymo בקק Ies. XXIV, 1; forma GESENIO est part. Pu.; rectius MAUR., EW. paritatis causa substantivum esse docent, quibus frustra exprobrat HOELEM., exempla eius deesse, cum formationis genus planum ratumque sit. Singularitas autem eo nos adducit, ut Nahumo obversata esse Iesiae verba conseamus, XXIV, 1; neque vero inversa concedi ratio potest, cum continuus ibi assonantium verborum paribus concussae per iudicia divina terrae pingatur fragor, nostro autem loco unicum exemplum sit. Qua in vicissitudine eximium latet authenticae vexatissimi illius capitis documentum. — Notasse autem voluerim, non forma solum verborum verum numero etiam syllabarum contineri gradationem (2-3-4).

Sic spoliantur palatia, diripiuntur thesauri; quid autem beatos manet incolae? — *Animus liquefactus*, כמס part. Ni., non praeteritum propter sequentia et antecedentia; מנס = מנס cfr. I, 5, de cera dicitur Ps. LXVIII, de montibus Ies. XXXIV, 3; translate de maerore et timore Ios. VII, 5 ירדו העם וירדו ירדו; cfr. Deut. XX, 8; Ies. XIII, 7. XIX, 1 all.; similia dicendi genera proposuit BECKIUS Bibl. Seelenlehre p. 101. Secundo loco captivi patiuntur פיק ברכים vacillationem genuum rectius

contained; scarcely anything, even of bronze, escaped the spoiler, but he unconsciously left what is still more valuable. For to the falling in of the roofs of the buildings, by his setting fire to the columns and beams that supported them, and his subsequent destruction of the walls, we are indebted for the extraordinary preservation of the sculptures. In them we possess an authentic contemporary commentation of the prophecies etc."

quam dissolutionem (LXX. Syr. all.); substantivi פִּיק unicūq; hoc est exemplum; cfr. verbum Ies. XXVIII, 7. Tertium adduntur *dolores parturientium*; חִלְחִלָּה per reduplicationem, vehementiae notandae caussa, cfr. Ew. §. 158, b, formatum a. v. חִיל; transfertur per similitudinem ad angorem summum Ies. XXI, 3; Ez. XXX, 4. 9. *Omnes lumbi pro lumbis omnium ponuntur*, uti postea כלם. Quam acerbe his verbis irridentur ii, qui antea v. 2 interpellabantur: חֲזֹק מִחֲמַם!

Additur vox satis vexata illa ab interpretibus: פָּנֵי כָלִם קִבְצָר; פִּאֲרֹר, *et facies omnium corripunt ruborem*. Singulare hoc dicendi genus unice apud Ioëlem II, 6 praeterea reperitur, unde certo repetitum est; parturientium quoque dolores in primo illius versus membro afferuntur; hoc tantum interest; quod ibi exponitur, quid ab aspectu Assyriorum ipsorum (vel sub eorum specie omnium irae divinae ministrorum) patiantur gentes, hic autem secundum tremendam talionis legem, quam per omne Nahumi vaticinium exerceri videmus, versa vice ad ipsos illa retorquentur Assyrios. Difficilis autem verbi פִּאֲרֹר notatio est. 1) Errare magnopere existimo, quibus idem esse videtur ac פָּרֹר, olla; cfr. Num. XI, 8; Iud. VI, 19; 1 Sam. II, 14. LXX, LUTHERUM (in versione germ.), TARN., UMBR. all. Nonne enim subit mirari, si revera idem utrumque significaret, ubi proprio dicitur sensu semper defective, ubi translato, plene exarari? Accedit, quod π vix ita facile omitti potest; omittitur quidem aliquando, ubi gemina vocalis sub litera π constituta paullatim mutata est in alias, cfr. Ew. §. 86; sin manet vocalis, excidit interdum π in initio verbi vel in fine; in medio verbo vix tale quid reperiatur praeter Ierem. III, 22 אֲחֹנֶן pro אֲחֹמֶן. (Neque vero exprobari nobis potest פָּרָה, quod Ies. II, 20 murem significare aiunt; melius enim ibi חֲפֵרִיָּה tanquam unum accipitur verbum; cfr. GESEN. thes. p. 508; DRECHSLER. a. h. l.) Imo facilius nobis videtur פִּרְרִי derivari a. v. פָּרִי frangere, etiamsi reliqua verba ollam notantia כִּיר, רֹר, קִלְחָה ad radices pertineant, quae effervescere, ebullire significant; ollas enim figulinas maxime fuisse fragiles, nemo negabit, qui lagenas unquam Aegyptiacas vidit; cfr. etiam Ps. II, 9. Plurimum vero ipsa offendit imago: colligere ollam. Triplex scopus in medium propositus est: a) fervor ollae — at non ipsa fervet olla, sed quae intus continentur; b) nigredo a fumo illita; nigrescit quidem prae timore facies hominis (cfr. atram formidi-

nem VIRGIL. Aeneid. IX, 719 et exempla nonnulla ex Arabum scriptis collecta a BOETTICHERO chrom. arab. p. 3, qui ingeniose de hac sententia disputavit) — at quam ingens esset hyperbola! c) denique albescere sicut olla, tolerari magis posset, at ipse LUTHERUS, qui hanc sententiam versione sua expressit, bene notat in comm.: „absurda prorsus est metaphora, nec puto hoc voluisse prophetam!“ 2) Alii palloris notionem verbo inesse docent. Verum quanto opus fuit itinere et circuitu ut SCHROEDERUS (ap. Kreenenium) ad hanc perveniat potestatem, cuius nihil né affine quidem aliquid in universa rad. פֶּאֶר ditioneprehenditur? 3) Felicius CALV., HITZ., HOELEM. ad eundem quidem pervenerunt sensum, cum significationem statuerent splendoris, quae usu verbi probe potest fulciri, cfr. פֶּאֶר Pi. Hithp. ornare, פֶּאֶר, ornamentum capitis, פֶּאֶר, פֶּאֶר frondes, ornatus arborum, הַפֶּאֶר decus; deinde קִבֵּץ, quod apud illas interpretandi rationes debebat esse colligere, et nigredinem s. pallorem extrinsecus superaddi notare, iam id, quod proprium est faciei, recipi quodammodo intus significat; id quod eo commendatur, quod Piel habet vim intensivam, ergo קִבֵּץ corripere potius est quam mere colligere, cfr. Ies. XXIV, 16; Hos. IX, 6; Ez. XXIV, 13. Quo adde, naturam potius ferre ut pallescamus metu et terrore, quam rubescamus, nec non Ierem. XXX, 6 pallorem cum parturientium gestibus coniunctum proponi¹. Cui explicationi cunctatus est GeseNIUS ne assentiretur; quoniam tale dicendi genus flagitaret vel suffixum פֶּאֶרִירָם vel articulum, cum „sine suffixo positum talem vultuum naturam indicaret quali alias carere soleant;“ hoc tamen argumentum tanti non fecerim; magis curandum videtur, quod nitor faciei lurido colori non adeo oppositus est quam rubedo. 4) Rubrum enim colorem acceperunt MENAHEM BEN SURKA, ABEN ESRA, Ew. MEI. all.; qui cum cognatus magnopere cum splendore sit, tum repeti e dialectis potest; cfr. a. rad. צָהַב, excandere צָהַב, צָהַב ira, furor, צָהַב excandescencia; deinde פֶּוֹרָה fervor, פֶּוֹרָה spuma ollae bullientis, פֶּוֹרָה effervescere all.; denique בָּעַר flagrare. Conferendum est etiam Ies. XIII, 8 פָּנֵי לֹהֲבִים פָּנִירָם. Iam vero si קִבֵּץ intelligitur tan-

1) Notandum quoque est praeclarum dicendi genus, quod Persarum est; رَوَى آب aqua vultus, i. e. splendor super faciem hominis beati effusus, cfr. NEUMANNI Wasser des Lebens p. 69.

quam colligere, sensus est: facies subducuntur rubore; diximus tamen pallescentes potius prae metu cogitari vultus quam erubescences; quare secundum similitudinem verborum Ioe II, 6; Ierem. XXX, 6 ruborem subito correptum (v. supra) et intus receptum cogitamus, quemadmodum natura fert ut sanguis perterrefactorum a facie et membris recedat ad interiores corporis partes.

De forma et structura versus bene notat BURKIUS: „est inter puncta quattuor relatio immediata. Cor enim ubi liquefactum est intus, sequitur etiam foris titubatio genuum; et ex dolore lumborum facies contrahere solet atrorem“ (mutentur mutanda) „de dolore interno restantem. Similiter per chiasmum inversum cum corde facies, cum genibus lumbi correspondent.“

C. v. 12 – 14.

Expugnata et diruta urbe, direptis divitiis, incolis trucidatis vel in exilium abductis, iam vasta et deserta loca praesagiente animo circumspicit vates, quae magnificentissimi olim caput imperii tenebat. Perculsus atrocitate iustitiae divinae et sacra simul excitatus ironia, revertitur memoria in statum priorem, cum terrarum ibi dominus nemine turbante maiestate sua et potentia gauderet v. 12, atque immensas deinceps opes vi et rapinis coacervaret v. 13. At vero Dominus exercituum una cum copiis armisque et spoliis undique congestis dominationem eius funditus evertit. v. 14.

v. 12.

„Immensa urbs ac fere insuperabilis per multa secula diruta iacet; imperii olim amplissimi munimenta, splendoris regique apparatus domicilia hodierno die diffindit aratrum¹, aut seduli accolae, qui vias per medias ruinas sequuntur, conculcant. Verno tempore nunc aggeres graminibus se vestiunt², omniaque collium ab ipsa natura profectorum iugo tam similia sunt, ut NIEBUHRIUS³, quae munimenta transgressus esset, Mossulae demum acceperit⁴.“

1) Cfr. RICHII narrat. p. 38. 43. 53.

2) Cfr. AINSWORTH Travels II, 141. 143. — 3) II, 53

4) TUCHIUS l. I. p. 55. 56.

— *Ubi est lustrum leonum, et pascuum, quod erat, leonum iuvenum? ubi incedebat leo, leaena, catulus leonis, nec erat qui turbaret?*—

Similes quaestiones insultantes simul et deplorantes cfr. Ies. XIX, 22. XXXIII, 18. XXXVI, 19. XXXVII, 13 all. אִיָּה usitatio pron. interrog. forma cum ה parag. מִעוֹן de thoum receptaculis alibi dictum, Ier. IX, 10. X, 22. XLIX, 33. לִי, 37. אִרְיָה fem. plur. species cum notione masculina, uti patet e vv. 2 Reg. XVII, 25; cfr. Ew. §. 177, e; Ps. XXII, 21. Leones variis hic designatos nominibus habemus: כְּמִיר villosus, i. e. leo iuvenis, נִרְיָה leo catulus; נִרְיָה Ezech. XIX, 2, 3; Ps. XXV, 27, semel de thois catulo dictum Thren. IV, 3; postremo לְבִיָּה leaena cfr. BOCHARTI Hieroz. I, 719; GESEN. thes. s. v.; temere CALINSKIUS all. leonem annosum intelligunt. Leonis similitudo tanquam regis belluarum fortissimi et rapacissimi apud omnes gentes celeberrima est¹. Apud Assyrios maxima eius dignitas erat, uti e creberrimo eius usu ad exornanda vasa, vestes, arma, ipsasque etiam aedificiorum et conclavium portas passim in monumentis obvio intelligitur. — מִרְעָה Hirtz. non aptum esse leonum cogitationi opinatur; at ubi habitat leo, ibi circumiacentes quoque locos sibi electos habet, qui opimam subministrent praedam. אֲשֶׁר coniungendum cum שָׁם, cfr. Ew. §. 321, d. גַּם simpliciter audit: ubi, melius quam quo (TARN., Ew.), scil. quo condebat rapinas et devoranda conferebat. הִלֵּךְ Hirtz. apposite: sich ergieng. וְאֵין מִחְרִיר summam indicat vel pacem et securitatem², vel potentiam et auctoritatem, quam nemo audet turbare, cfr. Lev. XXVI, 6; Deut. XXVIII, 26; Mich. IV, 4; Ies. XVII, 2; Zeph. III, 13 all.³

v. 13.

Continuatur magnificae similitudinis expositio: *Leo qui dilacerabat pro catulis suis, et suffocabat pro leaenis suis, et implebat*

1) Cfr. BAHRN Symbol. I, 343 ss.

2) Quidnam haec sibi vox velit ubi de Israelitarum conditione dicitur, exposuit F. A. Strauss ad Zeph. III, 13.

3) Quam futilis sit CALINSKI ratio, e solo eventu de vaticiniis iudicante, luculenter sententia eius de hoc expressa versu docet: posse haec verba ad regiam tantummodo pertinere, cum urbs partim postea fuerit restituta! cfr. supra p. 27.

rapina cavernas suas et lustra sua laniato! Absente verbo, sup-
plendum est אשר הִלֵּךְ שָׁם. פָּדִי literate: in sufficientia, i. e. se-
cundum usum et necessitatem, = pro, cfr. Hab. II, 13; Ierem.
LI, 58. CALINSKIUS artem notat regum Assyriorum, qui filiis et
successoribus auctum deinceps et amplificatum tradiderint regnum;
at totius potius comparationis scopus exhibendus est, neque vero
singulis magnopere instandum: חֲנָקִי Pi. suffocare 2 Sam. XVII,
23; Ios. VII, 15. טָרַף proprie laceratum aliquid, deinde saepis-
sime rapina, praeda, cfr. III, 1; Num. XXIII, 24; Gen. XLIX, 4;
Ies. III, 1; Ps. LXXVI, 5. הֲרָרֵי טָרַף, montes rapinae dicuntur
regna mundana. Ceterum nisi e ll. ss. cognitum haberemus, quan-
topere et Israellem et gentes complures exuerunt Assyrii, ipsa
nos monumenta docerent, quae nihil saepius quam tributa per
vim imposita et spolia undique exhibent congesta. טָרַפָּה forma
vel propter pausam, vel amplificandi caussa producta, semper
significat laniatum aliquid, cfr. Levit. XXII, 5 coniuncta cum
נָבִלָה, VII, 24; Exod. XXII, 12; Ezech. IV, 14. חֲוֶרָה caverna,
foramen Hirtz. minus apte de leonibus dici existimat, quam
de latronibus; cfr. tamen BOCHARTI Hieroz. I, 737; 1 Sam. XIV,
11; Iob. XXX, 6.

v. 14.

*En me ad te, dictum Domini exercituum! et comburo fumo cur-
rus eius, et leones tuos iuvenes consumet gladius, et excindo ex terra
rapinam tuam, nec audietur amplius vox muntiorum tuorum! —*
Quemadmodum extremus primi capitis versus Domini induxit
nomen et imperium, ita hoc quoque extinguendae Nini propria
indigitatur caussa, Dominus exercituum, cuius appellatio exi-
mum sequentibus quoque adiicit pondus. הֲנִי אֵלֶיךָ succinctum
dicendi genus, non raro obvium, cfr. III, 5; Ierem. LI, 25,
עֵלֶיךָ Ezech. XXVIII, 22; supervacaneum est supplere אֲבָנָא
(KREENEN.), cum motionis et directionis notio contineatur praep.
אֵל, cfr. ad I, 9; cfr. Iob. XXXI, 23 מִחֹר אֵלַי Suff. fem., uti
antea saepius, Ninum indigitat. Haec igitur tam atrocis excidii,
haec tam ingentis trepidationis caussa est: Dominus ipse adver-
sus Ninum movet castra, Dominus est, qui per instrumenta irae
suae atque talionis stupenda illa omnia atque horrenda operatur.
Iam ut intelligatur, quidnam sibi velit, ubi Dominus ipse ad ex-

sequendum procedit iudicium, additum est צבאות: Dominus deus est exercituum, siderum atque angelorum¹, quo omnis gloria omnisque potentia coniuncta continetur; sidera autem si ipsius parent nutui, eorum etiam deus est, quae tanquam numina sua colebant Assyrii². Videant igitur Assyrii, videant Israelitae, quidnam ab hoc deo omnipotente sibi expectandum sit³.

Ex comburo fumo currus eius; ורערי הבערה; praet. proph. בעשן TARN., MAUR. recte: ut penitus convertantur in fumum; nam ב notat moveri aliquid ad aliquem locum ibique manere cfr. Ew. §. 217 f, 1. c. pag. 142; sensum reddiderunt Vulg. GROT. usque ad fumum. Transfertur haud raro similitudo fumi ad populos subito debellatos et dispersos, cfr. Ps. LXVIII, 3; Hos. XIII, 3; Ies. LI, 6; cfr. Ps. XXXVII, 20. Minus apte alii inter-

1) Cfr. HENGSTENBERG. Christol. III, p. 218; ad Ps. XXIV, 10. BECKH christl. Lehrwiss. p. 71 ss.

2) In theologia V. Ti. deinceps excolenda quam arcta necessitudine contineatur revelatio divina cum historia Israelis et educatione universa, praeclare intelligitur ex utriusque nominis ratione, quo cognitio dei prophetarum tempore amplificata est. צבאות ה' in primo Samuelis libro primum reperitur, et ingravescente una cum commercio populorum Sabaeis eorum colentium ipso simul inter Israelitas cultu siderum, saepius deinceps inducitur. (Conferantur quae F. A. STRAUSS, frater coniunctissimus, Vatic. Zeph. p. 61 ss. disputavit de nominis usu et quidnam de indole et authenticitate II. ss. inde concludendum demonstravit.) Alterum dei nomen קדוש ישראל, primum legitur in psalmo, ut videtur, Davidis LXXI, 22 et Assaphi LXXVIII, 41, tum vero Iesaeae proprium est, I, 4. V, 19. all.; docet autem deum Israelis esse talem, qui super omnes creaturarum rationes, super omnem praesertim peccati contagionem sit elatus atque excelsus (cfr. HENGST. ad Ps. XXXII, 4). Ad quam cognitionem gravibus illis atque atrocibus iudiciis, quae maxime ab Usiae regis morte (cfr. CASPARI syr.-eph. Krieg, p. 17 ss.) imminuebant eosque exercebant, si unquam, illa potissimum tempestate adduci debebant Iudaei. וינבה ה' צבאות במשפט והאל הקדוש נקדש בצדקה, Ies. V, 16.

3) BECKHUS I. I.: „Der Name 'צ' ה' typisirt also Gott ... (Deut. X, 17; 1 Cor. VIII, 5; 1 Tim. VI, 15 ss.) als den mit aller Machtfülle auch innerhalb der höchsten Lebenssphären regierenden Gott, der allen seinen und seines Volkes Feinden als מלחמה אים Ex. XV, 2 gerüstet gegenübersteht. Ps. XLVI, 8 ss.“ Ibid.: „צ' ה' zuerst im Gebete der Hannah, deren nachfolgender Lobgesang c. II beweist, wie ihr Herz an der Macht und Stärke Gottes sich aufrichtet gegenüber trotziger Feindesstärke; gar häufig in Davids Mund, des Streiters Gottes, nie in Salomos, des Friedefürsten; herrschend in der kriegerischen Periode der Könige, wo das wehrlose, entkräftete Reich nach starken Bundesgenossen sich umsah et.“

pretati sunt: in fumo, fumo circumdatos (MICH.), luculenta combustione, cuius fumus procul conspiciatur (DRUS.). רכבה sing. collectivus, veluti רכב ופרשים 1 Reg. X, 26; Ies. XXII, 7. XXXI, 1; nec ulla opus est correctura, quae sat multae exstiterunt; LXX sequente Syro τὸ πλῆθος σου. CALVINUS recte per synecdochen omnem docet apparatus bellicum intelligendum. Quanta enim curruum fuerit dignitas, cum notum sit e ll. ss. et veterum scriptis, tum monumentorum marmoribus satis superque commonstratur. cfr. supra ad v. 4. — Dum incendio conflagrantur currus et arma, ipsi milites et heroes, qui leonibus iuvenibus secundum imaginem vv. antecedentibus expressam comparantur, *devorantur gladio*; cfr. Deut. XXXII, 24; 2 Sam. II, 26. XVIII, 8; Ierem. II, 30. XLVI, 10. 14. — *Et excindam e terra*, ex orbe terrarum, neque ex Assyriacis solum finibus, rapinam tuam, i. e. nusquam invenietur quicquam, quod rapina tua dici possit; apposite HOELEM.: nunc de actione dicitur. cfr. III, 19. Per nuntios duram suam exercebant tyrannidem, qui quantopere erant timendi, satis didicerunt a Rabschake! מלאכים regum nuntii cfr. 1 Sam. XVI, 19; 1 Reg. XIX, 2 all.; rara quidem productio est מלאכיה, non tamen caret analogia, cfr. אחריה Exod. XXIX, 35; Zere alterum non Aramaismum sapit, sed e poetica ratione accommodatum est vocali antecedenti, quae eadem consonante regitur; cfr. Ps. CIII, 3. 4. 5; Ew. §. 258, a. Nihil igitur erat, quod I. D. MICH. suppl. p. 1505 legendum suaderet: מלאך, non audietur amplius vox tam plena. — Cfr. eadem fere verba de Babele enuntiata Ez. XIX, 9. Ceterum vv. nostra לא ישמע ערך dilucide respiciunt finem primi capituli: לא ירע ערך.

CAPUT TERTIUM.

Quae altero capite fuerant explicata, eadem tertio alia ratione declarantur. Ac primum quidem I) sicario et interfectori caedes v. 1-3, foedae meretrici denudatio et ignominia praedicitur v. 4-7. II) Deinde, ne firmitate locorum et copiarum praestantia depulsuri imminentem casum videantur, Thebarum exemplo v. 8-10 proposito docetur, humana praesidia contra Dominum nihil valere v. 11-13. III) Imo, quo magis pollent numero et viribus, eo certior, eo cumulator erit ruina v. 14-17, qua ob immanitatem flagitiorum et scelerum magnificum Assyriorum regnum exstinguetur, v. 18, 19.

Iam vero hanc vaticinii partem non alienam esse ab antecedenti, sed arctissima cum ea contineri necessitudine, nemo negabit, qui vel obiter extremos alterius capitis et tertiæ primos versus inter se contenderit. Vates enim ingenti scelerum ab Assyriis commissorum memoriae aliquamdiu immoratus atrocem declamat retributionem, quam profusum sanguinem videt sequi. Quare vel hoc ipso argumento eorum infringitur sententia, qui alteram deinceps expugnationem Nini et eversionem describi cavillarunt (HUETIUS demonstr. evang. propos. IV, CALINSKY, BERTHOLDT.), cuius memoriam iamiam extinctam esse iure asseverat HAEVERNICKIUS Einl. Defensa est uberrime et singulis adaptata versibus a KALINSKIO, qui e perversis suis de rebus Assyriorum opinionibus altero capite expugnationem sub Sardanapalo ab Arbace factam, tertio autem a Cyaxare sub Chyniladano describi contendit; contra quem EICHHORNIIUS Einl. III, p. 282 ss. multa satis accurate disputavit. Proprium est autem poesi et visionibus vatium, quod easdem res a diversis quasi partibus profecti saepius retractent; atque adeo altera haec evertendae Nini decan-

tatio caussas maxime et certitudinem ruinae et magnitudinem proponit.

Haud secus improbamus EWALDI sententiam, qui novum hostium impetum describi arguit; nec assentimus SCHMIEDERO, cum ita huic capiti inscribat: „Dieser Gesang gehört in die Klasse der Klagelieder, ist aber seinem Inhalte nach vielmehr ein Droh- und Strafgesang.“ Nam praeter eam communionem, quae omnino intercedit inter poësin et prophetiam, nihil est, quod genuinam carminis naturam indicare valeat; cfr. Habak. c. III; Ion. c. II.

A. v. 1-7.

a. v. 1-3.

Ingens caedium et rapinarum ab Assyriis perpetratarum multitudo v. 1 sanguinolentam flagitat ultionem. Confestim praesagiente animo vates fuscum iam curruum celerrime actorum audit clangorem v. 2, advolantes cernit equitum turmas v. 3 α , et immensam simul atque inauditam stragem trucidatorum v. 3 β b.

v. 1.

Vae urbi sanguinum! Tota fallaciae, violentiae plena! non desinit rapina! Vocula דָּוִי haud raro in limine vaticiniorum dira iudicia minantium reperitur cfr. Ies. X, 1. 5. XVII, 2. XVIII, 1 all.; Am. VI, 1; Mich. II, 1; Ierem. XLVIII, 1; pertinet autem, uti probe notavit CASPARIUS Beitr. zur Einl. zu Ies. p. 65, ad res futuras ubique, exceptis elegiis defunctorum 1 Reg. XIII, 30; Ier. XXII, 18. XXXIV, 5. Tertium Zephaniae caput eadem vociferatione incipitur de Hierosolymis. EWALDUS, qui hunc versum alteri capiti addendum existimat, neglexisse videtur, quod דָּוִי novum deinceps initium designare solet; quo adde, quod II, 14 praeclare concinere vidimus cum I, 14 (לֹא יָרָא 'ע), et quod עֵר דָּמִים arcte cohaeret cum v. 2. 3 tanquam causa iudicii imminantis. דָּמִים culpam profusi sanguinis significat, cf. Exod. XXII, 1; Deut. XIX, 10; Ps. LI, 16; Hab. II, 12. Stat autem immutabilis divinae talionis lex illa, ut profusa sanguis redeat in caput interfectoris Gen. IV, 10. IX, 5. 6. Quare si quis sanguinis reus est (cfr. אִישׁ דָּם Ps. V, 7; בֵּית דָּם 2 Sam. XXI, 2; Ez. XXII, 2;

׳ עיר Ezech. XXIV, 9) ipse eiusmodi titulus certum in se sanguinolentae retributionis gerit indicem.

Prius vero quam eveniat poena, dira Nini flagitia tribus iis-que progressu quodam coniunctis proponuntur nominibus. Primum exprobratur כחש, fallacia, cfr. Hos. IV, 2. X, 13. XII, 1, „quia vanis pollicitationibus auxilii et protectionis gentes decipiebat,” ABARB., uti expertus est Ahas. Regitur vox v. מלאך; nam מ' ם' vix adeo potest abscissum stare ac vult HESSELBERGIUS, qui vertit: „tota est fraus;” neque vero DE WETTIUS probe quattuor vv. priora מ' ם' כ' כ' refert ad ימח. Ἀσυνδέτως sequitur מרס; Gen. XXII, 40; Ps. VII, 3.; Ez. XIX, 12 verbi notio est rumpendi, frangendi, quae communis est radicibus in — rag exeuntibus (הרס ξήγνυμι all.); nomen unice praeterea legitur Obadi. v. 14, ubi audit bivium; quod cum accipere nullo modo possimus, licet Iudaeis fere visum sit, violentiam intelligimus secundum stabilitum verbi usum. LXX non accurate reddiderunt: ἀδικίας πλήρης; Aquila ἐξαυχενισμός. Hieron. excervicatio; SYMM. ἀποτομία. מלאך cfr. II, 13. 14, cui voci distinctius respondet ימח לא, id quod Pisc., Iun., Tremell., Gesen. thes. Maur., Umbr. interpretantur: non remittit rapinam; verum satis durum esset mascul. vestigia premens fem. מלאך, et, quod vel maximum est, מך ubique sumitur sensu intransitivo praeter Sach. III, 9 עון הארץ משהי אחר עון הארץ, praesertim in f. Hiphil nullum est exemplum, quod removendi potestatem flagitet; nam Mich. II, 3 non vertendum est: „unde reduce-tis colla vestra,” imo „unde non receditis collis vestris (cfr. Ew. §. 281, c), coll. v. 4 „quomodo evadit mihi” praeda iniuste arrepta! cfr. Ierem. XVII, 8. Qui sensus offendit Hitzigium, quia 1) nec enuntiatio relativa satis constare possit; ac non est relativa, sed eadem res antea participio inducta iam continuatur verbo finito; 2) quia desit aliquid eiusmodi: ממכר s. v. a.; verum nonne satis est dicere; non recedit, non desinit rapina, semper copia inest praedae? Drus., Tarn., Hoelem. all. solutius: quae semper vixit ex rapto. Plane aberrat Peschito: non sentitur in ea contritio; LXX οὐ ψηλαφηθήσεται θηρία. — Gradatio autem haec est: primum fallacia allicit et decipit gentes (cfr. v. 4) dein violenter percellit et exuit, idque continenter admittit.

v. 2.

Vox flagelli, et vox strepitus rotas! et equus citato cursu currens et currus subsiliens. „Horch! Peitschenknall und Radgerassel Schall, und Ross im Jagen, und hoch aufspringender Wagen!“ HOELEM. — Sanguis scelesta manu profusus ultionem serius ocus exigit. „Mox superveniet tibi, et per visionem mihi iam audita est vox et.“ I. MICH. Binis membris bipartitis absolvitur versus, bis posito, bis omisso קרל; id quod HOELEM. supra apposite nostro reddidit Horch! cfr. Ies. XL, 3. LII, 7 all. שרש flagellum aurigae, una cum milite currui insistentis (cfr. ad II, 4), cfr. 1 Reg. XII, 11; Prov. XXVI, 3. De v. רעש cfr. ad I, 5; non audit hoc loco trepidare uti Ex. XII, 18, sed strepitum notat rotarum tremulo motu concitarum, cfr. Ies. IX, 4; Ier. X, 24. וססס דהר equum MAUR. recte monet non equitis esse, sed currui iunctum; hic enim versus de curribus, sequens de equitibus agit. דהר, ἄπ. λεγ. quid significet e nom. דהרה Iud. V, 22 coll. v. דרר concludendo elicimus: citato cursu currere; designatur igitur sonitus equorum concitatorum solum calcantium, sicuti CALINSK., CASTALIO de equis quadrupedantibus cogitarunt. Cfr. BOCHARTI Hieroz. I, 97; LXX ἵππος δὲ αὐῶν. Cfr. equos currentes una cum curribus commemoratos Hab. I, 8; Ier. IV, 13; Ioel II, 4. 5. Postremo additur ומרכבה מרכבה, et currus subsiliens, cfr. Ioel II, 5: „ut vox curruum super capita montium subsiliunt מרכבה id est, quo quis vehitur, sicuti מרכב Lev. XV, 9; 1 Reg. V, 6 all. רקר saltare, subsilire Ios. XIII, 21; Iob. XXI, 11; 1 Paral. XV, 29, qua voce praeclare pingitur rancus clangor curruum celerissime actorum atque impeditum solum offendentium.

Monendum vix videtur, errore captum fuisse CALINSKIUM, qui vv. 2. 3. exercitus ad pugnam sese parantis vidit descriptionem, magisque etiam HIERON., DIONYS. CARTHUS., COCCEIUM all., cum de Assiriis ipsis, neque vero de hostibus eorum agi opinarentur, nulla habita nec v. 1^{mi} nec 4^{ti} ratione.

v. 3.

Rauco illo exercitus eminus appropinquantis sonitu auribus quasi perceptis, et oculis subito ad eam regionem conversis, iam magnificum equitum agmen advolare vidit vates: *Eques ascendere*

faciens, et flamma gladii, et fulgur hastas — et multitudo trucidatorum, et magna copia funerum; nec finis est cadaverum, offendunt in cadaveribus eorum. — פֶּרַשׁ מַעֲלָה. Mirari subit, quid fuerit, quod in tam simplici dicendi genere tantopere laborarint interpretes: facillime vox ita redditur: *equus ascendere faciens*; quem faciat ascendere, quaeritari diu nequit: equum nimirum, cum insistat calcaribus, praesertim ad impetum in hostes faciendum; idque nescio quomodo pugnare cum nexu sententiarum videatur. Recte, ut nobis videtur, hoc fere modo interpretati sunt GESEN. thes., MAUR., HOELEM., quantumvis eo peccaverit MAURERUS, quod equem pro equo dictum existimaverit (id quod admitti nullo modo posse probavit DELITZSCH. ad Hab. p. 13), et ascendere pro altum facere. Iam vero e multiplicibus interpretum sententiis, cum satis magna rei non sit gravitas, nonnullas tantum recensemus. 1) Intransitivo sensu vocis notionem expresserunt LXX *ἰππέως ἀναβαίνοντος*, Vulg. UMBR., HITZ., sensu omnino quidem perspecto, neglecta tamen verbi forma. Nam part. Hi. potest quidem abire in potestatem f. Kal, modo omnino eam habeat f. Hiphil; at vero *הַעֲלָה* ubique transitive usitatum legitur, quare solum part., nisi urgente necessitate, ab hac regula excipi nequit. Frustra in hoc genere HITZ. advocat Ierem. XLVI, 4, ubi mere habetur *עֲלֵי הַפָּרָשִׁים*, ascendite equites (in equos)! et Mich. III, 7 ubi non legimus part. sed stat. constr. *תַּעֲנֶה* responsio dei; ac ne quis per calami aberrationem Zere positum cavillet pro Segol, Hi. a. v. *עֲנֵה* nusquam respondere, sed opprimere audit. 2) Transitive notionem haud probe perceperunt a) qui Deum statuerunt esse subiectum cogitationi, veluti I. H. MICH.: „equitatum hostium adducturus est deus,“ coll. Ies. VIII, 7; Ier. L, 9; at licet *הַעֲלָה* haud raro de hostibus in terram irrum-pentibus dici viderimus ad II, 2, nihil est tamen in antecedentibus et sequentibus, quo de deo eundem in modum cogitandum moneamur ac II, 4. b) KIMCHIUS all. obiectum perperam quae-rebant in *וְהָרָב וְהָנֶחֱם*, secundum latinum genus dicendi et — et, coll. Gen. XXII, 4 *וַיֵּשֶׁב וַיֵּרָא* — id quod comparari omnino non posse, vix debet notari. c) Restabat ut supplendum aliquid videretur, v. c. ascendere faciens se; quid vero, quaeso, non scripsit vates *הַעֲלָה*? Magis commendatur EWALDI disputatio in annotationibus exposita: „*הַעֲלָה* scheint als kriegerischer Ausdruck das Aufheben der Waffen, das sich zum Kampfe bereit halten

zu bedeuten, daher auch gleich das Blinken der entblösten Waffen folgt.“ *Satius tamen nobis videtur, ut apud simplicem illam sententiam primo loco propositam remaneamus, quam ipse etiam Ew. in versione sua expressit: anstürmender Reiter; praesertim cum de armorum specie sequentia agant, et vehementia insuper impetus insilientibus equis magnopere angeatur. — Sequuntur in eodem membro commemorata: flamma gladii et fulgur hastae; להב, cfr. להט ח' Gesen. III, 24; flammae et ignis similitudo latius etiam patet ad gladios translata, cum devorare dicantur et vel ore orrientur. cfr. II, 14. ברק fulgur, gladio quoque tribuitur, cum vibratus solis reflectat radios, Deut. XXXII, 41. חניה hasta constat e ligneo hastili עץ ח' 2 Sam. XXIII, 7 et cuspidi ferrea; legitur etiam להב ח' 1 Sam. VII, 7; Iob. XXXIX, 23 all., cfr. Hab. III, 11 חניה ברק חניה, Sach. IX, 13.*

Recte Masorethae v. חניה distinxerunt signo Sakeph; nam caussas iam sequitur effectus, arma vibrata caesorum ingens multitudo. Notandum est autem, quod longe celerior hoc capite proponitur interitus Assyriorum: in c. II expugnationem potius urbis et incolarum spoliationem et captivitatem descripsit vates; hoc autem loco una cogitatione unoque quasi conspectu oculorum eminus advolantes hostes et immensam caesorum stragem complectitur. חלל semper trucidatum significare, refutatis GREVII et KENNICOTTI nugis, qui pedites, milites expeditos interdum intelligendos hallucinantur, ostendit GESEN. thes. כבד prov. XXVII, 3 gravitatem indicat, Ies. XXX, 27 vehementiam; hoc loco veluti כבד cfr. II, 10 multitudinem designat, ut nos fere: schwere Menge. פגר cadaver, funus Ies. XIV, 19. XXXIV, 3.

Altero membro camporum cadaveribus quasi obsitorum imago amplificatur קצה ואין קצה cfr. II, 10. נורה subst. coll. a. v. נורה fluere, (cfr. נור), corpora proprie vel vivorum vel mortuorum, cfr. Pa. CX, 6; 1 Sam. XXXI, 10. 12. LXX solutius καὶ τοῖς ἑθνεσιν ἀνθρώπων. Suff. אם — cadavera indicat tanquam ab hostibus caesa, uti probe vidit HOELEM.: „non Assyriorum per se, sed confos-sorum.“ — Ἀσυνδέτως et magno cum pondere clauditur agmen verbis וכשלו בניחם; cfr. II, 6. Forma verbi quae habetur in textu Masorethico יכשלו explicari omnino nequit; KERI יכשלו, quod sequuntur LXX. Vulg., praeter commutationem literarum ideo alienum ad hoc loco esse probe vidit HIRTZ., quia „der Satz, welcher keinen Fortschritt ausspricht, sondern nur die Unend-

lichkeit der Leichen veranschaulicht, schicklicher ohne die Copula steht;“ tutius erit lectionem aliquot libb. Mss. et editionum sequi (cfr. I. H. MICH. annot. et ROSENUELLERUM a. h. l.) יִפְשֹׁלִי uti II, 6, fut. Ni., cui contrarium esse nequit, quod Hitz. speciem Ni. maxime per similitudinem enuntiari contendit, nam hic quoque translate potius dictum videtur, et respondere quodammodo vv. קָצַר וְאֵין קֶצֶר, sicuti LUTHERUS reddidit: „dass man über ihre Leichname fallen muss.“

b. v. 4 – 7.

Iam vero vates revocata in memoriam tantae stragis caussa, immanium flagitiorum multitudinem, scorti imagine adhibita, Assyriorum scelera in gentes perpetrata proponit v. 4, dein fore asseverat ut ignominia eorum publice a Domino exercituum detegatur v. 5, ipsi in atrocissimum tam peccatorum v. 6 quam supplicii abeant exemplum v. 7.

v. 4.

Propter multitudinem scortationum scorti, venustae grotiositate, magistrae praestigiarum, quae vendebat populos stupris suis et gentes praestigiis suis. Scortationis similitudo diversis rationibus translata in II. ss. reperitur; primum, ut defectum a Domino et idololatriam significet, maxime de Israele dictum, secundum coniugii imaginem in Cantico expositum et Hoseae praeter ceteros usitatum. Ita nostrum locum interpretatus est GROTIUS; at nihil hic de cultu deorum, nihil de destituta dei unius verique religione. Imo altera similitudinis ratio accipienda est, quam, refutata GROTII opinione, praecise definivit HENGSTB. Apoc. II, p. 145: „die in das Gewand der Liebe sich hüllende und unter ihrem Scheine Befriedigung des eigenen Gelüstes suchende Selbstsucht.“ Cogitanda sunt igitur „dolosa foedera illa, quibus alias gentes ad se pertraxerunt Assyrii et sibi tandem subiecerunt,“ ABARB., CALV., I. D. MICH., KREEN., MAUR., UMBR., HITZ. all. Quae interpretatio quam sit idonea et unice simul admittenda, e collatis vv. 1 et 4–7, magisque etiam e reliquis versus nostri verbis satis superque apparet. I. H. MICH., KALINSK. utrumque sensum

perperam coniunxerunt; PISCATOR autem solas blanditias in emendo quaestus faciendi caussa admissas intellexit, nescio an coll. Ies. XXIII, 15 ss.; id quod uberius exposuit EWALDUS: „Ninive's Handel erscheint hier unter dem ganz neuen (?) Bilde der Buhlerei mit andern Völkern“ ct.; est quidem communis utrique explicandi generi cogitatio quaestus; at pecuniae et opibus nullus in hac enuntiatione potest locus esse, ut continuata ipsius EWALDI disputatio ostendit. cfr. UMBR., HIRTZ. Eiusmodi autem scortationis exempla Israelitae satis dilucida erant experti, veluti a Tiglathpilesaro, qui auxilio praestato Iudaeam suae subiecit ditioni, et a Rabsake Ies. XXXVI, 16 all. — Imago scorti commemorata venustate amplificatur. כַּרְבַּי venustum significat uti Gen. VI, 2 all.; additur accus. latius patiens ille, הוּן, venusta gratiositate sua; cfr. הוּן אִשָּׁה mulier gratiosa Prov. XI, 16. V, 19. Venustas illa et gratiositas ad universum eius habitum referenda potius quam, quod voluerunt nonnulli, ad linguae elegantiam restringenda. — Praeter scortationes improbrantur Nino כַּשְׁמִית, alias quoque coniunctae cum וְכִי 2 Reg. IX, 22; Ies. XLVII, 9. 12; Mich. V, 11, incantationes, magicae artes, praestigiae. MAUR.: „intellige scortationes de amicitia simulata et fraudulenta, praestigias de callidis consiliis machinationibusque occultis ct.“ acutius HIRTZ.: „die versteckten Ränke, die gleich magischen Künsten nicht selbst, sondern erst in ihren Wirkungen an den Tag treten.“ — De v. בַּעֲלָה cfr. I, 5.

Quid commiserit meretrix illa, altero membro subiungitur; *quae vendebat gentes* ct. כָּרִי gentes fere notare populo Domini oppositas constat, hic vero omnino de gentibus dicitur, non exceptis Israelitis; non enim de certis quibusdam nationibus agitur. כָּרִי vendere, translate significat: in potestatem alicuius redigere, Dent. XXXII, 30; Iud. II, 14. III, 8. IV, 2. 9. X, 7; Ez. XXX, 12; Ps. XLIV, 13. Aliter notionem verbi definiverunt KREEN., SCHEIDIUS, I. D. MICH. suppl. all.: decipere, irretire, quo et ipse tendit HIRTZIGIUS, cum כָּרִי scriptum argueret pro כָּמַר=כָּבַר, quod nec necessarium et irritum omnino videtur, ubi probe explicantur verba. Quid igitur venditio sibi gentium vult? Si MAURERUM sequamur, „dicitur artibus suis libertate privatos populos servos vendidisse populis aliis“ scl. Ioel IV, 3. 6-8; Am. I, 6. 9, iure respondet HIRTZ., non in aliorum sed in suum commodum Assyrios subegisse gentes. Recte omnino I. H. MICH.: „libertate

sua exutos in servitutem redegit et sibi mancipavit.“ Expressam ergo v. מכר habemus cumulatam privandae libertatis notionem UMBREIT.). cfr. Ps. XLIV, 13; 1 Reg. XXI, 20. 25. HITZIGIUS ut vendendi potestatem labefactaret, debuisse scribi כ asseverat neque verò בוכ; at scortationes non pretium, sed instrumentum sunt venditionis! Haud probe KALINSKIUS venditione seductionem ad idololatriam intelligit, qua factum esset ut deceptae gentes poenae divinae loco aliis subiicerentur. — משפחה familiam gentis designat Gen. X, 18. 20. 31; Sach. XII, 12 ss., integros populos Ier. VIII, 3. XXV, 9; Ez. XX, 32.

v. 5.

Terrarum orbem subiecit sibi Assur; quis est qui vindictam sumere de ea valeat? — *En me ad te, dictum Domini exercituum, et retego syrmeta tua super faciem tuam, et videre facio gentes pudenda tua et regna ignominiam tuam.* הנכי cfr. II, 14. Nomen Domini-exercituum eadem ex caussa hic proponitur, quam vidimus supra. Nimium autem vidit Hieron., cum haec sibi velle verba existimaret; „ipse ad te veniam ad te subvertendum, non mittam angelum, non credam aliis iudicium;“ imo rem acu tetigit CYRILLUS, qui sic interpretatur: *ὅτι μὴ πρὸς ἀνθρώπον ὁ λόγος αὐτῇ, μήτε μὴν ὁ πόλεμος, ἐπεμήνισε δὲ μᾶλλον ὁ τῶν δυνάμεων κύριος κτλ.* — נלה cfr. II, 8. Scortum punitur ad suum modulum et sicuti meruit: cfr. Ies. XLVII, 2; Hos. II, 5; Ez. XVI, 36. 37; Ier. XIII, 22. 26; Apoc. IV, 18. שון syrmeta cfr. Ies. VI, 1; Ier. XIII, 22 legitur שכל; fimbrias non accurate alii intellexerunt cfr. Gousset. p. 1603. מער praeter hunc locum unice habetur 1 Reg. VII, 36, ubi significat spatium vacuum, i. e. non tectum aliquid seu apertum; inde hic = ערוה קלון eodem modo oppositum v. כביר Hos. IV, 7; Habac. II, 26 all.

Quae verba ubi comparamus cum Ies. XLVII, 2. 3 et Ierem. XIII, 22–26 concentum haud fortuitum reperiemus. Ies. l. l. in initio cantici illius de interitu Babelis sic vociferatur: „depone velum, detege crus, abi super fluvios! detegatur nuditas tua (ערוה), etiam cernatur ignominia tua (חרפה); et sicuti aperte interdum Iesiae vaticinia Nahumi animo observata intelleximus, ac nisi literate, ad sensum tamen recitata, ita haec quoque verba

de Babel enuntiata a nostro vate ad Assurem, futurae Babelis quasi praesagium, translata dicemus¹. Iam vero luculentius Nahumi voces vv. 4. 5 resonuerunt apud Ieremiam XIII, v. 22, qui Iechoniae, Iudaeorum regi et matri eius, cum gentium peccata sequi non erubuissent, eandem praenuntiat poenam, quam gentibus impii erant prophetae priores, et eadem meretricis constituta imagine, v. 22 „propter multitudinem,“ inquit, „peccatorum tuorum, et ברב עונך cfr. supra v. 4, deteguntur syrmata tua, כנלי שרליך, et per vim nudantur calces tuae;“ et accomodatius ad nostra verba v. 26: „atque etiam ego detego syrmata tua super faciem tuam, et cernitur ignominia tua, וכראה קלונך.“

v. 6.

Et conicio super te abominanda, et contemptam te reddo; et constituo te tanquam exemplar. Non satis est, ut nequitia eius publice denudetur, sed contumeliose etiam et cum infamia omnium conspectui exponitur. שְׁקִיץ LXX *βδέλυγμα*, res, cuius taedet aliquem, ubicunque praeterea invenitur, idola significat abominanda Deo et populo eius, et quaecunque ad ea pertinent, cfr. 1 Reg. XI, 5. 2 Reg. XXIII, 13. 24; Sach. IX, 7; Dan. IX, 27; hoc autem loco specialis illa potestas, quam retinere Mich. maluit, tolerari vix potest, nec comparatio vv. I, 14 tanti facienda est; imo longe maximam interpretum secuti partem apud ampliorum significationem sordium, stercoreis remanemus; stercore enim et sordes in aliquem conicere summum contemptum et infamiam notat, uti proprio sensu sequens asserit verbum: וכבליך, et contemptam te reddo, s. contempnim tecum ago. ככל Pi. contemptum alicuius verbis s. factis exprimere, cfr. Ies. XIV, 21. Deus autem quos contemnit seu pro nihilo habet (cfr. I, 14 כלום כי) eos exstinguit atque evertit. ושמתי כראי, et constituo te tanquam exemplar. רָאִי in pausa רָאִי, singulare formae genus a. v. רָאִי ter praeterea repertum: Gen. XVI, 13 sensu visionis, 1 Sam. XVI, 12; Iob. XXXIII, 21 notione aspectus; recte igitur LXX exhibent *παράδειγμα*, et interpp. plerique: exemplum, spectaculum. Sensus in promptu est: „edam in te exemplum vindictae tuae,“ TARN., „ut, quoties de magnis peccatis aut de

1) Cfr. KUSPERI Ierem. II. ss. interpr. p. 137.

magno supplicio narrabitur, statim in exemplum adducaris,“ **MENOCHIVS**; nos fere: du sollst exemplarisch bestraft werden. Cfr. Ez. XXVIII, 17: „in terram te proiciam coram regibus et tradam te ad intuentium te“ et., כחריץ לראות בך. **Exempla** eiusmodi plura suppeditat N. T.,—veluti Matth. I, 19: *μη θέλων αὐτὴν δειγματίσαι*. 1 Cor. IV, 9: *θεάτρον ἐγενήθημεν τῷ κόσμῳ*. Hebr. X, 33 all. Qua simplici significatione relicta alii rei despectae vel stercoris notionem statuerunt, **DRUS.**, **MARCK.**, **KALINSK.**, quam refutavit **GOUSSETIVS** p. 1454.

v. 7.

Et fit, ut quisquis te conspexerit, fugiat a te et dicat: devastata est Nenus! quis est qui condoleat ei? unde quaeram consolatores tibi? יררי ad augendum enuntiationis pondus in limine positum; cfr. Ies. LXV, 24; Ioel III, 5. ראויך praeclare revocat illud ראי v. 6. נדר cfr. v. 17; Ies. X, 31. XXII, 3 ss.; Ps. XV, 8, fugere, „horroris et odii signum,“ **CALV.**, „velut a Nidda, re foeda 2 Paral. XXIX, 5,“ **MICH.** שְׁדֵדָה rarior f. Pual species pro שְׁדֵדָה Ies. XV, 1. Similis de vastata Moabitarum terra habetur exclamatio Ier. XLVIII, 20: הָבִישׁ מָאוֹב — כי שָׁדַר מָאוֹב cfr. XI, 8. נר agitari, commoveri, scil. capite cfr. Iob. XVI, 4. 5, commiserantis signum; נר ל' agitari alicui, in alicuius commodum, haud raro dicitur pro: commiserari, consolari aliquem, cfr. Ier. XV, 5. XVI, 5. XLVIII, 17; Ps. LXXIX, 21. — מֵאֵין אֵי addito ; non paragogico, sed veteris appositionis נה reliquia cfr. **Ew.** §. 164, c, quod unice in hoc dicendi genere, adiuncto מ, reperitur. Commutata tertiae p. in alteram nota vivido orationis genere satis explicatur. Vix autem dubitandum est, quod non liquebat **HOELEMANN**o, ultima haec verba ad homines ingentem interitum declamantes, neque vero ad deum esse referenda. — Ceterum indiciiis luculentissimis, a **KUEPERO** l. l. p. 140 expositis, probatur, hunc versum rursus ad Iesaiæ similitudinem esse expressum, qui tristem Iudaeorum statum c. LI, 19 hisce deplorat verbis: „dua illa tibi obviam venerunt: quis te consolatus est? devastatio et ruptio et fames et gladium — quem faciam te consolari,“ מִי אֲנַחֲמֶךָ? ac ne fortuito haec ita videantur concinere, Iesaiæ libri memoriam paullo infra v. 10 deprehendimus; quo adde quod II, v. 1. eandem Iesaiæ pericopam olere intelleximus.

B. v. 8–13.

Iam vero ne Ninus opportunitate situs et opibus cladem illam (v. 1–3) et ignominiam (v. 4–7) posse avertere videatur, Thebarum affertur exemplum, quibus, uti praesagiente animo fore aliquando vidit vates, nec locorum longe praestantior opportunitas et firmitudo v. 8 nec ingens copiarum multitudo v. 9 profuit, quin caperetur et incolae eius in captivitatem et miseriam abducerentur v. 10. Haud alia erit, in quam Ninus incidet, calamitas v. 11; omnia loca munita nullo fere negotio occupabuntur v. 12, et fines elapso fortissimae olim gentis animo aperti, ab hostibus capientur, v. 13.

a. v. 8–10.

Prius quam ad explicandam hanc pericopam accedamus, quaerendum est, quando expugnatio illa Thebarum, de qua legimus, et a quo tandem facta omnino esse videatur? Satis diversae interpretum de hac quaestione extiterunt sententiae, e quibus, cum longum sit, enumerare ad unam omnes, gravissimas deinceps recensimus. Quo facto fieri non posse intelligemus, ut factum aliquod praeteritum respici statuamus, licet longe plurimis ita placuerit, nec prima verborum species tale quid non suadere videatur, imo futuram quandam cladem praenuntiari.

Ac primum quidem, si in ipsa vatis inquiramus verba, num aliquam suppedient eius gentis cogitationem, ad quam victoria et expugnatio referenda sit, nihil omnino elici potest; hoc tamen affirmare pro certo debemus, ab universa loci indole et ratione neminem longius abesse quam 1) ipsos Assyrios; id quod probe perspexit EWALDI sagacitas, et GESEN., qui cum antea¹ longe aliter iudicasset, serius² ingenue concessit. Nonne enim, si aliter esset, aliqua atrocissimae talionis facta mentio fuisset? neque potest exprobrari nobis, quod per omnem Nahumi librum tacitam et quasi occultam retributionem indigitavimus; ea enim, qualia erant, universam Assyriorum agendi rationem referebant;

1) Cfr. comm. in Ies. I, 641 ss. vide sis infra s. n. IV.

2) Cfr. Hallische Literaturzeitung 1841, No. 1.

Thebarum autem ab ipsis illis facta expugnatio et eius populi destructio atque deportatio (cfr. v. 10), quocum per integra fere secula de imperio orbis terrarum dimicaverant, quae primum atque summum locum inter omnia bellicosissimae gentis facinora tenere debebat, ea ratione commemorari nullo modo poterat. Nihilominus maxima interpretum pars ab ipsis Assyriis factam illam Thebarum eversionem opinabantur, atque in inveniēdo aliquo rege et tempestate aliqua, cui adscribi illa posset, gravi sese exercebant labore; quibus maxime insuper contrarium est, quod nusquam idonea quaequam eius commemoratio nec in ll. ss., nec in veterum scriptis¹, nec in monumentis Assyriorum vel Aegyptiorum reperiri potest; non enim de victoria aliqua vel clade Aegyptiis inflicta agitur, sed de expugnatione capitis celeberrimi et incolarum exsilio. Nam 1) qui de Salmanassaro cogitant (ZORNIUS² all.), vel, quem eundem fuisse diximus, de Sargone (GESEN., HESSE³, SUESSKIND⁴, UMBR., HITZ., SCHMIEDER), maxime provocant ad XX^{mum} Iesaiæ caput, unde colligant, Tartanem, Sargonis imperatorem, Aegyptios et Aethiopes debellasse atque in exsilium deduxisse; de cuius capitis explicatione idonea cfr. proll. 2) Alii ad Sanheribum memorabile factum detulerunt (USSERIUS, PRIDDEAUX, GREVE, KREENEN.); in quorum favorem laudata sunt IOSEPHI verba (Arch. X, 1, 4), qui auctore BEROSO Sanheribum cum Aegyptiis bello conflictasse tradit; at vero nihil commemorat de eversione Thebarum, nec de victoria quidem Assyriorum⁵; quo accedit, quod nec post cladem illam apud Hierosolimam acceptam ullus eiusmodi expeditionis locus est, nec antea⁶; atque ipse etiam Sanheribus, cuius res ante funestum illum reditum gestae satis accurate perscriptae nuper emergerunt e ruinis, debellatos quidem a se ipso Aegy-

1) Id quod fatetur etiam GESENIUS comm. in Ies. p. 642.

2) Cfr. disputationem eius diligentissime compositam illam: De historia et antiquitatibus urbis Thebarum, opuscul. ss. 1731, II. p. 322 ss. cfr. p. 387.

3) De rebus Assyriis. Vratisl. 1836.

4) Bemerk. zu Nah. III, 8. 16. Studd. u. Kritt. 1835, 1, p. 149 ss.

5) Ἀλλὰ καὶ Βηρωσσὸς μνημονεύει τοῦ βασιλέως τοῦ Σιναιτίου, καὶ οἱ τῶν Ἀσσυρίων ἦρχε, καὶ οἱ πᾶσι ἐπεστράτευσαν τοῖς Ἀσίοις καὶ τῇ Αἰγύπτῳ καὶ.

6) Cfr. ZORN. l. l. p. 378 ss. KALINSKY p. 94 ss.

ptios et Aethiopes apud oppidum Lachisch gloriatur¹, cum Aegypti ipsius expugnationem certo non omisisset; imo ipse Tirrhaka, nescio an propter ignominiosum illum receptum², debellatos iactat Assyrios³, idque in ipsis Thebarum monumentis. 3) Postremo, ne quis videatur omissus esse, Assarrhadonem etiam sibi delegit KALINSKIUS, ABYDENI quibusdam nixus verbis, ab EUSEBIO⁴ traditis, quae Axerdim, i. e. Assarrhadonem, „Aegyptum partesque Syriae inferioris in suam potestatem rede-gisse“ docent; quibus quanta habenda fides sit, dudum demonstravit NIEBUHRIUS⁵. — Quibus omnibus argumentis adde sis, quibus Assyriorum cogitationem prohiberi diximus.

Satius agere videbantur, qui non ad Assyrios, sed ad II) Aethiopes referebant Thebarum expugnationem, quos exitum 8^{vi} sec. versus Aegyptiacarum rerum potitos esse constat⁶. (VITRINGA typ. doctr. proph., GROTIUS, HUPFELD⁷). At, ut omittamus, omnem regnandi rationem, qua reges illi Cuschitae utebantur⁸, eiusmodi esse, ut expugnationem et eversionem Thebarum, praecipuae Ammonis colendi sedis, vix pati videatur: Nahumi verba contrariam comprobant sententiam, cum Aethiopes inter auxilia et socios Aegyptiorum recenseantur v. 9.⁹

Reliquas opiniones paucis absolvamus. III) Ad sec. 7^{mi} tempestatem, qua Aegyptus internis concutebatur tumultis, confugit EWALDUS, neglecto 10^{mo} Nahumi versu, cuius verba נחמ נא

1) Cfr. RAWLINSONI Outlines of Ass. Hist. p. XXXV; Athenaeum Londinense 1851, No. 1243, p. 903, b.

2) Cfr. etiam HEROD. II, 141.

3) Imagines in pylonibus expressae monumentorum, quae nunc nomine Medinet-Abu comprehenduntur, decem exhibent gentes Asiaticas, quas Tirrhaka rex tenet vinctas; cfr. LEPSII Denkmäler aus Aeg. u. Nub. sect. V, tab. I; ROSSELLINI monument. stor. vol. II, tab. 150; tria quidem nomina apposita sunt, quorum significatio nondum satis enucleata est; vultum tamen natura et barba Asiaticum indicat genus; ac modo temporis habeamus rationem, vix alios possumus quam Assyrios intelligere.

4) EUSEBII chron. arm. ed. AUCHER. (4) p. 54.

5) Kleine Schriften I, 206 ss.

6) Cfr. HEROD. II, 137.

7) De rebus Assyriorum p. 51 not.

8) Cfr. LEPSII Briefe aus Aegypten p. 275.

9) Cfr. ZORN. l. l. p. 376; SUNSSKIND. l. l. p. 159; Ew.

לנרחה' extraneos hostes olent. — IV) GESENIUS¹ deinde Scytharum irruptionem ab Herodoto narratam illam intellexit, cuius tam incerta atque lubrica et fides omnino et tempus est², vix ut conferri in certamen valeat. — V) Nec defuerunt qui Carthaginenses etiam induci posse probarent (HEEREN., SUESSKIND l. l.) uno sublevati AMMIANO MARCELLINO, qui urbem Hecatompylos a Poenis olim expugnatam tradit; quibus nisi respondere in animo est cum GESENIO thes. a. v. כנ, aliam fortasse significari eiusdem nominis urbem, satis erit monuisse, dubium illud de tam remota antiquitate testimonium idoneo carere momento. — VI) Denique inter eos, qui praeteritam aliquam cladem a vate respici existimant, maxime omnium aberravit BOCHARTUS, cum captam a Nebucadnezare intelligeret urbem, atque adeo Nahumam, cum postea scripsisset, praedictae a Ieremia et Ezechiele cladis et iamiam confectae extitisse testem!

Iam vero ad singula argumenta illa, e quibus singulas interpretum opiniones improbandas esse diximus, accedit, quod ante Nahumi aetatem Thebas non esse expugnatas atque dirutas neque incolas in captivitatem abductos, ex ipsis Aegyptiorum monumentis constat, quorum indicibus magnificentissimae urbis historia satis luculenter conficitur³; quorum auctoritate docemur, nullam alicuius momenti cladem cogitari posse ante Cambysem⁴.

Quae cum ita sint, paucos illos sequimur interpretes, qui futuram Thebarum fortunam praenuntiatam viderunt, HIERON., THEODORETUM, CYRILLUM, COCCEIUM; verborum igitur formae pro propheticiis quae aiunt praeteritis habendae erunt. Neque vero eo illis nomine assentimur, quod certam illi quandam indigitari expugnationem existimarunt; imo Aegypti caput splendidissimum omnino iri eversum docetur, idque tam a Cambyse, quam ab aliis deinceps omnibus, qui Thebas unquam destruxerunt, confectum est.

Videmus igitur duabus ex causis Thebarum afferri exemplum: primum, ne natura Nini et opibus Assyrii quidquam contra destinatum sibi fatum valere existimarent; tum vero, ne quis illis

1) Cfr. Hallische Literaturzeitung 1841, No. 1.

2) F. A. STRAUSS Zeph. proll. p. XIX ss. DELITZSCH. Hab. p. XVIII.

3) Cfr. LARSEN Briefe aus Aeg. p. 272 ss.

4) Cfr. ibidem p. 276.

ab Aegyptiis imminere perniciem opinaretur. In eorum enim expectatione, penes quos summa tunc post Assyrios potentia erat, defixi omnium haerere oculi debebant, cum de exstinguendo Assyriorum imperio ageretur. Illis igitur et ipsis suam propediem fatalem adesse horam significatur; ita ut hoc loco per negationem quodammodo de instrumentis iudicii in Assyrios exsequendi instituiamur. Hic autem scopus non primo, sed secundo atque minore loco habendus est.

v. 8.

Numquid melior es quam No-Ammon, quae habitat in fluminibus, aquae circa eam? cuius munimentum mare, e mari murus eius? הַחִיטִּי unicum fut. יִיטֵב pro יִיטֵב exemplum, uti reperitur פְּלִיחִים simul et פְּלִיחִים Ierem. XLIV, 28; Ez. VI, 8. יִיטֵב לִי significat: bene mihi est Gen. XII, 13. XL, 14 all.; coll. 1 Sam. XVI, 16. 23 לִי טוֹב; sensus ergo quaestionis est: num melior tua conditio est, i. e. num potentior es et amplioribus etiam defensa munimentis quam No-Ammon? Natura enim locorum est et munimentorum praestantia, quae in comparisonem vocatur, nec mera magnitudo (HIERON.). Aliter EWALDUS interpretatus est: „willst du ein besseres Schicksal haben et.;" HOELEM.: „cum moribus non melior es, fortuna quoque meliore non digna es," et ingeniose UMBR.: „Oder bist du besser? — fragt Gott den Sünder, der mit ihm rechten will, und schneidet mit dieser Frage alle Wurzel weiterer Verhandlung und Entschuldigung ab;" a quibus sequentium versuum ratio negligitur, quae de morum depravatione nihil habent, verum de potentia et firmitudine agunt. — מִן comparisonem institutam indicat. — כֹּא אֶמֶן Ierem. XLVI, 25; Ez. XXX, 14 ss. nude כֹּא dictum, Thebas significat Aegyptiacas, a LXX. a. l. Ierem. Διόσπολις, hic vero μέρις Ἀμμων redditas, portio Ammonis, cui celeberrimum fanum in ipsa urbe erat; inde Ier. XLVI ipse Ammon Noënsis dicitur, eiusque cultum respicit Ezech., cum XXX, 15 enuntiaret: et exstinguo tumultum e No, אֶחָד־הַמֶּן כֹּא. Significatio v. כֹּא nondum enucleata est; diversas vv. dd. opiniones exhibuit GESEN. thes. a. v. Nomen a Graecis urbi impositum Θηβαί eo referendum est, quod Ap, c. artic. fem. Tap, nomen erat celeberrimi cuiusdam Ammonis delubri media in urbe aedificati; quod nomen, plurali prac-

sertim numero expressum Napu, ad universam urbem haud raro transfertur¹. Erat autem caput superioris Aegypti, sicuti inferioris Memphis, et quo maior a primis inde temporibus superioris regni erat auctoritas et potentia, eo Thebarum quoque magnitudo et divitiae et magnificentia reliquis Aegypti praecelebant urbibus; quid? quod ad sacrum hunc Ammonis locum omnis Aegyptiorum quasi cogitur historia². Egregiam eius, quo olim gaudebat, splendorem ingens illa templorum et palatiorum destructorum moles per latos campos effusa apud vicos Medinet Abu, Lugsor, Karnak testatur hodieque, neque ullam reperiri tam grandem tamque excelsam ruinarum maiestatem, omnia deinceps itineraria affirmant³. — At vero No Ammon esse Thebas, nostra demum memoria consentiunt interpretes, BOCHARTUM⁴ et ZORNIUM secuti; fuerunt tamen, qui praeceunte IONATH. et HIERONYMO, ab institutore suo ita edocto, Alexandriam intelligerent, situ eius maxime commoti, CALV., GROTIUS, IUN., PISC., DRUS., MARCK. et vel per prolepsin una cum existentia interitum praedictum, vel oppidum quoddam, quod antea eius locum tenuisset appellatum docerent, licet STRABONE et PAUSANIA auctore κώμη tantum ibi reperiretur, priusquam ab Alexandro urbs conderetur. Alii autem Diospolin minorem acceperunt, super Mendetem in Aegypto inferiore sitam, praesertim cum STRABO lacubus eam circumdatam fuisse traderet (l. XVII, c. I: Διὸς πόλις καὶ αἱ περὶ αὐτὴν λίμναι), KALINSK., KREEN.; at quomodo obscurum illud oppidum comparari Nino atque adeo praestantius esse dici possit? Quo accedit, quod probe monuit ZORNIUS: „urbs Ninevitis ponenda ob oculos erat, quae non magis natura et mirificis molibus munita, quam propter imperii amplitudinem et diuturnitatem florentissima esset, ut Ninevitae illud e fatis tantae urbis cognoscerent, quod ipso usu etiam mortales docentur.“ Situm vero vv. seqq. descriptum perbene quadrare in Thebas, confestim patebit.

1) Cfr. LEPSIUS Briefe p. 272 ss.

2) Id quod ibidem luculenter perstrictum reperitur.

3) Cfr. ZORNI librum supra l., et libros a GESenio thes. a. v. et WILNERO R. W. a. citatos, quibus adde LEPSIUM l. l. p. 265 — 303 et F. A. STRAUSS., Sin. u. Golg. (V) p. 66 — 77.

4) Phaleg. p. 6. 7.

דישבה ביארים, *quae habitat in fluminibus*, et quidem secure habitat cfr. Zeph. II, 15; Sach. I, 11. יארים ampliore quidem potestate fluminum reddidimus, vix tamen praeter Ex. VIII, 1 usquam fluvium notat, nam Ies. XXX, 21 rectius Euphrates et Nilus intelliguntur; translate dicitur Iob. XXVIII, 10; praeterea Nilum semper indicat, et plur. num. exaratum Nilum cum brachiis et canalibus fossisque ex eo deductis Ies. VII, 18. XIX, 6. XXXVII, 35; 1 Reg. XIX, 24; Ex. VII, 19 all.; nomen autem Aegyptiaco quoque sermone canales significare ostendit GESEN. thes. a. v. Nobis canales urbem cingentes cogitandi erunt; nam licet in utraque Nili ripa urbs fuerit aedificata, tale quid tamen si indigitare voluisset vates, aliis vocibus fuisset usus; id quod confirmatur vv. seqq.: מים ס"ל.

Altero membro subiungitur, quale iis ex hac natura redundaverit commodum: *cuius munimentum mare est, e mari murus eius*. Videamus primum quid sit חיל; quod multiplici ratione explicatum est; ab aliis fossa, CALV., MAUR., ab aliis lacu et paludibus, KREEN. all.; HOELEM. reddidit vallo et fossa; HITZIGIO est st. constr. a. v. חִיל, castellum notante, sicuti SCHMIDIUS, DE DIEU exhibuerunt: „quae fortitudo est maris;“ denique EW., UMBR. recte, ut nobis videtur, statuunt nostrum Schutzwehr; quae notio in promptu est 1 Reg. XXI, 23; 2 Sam. XX, 15; Ps. XLVIII, 14. CXXXII, 7; cfr. חוֹסֵה חִיל Ies. XXVI, 1; חִיל ח' Thren. II, 2; Graeci προτείχισμα, περίτειχος, περίβολος, Vulg. antemurale; atque adeo apposite GESEN. thes. „murus minor et exterior fossam ambiens, una cum pomoerio,“ id quod KIMCHII verbis comprobavit; HOELEM. cum ad 2 Sam. XX, 15; Ies. XXVI, 1 provocaret, ab idonea ll. interpretatione aberravit, cfr. I. H. MICH. a. hh. ll.; GESEN. thes.; HITZIGIUS autem nullo probare exemplo poterit notionem castelli, nam Obad. v. 20 aptior est copiarum potestas cfr. CASP. a. h. l., Hab. III, 19 fortitudinis: adde, quod secundum illam interpretationem haec verba parum consonant cum reliquo versu. — ים plerumque quidem mare est, transfertur autem haud raro ad magna flumina, v. c. ad Nilum Ies. XVIII, 2. XIX, 5; Iob. XLI, 23; Ez. XXXII, 2, ad Euphratem Ies. XXVII, 1; Ier. LI, 56; dicitur etiam de mari aheneo 2 Reg. XV, 13 all.; illos vero locos, quibus GESEN. thes. notionem plagae occidentalis probari contendit, ad simplicem omnes maris, mediterranei nimirum significationem reiciendos

existimo. מִזֶּיֶם ה' *e mari murus eius*; חֲרִמָּה *murus principalis* est, cfr. GESEN. thes., WINERI RW. I, p. 317. Sententiam probe descripserunt UMBR., MAUR., HITZ.: cuius murus mari conficitur; BOCHARTO autem et MICH., qui rubrum et mediterraneum mare, Aegyptum cingentia intellexerunt, sequente EWALDO: „deren Mauer Schutzwehr war von Meer zu Meer,“ obstat praeter cetera, quod non de terrae, sed urbis agitur propugnaculis, et quod longius retardatum ad finem usque esset חֲרִמָּה.

v. 9.

Aethiopia praesidium est et Aegyptus, nec finis est; Put et Libya sunt in auxilio tuo. In enumerandis gentibus, quibus magnitudo et potentia regum Thebanorum conficitur, eam vates instituit rationem, ut a meridie profectus Nili decursum secutus ad septentrionem progrediatur, dein ad occidentem deflectat. כְּרִשׁ, Gen. X, 6. Chami filium natu maximum, deinde populos ab eo genitos designat, alias etiam כְּרִשׁן appellatos, Hab. III, 7¹, quos Graeci Aethiopum nomine complectebantur. Sedes eorum latius quidem patebant; neque enim Africae partem tenebant solam, ab Aegypto meridiem versus vergentem, uti docuit SCHULTHESS², assentiente GESENIO thes. a. v., nec Arabiam tantum, uti existimavit BOCHARTUS³, sed regiones utrasque secundum argumenta a I. D. MICHAELE⁴ exposita; quo adde, quod e disputationibus ROSENMUELLERI⁵ et KNOBELII⁶ apparet, per omnes fere Asiae plagas meridionales Cuschitas incoluisse dispersos. Ad nostrum autem locum propriae tantummodo sedes eorum pertinent, Africanæ illae, ubi hodieque gens quaedam, cui nomen est Bischarîba, ad originem eorum reperitur referenda⁷. Quae de summa Meroënsium humanitate atque artium literarumque gloria, Aegyptiis etiam vetustiore, ferebantur vulgo, ea nunc a. vv. dd. plane ne-

1) Cfr. DELITZSCHIIUM a. h. l.

2) Das Paradies p. 10 ss.

3) Phaleg. IV, 2.

4) Spicileg. p. 143 ss.

5) ROSENK. bibl. Alterthumsk. III, p. 155 ss.

6) KNOBELII Völkertafel p. 246—257. Cfr. WINERI Realw. a. v.

7) Cfr. LEPsu Briefe aus Aeg. p. 266.

gantur¹. Necessitudine autem cum Aegyptiis intima, per multa deinceps secula continebantur; et Aethiopicos aliquando reges Aegyptiarum rerum potitos fuisse, Sabaconem et Tirrhakam, notum est; quod cum versus 8^{vi} seculi finem evenisset, apud Iesaiam potissimum uterque populus uno imperii vinculo coniuncti appellantur, cfr. XX, 4. XLIII, 3. XLV, 14. — עצמה robur, praesidium, cfr. Ies. XL, 27. XLVII, 9, s. עצם Deut. VIII, 17; Iob. XXX, 21; ceterum ה non est suffixum; quod si esse, ornatum esse s. Mappik deberet. — מצרים², Aegyptus, alter Chami filius Gen. X, 6. Nomen tam notione sua quam forma Aegypti indolem egregie exprimit. Significat enim duplicem angustiam, i. e. duas plagas illas, deserti Africani montibus et rubro mari inclusas, Nilo segregatas³; dualis autem forma utrumque indigitat regnum, superius atque inferius, tam soli natura, quam religionis artiumque ratione et sermonis dialecto satis diversa illa; quo referendum est, quod ii etiam reges, quibus utraque regio subiecta erat, non „reges Chemi“ se ipsi appellabant, sed „reges terrae superioris et inferioris,“ vel „reges utriusque terrae⁴.“ — Additur autem, ut ingens Aegypti propriae et magnitudo et potentia notetur, ואין קצה, de quo cfr. II, 10. III, 3.

Iam vero quoniam ad septentrionem pervenit vates, sinistrorsum deflectit, et quoniam eas commemoravit gentes, quae ad ipsum atque genuinum pertinent regnum (עצמה), iam adiicit eas, quae inter socios et auxiliosos numerandae erant, דרו בעורחיה; cfr. Ps. XXXV, 2 קומי בעורחי, et Ezech. XXVII, 10: פרס ולרד ופרס; דרו בחילך; quos suff. 2^{dac} pers. offendit, ii vividum primum atque alacre Nabumi neglexerunt ingenium, cui proprium est, coram interdum appellare, de quibus facit verba, cfr. v. 15, tum vero in eo erraverunt, quod ה in v. עצמה pro suffixo habuerunt. Afferuntur autem duo nomina פרס, tertius Chami filius, et לרבים, Libya, unam quidem gentem complectentia (quod vel inde patet, quod LXX Ier. XLVI, 9; Ez. XXVII, 10. XXX, 5.

1) Cfr. ibidem p. 277.

2) Apud Babylonios nomen audit Mišir, apud Assyrios Mušur s. Mušuri, cfr. RAWLINSON Analysis of the Babylonian text at Behistan p. XVIII.

3) Cfr. DELATZSCHU Genesis p. 218.

4) Cfr. LEPsius über den ersten ägypt. Götterkreis p. 16 ss.

XXXVIII, 5 פִּיט reddiderunt *Αἰβυας*); tamen Libyes non mere adduntur *ἐπεξηγηταιῶς*, uti censuit BOCHARTUS¹; sed Put universam notat Libyū gentem, לִיבִים Libyes, quos aiunt, Aegyptios, qui a Canopico Nili ostio ad occasum versus incolebant. Quae KNOBELII² sententia ideo probanda magis nobis videtur quam GESENI, qui inversam statuit rationem (thes. a. v.), quod ex ethnographica tabula Gen. X docemur Put fuisse Chami filium, Lehabim eius nepotem, filium Mizraim; quo adde, quod IOSEPHUS³ tradit Putaeorum regionem esse Mauretaniā, quae latius patet quam Libya. — Ceterum easdem fere gentes alibi quoque coniunctas reperimus, cfr. Ier. XLVI, 9; Ez. XXX, 5 Kusch, Put, Ludim; Ez. XXVII, 10 Lud et Put; XXXVIII, 5 Kusch et Put.

v. 10.

At nihil est humana potentia, nihil etiam praesidia humana, ubi hostium agmen ducit Dominus exercituum! cfr. v. 5. — *Etiam illa in deportationem, abiit in captivitatem, etiam infantes eius allisi sunt in capitibus omnium platearum: et de nobilibus eius iecerunt sortem, et omnes magnates eius vincti sunt compedibus.* — נִסְדְּרִים cum egregia emphasi bis positum, bis repetitur v. seq. גִּלְלָה part. fem. deportata, scil. multitudo (cfr. גִּלְלָה deportatus 2 Sam. XV, 19; Amos VI, 7), inde exsilium ipsum Esr. VI, 21. Idem fere notat שְׁבִי, in quo captivitatis praevalet cogitatio, cfr. שְׁבוּרָה; saepius legitur בְּשִׁבִי הָלַךְ Deut. XVIII, 41; Ies. XLVI, 2; Ier. XXII, 22. XXX, 16; בְּגִלְלָה ה' Ier. XLIX, 3, sed nusquam לְגִלְלָה, in quo rara insuper exsilii notio statuenda esset; quare, cum intt. plerique tam לְגִלְלָה quam בְּשִׁבִי suspenderent a. v. הִלְכָה, non curantes incommodum duarum praepositionum certamen, melius verterunt IUN., TREMELL., PISCAT., KREEN.: „etiam haec deportationi (suppl. הִיחָה), abiit in captivitatem.“ Tolerari autem alia quoque potest interpretatio, a I. H. MICH. statuta: בִּשְׁבִי abiit inter captivos; praefenda tamen altera propter simplicitatem est. Consuetudinem autem victricum Asiaticarum

1) Phaleg. p. 336.

2) Cfr. Völkertafel p. 297. DELITZSCHU Genes. p. 219.

3) Archaeol. I, 6, §. 2.

gentium fuisse, ut devictos in alias deducerent terras tam e ll. ss. quam e veterum scriptis, constat¹; Assyrios autem praeter ceteros ita egisse, historia² simul et ipsa eorum monumenta³ docent. — Quibus verbis cum finis statim propositus sit, iam quae antecedant captivitatem horrenda et atrocia, tribus perstringuntur imaginibus. עלל infans, distinctum ab infante lactante יונק 1 Sam. XXII, 19. XV, 3. Immanis illa crudelitas saepius adhibita traditur, cfr. 2 Reg. VIII, 12; Hos. X, 14. XIV, 1. Verba ad Iesaiæ similitudinem conformata sunt, qui XIII, 16 de Babele cecinit: וְעַל־יִלְדָּהּ יִרְשָׁנוּ לְעֵינֵיהֶם; cfr. Ps. CXXXVII, 9, ראשׁוֹ caput platearum, i. e. compita, ubi alliduntur miseri propter angulorum aciem; nec necesse est ut praegnans arguamus dicendi genus: allisi exanimesque iacebunt in compitis ct. (BURK.), licet non improbandum penitus videatur, cfr. Ies. LI, 20; Thren. II, 19. 21.

De nobilibus eius, s. honoratis cfr. Ies. XXIII, 8. 9; Ps. CXLIX, 8, *iaciunt sortem*; de v. ירר cfr. CASPARIUM ad Obadi. v. 11. Eorum more, qui distribuunt exuvias, mancipia inter se dividunt. (BOCH.) Cuius sortitionis genus, satis usitatum illud apud veteres, cfr. Ioel. III, 3; Obadi v. 11, exposuit M. MAURITIUS de sortitione vett., Hebr. imprimis, Basil. 1692. — *Et magnates eius omnes vinciuntur compedibus*. נִרְוִיִּים cfr. Ion. III, 7. וְקִים compedes cfr. Ps. CXLIX, 8; Ies. XLV, 14, וְקִים Ierem. XL, 1. 4, HOELEM. arctius, ut videtur, notionem restringit ad vincula manuum; omnino sunt vincula aënea, cf. GOUSS. lex. p. 424.

1) Cfr. Ies. XXXVI, 17 all; cfr. HANSEN. de rebb. Tyriorum p. 51 ss.

2) Cfr. 2 Reg. XVII, 23. 24.

3) Monumenta exhibent creberrima captivorum agmina, quorum habitu V. Ti. verba de miseria deportatorum enuntiata illustrantur; ex. gr. viros compedibus vinctos, baculis militum actos atque incitados videmus (BORONI p. 226. 547; LAYARD. Nin. fig. 60) mulieres solutis crinibus capita manibus obtegentes cfr. 2 Sam. XIII, 19; Ier. II, 57 (BON. p. 235; cfr. GOSSE p. 359 ss.). Urbium quoque evacuatorum atque desertarum inveniuntur imagines, ad quarum portas exitiosae etiam stant testudines, testes expugnationis, et unde incolae cum mulieribus et infantibus pecoribusque abducuntur (BON. p. 277). Rex autem ille, qui statum Nimrudensem inscripsit, cuius nomen RAWLINSONIUS antea Temenbar, nunc Divanubara censet legendum, haud raro eiusmodi iactat deportationes: cfr. RAWLINS. comment. on the Cuneif. Inscr. p. 43: „Yavnu the son of Khaban, with his wives and his gods, and his sons and his daughters, his servants and all his property, I carried away captive into my country of Assyria.“ Cfr. p. 33. 35 all.

b. v. 11–13.

v. 11.

Tantum abest, ut melior sit No Ammone Ninus, ut gravio-
rem etiam expertura casum sit. *Etiam tu inebriabere, esto abscon-
dita: etiam tu quaeres praesidium ab hoste!* Praeclare secundum
v. 10^{mi} similitudinem utrumque membrum incipit vv. נִסְתָּרָה, tu quoque, sicuti Thebae illae, tu etiam, a qua tale quid longe
abesse et ipsa et populi fere omnes opinantur. Verba HOELEM.
recte ait non mere futura esse, sed voluntativa, uti nos reddidi-
mus sec. abbreviatam imperat. f. חֲרִי, Ew. §. 224. Non proprie
autem, sed translate dicitur inebriari Ninus. „Locutio haec meta-
phorica, alibi in bonum sensum abundantiae bonorum et laetitiae
hinc perceptae sumpta“ (cfr. I, 10), „hic clarum est, quod notet
malum, non culpa, . . . sed poenae, quatenus dicit haustum ex
poculo irae divinae liberalem, unde foret summa infirmitas, et
vertiginosa consilii inopia, quin et stupor lethalis, sicut in ebris
haec adesse solent, coll. Ies. LI, 17. 20. 21; Ier. XXV, 15 all.“
MARCKIUS. כְּעֵלִים simpliciter significat id, quod latet, occultum
est, 1 Reg. X, 3.; Lev. V, 2–4; Eccl. XII, 14; sensus igitur
enuntiati hic est: adeo eris deleta ut reliquiae tuae frustra quae-
rantur, cfr. I, 8. II, 12; Obadi. v. 16 „et poculantur et deglu-
tiunt, atque adeo sunt, quasi nunquam fuissent“, וְדִיר כְּלֵא הָיָה.
Haud secus interpretatur CALVINUS: „evanesces ac si numquam
fuisses; nam abscondi saepe Hebraeis est in nihilum redigi.“
CALINSKY, ABARB. Quae cum simplicitate commendetur senten-
tia, maxima interpretum pars huc illuc vagatur. Latendi enim
causam 1) in metu hostium posuerunt DRUS., TARN., HOELEM.,
id quod pugnat cum v. חֲשַׁכָּה; longe satius 2) BURK., UMBR. sec.
Cant. I, 7 capitis involutionem, summi pudoris signum intellexe-
runt cfr. HENGSTB. a. h. l.; ad quem fere sensum pervenerunt
LXX ὑπερωραμένη, HIERON. eris despecta, MAUR.; tamen et
verbi notio et nexus sententiarum et Obadiae insuper similitudo
nostram suadere interpretationem videntur. 3) Singulariter Ew.,
HIRTZ. caliginem oculis offusam proferunt; HITZIGIO enim עֶטָה
Thren. II, 19 est = עֶלָה, idque = עֵלִים!¹

1) GREVE et KRENNEN. pro more suo ad Arabes confugiunt, et cum

Tu quoque quaeres praesidium ab hoste. Ita reddimus מאריב cum MENOCH., CALINSK., neque vero „contra hostem,” quia בקש מן significat fere: quaerere aliquid ab aliquo, inferiore praesertim ll. ss. aetate, cfr. Es. VIII, 21. IV, 8. VII, 7; Neh. V, 12. Ps. CIV, 21; Ez. VII, 26, cum antea usitatius sit מיר Gen. XXXI, 3. 9. XLIII, 9; Ies. I, 12 all.; eoque in genere non GROTIIUM et KREEN. sequimur: „salutem ab hoste posces, deditione nimirum,” sed HIERON., MICH., „contra Babylonios (i. e. contra hostes) ab inimicis auxilium rogabis;” longe enim acerbius est, auxilium quaerere ab eo, qui inimicus probatur et traditor, quam nude: praesidium contra hostem quaerere DRUS., CALV., MAUR. Quod dicendi genus illustrari potest eo, quod Saracus Nabopolassarem Medis obviam emisit, is autem cum hostibus iunxit copias atque adeo deceptum oppressit regem. (CALINSKY.) De v. מער cfr. I, 7. LXX legisse videntur מעין: ζήτησις στάσις ἐξ ἐχθρῶν.

v. 12.

*Omnia munimenta tua — ficus cum fructibus praecocibus; si qua-
tiuntur, cadunt super os comedentis.* מבצר locum cancellis circumscriptum significat (cfr. בצר ovile), atque adeo munimentum Ies. XVII, 3. XXV, 12; inde urbs munita עיר מבצר 1 Sam. VI, 18; 2 Reg. III, 19; Ierem. V, 17 all. Iam alii sola Nini ipsius munimenta accipiunt, alii castella sicuti Hab. I, 10; nobis haud secus ac MARCKIO satius videtur, utrumque simul accipere, cum castella in finibus regni constituta (cfr. v. 13) probe possint munimenta Nini appellari. Haec igitur castella atque munimenta, quae firmissima videntur, „in quibus fiduciam suam ponunt” Ier. V, 17, nihil meliora sunt quam ficus arbores, fructibus praecocibus, maturis pollentes; האנים cfr. Gen. III, 7; Mich. IV, 4; Zach. III, 10 all.; בכורים fructus praecoces Hos. IX, 10; Mich. VII, 1; Ies. XXVIII, 4. BURKIUS praecocitatem confudit cum primogenitura, cum diceret: „videtur proph. supponere, quod arbor primos fructus ferens eos facilius amittat, quam alia, iam per annos robustior facta.” כרע non tam fortiter quassare quam leviter motu tremulo agitare, cfr. Ies. VII, 2, quo augetur facillimae occupatio-

GROTIO laudant علم, insignire, notare; נעלם ergo reddunt: „sustinebis infamiam,” secuti SCHULTESIUM, de def. L. II. §. 163.

nis similitudo; Hieron.: levi quidem tactu agitantur. ROSEN-MUELLERI et HITZIGII sententiam, quibus חֲמִצִּים etiam sunt fructus neque vero arbores, una cum argumentis eius satis dudum refutavit MAUR., cui addendum videtur; eiusmodi usum v. עֵץ, qualem nos accepimus, haud temere statui; cfr. Ew. §. 217, h. — וְנִפְלִי copula pleonastice adiecta, uti in enuntiatis conditionalibus haud raro fit. עַל-כֵּי dictum pro כִּי, veluti pluit עַל-אֶרֶץ Job. XXXVIII, 26. Iam vero in hypotheticis enuntiatis imperfectum solet conditiones notare, quae haud existimantur evenire; unde, praeter haec verba, alia etiam excipienda sunt exempla, quibus simplices perfecti vices agit, cfr. Ew. §§. 342, b. 332, c.

v. 13.

Unde tamen fit, quaerimus, quod validissimae gentis castella adeo nullo capiuntur negotio? ubi celeberrima illa et tremenda diu fortitudo? — *En! populus tuus muliercula in medio tuo, hostibus tuis aperiendo aperiuntur portae terrae tuae, devorat ignis vectes tuos.* עֵץ maxima interpretum pars ad milites refert, nec temere, cum legatur eo sensu עֵץ, licet appposito fere הַצֵּבֶה Num. XXXI, 32; Ios. VIII, 13. X, 7. XI, 7; Iud. V, 8 all.; neque tamen instandum videtur definitae huic notioni. Fortissimos ergo Assyrios, quorum bellicosus et strenuus animus vultu et corporis habitu expressus hodieque conspicitur in monumentis — ubi illucescit ultionis divinae dies, deficient robur et nervi, ut mulierculas perterrefactas; id quod partim quidem ad vitam mollem et voluptatibus deditam referendum est (KREEN.) quam extrema tempestate agebant, maxime tamen ad incredibilem plagae divinae vim et efficaciam. Sic Ies. XIX, 16 primum legimus: „illa die erit Aegyptus mulierum instar, et contremiscit et trepidat prae agitatione manus Domini exercituum, quam agitavit super eam;“ dein Ieremias eadem, quae ille primo regno seculari, alteri Nahum erat minatus, ad tertium transtulit Chaldaeorum, c. L, 37. LI, 30. — בְּקִרְבָּךְ LXX ἔν σοι, LUTHERUS in dir; nam קִרְב, uti probe statuit ERNESTIUS, est „tractus totus inter extrema puncta vel intra fines“ (vid. DELITZSCH. ad Hab. p. 131. not.); nec unquam medium ipsum alicuius rei locum designat, imo in praepositionis בְּחֵרֶךְ vel בְּ abiit potestatem (cfr. exempla apud GESEN. thes. s. v.). Nimum igitur viderunt, qui ipsam

intellegerunt Ninum tanquam medium regni locum CALV., CALINSK., HOELEM.; nam sequens demum versus ad ipsum caput adducit.

Elapso defensorum animo fieri non potest, quin propugnacula facile occupentur. לאיכר male ad antecedentia retorserunt I. D. MICH., RUECKERT, HITZ. (I) HOELEM., ita ut audiret: e regione hostium constituti, mulieres sunt; quo futilis conficeretur tautologia. — פתוח נפתח. Infinitivi absoluti cum verbo finito coniuncti vis et efficacia praeclaro hoc cernitur exemplo; rapiditas et facilitas, qua portae aperiuntur, vix aptius exprimi potuerit. שער ארצן ea sunt finium loca, per quae aditus patet in terram, veluti fauces et angustiae montium, castellis fere munitae, cuiusmodi BOCHARTUS Phal. p. 220. Can. p. 377 laudavit Chaboram montem, Mediae oppositum, et TUCHIUS l. l. p. 35 addidit montes a Plinio iam invios appellatos, qui ad septentrionem vergunt; adde quoque fluminum vada et transitus all. Portarum autem, quoniam maxime solent munitae esse, ea est gravitas, ut qui eas ceperit, omnem simul urbem occupaverit, cfr. Ies. XXII, 7; Iud. V, 8; Mich. I, 9; Ier. XIV, 2; Ies. XXIV, 12. Claustra terrae alio etiam sensu usitata cfr. Ion. II, 7. — Continuatur similitudo praepostera imagine: *consumit ignis vectes tuos*. ברה a. v. ברה, cfr. Exod. XXXVI, 33 „et fecit vectem medianum qui transiret (לברה) per medios asseres ab altero extremo ad alterum.“ Iam vero quaerendum est, utrum sua etiam vectibus metaphorica quaedam videatur potestas tribuenda, an simplex in exornanda similitudine concedendus locus esse? Quibus primum illud placuit, ii vectes meminerunt id esse, quo clauduntur portae, i. e. castella et propugnacula, quibus aditus terrae defenduntur, cfr. ברים Hos. XI, 6; quae interpretatio etiamsi possit commendari, praeferrimus tamen alteram. Assyriorum autem consuetudo erat, ut locorum munitorum, quae oppugnarent, portis faces subicerent, quibus cremarentur, uti ex amplissimis monumentorum exemplis intelligimus¹. Vectibus ergo non alia tribuenda significatio erit, quam ut aut amplificent portarum similitudinem, aut metonymice

1) Cfr. BOWEN p. 185. 191. 178. 192. 196 all. Id quod adeo abiisse in regulam videtur, ut BOWEN p. 178 de imagine quadam (BOTTA pl. 93) asseveret: „It is remarked, that the Assyrians have not set fire to the gates of this city, as appeared to be their usual practice in attacking a fortified place.“

pro ipsis portis videntur dicti esse. — Resonant haec verba, paullulum quidem immutata, apud Ieremiam, Ll, 30: „heroes Babelis pugnare cessant, fiunt mulieres (רַעִי לְנָשִׁים); incenduntur habitationes eius, confringuntur vectes eius.“

C. v. 14–19.

Extrema vaticinii particula certam destinatumque potentissimi regni ruinam proponit cumulatus. Primum enim a) nec munita Nini, nec numerum copiarum nec opes quicquam iis profutura, locustarum imagine quattuor ex partibus explicata docetur, v. 14–17; comparantur enim illis eo nomine, quod primum multitudo earum innumerabilis est, deinde quod et ineluctabili cum violentia et summa simul facilitate depopulantur circum omnia, quo consederunt; denique quod, ubi suum reliquerunt locum, adeo evanescent, ut nullum earum vestigium reperiatur. Singularis haecce atque ingeniosa maxime similitudo suo iam ordine videtur enarranda. Hostibus nemine resistente ad ipsam urbem progressis (v. 13), amplificatis etiam firmissimi loci munitio-nibus nequit averti v. 14, quin gladio et igne capiatur et devastetur v. 15 a, sicuti inevitabilis est locustarum depopulatio; ac licet numerus Assyriorum ingentia illarum agmina videatur aequare v. 15 b, et mercatores, qui ingentes undique opes congerunt in medium, stellarum etiam excedant multitudinem v. 16 a, — reco-lant tamen securi illi, locustas, quoquo descenderunt, plane omnia depasci et, quotidiano hoc negotio peracto, leviter avolare v. 16 b. Licet ergo duces etiam et procures eorum innumeri im-mensam prodant regni potentiam nec tam facile existimentur evertendi — belluarum agmina ista ubi vel defixa in aliquo hae-rere loco videantur, subito tamen evanescere solent v. 17.

b) v. 18. 19. Sic eveniet ut summi et infimi regni cives ingenti omnes trucidati strage passim iaceant v. 18, et letiferae plagae, quae regem simul et gentem percussit, tantum abest ut mederi quisquam valeat velite, ut universum potius humanum genus malitiosi oppressoris et vexatoris malefici internecione gaudeat atque laetetur, v. 19.

a. v. 14 – 17.

v. 14.

Aquam obsidionis hauri tibi, refice munimenta tua! Abi in lutum, calca in argilla, et repara fornacem! Eiusmodi compellationes quid sibi velint, RUPERTI TUITIENSIS verbis exposuimus pag. 52. — מַצֹּר aquae obsidionis, i. e. quae durante obsidione sufficiant usui; de v. מַצֹּר cfr. ad II, 2; 2 Reg. XXV, 2; Sach. XII, 2. Fuerunt qui aquas non ad usum quotidianum necessarias, sed ad defensionem augendam e Tigride derivandas intelligerent (CYRILL., THEOD., COCCEIUS, MARCK., KREEN.); quibus unum illud שָׁאֵבִי satis est quod improbetur, cum Gen. XXIV, 6, 1 Sam. VII, 13 all. non legatur nisi de aqua vasibus hausta. LUTHERUS κατὰ σύνεσιν: „Schöpfe dir Wasser, denn du wirst belagert werden.“ Ceterum his verbis diuturnam quandam praedici obsidionem vix poterit negari. — מַצֹּר, cfr. v 12, hoc loco munimenta tantum et propugnacula significat. חֹק Pi. corroborare, LXX κατακράτησον; de aedificiis dictum, reparare, cfr. 2 Reg. XII, 8 מְחַזְקִים אֶת־בֵּרֶק הַבֵּיחַ Ez. XXVII, 9.27; Neh. V, 16.

Luculenta imagine adiicitur, quibus rebus munimenta reficienda sint: *abi, intra, in lutum, calca in argilla, refice fornacem.* מַצֹּר aequae ac חֹמֶר coenum notat, cfr. Ps. XL, 3; Ies. X, 6 all.; tum vero מַצֹּר fere lutum audit, חֹמֶר argilla figuli, rubri coloris caussa: מַצֹּר Ps. XVIII, 43; Mich. VII, 10; Sach. IX, 3. X, 5; Ies. LVII, 20. XXXVIII, 6, deinde coenum Nili Iob. XLI, 21, unde cognatam quoque argillam designat Iob. XLI, 25; חֹמֶר autem argilla figuli est Ies. XXIX, 16 all., quae ad lateres fabricandos usurpatur Gen. XI, 3; Exod. I, 14; Iob. XIII, 12. רָמַס calcare pedibus Ies. XLI, 25, apposito בְּרַגְלֵיכֶם Ez. XXXIV, 18; inverso ordine Ies. XLI, 25 eadem fere verba habemus. — רְחֹמֵי מַלְבֵּן, fornax reficienda est, ut magna laterum copia in ea coqui posset; eorum enim duo erant genera, alterum sole siecatorum, id quod sub antecedentibus verbis quaeri potest, alterum coctorum; utroque Assyrios fuisse usos e monumentis ¹ hodieque apparet. Quaerendum est autem, num recte iudicaverit TUCHIUS l. l. p. 64, prophetam his verbis „rerum notitiam satis accuratam pro-

1) Cfr. BONONI l. l. p. 9.

bare.“ Qui ad sustentandam sententiam suam Xenophontis laudat verba, *πλίνθινον τεῖχος* ruinarum Mespilensium commemorantis Anab. III, 4, 11, in quibus testimonium inesse vetus ac grave ad firmanda prophetae verba asseverat. Atque hoc quidem nomine magnopere vv. dd. assentimur; accuratam autem loci notitiam, quae Assyriae incolam oleat, adeo arguere nequimus, quoniam lateribus alicubi etiam aedificandi mos invenitur¹. Neque enim nisi de simplicibus lateribus fabricandis Nahumi verba agunt; vix igitur huc referri poterunt, quae RICHIVS² de singulari quadam lapidum specie tradidit, quae in monumentis interdum reperiuntur, et hodieque Mossuli praeparentur atque usitentur. Refert enim muros haud raro reperiri „formed of the rubbish of the country, well rammed down with a wash of lime poured upon it, which in a short time would convert the whole into a solid mass. At the present day the natives mix pebbles, lime and red earth or clay together, and after exposure to water they become like the solid rock.“ Quo in genere primum statui non satis potest, utrum RICHIVS verbo „lime“ calcem an lutum notaverit; tum vero haec materia conformatur abhibitis aquis, Nahumus autem laudat fornacem. Quare subtilem loci et naturae cognitionem hisce prophetae verbis comprobare non existimamus; longe enim alia esset quaestio, si forte lapides caesi cum conchis et petrefactis commemorati essent, qui nisi in montibus Nino vicinis non reperiuntur³.

His igitur verbis ironice compellantur Assyrii, ut obsidione propediem instante, reficiant moenia, atque adeo lateribus comparandis operam dent; male igitur GROTIUS: „captis iam portis aliquibus recipe te intra nova munimenta e latere, ascende super illa, et ibi defende quantum potes“ — nec melius KALINSKIUS haec ad reficiendos muros inundatione illa (I, 8) patefactos referenda opinatus est.

1) Cfr. WINERI RW. s. v. Ziegel. HENGSTENB. die Bücher Mosis und Aeg. p. 178.

2) Narrative II, 65. cfr. RITTERI Erdkunde XI, p. 229. 244. BON. p. 5.

3) Cfr. RITTER I. I. p. 175. TUCH. I. I. p. 42.

v. 15.

Ibi devorabit te ignis, excindet te gladius, devorabit te ut lincor. Ingravescendo sicut lincor, ingravesce sicut locusta! Ironicam compellationem tremenda excipit severitas et certitudo internecionis; quam imprimis innuit v. ׁשׁ. Quae ab intt. plerisque nude accepta de loco est: in ipsis munitionibus tuis, dum reficiendo eris occupatus, MICH., HOELEM. all.; quid? quod HIRTZ.: apud fornacem!! alii temporis notionem praetulerunt: „dum ita eris in opere“ TARN., GREVE, KREEN., UMBR.; at ׁשׁ nusquam indicat tempus, et subit mirari, quod GESEN. H. W. laudaverit Iud. V, 1; Ps. XIV, 5. CXXXVII, 17, ubi nihil clarius quam loci cogitatio est. Idoneum vocolae sensum acu tetigit CALVINUS ad Ps. XIV, 5: „exprimitur poenae, quam daturi sint, certitudo, ac si eam digito monstraret;“ unde non longe abfuit COCCAEUS, cum exhiberet: „nihilominus tamen.“— Ignis sicuti v. 13 all. devorare dicitur ob celeritatem, qua omnia usque quaque, quo penetrat, consumit. Igne devorantur aedificia, incolae gladio enecantur¹. Cum effoderentur pallatia Nini, non solum innumera ignis² vestigia in tabulis sculptis reperta sunt, non tectorum solum ligneorum (cfr. Zeph. II, 14), quae magis minusve cremata conciderunt, fragmenta³, et metallorum ingenti ardore liquefactorum colluvies⁴, verum etiam sanguis marmoribus adpersus⁵ atrocem huius vaticinii eventum confirmavere. Additur tertio loco consumptionis magnitudo: *devorabit te ut lincor*⁶: Subiectum enuntiati non alterum est ex antecedentibus, ignis vel gladium, sed utrumque una comprehensum cogitatione; LUTHERUS: „es wird dich

1) „The condition of the ruins is highly corroborative of the sudden destruction that came upon Nineveh by fire and sword.“ BON. I. I. p. 336.

2) Cfr. BONOMI p. 213.

3) Cfr. BONOMI ibid.

4) Ex. gr. solium regium, e metallis et ebore factum, flammis aestuque ex parte liquefactum reperit LAYARDUS in colle Nimrudensi. cfr. Athenaeum Lond. MDCCCL, X. Calend. April.

5) Cfr. KITTO Scripture Lands p. 50.

6) Verbum hoc non satis quidem latinum, quod in Gloss. Philox. legitur (cfr. FORCELLINI thes. a. v.), ad v. hebraei potestatem accuratius exprimendam praecedente MAUREO in nostrum transferre usum non dubitavimus.

fressen et. יֶלֶק locustae nomen poësi proprium, primum a Ioële, indeque Ps. CV, 84, Ies. LI, 27 delibatum; repetendum nomen inde est, quod lambunt quodammodo locustae agros, sive rasos reddunt. CREDNERI opinionem, qui in comm. ad Ioëlem, AQUILAM secutus, quattuor locustarum nominibus ibi obviis certas earum aetates et quasi evolutiones indigitari cogitat, יֶלֶק autem dici, priusquam quartam cutem exuerit, refutavit HENGSTB. Christol. III, p. 149 ss. Ambigitur autem, utrum יֶלֶק nostro loco sit accusativus an nominativus; illum statuerunt CALV., GROT., KREEN., EW., HITZ., ob sequentia nimirum vv., ubi linctoris similitudo ad ipsos transfertur Assyrios. Dicant autem vel in oriente locustarum agmina igne interdum accenso depelli (KREEN.), ita nempe, ut ignes accendantur magni, in quos debeant incidere, cum non possint nisi recto itinere proni volare (EW.); nec defuerunt, qui e LIVIO XLII, 10 et PLINIO N. H. XI, 29 didicerint, gladiis etiam impugnari belluas istas!! At vero num tantum eiusmodi manipulationes adversus ingentia locustarum agmina remedium afferrent, quippe quae solis hodieque obscurant lucem, et quae apud Ioëlem all. tamquam ineluctabiles describuntur calamitates, quae extinguere omnia atque depasci solent, quo progrediuntur, tantum dico remedium, ut immensa iis Assyriorum strages valeat comparari? 2) Sequemur igitur alios interpretes MARCK., CALINSK., HOELEM., UMBR., qui nominativum acceperunt: devorabit te ut locusta; cui sententiae contrarium esse nequit, quod eadem similitudo in eodem versu diversis modis adhibetur, cum sequentes vv. 16. 17 eandem vicem ostendant.

Altero membro locustarum imago ad Assyriorum transfertur ingentem multitudinem, atque adeo ad nomen אֲרֵבָה יֶלֶק accedit, quod propter incredibile numerum, ad quem celeriter amplificatur, belluis istis impositum est. Conceditur Assyriis numeri praestantia, tamen certus iis interitus nuntiatur v. sq. Multitudinis enim cogitationem regnare, neque vero gravitatis, quam e v. כָּבֵד elicuit UMBRETIUS (die sich in schwerer Last auf die Bäume hängen), e v. 16 patet; et v. כָּבֵד Kal de gravi multitudine legitur Gen. XIII, 2, adi. כָּבֵד Ex. VIII, 20. X, 14 all., subst. לָבָד cfr. II, 10. Ambigitur autem de priore verbi forma אֲרֵבָה יֶלֶק, utrum infin. absol. an imperat. masc. sit; si haec est forma, per chiasmum inversum referendum est ad Assyrium, sequens f. im-

perat. femin. ad Ninum, uti plerisque vv. dd., praeunte HIERONYMO, visum est; neque vero inauditum tale quid apud Nahumum est, atque e crebris generum vicibus, quas in hoc vaticinio deprehendimus, poterit explicari; nihilominus assentiremus MARCKIO, qui inf. absol. cum verbo finito coniunctum vidit (Ew. §. 280, b), interposito substantivo, nisi abhorreere videretur a sermone Hebraeo eiusmodi vv. segregatio; quare apud illam explicandi rationem remanemus. — Iam vero consentaneum maxime esse, ut proposita hac imagine appellentur Assyrii, neque vero, ut IONATHANEM secutus haud probe statuit MARCKIUS, ignem, vix erit quod moneamus; sicuti fuerant, qui vel in prima versus parte lincoris imagine Ninum innui opinarentur.

v. 16.

Multiplicasti mercatores tuos prae stellis coelorum — lincor diripit et avolat. Continuat v. anteced. cogitatio: licet non numero solum sed opibus etiam et divitiis videaris insuperabilis esse, nihilominus ineluctabilis te percutiet plaga: raptor a Domino tibi constitutus diripit, et perpetrata spoliatio avolat, quasi quotidianum aliquid nec satis grave ac difficile fecisset.

רכל, cuius rad. = רנל, mercatorem significat, maxime eum, qui unguentorum, margaritarum, vestium pictarum aliarumque rerum pretiosarum commercium agit, cfr. Cant. III, 6; Ezech. XXVII, 13 ff.; Apoc. XVIII, 12. 13. LXX non satis accurate ἐπλήθυνας τὰς ἐμπορίας σου, HIERON. negotiationes tuas, qui tamen apposite monuit, הרבית non tantum esse „multos habuisti“ sed „multos fecisti, studio et artibus amplificasti;“ satis enim a primis inde temporibus intellexerant Assyrii, in commercio propter opportunitatem sedis suae maximum potentiae positum incrementum esse. — Stellae coelorum saepe in ll. ss. abeunt in similitudinem innumeræ multitudinis Gen. XV, 5. XXII, 17; XXVI, 4; Ex. XXXII, 13; Deut. I, 10 all.; singulare est autem, quod mercatores excedere dicuntur numerum earum, סכיכבי דש', cum alioquin legatur כ. Iam vero intt. longe plurimi a proprio mercatorum sensu discesserunt, ideo forsitan, quod commercii laudandi nullum hic locum esse opinarentur. 1) CALV., CYRILL., SCHROED., GREVE, KREEN. mercenarios emptos et socios intellexerunt; e quibus KREENENIUS, cum tale quid cum forma verbi

pugnare probe perspexisset; nullo negotio correxit: רָכַלְיָהּ;
 2) alii deinde perperam collato v. 4 Assyrios ideo appellari mercatores existimarunt, quia gentes vendiderunt fornicationibus et.;
 3) postremo, ut alios praetereamus, SUESSKINDIUS¹ quoniam v. רָכַלְיָהּ interdum est explorare, exploratores intelligendos proponit: „schickst du auch noch so viele Kundschafter aus, um die Stärke der feindlichen Heere zu erfahren, und danach deine Gegenwehr zu berechnen: es hilft dir nichts, der Feind bricht auf einmal los und schlägt dein feiges Heer gänzlich zurück;“ quam interpretationem longius abesse a sententia vatis, ipse assecutus esse videtur, cum statim adiiceret, malle se tamen legere רָכַלְיָהּ.

At vero omnia haec interpretandi et corrigendi genera quam sint futilia, facile intelligitur, ubi reputamus, commercium Assyriorum quanti sit habendum, etiamsi veterum scripta, diu post eversam Ninum composita illa, paucissima tantum in hoc genere tradiderint. Considerandum est enim, Ninum „in vertice quasi anguli positam fuisse, in quem itinera et meridiem et occidentem spectantia conveniunt,“ magna illa inquam itinera², quibus merces et exercitus per praecipuas Asiae partes conducebantur; ac praesertim ils, qui ex Asia minore et Phoenicia Syriaque et Aegypto in Persiam et Mediam omnemque Asiam interiorem tendebant, Ninum commodissimum, ne dicam unicum Tigridis praebuisse traiectum³; unde haud temere concludendo conficitur, omnium illarum regionum merces et manufacturas Ninum permeasse eoque quasi in medium quendam locum fuisse congestas⁴. Quo adde quod celeberrima Babyloniorum commercia⁵, quamdiu subiecti fuerunt Assyriis, ad caput regni magnopere debuerint pertinere. Qua ex opportunitate et natura locorum cum satis copiosa Assyriorum negotiatio videatur patere, ex Ezechielis in-

1) Studien u. Kritiken 1835, 1, p. 155 ss.

2) Cfr. HEERENII Ideen et. I, b, p. 517 ss. TUCHI comm. s. l. p. 31 ss. GOSSE Assyria p. 581 ss.

3) Cfr. TUCH. l. l. p. 32. 33.

4) Quicquid concludi inde potest, uberrime proposuit GOSSE l. l. p. 590 ss. Videtur omnino ea commoda, quae postea ad nostram memoriam usque Mossulae incolis ex egregia loci opportunitate redundabant, omnia etiam ad Ninum haud temere referri; cfr. TUCH. l. l. p. 33. RITTER Erdkunde XI, p. 180 ss. 208 ss.

5) Cfr. HEERENII Ideen et. I, b, p. 128 — 173.

super de Tyro¹ cantilena docemur, quibusnam rebus maxime fuerint mercati, c. XXVII, 23. 24: „Assur, Kilmad (Charmande ad Euphratem sita) mercatores tui; illi mercatores tui sunt rebus pretiosis (cfr. supra c. II, v. 10), palliis lanae hyacinthae et acupictis, et cingulis vestium pictarum; fila pretiosa et condensata sunt in mercatura tua².“ Atque hac quidem vestium acupingendarum et pretiosissimis filis variandarum arte quantopere excellerint Assyrii³, hodieque ostendunt monumenta, quae singulas fere species ab Ezechiele commemoratas non semel, sed saepissime exhibent⁴.

Sequitur apodosis: *linctor diripit et avolat*. Caput explicationis est v. פשט; cuius potestas longe usitatissima est praedandi, diripiendi, late grassandi; de copiis maxime hostilibus dicitur, cfr. Iob. I, 17; Iud. IX, 33; 1 Sam. XXIII, 27; 1 Par. XIV, 9. 13 all. Eam autem significationem nostro loco unice probatam esse, bene vidit Syrus interpres, cum non poneret v. ضل, expandere, sed, ne ulla esset dubitatio sensus, سلب spoliare cfr. Ies. XXXII, 11 cum pr. سل, Pah. exuere; haud secus SCHROEDERUS (apud KREIN.) פשט contulit cum فسط, „carpere et per carptionem lacerare,“ neque vero cum بسط exuere. Contra praeiunctibus LXX, ὠρμησε, et Hieron. expansus est, in hac expandendi scil. alas potestate plurimi intt. haerebant ad HOELEMANNUM usque; sunt etiam, qui cum MAURERO praeferant: „exuere alarum involucrem,“ maximeque CREDNERUS (Ioël p. 295) sequentibus Ew., Hirtz. cutis defectum indicari opinatus est; quam sententiam futilem esse demonstravit HENGSTB. Christol. III, p. 150 ss.; nam 1) cum confestim sequatur פריק, fieri nequit quin ילק alis dudum praeditus sit, id quod alii quoque docent loci, Ps. CV, 34; cfr. Exod.

1) Vetustissima inter Phoenices et Assyrios intercessisse commercia testatur HERODOTUS I, 1.

2) Cfr. HAEVERNICHII comm. a. h. l.

3) Amplissimum Assyriarum artium, fabricarum et commercii rationum conspectum concinnavit GOSSE l. l. p. 534—610. cfr. etiam BONOMI l. l. p. 332 ss., LAYARD 397 ss.

4) Vestes pictas cfr. LAYARD the Monuments of Nineveh tab. 5. 6, et omnia fere deorum regumque vestimenta ex. gr. LAYARD. Nin. und seine Ueberr. p. 343, fig. 14. BONOMI p. 140. 203. 271. GOSSE p. 98. 447 all.; cingula pretiosa LAY. p. 250. GOSSE p. 458; fila artificiose inter se contexta LAY. fig. 51, GOSSE p. 235.

X, 12 ss.; 2) tum vero f. Kal transitivam habet potestatem; cfr. Lev. VI, 4; Cant. V, 3; Ez. XXVI, 16, atque adeo egeret accusativo כנפיר, qui deesse non posset, quoniam verbo longe crebrior inest vis rapiendi; 3) postremo secundum v. antecedentis similitudinem aliqua opus est apodosi, quae ingentibus Assyriorum opibus certum opponat interitum; ibi enim versa vice primum videmus destinatam proponi consumptionem, deinde multitudinem nihil profuturam. — Quae cum ita sint, alterum omnino v. membrum nullo modo referendum ad Assyrios esse, uti maxima intt. pars statuerunt, dilucide apparet; quo praeclara vis orationis dici vix potest quantopere extenuetur, praesertim cum seq. v. abunde de hac re agat; imo ad hostes pertinet, ut probe perspexit DE DIEU, ita ut sensus evadat ille quem in limine indigitavimus: etiamsi opibus et divitiis tuis ingentem militum tuorum numerum sublevare opineris, nihilominus diripientur illae, idque nullo fere negotio, quemadmodum locustarum quotidianum opus est, ut depascantur arva, et pasti alio avolent. Praeclara nimirum similitudo, eaque sacrâ simul condita ironiâ!

v. 17.

Neque vero in triplici locustarum translatione vates acquiescit: addit postremo aliam. *Principes tui locustarum instar et duces tui ut locusta locustarum, quae considunt in maceris die frigoris; sol oritur, et aufugiant, et ignoratur locus eius — ubinam illi?* — Impedita versus enarratio duobus est verbis: כפסריך et כמוריך, quae multiplici labore exercuerunt interpretes. Atque ut statim in primum inquiramus, duo omnino notationum genera sunt; alterum ab iis institutum est, qui simpliciter ex hebraico sermone notionem verbi elicere student; alterum tuentur ii, qui similibus vocibus hinc illinc conquisitis illustrare potius, si bene cedit negotium, quam explicare quaestionem et absolvere valent. Ac nos quidem primam illam secuti rationem, verbo meminimus satis usitato כתר diadema, corona, cfr. Ex. XXIX, 6; 2 Reg. XI, 12; Ps. LXXXIX, 40 all., unde denominativum praep. כ formatum significare potest eum, ad quem pertinet corona (cfr. Ew. §. 160, b. init.), i. e. coronatum, principem; sic KIMCHIUS interpretatur vocem: שרים אשר כור ועטרה על ראשיהם, et Syrus interpres כתר; ac si audacius forte egisse videamur, cum eiusmodi

verbi specie personam notari dixerimus, GESENIUS (thes.) cautius abstractivam formam concretivae agere vices docuit. Unde autem, quaeritur, Dagesch illud in l. כ ? Non multum attulere lucis, qui de כן partitivo cogitarunt, MAUR., HOELEM.: „principum tuorum tam multi sunt et.“ quidni enim alteri quoque voci כפסריך prae-positum esset? impeditius etiam I. D. MICH. suppl. vertit: „ii qui a diademate sunt scil. proximi.“ Ut alia praetereamus com-menta, recte statuisse videntur, qui Dagesch euphonicum argue-rent, uti eiusmodi notam appellavit GESENIUS, expressius Ew. Dagesch dirimens, cfr. §. 92, c. 160, c, quemadmodum apparet in v. מִכְּדָשׁ, מִכְּזֹרָה, מִכְּזֹרָה all.¹ Haec autem verbi notatio confirmatur eo, quod duces Assyriorum, nec duces solum, verum omnes etiam, qui supremis muneribus regiis fungebantur, diadematis et coronis pretiosisque vittis erant ornati, uti docent monumenta². — Iam vero MEIERUS Wurzelwb. et MAURERUS principum cogi-tationem a nexu sententiarum prorsus alienam esse contendunt; at nonne sequente versu afferuntur pastores, i. e. principes et duces, atque magnifici, magnates? HIRTZIGIUS autem haecce mo-nuit: „mit Heuschreckenhausen verglichen werden sollten nicht Solche, die verhältnissmässig stets wenige sind, sondern, deren wie jener Krämer, eine grosse Zahl;“ verum enimvero princi-pum notioni non tantopere est insistendum, possunt omnino du-ces et proceres cogitari. Atque ut de ducibus militaribus in utra-que voce enucleanda praeter cetera cogitemus, movemur etiam eo, quod in regia expeditionum et victoriarum commemoratione, titulis cuneatis fere expressa, tria praesertim militum genera commemorantur, quae RAWLINSONIUS anglico sermone reddidit:

1) GREYUM, sicuti omnes fere nodos, ita hunc quoque aliis verbis sup-positis expedire non miramur; non minus abiicere onus callet KREMERUS: „omnium fortasse simplicissimum est, ut incommodum illud Dagesch deleat-ur,“ quod deest revera in 6 Mss. Rossianis, unde ab emendante quadam manu electum apparet.

2) Cfr. LAYARD. Nineveh u. seine Ueberr. p. 357. GOSSE Assyria p. 463: „High officers of the state were adorned with diadems, closely resembling the lower band of the royal mitre, separated from the cap itself Very commonly the head was encircled with a simple fillet or hoop, prob-ably of gold, without any adornment et.“ Eiusmodi diadematum, passim obviatorum in monumentorum tabulis, imagines expressit GOSSE l. l.: Бо-кожи p. 319 secundum BOTTAE tab. 163.

„leaders, captains, and men of war,“ sive „superior officers, captains, and fighting men“¹, e quibus duae ducum species nostra fortasse verba reddunt; quod utrum probe coniecimus nec ne, futurae scriptionis Assyriae indagationi committimus. Ceterum eiusmodi ducum numerum probe posse locustis comparari, eo confirmatur, quod rex qui fastos suos expressit in obelisco Nimrudensi, e devicta aliqua gente, quae cis Euphratem incolebat, captivos abduxisse gloriatur „13,000 of his fighting men, 1121 of his captains, and 460 superior officers“²; ac licet exaggerati possint numeri esse neque in hanc versionem iurandum adhuc videatur, assequi tamen facile valemus, si permulti eorum in minore aliqua gente fuerunt, quot ingenti imperio debuerint contineri!

Utcunque est, haec notatio vocis simplicitate et veri specie magnopere commendatur prae eorum coniecturis, qui arabica verba similia advocaverunt ad praestandum auxilium; sic fuere, qui conferrent *صنذر* monitor; HITZIGIO quoque videtur „vermuthlich dem arabischen abgeborgt,“ atque referendum ad f. *صنثر* a. v. *نثر*, diffusus; denique MAURERUS HW. Nachtr. e collato *صنسر* equitatum turmas elicere sibi videtur. — LXX nullo nobis adiumento sunt, qui sic reddiderunt verum: *ἐξήλατο ὡς ἄντ' ἐλαβος ὁ συμμαχτός σου, ὡς ἀκρὶς ἐμβεβηκῦα ἐπὶ φραγμὶν ἐν ἡμέρᾳ πάγου κτλ.*; quos secutus HIERON.: „vulgus ignobile et de diversis gentibus;“ qui nescio an confuderint *ממורים* cum *ממורים*, peregrinis.

De altera voce coniiciendo elicere aliquid possumus e vv. Ier. LI, 27, ubi convocantur ad evertendam Babelem regna Ararat et., Medorum reges, satrapes, praefecti all., atque inter eos *בָּפְסָר*; ex quo sententiarum nexu primum videtur patere, ducum aut praefectorum aliquam speciem indicari verbo; tum vero, cum ibi quoque locustarum constituatur similitudo („ascendere facite equos instar linctoris atrocis“), veri est simillimum, Ieremiam ad nostrum locum respexisse. Maxima autem interpretum pars bene opinantur, Assyriam esse vocem, neque vero Hebraeam; nec longi esse in enumerandis vv. dd. commentis volumus; teme-

1) Cfr. RAWLINSON Commentary on the Cun. Inscr. p. 35. 39. 40. 41 all. Assyriae voces nondum publici iuris factae sunt.

2) Cfr. RAWLINSON. l. l. p. 41.

rius tamen MICH., HOEL. sine mora idem esse ac שדרמן, Esth. III, 12 ss. acceperunt, quae Persica vox est. Eundem fere sensum, vel cognatum saltem, subesse voci, quem ex altero מזורים elicuimus, vix est quod dubitemus; quare in ducum potestate acquiescamus, donec enucleatae Assyriorum inscriptiones idoneam lucem afferant¹. LUTHERUS exhibuit: Herren und Hauptleute.

Iam vero utrumque ducum vel principum genus comparatur locustis, primum propter multitudinem, deinde ideo, quod celerime sede aliqua relicta ita evanescunt, ut ne vestigium quidem eorum reperiatur. Locustae igitur primum v. מְרֹכָבִים expressae, tum vero v. נָרִב נָרִב, cfr. נִרְה emergere e terra. Forma נָרִבִּי, quae voc. Patach ornata reperitur apud Amosum (VII, 1), HIERONYMO, GESENIO thes., Lehrgeb. p. 523 pluralis esse species visa est; rectius MARCK., MAUR., HIRTZ., EW. singularem amplificatam suspexerunt; quam explicandi rationem nec ipse quidem improbavit GESENIUS in thes., praetulit tamen alteram, quia haud raro sing. et pluralis forma ad augendam verbi notionem coniungerentur. At vero mera verbi repetitio haud raro ornate amplificat cogitationem, uti sat multis exemplis demonstravit EW. §. 303, a, v. c. נָרִב נָרִב, Ies. XVIII, 2, מְרֹכָבִים מְרֹכָבִים foveae permultae, Gen. XIV, 10; satis autem praeclare altera vox exaucta proponitur specie; in qua definienda Kamez referimus ad pausam, secus atque EWALDUS, cui ad ipsam verbi formam pertinere videtur, §. 177, a; 152, a; id quod improbamus, cum in loco Amosi Patach subscriptum reperiatur; tum vero exitus verbi in נִ— duriores atque antiquiores habet pronunciationem נִ—, cfr. כִּלְיִי Ies. XXXII, 5; חֹרֶבִי Ies. XIX, 9 all. cfr. EW. §. 164, c. Probe igitur HOELEM. hoc dicendi genus descripsit: „agmen agmini iniectum;“ nos fere: lauter Heuschrecken. Nihil erat ergo quod BOCHARTUS Hieroz. II, 458 alterum verbum cum sequentibus coniunxerit: locustae; locustae (inquam), quae et. — Locustae igitur *considunt*, literate: castra metantur, *in maceris die frigoris*. Frigore volandi potestatem belluis illis extenuari iam veteres notaverunt HIERON., THEOD., CYRILL.; *considunt* ergo in sepibus et maceris, ubi adversus ventos et frigus habeant

1) Altera verbi pars סַר nescio an regem s. principem significet; cfr. RAWLINSONI Indiscriminate List No. 140: sar = a king; Babylonico sermone sarru idem valet, cfr. RAWL. Analysis of the Babyl. text at Behistun p. III.

refugium; at *cum exoritur sol*, i. e. cum altius ascendit tempore verno vel aestivo, avolant, nec novit quisquam locum, nec ubi fuerunt nec quo iam abiere. cfr. BOCH. l. l. De voce כָּרַח ambigitur, utrum hibernum tempus an noctem indiget; quibus hoc placuit, MARCK., BURCK., MAUR., HITZ. all., ii neglexerunt; tantam libertatem frequentissimo etiam verbi usui vix concedi apud Hebraeos, ut, sicuti in Arabico sermone non rarum est, contraria valeat significare; ex altera parte nequit negari, וָרַח non aliter dictum inveniri nisi de sole oriente 2 Sam. XXIII, 4; Ion. IV, 8 all., vel de splendore e tenebris elucescente Ies. LX, 1; Deut. XXX, 2, ita ut nequeat solem altius paulatim surgentem significare. Nec probe difficultatem composuit HOELEMANNUS, cum „diem illum frigidum inter et calidiorem solis ortum noctem interesse cogitandam“ existimaret. Nobis constare omnia videntur, modo recolamus, in illis regionibus hiemali tempore solem semper fere obductum nubibus esse; quibus discussis, erumpit quodammodo e caligine (וָרַח), et libere splendens reducit calorem. — כָּרַח, f. Poal a. וָרַח cfr. v. 7, passiva specie, alibi non obvia, egregie Assyrios non sponte sua sed fugatos evanescere indigitat; singularis autem numerus ingentem praefectorum numerum unius agminis cogitatione comprehendit. — Additur per assonantiam: וְלֹא כָרַח כֵּן, et ignoratur locus eius; cfr. I, 8; Ps. CIII, 16. אֵיךְ praeclare et per ludibrium (UMBR.) plane illos evanescere et rasos quodammodo a solo esse notat; cfr. Sach. I, 5; Ps. CIII, 16: „nam ventus transit per eum, nec est, nec novit eum etiam locus eius;“ forma contractione evadit ex אֵיךְ הֵם. LXX confuso אֵיךְ cum אֵי: οὐαίαντοῖς. — Ceterum vix erit quod moneamus, similitudinem non in singulis etiam ita esse exigendam, ut solis quoque exorientis scopum quaeramus, uti MARCK. all. Deum intellexerunt, a quo expellerentur Assyrii; imo tertium, quod aiunt, comparationis nihil est, nisi quod subito evanescunt nec ullum eorum superest ne vestigium quidem.

b. v. 18. 19.

v. 18.

Dormitant pastores tui, rex Assyriae, quiescunt magnifici tui; dispersi sunt populus tuus per montes, nec est qui colligat. — כָּרַח

saepenumero de pastoribus et ducibus dictum una cum שכן, cfr. Ps. XXI, 4. Ies. V, 27. LVI, 10; notare solet lassitudinem cum somno comparatam, quam Graeci bene reddiderunt v. νυστάζειν; quare hoc quoque loco meram negligentiam et lassitudinem plerique per somni similitudinem significatam acceperunt, ex. gr. MICH., KALINSKY, KREEN., MAUR. all.; at vero cum versu praecedente duces plane habeamus extinctos atque funditus deletos, languidum magnopere esset, si merus iam somnus et lassitudo adderetur. Alia est autem, eaque longe fortior similitudo, ad quam transfertur verbum, mortis dico, uti habetur Ps. XIII, 4. LXXVI, 6; Ier. LI, 39. 57; eamque recte statuerunt THEODOR., HESSELB. Pastorum autem imaginem persaepe transferri ad eos constat, quorum curae populus permittitur, cfr. Ies. XLIV, 28; Micha V, 4 all. Masculini generis suffixa, feminina iam excipientia, nominatim appellato *rege Assyriae* explicantur. אדיריה, magnifici, proceres cfr. II, 7, sunt proximi a rege, qui populi colligendi, instruendi, regendi curam ad eos detulit. Quo loco collato, vix cum GREVIO, MAUR., HITZ. caprum gregis ducem intelligemus, אדיר הוצן Ierem. XXV, 34. שכן Hieron. praenuntius reddidit „sepelientur.“

נפשי *dispersi sunt*, f. Ni. unice hoc loco obvia, plurali numero coniunctum cum sing. עסקה, quod temere nonnulli ad exercitus notionem restringunt, ut notetur populus, unum eo usque quodammodo corpus, iam disiectis membris fractus iacere (HOEL.). Eandem hanc gregis dispersae similitudinem legimus institutam Num. XXVII, 7; 1 Reg. XXII, 17; Sach. XIII, 7. *Montes* appellantur, in quibus trucidati passim iaceant, quia ex planitie et magnitudine locorum, ubi nullum datur refugium, in inculta montium et convallium securitatem miseri illi confugerant; at ibi etiam persequentium manibus caesi sunt. Consimilem sententiam exhibitam legimus in praeclaro Ezechielis cantico de praeteracto regni Assyriaci splendore, c. XXXI; ubi Assur comparatur cum cedro, et praestantia eius et magnificentia uberius descripta v. 1–9, sequitur eversio et destructio v. 11–17; quo in genere canit v. 12: „in montibus et omnibus convallibus ceciderunt rami eius, et confracti sunt surculi eius in omnibus rivis terrae et.“ cfr. XXXII, 22: „ibi (iacet) Assur et omnis multitudo eius, in circuitu eius sepulcra eorum; omnes percussi, qui ceciderunt gladio.“ — ואין מקבץ, *nec est qui colligat* disiectos, ovium instar

nimirum; paullo aliter HIERON.: „nemo de ducibus inveniri potest, qui congreget eos et de collectis rursum cogat exercitum.“ HESSELBERGIUS liberius: „qui sepeliat.“ LXX non Assyriorum regem, sed Israellem appellatam fecisse videntur, cum exhiberent: ἐνύσταξαν οἱ ποιμένες σου, βασιλεὺς Ἀσσύριος ἐκόμισε τοὺς δυνάστας σου· ἀπῆρεν ὁ λαός σου ἐπὶ τὰ ὄρη, καὶ οὐκ ἦν ὁ ἐκδεχόμενος. Extrema verba fuerunt qui sic acciperent: „qui eos recipiat in refugium,“ alii autem, ut HIERON.: „qui eos retineat et ignavos reducat ad resistendum hostibus,“ CYRILL., THEOD. Rectius AQUILA et THEODOTON: ὁ συναγών.

v. 19.

Extremus vaticinii versus acerbæ magnitudinem immensam ex-cidii simul et nequitiae proponit, ne quem tantæ ultionis lateat caussa. *Non est mitigatio fracturæ tuæ, ægra est plaga tua; omnes qui audiunt famam tuam, plaudunt manu; nam super quem non transibat malitia tua perpetuo!* — כָּרַח singulare substantivi exemplum, ex adiect. femin. delibatum; verbum כָּרַח significat languescere Ies. XLII, 4; Iob. XVII, 7; Lev. XIII, 6. 21. 26 all.; inde subst. notat languorem, mitigationem, uti recte statuit COCCÆIUS, vel remissionem, uti L. CAPELLUS LXX: οὐκ ἔστιν ἰασις τῇ συντριβῇ σου. Ab hac idonea notatione, cui patrocinantur KREEN., EW., MAUR., HOEL., recesserunt MARCK., KALINSK., BURK., qui interpretati sunt: contractio vulneris, quæ notio non admittitur Ies. XLII, 2; nec probe Peschito reddidit: كَلْحٌ لَكَ, nec est qui doleat de fractura tua, IONATH., LUTH.: niemand wird um deinen Schaden trauern, noch sich um deine Plage kränken; denique HIERONYMUS: non est obscura contritio tua. — שָׁכַר fractura, ad calamitatem et interitum hominum ab ossibus translata, neque vero a vasis figulinis (KALINSK.); haud raro dicitur non solum de calamitate bello accepta Ps. LX, 4 (cfr. HENGSTB. a. h. l.), sed etiam de interitu et exitio Prov. XVI, 18, de exsilio Thren. II, 11. III, 47; saepe quoque coniunctum cum vv. sqq. כָּרַח מְכַרְךָ, cfr. Ier. X, 19. XIV, 17; XXX, 12; qui concentus enuntiatorum possit quidem fortuitus esse, uti censuit KUEPERUS l. l. p. 75; verum quoniam Ier. XXX, 8 vidimus Nahumi et Iesaiæ simul referre verba (cfr. ad I, 13) aliquem saltem nostri quoque loci suspicabimur respectum, ne di-

cam imitationem. — חלה Ni. graviter aegrotare, cfr. Ies. XII, 13. XVII, 1; Dan. VIII, 27; GREVIUS perperam vertit: depravatam est negligentiam, et SCHROEDERUS nimium: tenax notionis formae Kal: attrita est ad ossa usque. Syrus interpres, qui exhibet *חלה כחולת* apposite titulum totius vaticinii in memoriam legentium revocat, משה ניכרה, quem eodem ille expressit verbo; cfr. ad I, 1. — Suffixa masc. plagam et fracturam regi quidem inflictam esse indigitant, regi autem non tanquam homini singulo propter sua flagitia destinatam (UMBREITUS: „er selbst stirbt hin, ohne Linderung der Schmerzen, an tödtlicher Verwundung“), sed eo nomine, quo totum regnum unius regis persona comprehensum cogitatur (HIRTZ.); id quod tam e seqq. vv. (חמיר ע' ר'), quam e collatis vv. I, 14 apparet. — Ceterum notandum est egregium documentum, quod ex his verbis ad eam potestatem verbi משה redundat, quam nos ad c. I, 1 demonstravimus. cfr. p. 6. — Copiosius eandem sententiam dixit Ieremias LI, v. 8. 9. „Subito concidit Babel et fracta est; ululate super eam, sumite unguenta pro dolore eius, si forte medeatur ei! — Curamus Babelem nec sanatur — destituamus eam et abeamus ad suam quisque terram; nam tangit coelos iudicium eius et elatum est usque ad nubes!“

Iam quia tanta est Assyriorum calamitas, ut respirare inde nunquam valeant, iure plaudentes laetantesque gentes praesagiente animo audit vates, quae ab iugo diuturno et execrabili crudelitate tandem sunt liberatae. *Omnes qui audiunt famam tuam* s. auditionem, excidii nimirum tui atque interitus, (de eiusmodi genitivi obiectivi ratione cfr. DELITZSCH. ad Hab. III, 2, ubi eadem leguntur verba) *plaudunt manu* s. vola (accus. instrum.), cfr. Ps. XLVII, 2. coll. Ps. XCVIII, 8; Ies. LV, 2; non stuporis (HIERON.), sed laetitiae et gaudii gestus; CYRILLUS: *χαρήσσονται καὶ χορεύσουσι*. Haud secus aliis locis; descripta internecione, inimicorum olim subditorum adduntur ludibria, cfr. Ier. XLVIII, 20. LI, 8 all.; quemadmodum Zephania, qui extrema verbi divini contra Assyrios fulgura paucis ante eversam Ninum emisit annis, brevem et succinctam comminationem II, 13–15 hacce claudit voce: „Haec est urbs illa exsultans, habitans secure, dicens in corde suo: ego et defectus mei amplius! Quomodo redacta est in vastitatem, cubile bestiarum! omnis qui transiverit eam, sibilabit, agitabit manum suam!“

Postremo laetitiae illius ac totius simul poenae atque ultionis additur causa: „nam super quem non transibat malitia tua perpetuo!“ עבר eodem dictum sensu quo II, 1; עבר transire super aliquem, s. pessumdare aliquem malitiose; id quod HIERON. in bonam partem accepit: „super quem non pulchre transierit, non enim potest malitia regis Assyriaci in hostibus eius iugiter permanere;“ haud probe: cfr. III, 7; nec omnem verbi potestatem reddiderunt Graeci, assentiente BIBLIANDRO: ἐπὶ τίνα οὐκ ἀπῆλθεν ἡ κακία σου διαπαντός; — רעה est malum, malitia; qua voce ingens iam atque horrenda scelorum ab Assyriis perpetratorum caterva comprehenditur. Haec erat malitia illa, quae „ascendit ante faciem Domini“ Ion. I, 2, et quae cum universa eorum complectatur peccata, hoc tamen loco perfidia illa maxime et nequitia continetur et crudelitate, qua innumeras deinceps gentes torserunt atque cruciaverunt; quas, posteaquam falsis praestigiis deceperunt III, 5, minis II, 14 et violentia III, 1 subiecerunt I, 13, pessumdatas II, 1 exuerunt II, 3, spoliatosque suffocavere II, 12. 13. III, 1. Atque atrocem eorum crudelitatem, quam II. ss. et memoria rerum satis superque prodiderunt, ipsa nunc eorum vel monumenta contestantur; in quorum tabulis non solum immenso ipsi capitum captivis decussorum numero gloriantur¹, verum etiam integras exhibent series devictorum stipitibus per media corpora actis confixorum²; denique in Khorsabadicis ruinis, Salmanassar's olim regia, imagines aulam iudicialem³ exornantes quinque exhibent gentium principes⁴, anulis per labia defixis et funibus tractos⁵; ex quibus alius ab ipso rege perfoduntur oculi⁶, alii manibus pedibusque ad murum adstricto, cultris vivo detrahitur cutis⁷. — Sic ipsissima Assyriorum monu-

1) Cfr. BONOMI l. l. p. 191. 225. — cfr. 2 Reg. X, 8.

2) Cfr. l. l. p. 190.

3) Conclave VIII, cfr. BORRA tab. 132.

4) Cfr. BONOMI p. 169.

5) Cfr. ibidem.

6) Cfr. BONOMI p. 168. 169; dirum hoc contumaciae et laesae fidei supplicium extremus etiam Iudaeorum rex, Zedekia, a Nebuchadnezzare passus est, 2 Reg. XXV, 7. cfr. Iud. XVI, 21. Et quoniam eadem intercedit inter magistratus et cives ratio, quae inter parentes et liberos, consimilis poena contumacibus liberis imponitur, Prov. XXX, 17. cfr. XX, 20.

7) Cfr. ibid. p. 167.

menta, longa seculorum praeteracta serie, accusatores eorum emergunt e pulvere et comprobandae verbi divini veritatis testes. „Nam saxum e muro conclamabit, et tignum e tabulato ei respondebit.“ Habak. II, 11.

Quae cum ita sint, finem vaticinii redire ad initium videmus, cum atrocium peccatorum multitudo divinam flagitet ultionem (I, 1. 2.). Neque vero eorum proponuntur flagitia et praedicatur vindicta, qui aliquot tantummodo gentes sua vexaverint perfidia atque nequitia: sed eorum, qui summam teneant omnium potentiam et universum terrarum orbem (עַל-כֵּן כִּי הָיָה) tamdiu conculcaverint pedibus, et sacram praesertim Dei gentem excruciauerint; quae licet longe graviores poenas suis meruerit peccatis, immensa tamen Domini clementia et misericordia, posteaquam aliquamdiu vapulavit, a tristi illorum iugo et dominatione iamiam liberabitur. Quare longe magis magnificam Nahumi nomen extrema haecce revocant verba, et praeclaras, quas expressas in se gerit, promissiones. Extremum igitur enarrationis nostrae lapidem praeclara imponant LUTHERI verba:

„Hic videmus, quam sint omnia in hoc propheta consolationum plenissima, quibus Deus Optimus Maximus suos pios contra vim et insultum hostium consolatur. Quae consolationes nos omnes etiam animare debent in quacunque necessitate, ut confidamus credamusque plane, non permissurum Dominum, ut praevalcant contra nos adversarii verbi Dei. Sicut enim promiserat Iudae liberationem, et regnum salvum, ex quo nasciturus erat Christus, et promissis stetit, fecit omnibus hostibus superiores, id quod hic apertissime in tam potentissimo et opulentissimo regno Assyriorum exhibuit: ita non dubitemus etiam nobis affuturum in omni necessitate, sive corporali sive spirituali. Siquidem unus est adhuc Deus, qui redemit Iudam, qui dixit, non casurum capillum de capite nostro sine voluntate sua.“



ADDENDA ET EMENDANDA.

p. XIII, l. 23 lege sis CXV.

p. XXII, not. l. 5. cfr. GROTEFENDI disputationem: Die Sternkunde der Babyll. u. Ass., cfr. Erläuterung der Keilschriften babylonischer Backstein-Cylinder. 1852, p. 13—23.

p. XXII ss. Cum opusculum nostrum typis totum esset exscriptum, feliciter evenit, ut novissimum LAYARDI librum modo editum acciperemus, cui inscriptum est: „Discoveries in the ruins of Nineveh and Babylon, with travels in Armenia, Kurdistan and the desert; being the result of a second expedition ct. Lond. J. Murray 1853 (685 p.).“ cfr. supra p. XXXIII, not. Quo libro magnificentissimo ingens atque praedara continetur rerum silva, ab a. 1847 deinceps comparata, qua Assyriae antiquitatis cognitio magnopere amplificata est; praeter cetera Sanheribi regis praestantissima monumenta reperiuntur descripta, nec non cuneorum sententiae secundum HINKS et RAWLINSONI interpretationes propositae; et cum permulta ex iis, quae de rebus Assyriorum notavimus, gravissimo hoc libro magnopere appareant confirmata, quae maximi videantur momenti esse, ea deinceps iam addenda existimavimus. — Ac primum quidem LAYARDUS et ipsum de diis Ass. ita videmus sentire, ut supremi numinis duas reperiri figuras supra descriptas illas p. XXIII, existimet p. 637. 8; et quod ad Ascheræ notionem illustrandam attinet, ea arboris sacrae species, quam primo loco descripsimus, luculento exemplo habetur p. 343, cum tertia ratio clarissime conspiciatur in cylindro quodam Sanheribi p. 160. Quo adde simplicissimam arboris formam ad meram naturam expressam in cylindro Babylon. cfr. HOFER Chaldée ct. tab. 20, fig. 4. Porro praeter Assaracum XII deos maiores distinguendos una cum RAWL. et HINKS docet, quorum nomina in regia tabula quadam recensentur, cfr. p. 629; totidem apud Aegyptios et apud Graecos dii maiores fuerunt.

p. XXX, l. 8. Populus non desiit immolare in montium iugis, cfr. 2 Parall. XXX, 17. Eiusmodi arae in monte constitutae imaginem exhibet BOU. Nin. p. 172.

p. XXXVI, l. n. Quanto RAWLINS. et HINKSIUS (cfr. Transactions of the R. Irish Academy, vol. XX. XXII ct.) et LAYARDUS, suam quisque secuti rationem, ad easdem magis magisque adducantur sententias, atque in minutis tantum rebus dissentiant, per omne LAYARDI opus dilucide conspicitur. Maxime autem ponderis est tabula quaedam signorum cuneatorum, in cylindro expressa, de qua LAY. p. 345: „on one (cylinder) Dr. HINKS has detected a table of the value of certain cuneiform letters, ex-

pressed by different alphabetical signs, according to various modes of using them, ct." cfr. p. XXXVII.

ibidem, not. l. 4. Vasorum illorum titulos Chaldaico sermone perscriptos, copiose iam excudi curavit LAY. l. l. p. 509—26, addita interpretatione et disputatione ELLISN, ex qua formulas continent, quibus recitatis Iudaeorum in exiliam abductorum posteri a malis genis cavebant.

p. XXXVIII, l. 2. lege: Nabopolassarem.

ibid. sub fin. l. 3. De tabulis illis, quibus rerum a singulis regibus deinceps gestarum continetur memoria, uberius exponit LAY. l. l. p. 345.

p. XLII, not. l. 19 dele: PLINII.

ibid. sub fin. l. 3. lege: p. 67. 69.

p. XLV, l. 1. Posterioribus temporibus Nini nomen in regionis etiam illius et praefecturae nomen abiit, cfr. TUCA. comm. de Nino urbe p. 24. WEISSENBORN Ninive p. 20.

p. XLVII, not. cfr. LAY. l. l. p. 634: „The empire appears to have been at all times a kind of confederation formed by many tributary states, whose kings were so far independent, that they were only bound to furnish troops to the supreme lord in time of war, and to pay him yearly a certain tribute. Hence we find successive Assyrian kings fighting with exactly the same nations and tribes, some of which were scarcely more than four or five days' march from the gates of Nineveh. On the occasion of every change at the capital, these tributary states seem to have striven to throw off the Assyrian yoke, and to have begun by refusing to pay their customary tribute. A new campaign was consequently necessary to bring them to obedience ct." — cfr. IES. X, 8. 9.

p. XLVIII, not. 2, lin. 1. HINKSIUS nomen regis et ipse asseverat esse Divanubar. cfr. LAY. p. 616.

ibid. l. 3. 4. lege: Salmanassare.

p. LII, not. 1, l. 13. Adde vasorum bovis imagini impositorum specimen, haud secus ac 2 Parall. IV, 14. 15 commemorata, reperiri in tabulis Koyundjucensibus, cfr. LAY. p. 588, sicuti inter aedificia a Salomone et ab Assyriis regibus condita permagnam similitudinem intercedere docet LAY. p. 642. 664.

p. LVI, not. Salmanassarem eundem esse ac Sargonem, e monumentis comprobari LAYARDUS haud secus contendit ac RAWLINSONIUS, l. l. p. 148, simulque omnium fere vv. dd. lectionem nunc nomen Sargonis indigitare notat p. 618, HINKSN autem opinionem, qui Sargonem post Salmanassarem regnasse putavit, idoneis argumentis carere; ibidem. Iuvat autem videre, quod LAYARDO auctore p. 620, RAWL. iam discessit ab illa opinione, qua Tiglath Pilearem et ipsum a Salmanassare non differre existimaverat; monumenta autem, e quibus certum aliquid de rebus ab eo gestis elici possit, nulla fere adhuc inventa sunt, cfr. p. 617. 18.

LVII, not. 1. In Khorsabadica tabula quadam Salmanassar 27,280 Israelitas deduxisse gloriatur e Samaria aliisque oppidis circumiacentibus, cfr. LAY. p. 618.

ibid. not. 2. Gravissima loca, quibus nomina et monumenta Assyria

in Asia minore reperiuntur, omnia fere in regis itineribus sita sunt, quae luculentissime exaravit KIEPERTIUS in tabula geogr., cui inscripsit: „Uebersicht der Assyrisch-Persischen Königsstrassen und der älteren Völkergränzen unter der Persischen Herrschaft in Vorder-Asien. 1845.“

ibid. sub fin. l. 3. Figura regis non Salmanassaris sed Sanheribi est, cfr. LAY. Ninive u. s. Ueberreste p. 391 not. Nin. and Babyl. p. 210.

p. LIX, not. l. 1. 800 talenta argenti, neque vero 300, HINKSIUS etiam commemorari docet; quare cum 500 talentis discrepent Sanheribi verba a II. ss., apposite monet LAY. l. l. p. 144. 5, ea forte argentei apparatus e templo desumpti pondus referre.

p. LIX, not. l. 1. LAYARDUS et HINKSIUS eo discrepant a RAWLINSONIO, quod Aegyptios a Sanheribo non apud oppidum Lachisch devictos censent, quoniam nomen oppidi Al..ku non certo definiri possit; universum autem inscriptionis eius a RAWL. explicatae argumentum plane confirmat uterque, p. 142 ss. Tum vero amplissimam alio loco invenerunt de Lachischa expugnata narrationem in qua nomen expresse legatur Lachischa, p. 149 ss.; qua finita permultos incolas miserrime excruciauit et trucidavit; depingitur Sanherib, in solio regali ante portam urbis sedens, atque supplicia exsequenda inspectans; invenitur etiam captivorum Iudaeorum imago, cfr. p. 152.

p. LXIII, l. 1. Non Assarhaddonem, sed fratrem eius consimili nomine insignitum tam RAWLINSONIUS, quam HINKSIUS exhibent l. l. p. 145. 621, quemadmodum in Canone PTOLEMAEI Aparanadius ab Asaradino differt.

ibid. not. 1, adde: cfr. MOSIS CHORENENSIS Histor. Armen. ed. WHISTON, Lond. 1736, p. 60.

ibid. not. 4. Titulum, quem sibi arrogasse dicitur Assarhaddon: „king of Egypt, conqueror of Aethiopia“ primus enucleavit HINKSIUS, cfr. LAY. l. l. p. 621 not.

p. LXXIII, l. 16 ss. De rebus Assyriorum post Assarhaddonem gestis e monumentis haud multa neque ea quidem satis explorata elici possunt; duorum vel trium regum aedificia et inscriptiones reperiuntur. cfr. RAWL. Outl. p. XLI; LAY. l. l. p. 621.

p. 6 not. Posteaquam illa commentarii pars iamiam subiit prelum, prodiit HENGSTENBERGH comm. in Cant., in quo (p. 92) idonea vv. Prov. XXXI, 1 proponitur explicatio.

p. 28, l. 17, adde: cfr. Mich. VII, 2 יצִוְרֵן חֶרֶם, coll. HIRZGH comm. a. h. l.

p. 14, sub fin. l. 2. lege: BACO ait.

p. 23, l. 7. l. יִרְדֵּה.

p. 25, l. 12. l. sic.

p. 27, l. 18. l. septuaginta.

p. 52, l. 16. l. accurate.

p. 56, l. 5. l. evacuarunt.

p. 61, l. 3. l. Proprius. l. 25, Scytharum.

p. 94, l. 10. l. Tiglath Pileasare.

p. 97, l. 17. l. שִׁדְרָה.

p. 100, l. 5. 7. l. Assarhaddonem.

p. 110, l. 2, s. fin., a. v. כִּכְרִים. Ficus praecoces summo loco habebantur, cfr. Ierem. XXIV, 2; atque adeo similitudo praeclare amplificatur, cum ita fere audiat: munimenta tua omnia instar cupediarum cadent in ora desiderantium, quibus nihil negotii est, quam ut labiis eas capiant.

p. 116, l. 19 ad l. Zeph. II, 14: cedrorum reliquias, quibus tecta fuerant ornata, permultas iam inter monumenta inventas esse, et vel commemorari, quod a Libano monte petita essent, docet Lav. l. l. p. 365. 367. 644. 651.

p. 129. Immanis crudelitatis, qua Assyrii in captivos animadvertebant, atrocissima exempla exhibet Lav. l. l. p. 456. 458 all.


INDEX.

- Aegyptii et Assyrii XLVII. LIV.
 " et Israelitae LIV.
 Aegyptus LXIII. 106.
 Aethiopes 100. 105.
 Alkosch IX. XII.
 Assarac XXII. 42.
 Assarhaddon LXII. 100. 133.
 Assyria XLVII.
 Assyrii in monum. Aeg. expressi
 XLVII. 100.
 Assyriorum
 arbor sacra XXIII. 131.
 asportandi consuetudo 108.
 castra LX.
 clypei 57.
 commercia 119.
 computationes 33.
 crispi 67.
 currus 59.
 diademata ducum 122.
 Dii XXII. 131.
 divinatio XXV.
 dynastiae XL. LVI.
 ignis cultus XXV.
 indoles LI.
 lateres 115.
 mallei 50.
 monum. usus XXXIX.
 natura LIV.
 palatia 72. 78.
 regum sepulcra XXXVIII.
 scuta 57.
 sermo XXXIV.
 solum reg. 116.
 V symbola sacra 42.
 templa 41.
 Teraphim XXV.
 testudines 66.
 vasa 78.
 vestes 78. 120.
 Astarte XXIII. 42.
 אשרה XXIV. 131.
 Begabar VI.
 Bethabara VI. XIII.
 Capernaum VIII.
 Captivi 108.
 Cherubini LII.
 Coelorum exercitus XXIV.
 Ctesias LXXVI.
 Cyprus LVII.
 Divanubara XLVIII. 132.
 Elcesaitae VI.
 Elkosch V.
 Hiskias XXI. LVIII. 133.
 Iehu XLVIII.
 Inscriptionum Ass. interpretatio
 XXXIII ss. 131.
 Itinera magna 119.
 Kalach XLIII.
 Khorsabad XXXVII. XLIII.
 Koyundjuk XLIII.
 Lachisch XLIII. LIX. 133.
 Larissa XLIII.
 Manasse XXI. XXVI. XXVIII.
 XXIX.
 Medorum defectio LX.
 Menachem LV.
 Merodach Baladan LX.
 מצבה XXIV.
 Nabonassar XXXVI.
 Nabopolassar LXXV.
 Nahar-el-Kelb LVII. 133.
 Nebbi Yunus IX. XLIII.
 Nimrod LII. LV.

- Nimrud XLIII.
 Nimrud (prope Tarsum) LVII.
 Ninoc (As. min.) LVII.
 Ninus s. Ninive 132.
 ambitus XLIV.
 condita XLVI.
 eversa quando LXXIV.
 " quomodo 32. 116.
 opportunitas 119.
 portae 69.
 situs XLII.
 Nisroch XXXIII. 43.
 Obeliscus Nimr. LXVIII.
 Phulus LV.
 πρὸς αγγέλους XXVI.
 קרש ישראל 85.
 Rabsake LVI. LX.
 Rabsaris LVI. LX.
 Rechoboth Ir XLIV.
 Resen XLIII.
 Salman LVII.
 Salmanassar LVI. 99. 132.
 Sanherib LVII. LX. 99. 133.
 Saracens 110.
 Sardanapalus LXXIV.
 Sargon LVI. 99. 132.
 Scriptio cuneata XXXIII.
 " Assyrium genus XXXIV.
 " Medicum " XXXIV.
 " Persicum " XXXIV.
 " cursiva XXXVI.
 Tartan LVI. LX.
 Thebae 98. 102.
 Tiglath Pileser LVI. 132.
 Tirrhaka LIX. 100.
 Troiani XLVIII.
 Ussia XLIX.
 Xenophon XLII.

 Genes. II, 14 XLVI.
 X, 12 XLIV.
 X, 21 XLI.
 Exod. XX, 5 ss. 12.
 XXXIV, 6 ss. 12.
 2 Sam. XIII, 19 108.
 1 Reg. X, 16. 17 57.
 XIV, 25 57.
 2 Reg. XVIII, 13 ss. LVIII.
 XIX, 37 XXIII.
 Ies. XV, 1 6.
 XX, 4—6 LIX.
 XXXVI, 1 ss. LVIII.
 XXXVII, 33 57.
 XXXVII, 38 XXIII.
 Ierem. II, 57 108.
 XXX, 11 12.
 XLVI, 28 12.
 Ezech. XXVII, 23. 24 120.
 Hos. V, 13. X, 6 LIII.
 X, 14 LVII.
 Ioel II, 6 80.
 II, 7—9 LI.
 Ion. III, 3 XLIV.
 III, 5 ss. XLIX.
 Mich. V, 4 LV.
 IV, 9 LXVII.
 Sach. XII, 1 4.
 1 Parall. XV, 27 4.
 2 Parall. XXIII, 11 XXVI.
 XXXII, 1 ss. LVIII.
 Prov. XXX, 1. XXXI, 1 6. 133.







...the ...
...the ...
...the ...

...the ...
...the ...
...the ...

...the ...
...the ...
...the ...

...the ...
...the ...
...the ...



